



BIBL. NAZ.

Vitt. Emanuele III

166

C

13

NAPOLI

VIA LACTEA

S I V E

INSTITUTIONES
JURIS CANONICI.

VIA LACTEA

S I V E

INSTITUTIONES

JURIS CANONICI

PER QUAM, & QUAS

Suavi, ac brevi Itinere, Studiosi Juvenes ad intelligentiam
Sacrorum Canonum, & Lectores omnes conducuntur,

Ad normam illarum, quas celeberrimus *Jurifconsultus*
JO: PAULUS LANCELLOTUS *Perusinus,*
centum, & quinquaginta ab hinc Annis composuit;

N U N C

A JOANNE CLERICATO J. U. D.

*Præposito Patavino; olim in Curia Episcopali Patavina, primùm
Promotore Fiscali, dein Auditore, demùm Vicario Generali;
faciliori, ac magis compendiosa methodo digestæ;*

*Plurimisque Pontificiis Constitutionibus, atque Canonistarum, &
Theologorum doctrinis auctæ, & ornate.*

*Episcopis, Prælatiis, Canonicis, Parochis, Confessariis, Judicibus,
Advocatis, & Studiosis omnibus utiles valdè, ac fructuosæ.*



VENETIIS, MDCCXXVII.

Apud Andream Poleti.

SUPERIORUM PERMISSU, ac PRIVILEGIO.



Illustrissimo, ac Reverendissimo D. D.
ANTONIO MARIAE BORROMÆO
COMITI PATAVINO
EPISCOPO JUSTINOPOLITANO

Joannes Clericatus Præpositus F. P.



Il mirum, si hæc Juris Canonici INSTITUTIONES
ad Solum Episcopale Illustrissimæ, ac Reverendissimæ Dominationis Vestræ, tanquàm ad locum refugii, & potentis Protectionis asylum, recurrant; cùm scriptum sit, ^a Omnia Flumina intrant ^{a Eccl. 1.7.} in Mare: & ad locum, undè exierunt, Flumina revertuntur: siquidem præcipuam causam

sam obsequiosi hujus recursus influit profunda intelligentia ; quam (præter alias Philosophicas , ac Theologicas Scientias) Sacrorum Canonum Illustrissima , & Reverendissima Dominatio Vestra , tanquam Mare , in se continet ; cujus signum sufficiens est doctissimus ejus Liber , De Electione Vocalis , inter Clericos Regulares Comitibus Generalibus interfuturi , Romæ Anno 1712. Typis impressus ; in quo abstrusam , & perdifficilem Electionis Canonice materiam , eleganti , ac facili stylo , ad normam Sacrorum Canonum , declarat . Sed ejusdem Juris Canonici copiosæ intelligentiæ amplissimum Testimonium reddidit Sanctissimus Pontifex CLEMENS XI. feliciter regnans ; qui eam agnovit in pluribus consultationibus , de Ecclesiastico Regimine , cum Illustrissima , ac Reverendissima Dominatione Vestra habitis ; eamque remuneratam voluit per promotionem ad Nobilissimam Cathedram Justinopolitanæ Ecclesiæ ; quam , etsi recusatam ex humilitate Promoti , præcepit acceptari . Porro & aliis de causis Illustrissimæ , ac Reverendissimæ Dominationi Vestræ offerendas censui has Juris Canonici INSTITUTIONES ; inter quas trium ejus Nobilium Germanorum Fratrum , & Comitum BORROMÆORUM amor , ac benevolentia , qui omnes Juris Utriusque Laurea ornati , & huic insigni Juristarum Collegio Patavino adscripti , Astra sunt luminosa , à quorum

rum consanguinitate , & auctoritate Libellus iste
majora consequetur præsidia . Accedit deinde singu-
laris illa benignitas , qua Illustrissima , ac Reveren-
dissima Dominatio Vestra alios meos litterarios la-
bores commendavit ; ex qua sperare licet , has quo-
que INSTITUTIONES ab egregia ejus Human-
itate commendationem obtenturas . Tandem defe-
renda erat hæc , quamvis minima , oblatio ad excel-
sam Sedem Justinopolitani Antistitis , ut ex ejus
fulgoribus omnes de suo Clero , & Alumni sui Se-
minarii ad earum lectionem , & studium accende-
rentur ; ut magis , ac magis habiles fierent ad re-
gimina Animarum ; circa quæ tota versatur atten-
tio Illustrissimæ , ac Reverendissimæ Dominationis
Vestræ ; cui obsequium , & reverentiam meam con-
firmans , felicissimam , ac perennem Annorum se-
riem à DEO enixè deprecor .

Patavii Idibus Septembris 1713.

PRÆ-

PRÆFATIO

Studioſis Juvenibus, ac benignis LECTORIBUS.



Vtrum VIA LACTEA ſit in Firmamento? nemo, etſi idiota, ignorare præſumitur, tum quia de ea Aſtronomi, & Philoſophi antiqui, & moderni copioſè ſcribunt; tum quia propriis oculis, dum nox ſerenat, ipſam omnes conſpiciunt; & eſt circulus ille magnus, & latus, adinſtar Fæſciæ coruſcans, qui per tranſverſum Cælum diſcurrit, comprehenditque intra ſe, in plaga Boreali, conſtellationes Caſſiopeæ, Cygni, Aquilæ volantis, Perſei, Andromedæ, & partem Ophiuci, ac Geminorum: In Auſtrali verò Scorpionem, & Sagittarium, Centaurum, Argonavim, ac Aram; prout etiam conſpicitur in Mappis. Et quoniam ipſa Fæſcia tota nitida eſt, & ejus albedo ſparſi lactis præſertit ſpeciem; ex hac Nomen VIÆ LACTEÆ ſumpſit; & apud Græcos nuncupatur GALLAXIA, quod vocabulum Orbem Lactæum ſignificat; ut eam appellavit etiam Cice-
ro in ſomnio Scipionis.

Tota difficultas eſt cognoscere, quid verè ſit? Siquidem (omif- ſis Poetarum fabulis de Pheronte, ac Lactæ Junonis, de quibus Calvus in *Proprinom. Hiſt. Verb. Gallaxia*) variæ ſunt Philoſopho- rum opiniones; & eorum Princeps Ariſtoteles opinatus eſt, illam eſſe aggregationem exhalationum accenſarum, in ſuprema Ae- ris parte conſiſtentium; quæ tamen opinio ab omnibus explodi- tur; quippe ſi vera eſſet, aut tandem conſumptæ forent; aut non ſemper à quacunque Orbis terræ parte conſpicerentur, & firmam diſtantiã à Polis, & ab Æquatore non ſervarent; ut fuſè diſ- ſerit doctiſſimus Maſtrius in *Tract. de Cælo, & Meteor. diſp. 2. mm. 79. & ſeqq.* Quapropter noſtro ævo, communi omnium aſſertione, receptum eſt, VIAM LACTEAM eſſe congeriem infinitarum propemodùm Stellarum, ſimul collucentium, quæ veluti maſ- ſa quædam candicantis cujuſdam materiæ, ſe ſe oculis noſtris præbent; pulchritudinem Cæli demonſtrant, & itinerantibus in- dicant viam.

Ex his omnibus, (Studioſi Juvenes, ac benigni Lectores) de- ducere licet quinque myſticas cauſas, ob quas hæc INSTITU-
TIO.

**

TIO.

TIONES Juris Canonici cœlesti illi Gallaxiæ assimilentur; & VIA LACTEA sint vocatæ.

Prima, & principalis est *Efficiens*; Omnipotentia, scilicet, Altissimi Creatoris DEI; quia sicut ab ipsa Stellulæ illæ, quæ VIAM LACTEAM conficiunt, processerunt, quando Cœlos creavit, teste Regio Psalte dicente: *Quoniam videbo Cœlos tuos, opera digitorum tuorum, Lunam, & Stellam, quæ tu fundasti*. Sic omnia Juris Canonici Decreta à Divina procedunt potestate, per concessionem Clavium Regni Cœlorum factam Petro Christi Vicario, & Pontificibus Romanis ejus Successoribus: iisdem enim data est facultas ligandi, atque solvendi in utroque Foro; & in quacunque materia concernente Animarum salutem; ad quam consequendam Canones, & Constitutiones Canonice promulgantur. *cap. Sunt quidam. 25. quest. 1. cap. Translatio. De Constitut. Extravag. Ad Comditorem. de Verb. Signific.*

Secunda Causa est *Materialis*, quæ consistit in numerositate eorundem Canonum, & Canonicarum Constitutionum. Sicut enim numerus Stellarum, quæ VIAM LACTEAM conficiunt, innumerabilis est; ita Juris Canonici Decreta, & Constitutiones non videntur posse numerari, ob illarum cumulum existentium tum in prima, & secunda Parte Decreti; tum in Libris quinque Decretalium, in Sexto, in Clementinis, & in Extravagantibus; tum etiam in Tomis Septem Bullarii Romani: Et nihilominus hæc omnes collectæ sunt in INSTITUTIONIBUS istis; in quibus tanquam in Fascia VIÆ LACTEÆ, & doctrinaliter quod ad materias, & compendiosè quod ad Præcepta continentur.

Tertia Causa, quæ *Formalis* est, sumitur à claritate, nitore, & albedine GALLAXIÆ; ad cujus imitationem præsentēs INSTITUTIONES non obscuræ, non difficiles, non abstrusæ, sed claræ in stylo, lucidæ in explicatione, & perspicuæ in doctrina reperiuntur: itaut de eis in veritate, & absque jactantia verificetur, quod de Nivis candore Salomon scripsit: *Pulchritudinem candoris ejus admirabitur oculus*. *Ecc. 43. 20.*

Quarta Causa est *Instrumentalis*; videlicet insipientia mea in his INSTITUTIONIBUS conscribendis; quæ tamen correlativa est ad illam VIÆ LACTEÆ; scilicet ad Divinam Clementiam, quæ, ut testatur Ecclesia, *infirma Mundi eligit, ut fortia quæque confundat*. Cum sinceritate cordis fateor, me nihil scire; itaut in veritate dicam coram Deo, *Deus tu scis insipientiam meam*; & coram hominibus id, quod dicebat de se egregius ille Scriba, & Doctor: *Ego autem inspiens*. A bonitate Divina processerunt benedictiones, quas consequutæ sunt Decisiones meæ de Sacramentis, ac Miscellanæ, Erotemata, ac Discordiæ Forenses; necnon Sacræ Geneleos explicatio; ex quibus omnibus tam Ecclesiastici, quam Laici profitentur magnam hausisse utilitatem; & de quibus Divinæ Cle-

men-

mentia humilimas ego gratias ago; hoc ipsum sperans de his Juris Canonici INSTITUTIONIBUS dicturus jugiter, *Benedicam* *Psalms.*
15. 7.
Domino, qui dedit mihi intellectum.

Quinta tandem Causa est *Finalis*, ob quam *VIAE LACTEÆ* assimilantur præsentis Juris Canonici INSTITUTIONES, nempe utilitas illorum, qui earum studio vacabunt. Scribit Joannes à Sancto Geminiano in *Tract. de Exempla. & similitud. libr. 1. cap. 34. Vers. Tertia gratia*; quod GALLAXIA propter suam claritatem, & splendorem dirigit Navigantes, & itinerantes de nocte; & in ore omnium, tanquam proverbium est, quod *VIA LACTEA* est *VIA ROMÆ*. Sicut ergo ex attenta inspectione *VIAE LACTEÆ* navigantes per Oceanum securi perveniunt ad Portum, & qui iter agunt per terram læti intrant Almam Urbem, & Capitollum ascendunt; ita Studiosi INSTITUTIONUM harum ad Portum Laureæ Doctoralis certo, ac suavi itinere perveniunt; atque Dignitates, Prælaturas, Canonatus, & Beneficia, quæ eruditis in Jure Canonico jugiter dispensantur, feliciter obtinebunt; quandoquidem Ecclesia indiget Viris Litteratis pro bono Animarum regimine. *cap. Super specula. Ne Clerici. vel Mon. cap. Cum ex eo. ubi DD. de Elect. in 6. & præcipue habentibus perfectam Sacrorum Canonum cognitionem. cap. de Persona. II. q. 1. cap. Nulli Sacerdotum. dist. 38. Canonos enim sunt medulla Legum, & Theologiae Moralis fundamentum; nec apti sunt regere Ecclesias, populosque eis subiectos in spiritualibus instruere, qui Sacros Canones ignorant, ut inquit Baldus in cap. Cum causam. col. 2. de Probat.*

Igitur Studiosi Juvenes, ac alii Nobiles Viri ad Ecclesiasticas Prælaturas aspirantes, læto animo his INSTITUTIONIBUS dignentur incumbere; per eas, tanquam per *VIAM LACTEAM*, celeriter, ac faciliè ad intelligentiam Sacrorum Canonum perventuri; & ex illa amplissimas utilitates consequuturi, quas iisdem sincero corde auguror, spondeo, atque polliceor. Valete.

NOI REFORMATORI

Dello Studio di Padova.

HAvendo veduto per la fede di revisione, & approbatione del P. F. Tomaso Maria Gennari Inquisitore nel Libro intitolato: *Via Lactea, sive Institutiones Juris Canonici*, *Auctore Joanne Clericato*, non v'esser cosa alcuna contro la Santa Fede Cattolica; & parimente per Attestato del Segretario Nostro, niente contro Principi, e buoni costumi, concedemo Licenza ad Andrea Poletti Stampatore, che possi esser stampato, osservando gl'ordini in materia di Stampe, e presentando le solite copie alle pubbliche Librarie di Venezia, & di Padova.

Dat. 18. Settembre 1713.

¶ Girolamo Venier Kav. Proc. Reform.
¶ Francesco Loredan Kav. Proc. Reform.
¶

Agostino Gadaldini Segret.

IN-

INDEX TITULORUM

LIBRI PRIMI.

Tit. I.	D E Jure Canonico.	pag. 1
Tit. II.	De Jure Divino, Consuetudine, & Constitutionibus.	3
Tit. III.	De Ecclesiasticis Constitutionibus.	6
Tit. IV.	De Jure Personarum.	10
Tit. V.	De Episcopis, & Summo Pontifice.	11
Tit. VI.	De Electione.	12
Tit. VII.	De iis, qui eligere, eligere possunt.	15
Tit. VIII.	De Postulatione Prælatorum.	16
Tit. IX.	De Confirmatione.	17
Tit. X.	De Consecratione.	18
Tit. XI.	De Receptione, & Auctoritate Palii.	20
Tit. XII.	De Vita, & Honestate Prælatorum.	21
Tit. XIII.	De officio Archidiaconi.	22
Tit. XIV.	De officio Archipresbyteri.	23
Tit. XV.	De officio Vicarii.	24
Tit. XVI.	De Coadjutore.	25
Tit. XVII.	De Corepiscoporum usu sublato.	26
Tit. XVIII.	De Translatione.	27
Tit. XIX.	De Renunciatione.	27
Tit. XX.	De Depositione, seu Degradatione.	29
Tit. XXI.	De Sacerdotibus in inferiori gradu constitutis.	31
Tit. XXII.	De iis, qui sunt in Sacris constituti.	32
Tit. XXIII.	De iis, qui sunt in minoribus Ordinibus constituti.	33
Tit. XXIV.	De his, quæ sunt communia tam majorum, quam minorum Ordinum.	33
Tit. XXV.	De iis, qui promoveri non possunt.	35
Tit. XXVI.	De Præbendis, & aliis Beneficiis.	38
Tit. XXVII.	De Collationibus.	39
Tit. XXVIII.	De Institutionibus, & Jurepatronatus.	44
Tit. XXIX.	De Clericis non residentibus.	47
Tit. XXX.	De Regularibus, ac Monachis.	48

INDEX TITULORUM LIBRI SECUNDI.

Tit. I.	D E Rerum divisione.	pag. 51
Tit. II.	De Sacramentis.	52
Tit. III.	De Baptismo, & ejus effectu.	53
Tit. IV.	De Sacramento Chrismatis.	56
Tit. V.	De Pœnitentiis, & Remissionibus.	57
Tit. VI.	De Eucharistia.	59
Tit. VII.	De Extrema Unctione.	61
Tit. VIII.	De Sacramento Ordinis.	62
Tit. IX.	De Sacramento Matrimonii.	63
Tit. X.	De Sponsalibus.	63
Tit. XI.	De Nuptiis.	66
Tit. XII.	De his, quæ Matrimonium impediunt.	67
Tit. XIII.	De Triplici Cognatione.	70
Tit. XIV.	De Claudeflina Desponsatione.	72
Tit. XV.	De his, qui Matrimonium accusare possunt, vel contra illud testificari.	73
Tit. XVI.	De Divortii.	75
Tit. XVII.	De Rebus Sanctis, Sacris, & Religiosis.	80
Tit. XVIII.	De Construendis, consecrandis, & reparandis Ecclesiis, & Altaribus.	80
Tit. XIX.	De Unionibus Ecclesiarum.	84
Tit. XX.	De Immunitate Ecclesiarum, & Subjectione.	86
Tit. XXI.	De Censibus, Exactionibus, & Procurationibus.	89
Tit. XXII.	De Capellis Monachorum.	91
Tit. XXIII.	De Religiosis Domibus.	92
Tit. XXIV.	De Sepulturis.	93
Tit. XXV.	De Canonica Portione.	95
Tit. XXVI.	De Decimis.	97
Tit. XXVII.	De Rebus Ecclesiæ alienandis, vel non.	101
Tit. XXVIII.	De Peculio Clericorum, relictis, & Successionibus eorum.	102

INDEX TITULORUM

LIBRI TERTII.

Tit. I.	D e Judiciis, & illorum divisione.	pag. 105
Tit. II.	De Procuratoribus.	113
Tit. III.	De Pactis, & Transactionibus.	117
Tit. IV.	De Arbitris.	119
Tit. V.	De In jus vocando.	121
Tit. VI.	De Dolo, & contumacia, & in possessionem mis- sione.	125
Tit. VII.	De Libelli conceptione, & oblatione.	127
Tit. VIII.	De Exceptionibus, & Replicationibus.	129
Tit. IX.	De Mutuis petitionibus.	136
Tit. X.	De Restitutione Spoliatorum.	137
Tit. XI.	De Litis contestatione.	140
Tit. XII.	De Juramento calumnie.	142
Tit. XIII.	Ut Lite pendente nihil innovetur.	144
Tit. XIV.	De Probationibus.	144
Tit. XV.	De Sententiis, & Re judicata.	151
Tit. XVI.	De Executione rei judicatae.	154
Tit. XVII.	De Appellationibus.	155
Tit. XVIII.	De Restitutione in integrum.	158

INDEX TITULORUM

LIBRI QUARTI.

Tit. I.	D E Accusationibus, Denunciationibus, & Inquisitionibus.	pag. 161
Tit. II.	De Duplici Purgatione.	164
Tit. III.	De Simonia.	166
Tit. IV.	De Hereticis, Schismaticis, & Apostatis.	167
Tit. V.	De Sortilegis, Maledicis, & Sacrilegis.	170
Tit. VI.	De Furtis.	171
Tit. VII.	De Usuris.	173
Tit. VIII.	De Adulteriis, & aliis conjunctionibus illicitis.	175
Tit. IX.	De Crimine Falsi.	180
Tit. X.	De Homicidio.	182
Tit. XI.	De Injuriis, & damno dato.	186
Tit. XII.	De Ecclesiasticis Censuris.	190
Tit. XIII.	De Sententia Excommunicationis.	194
Tit. XIV.	De Excommunicatione contra pugnantes in Duello.	198
Tit. XV.	De Excommunicatione contra violantes Clausuram Monialium, & Regularium.	200
Tit. XVI.	De Ecclesiastico Interdicto.	204
Tit. XVII.	De Suspensione à Divinis.	207
Tit. XVIII.	De Irregularitate.	210

VIA LACTEA

SIVE

INSTITUTIONES

JURIS CANONICI.

LIBER PRIMUS.

TIT. I.

De Jure Canonico.

IN quacunque scientia, ad ejus cognitionem acquirendam, principia ipsius oportet investigare: sic accedentibus ad studium Juris Canonici convenit scire ejusdem Juris principia. Quapropter in primis breviter explicandum est

1. *Quid sit Jus Canonicum?*

2. *Quis Juris Canonici fuerit primus Auctor?*

3. *Quando initium habuerit Jus Canonicum?*

4. *Cujus ejus sit finis?*

5. *Ex quibus Præceptis emanaverit?*

Quò ad Primum. Sciendum est Jus Canonicum; prout etiam lex Canonica plures habere etymologias; nam dicitur *Jus* à *Jubendo*; quia jubet; & præcipit, quæ sunt facienda; vel quæ veniunt evitanda. Item vocatur *Jus* à *justitia*; nam mandat, & ordinat fieri,

quæ iusta, & recta sunt; atque prohibet, quæ injusta, & iniqua censentur: & ideo dicitur *Canonicum* à verbo Græco *Canon*, quod significat latine *Rectum*, & *Regulam*. Pari modo appellatur *Lex Canonica*, quia, ut docet S. Thom. 1. 2. qu. 90. art. 1. Lex dicitur vel à *ligando*, quia obligat, & ligat homines ad ejus observantiam: vel juxta M. Tullium 1. de *Legib.* à *legendo*, & *deligendo*; quia prævia multa lectione est componenda; vel secundum D. Hieron. lib. 2. *Etyim. cap. 10.* debet dari in scriptis, ut à subditis, qui eam servare debent, legatur; & tanquam recta Regula pro bene operando, eorundem oculis inspicienda detur. His stantibus definitur Jus Canonicum, ut sit Regula recta, quæ Christianorum actiones ad finem eterne beatitudinis dirigit; ex Scripturis Sacris, Summorum Pontificum Decretis, & Sanctorum Patrum scriptis deducta. Dicitur Christianorum actiones, quia Jus Canonicum principaliter institutum est pro populi Christiani bono regimine; non

A autem

aurem Paganorum, vel Infidelium. Dicitur *ad finem æternæ beatitudinis*, quia, (ut infra declarabimus) talis est scopus, & intentio hujus Juris. Dicitur *ex Scripturis Sacris*, &c. nam ex earum lectione, studio, & observatione, nec non ex Constitutionibus Papalibus, ac Sanctorum Patrum documentis formatum est.

Quò ad Secundum. Respondet Aloysius Riccius *in addit. ad Institut. Canon. Lancellotti lib. 1. tit. 1. §. Constat, in fin.* quòd Christus Dominus Redemptor Noster fuit primus Auctor, & Institutor Juris Canonici; siquidem ipse dedit auctoritatem Petro condendi leges Canonicas, dum ei commisit regimen totius Ecclesiæ, quando dixit: *Petre pasc oves meas.* Jo: 21. idest gubernare, rege, & curam habere animarum, quæ per Baptismum ingredientur in Ecclesiam meam: non enim populus fidelis bene regi, pasci, & gubernari potest absque Legibus, quæ à Summis Pontificibus, (quorum primus fuit Petrus) nec non ab aliis Episcopis, qui Successores sunt Apostolorum, promulgantur; & hæc leges efficiunt Jus Canonicum. Hinc etiam Christus Dominus præcipit omnibus fidelibus Ecclesiam suam ingressuris, ut obediant Juri Canonico; idest Legibus, quæ per Pontifices, ac Episcopos ipsis observandæ proponuntur; alias à gremio Ecclesiæ excludantur, ut habetur in illis verbis *Matth. 10. Si Ecclesiam non audierit, sit tibi sicut Ethnicus, & Publicanus.*

Quò ad Tertium. Jus Canonicum principium habuit in initio Ecclesiæ; primò, quando ab A-

postolis electus fuit Sanctus Matthias ad Apostolatam. *Act. 1.* Electio enim Prælatorum est de Jure Canonico, *cap. 1. & tot. tit. de Elect.* Secundò, quando prædicantibus Apostolis Fidem Christianam in Jerusalem, ut habetur *Act. 6.* factum est murmur Grecorum adversus Hebræos, eò quòd despicerentur in ministerio quotidiano Viduarum; videlicet in distributione elemosynarum, quæ quotidie fiebant pro alimentis converforum ad fidem: Ideò Sancti Apostoli ad servandam mutuum in baptizatis charitatem, congregantes se, & adhibito seniorum discipulorum consilio, fecerunt decretum eligendi, prout statim elegerunt septem Diaconos; quibus inter cætera officia dederunt onus præsidendi Mensis, & ministerium distribuendi elemosynas pauperibus. In hoc igitur Apostolorum concilio initium habuit Jus Canonicum ex decreto ab ipsidem Apostolis facto circa Diaconorum ministeria, officia, ac functiones; tùm in cura pauperum gerenda quò ad elemosynas; tùm in Sacrosancta Eucharistia ministranda; & hoc Concilium juxta modernum Episcopum Nucerin. in sua doctissima Historia Conciliorum, fuit Anno Domini 34. Successivè postea Anno 51. alia Decreta Juris Canonici emanarunt ab Apostolis circa Circumcisionem, & alias Moysaycas ceremonias non observandas, prout habetur *Act. 15.* ubi ira Apostoli omnibus fidelibus rescripserunt, ac mandarunt, ut tantummodò abstinerent ab immolatis simulacrorum, & sanguine, & suffocato, & fornicatione.

Quò

Quò ad Quartum . Finis Juris Canonici est dirigere hominem ad consequendam beatitudinem æternam in Cœlis, ad differentiam Juris Civilis, cujus finis est conducere populum ad temporalem felicitatem. Homo enim in duplici Politia consideratur ; Una civili ad pacificè convivendum ; Altera spiritali ad sanctè vivendum ; & ideo indiget duplici directione pro utroque fine obtinendo. Sicut igitur Jus Civile intendit conducere homines ad felicitatem præsentis vitæ ; sic Jus Canonicum illos dirigit ad felicitatem supernaturalem, quæ est Vita æterna ; ut ex mente S. Thomæ, & Scoti differit doctissimus Maffrius in *Theol. Moral. disp. 2. de Legib. num. 83.*

Quò ad Ultimum . Respondetur Jus Canonicum formatum esse, ac emanasse ex Præceptis Juris Divini, Consuetudine, & Ecclesiasticis Constitutionibus, de quibus in sequenti titulo est despicendum.

T I T. II.

De Jure Divino, Consuetudine,
& Constitutionibus.

Cum itaque Jus Canonicum emanaverit ex Jure Divino, ex Consuetudine, & ex Ecclesiasticis Constitutionibus, in primis, & ante omnia convenit scire :

- 1 Quid sit Jus Divinum?
- 2 Quotuplex sit?
- 3 Quid, & quotuplex sit Consuetudo?
- 4 Quot requirantur, ut sit valida?

5 Quid sit, & quotuplex Constitutio?

Quò ad Primum . Jus Divinum dupliciter sumi potest ; *large, & strictè*. Largo modo si sumatur, est ipsa Mens Divina, quæ cum ab æterno præordinaverit creationem mundi in tempore faciendam ; tunc etiam tanquam supremum principium tum rerum omnium, ac hominum futurorum, præscripsit rationem gubernationis eorumdem juxta ejus infinitam sapientiam, ut legitur *Prov. 8.* & Prout advertit S. Thomas 1. 2. qu. 91. art. 1. subdens quòd hoc respectu Jus Divinum taliter acceptum vocatur *Lex æterna* ; & idem scribit Bonacina tom. 2. de *Legib. in genere disp. 1. q. 1. punct. 2. num. 2.* & Maffrius in *Theol. mor. disp. 2. num. 3.* ubi dat hanc definitionem, videlicet est *Regula, secundum quam vel ad bene agendum dirigimur, vel à malè agendo retrahimur*. Jus verò Divinum *strictè*, & propriè sumptum est illud, quod Deus per seipsum ad homines tulit, & jisdem indicavit, ut ait Azor. tom. 1. *Instit. Moral. lib. 5. cap. 1. quæst. 5.* vel est illud, quod continetur in Scriptura Sacra, & in Evangelio, & est immutabile, ut scribit Lancellot. in hoc tit. 2. §. 1. Hinc notant tam Theologi, quam Canonistæ neminem posse dispensare contra præcepta Juris Divini, ut habetur in cap. *Sicut quedam, dist. 14. in cap. Sunt quedam, in cap. Contra Statuta, & in cap. Omne. 25. qu. 1.* Et ratio est, quia nemo potest dispensare contra legem Superioris : Deus autem est Superior omnium hominum, qui Deo tanquam Supremo

superiori suo parere debent. Admittunt tamen Doctores, posse aliquando Summum Pontificem interpretari in casu dubio non esse obligationem parendi Legi Divinæ; vel materiam non esse obligatoriam, ob aliquam gravem causam, ut quando dispensat ab observantia Voti, ut dicitur Maltorius d. disp. 2. de Legib. num. 78.

Quò ad Secundum. Jus Divinum duplex est, *Vetus*, & *Novum*. Jus Divinum verus est illud, quod traditum fuit à Deo hominibus per Moysen; & dicebatur *Lex Moysæ*, quæ habetur in libris Exodus, Levitici, & Numerorum. Jus Divinum *Novum* est illud, quod à Christo Domino insinatum est Ecclesiæ, & continetur in Evangelio. Legis Divinæ veteris Præcepta erant triplex, nempe *Moralia*, *Ceremonialia*, & *Judicialia*. Prima continebantur in Decalogo, quod legitur Exodus, 20. & erant decem; quæ his verbis sunt descripta:

Idola sperne: Dei tibi non sis Nomen inane:

Sabbata sanctifices: Habeas in honore Parentes:

Non occisor eris: Mæchus. Fur: Testis iniquus:

Non alii Nuptiam: Non rem cupies alienam.

Præcepta Cærimonialia erant illa, quæ Populo Hebræo ad Deum ritè colendum, per Sacrificia, aliisque ritus Sacros, & Cærimonias ab ipso Deo præscripta erant; & quædam plurima, quæ leguntur Exodus, 23. à num. 14. & seqq. & in toto Libro Levitici; qui talis dicebatur, nempe *Sacerdotalis*, aut *Sacrificatorius*; in eo enim conti-

nentur omnia Præcepta Divina Cærimonialia, quibus Israelitis populus Deo, & Dei cultui allelus erat circa oblationes, & Sacrificia. Præcepta autem Judicialia erant plurima pariter & ipsa; ac habentur in tribus Capitulis Exodus 21. 22. & 23. & fuerunt à Deo præscripta ad populum Hebræum iustè, & pacificè gubernandum; atque ad lites inter eosdem Hebræos dirimendas. Ex prædictis omnibus Præceptis Moralia tantum nunc vigent, & remanent observanda; etenim Cærimonialia, & Judicialia omnia extincta sunt per legem Evangelicam, illa enim omnia erant figura, & umbra mortis Christi, per quam novum testamentum veniebat inducendum, & Jus majoris perfectionis ad beatitudinem æternam obtinendam noviter promulgandum. Quando autem præcisè, & in quo puncto Præcepta Divina Cærimonialia, & Judicialia cessaverint? Variæ sunt DD. opiniones; quarum communior est, cessationem contigisse statim post Festum Pentecostes, dum Apostoli post acceptum Spiritum Sanctum novam legem Evangelicam promulgare cœperunt, ut probat Maltorius d. disp. 2. de Legib. à num. 63. & seqq.

Præcepta tandem Legis Evangelicæ sunt quadruplicia; alia enim sunt *Fidei*, alia *Spei*, alia *Charitatis*, & alia Sacramentorum. Azor. d. tom. 1. Instit. moral. lib. 5. cap. 1. qu. 5.

Quò ad Tertium. Cùm Jus Canonicum emanaverit non solum ex Præceptis Juris Divini, sed etiam ex Consuetudine; sciendum est, quòd Consuetudo est *Jus quoddam*

dam moribus institutum, quod pro Legge suscipitur, à modo Divino Juri, neque Canonici contradicant Constitutionibus. Ita Lancellot. hoc tit. §. 2. & 3. Duplex autem est Consuetudo scripta, & non scripta. Prima est, quando Decuriones Civitatis eam in scriptis redegerunt, & tales sunt Consuetudines Feudorum, cap. Consuetudo dist. 1. l. De quibus, ff. de Legib. Altera est, quæ caret scriptis; & hæc est propriè Consuetudo, quam tamen allegans probare debet. Abb. in cap. fin. de Consuetudine.

Quò ad Quartum. Quinque requiruntur ad inducendam Consuetudinem vim Legis habentem, & obligantem. Primò, ut sit rationabilis; nec bonis moribus adversetur; tunc enim non esset consuetudo, sed corruptela; & non obstante quocunque temporis cursu minimè observanda foret, cap. fin. de Consuetud. Secundò, quòd sit legitimo tempore observata; videlicet in rebus Civilibus per decem saltem annos; in Ecclesiasticis per quadraginta. Glossa in d. cap. fin. de Consuetud. Tertiò, quòd adsint actus frequentes, l. 1. c. Que sit longa Consuet. & idèò unicus actus non sufficit ad inducendam consuetudinem; etsi quando fuisset inducta sufficeret unicus actus contrariis ad eam abolendam. Bart. in l. De quibus, 32. ff. de Legib. Quartò, quòd inducatur animo obligandi; & in illis rebus, in quibus eam inducentes possunt seipsos obligare. Hinc si quid fiat ex sola liberalitate, non nascitur obligatio ita in posterum faciendi; nam in facultativis non inducitur consuetudo. Nicol. Instit. Civil. lib. 1. tit. 2. nu. 51.

Et si Clerici consentiant in actibus Ecclesiasticæ immunitati contrariis non valet eorum consuetudo. Nicol. ubi sup. n. 50. in fin. Et quintò requiritur, quòd ipsa consuetudo non sit à Principe prohibita, damnata, seu abrogata, tam de præterito, quàm de futuro; Nicol. ibid. num. 46. Hinc Consuetudines præjudiciales Ecclesiis, vel Personis, aut bonis Ecclesiasticis introduci non possunt; & quatenus fuissent introductæ sublineri non valent; quia Urbanus Papa VIII. Anno 1641. per Bullam diei 5. Junii. Incipien. Romanus Pontifex. Hujusmodi omnes Consuetudines cassavit, & annullavit; ac introduci vetuit, ut notat Fagnan. in cap. Consuetudines, num. 59. & 60. de Consuetud. tom. 1. Illud etiam est notandum, quòd sæpe Consuetudo à Doctoribus vocatur Præscriptio, quia hæc duo nomina sunt synonyma; & unum, ac idem significant. Verè tamen, ac propriè Consuetudo est illa, quæ observatur ab universitate populi; Præscriptio verò, quæ est in usu apud privatas; & singulares personas tantum; requirit autem & ipsa omnes illas quinque conditiones, & qualitates ad sui valorem, quas supra retulimus de Consuetudine. Adden. ad Rotam coram Ludovisio Decis. 191. num. 6. & Eminentiis. Card. de Luca de Jurisdic. discept. 24. num. 28. Tandem sciendam, quòd Doctori attestanti de Consuetudine non est credendum; sed est probanda per illum, qui se fundat in illa. Rota coram Coccino Decis. 123. num. 27. & 28. & coram Orthobono Decis. 149. n. 14. & 15. Nicol.

Nicol. d. lib. 1. Instit. Civil. tit. 2.
num. 53.

Quò ad Quintum. Constitutio est omnis Lex scripta, cap. Constitutio, dist. 2. & toto titulo extr. de Constitutionib. ac ita dicitur quasi communis Statutus, quia obligat omnes subditos illius, à quo ipsa fit, & promulgatur. Constitutionum autem aliæ sunt Civiles, aliæ Ecclesiasticæ. Et quidem Civiles sunt, quas Princeps, aut Magistratus laicus promulgat, vel quas Populi sibi metipsis observandas proponunt. Et hæc tanquam leges sunt observandæ, & reverenter suscipiendæ, dist. 10. per tot. dummodò non sint contra Evangelium, vel Decalogum, aut Jus naturale, Clem. Pastoralis, de Sent. & re Judic. Sed utrum obligent in conscientia? & sub pœna peccati mortalis? Non sunt concordantes DD. nam alii asserunt, & alii negant, ut in cap. 1. de Constit. S. Thomas 2. 2. qu. 86. art. 9. Novissimè Maffrius disp. 2. de Legib. numer. 127. & seqq.

Ecclesiasticæ verò Constitutiones sunt illæ, quæ repositæ habentur in corpore Juris Canonici; & sunt collectæ vel ex Conciliis Saceris, vel ex dictis Sanctorum Patrum, vel ex Decretis, seu Responsis Summorum Pontificum; si vè ex Synodis Provincialibus, aut Diœcesanis, vel ex Bullis Pontificiis, ac Decretis Eminentissimorum S. R. E. Cardinalium, in eorum Congregationibus emanatis, de quibus omnibus in sequenti titulo est differendum.

TIT. III.

De Ecclesiasticis Constitutionibus.

Quoniam Ecclesiasticæ Constitutiones sunt illæ, quæ habentur in Voluminibus Juris Canonici, ut dictum est supra; idcirco ad eas cognoscendas explicare oportet:

1. *Quæ, & quot sint Volumina Juris Canonici? & à quibus fuerint composita, & congesta?*
2. *Quenam sint Controversiæ, vel Materiæ, quæ discutiuntur in hisdem Voluminibus?*
3. *Cujus Auctoritatis sint Decreta, & Constitutiones in hisdem Voluminibus repositæ.*

Quò ad Primum. Volumina Juris Canonici sunt Novem. Primum est Decretum Gratiani, quod in quatuor Partes principales distinguitur: Prima continet distinctiones centum, & unam. Secunda causas triginta sex cum suis questionibus. Tertia, tractatum de Pœnitentia, in septem distinctiones divisum. Quarta agit de Consecratione tam rerum inanimatarum, quæ sunt Ecclesiæ; quam animatarum, qui sunt Homines, Dei servitio, ac cultui Divino per Ordines minores, ac Sacros, promoti. Gratianus fuit Monachus Benedictinus, patria Clusivus, qui floruit tempore Eugenii Tertii Pontificis, & Conradi Tertii Imperatoris Anno Domini 1145. Scripsit hoc Volumen Bononiæ in Monasterio Sancti Felicis, ut notat Emin. Card. Bellarminus de S. ri-

ptoribus Ecclesiasticis, verb. Gratia-
mus, Anno 1140. Secundum Volu-
men continet quinque libros De-
cretalium ex Pontificum respon-
sis, & Constitutionibus, nec non
ex Generalium Conciliorum, &
aliquorum Provincialium, atque
Dioecesanorum Decretis, per San-
ctum Raymundum de Pennaforti
Barcinonen. Ordinis Prædicato-
rum, iussu Gregorii Noni Anno
1230. compilatum, & confectum;
ut testatur ipsemet Gregorius No-
nus in Proemio ejusdem Volumi-
nis Decretalium. *Tertium* Volu-
men est Liber sextus Decreta-
lium, de mandato Bonifacii Pa-
pæ VIII. Anno 1294. à tribus do-
ctissimis Viris, ac Sacrorum Cano-
num Professoribus, Gulielmo Ar-
chiepiscopo Ebrudunen. Berenga-
rio Episcopo Biteren. ac Magistro
Richardo de Senis S. R. E. Vice-
cancellario, ex Epistolis Summo-
rum Pontificum compositum, in
quinque libros, ac Titulos septua-
ginta septem subdivisum; ut ex
Proemio ejusdem Voluminis, ac
Libri sexti deprehenditur. *Quar-
tum* Volumen continet Clementi-
nas, idest Constitutiones à Cle-
mente Papa Quinto, Anno 1205.
electo, in Concilio Viennensi pro-
mulgatas; quas, cum aliis ejusdem
Pontificis editis, Joannes Papa
XXII. ipsius Successor in unum
collectas, & in quinque libros, ac
quinguaingenta duos Titulos subdivi-
sas, Anno 1318. publicavit, pro-
ut in earundem Clementinarum
Proemio continetur. *Quintum* Vo-
lumen includit Extravagantes tum
ejusdem Joannis Papæ XXII. nempe
Constitutiones, quæ tum ab
ipso, post editas Clementinas,

tum ab aliis Pontificibus fuerunt
promulgatæ, ut legitur in earum
Proemiis. *Sextum* Volumen ap-
pellari possunt Bullaria continen-
tia Constitutiones Summorum Pon-
tificum, quæ non habentur in cor-
pore Juris; sed sunt collectæ à La-
ertio Cherubino Jurisconsulto Ro-
mano; & incipiunt à S. Leone Pa-
pa, & prosequuntur usque ad Ur-
banum VIII. quatuor Tomos ef-
formantes, quibus alii duo Tomi
adjecti sunt, qui continent ultimas
Constitutiones ejusdem Urbani
VIII., nec non Successorum Pon-
tificum usque ad Clementem XI.,
nunc feliciter regnantem. His To-
mis sex adjungi possunt alii duo
habentes Privilegia, & Constitu-
tiones Apostolicas, quæ à diversis
Summis Pontificibus emanarunt
ad favorem Illustrissimæ, ac Am-
plissimæ Congregationis Monacho-
rum Casinensium; & hi fuerunt
confecti à R. P. D. Cornelio Mar-
garino ejusdem Congregationis Ge-
nerali Archivista. *Septimum* Volu-
men Ecclesiasticarum Constitutio-
num appellari possunt Tomi quin-
que Conciliorum tam Generalium,
quàm Provincialium typis impres-
si Venetiis per Dominicum Nico-
linum Anno 1585. in quibus habentur
integri actus, Decreta, & Ses-
siones eorundem omnium Conci-
liorum; ac hi sunt illustrati à mo-
derno Episcopo Nucerin, qui nu-
perrimè scripsit eruditissimam Hi-
storiam Conciliorum, typis datam
Venetiis per Andream Poletum
Anno 1686. *Octavum* Volumen vo-
cari potest postremum Generale
Concilium Tridentinum, quo in
præsenti regitur universalis Eccle-
sia tum in articulis fidei, & Sacra-
men-

mentorū; tum circa regimen Populi Christiani quod ad Divinum cultum, & observantiam Legis Evangelicæ, Episcopis, Parochis, & aliis animarum Pastoribus incumbens. *Novum* tandem Volumen reputari possunt Libri Decretorum, seu Declarationum Eminentissimorum S. R. E. Cardinalium, quas pronunciant Romæ in Congregationibus S. Rituum, Concilii Tridentini, Episcoporum, & Regularium; ac de aliis rebus, & super aliis Negotiis, Christianam Rempublicam concernentibus, per Summos Pontifices institutis; quamvis enim disputent Moralitæ: An prædictæ Declarationes habeant vim legis; ut videre est apud Dianam *part. 1. tract. 10. resol. 29.* quæ in ejus Opere Coordinato habetur *10. 6. tract. 1. resol. 21.* Sententia affirmativa est velior, quando exhibentur in forma Authentica; ut probat Barbosa *de Jure Eccles. Univ. lib. 1. cap. 4. num. 82.* & dixit Rota coram Buratto *decis. 479. num. 21.* Declarationes supradictæ non publicantur, neque typis imprimuntur; sed passim à Doctoribus allegantur; & earum Augustinus Barbosa Librum satis amplum collegit, quem *Summam Apostolicarum Decisionum* inscripsit; & novissimè idem fecit Hieronymus Nicolius in *suis Flosculis*, ordine alphabetico digestis.

Quod ad Secundum. Controversiæ, seu Materiæ, quæ discutiuntur in his Voluminibus, sunt Quadruplicis generis: alæ enim concernunt Personas Ecclesiasticas, & earum alimēta; alæ Sacramenta, & Ecclesiarum Immunitatem, cultum, & nitorem; alæ dant for-

mam Judiciis, & Foro contentioso pro personis Ecclesiasticis, & Religiosis: Alæ tandem agunt de harum Personarum delictis, & pœnis; ac præcipuè de Ecclesiasticis Censuris. Igitur in primis differtur de Summo Pontifice, de Episcopis, ac aliis Prælatibus inferioribus; de Canonicis, Sacerdotibus, & aliis clericis: quomodo hi omnes eligantur, & promoveantur; & postquam fuerint electi, ac promoti, quomodo, & quando Præbendis, & Beneficiis decorentur; & de his omnibus in primo harum Canoniarum Institutionum Libro. Secundæ, quas secundus Liber complectitur, declarant septem Sacramenta Ecclesiæ, ac omnia Matrimonii impedimentà; & subindè de Immunitate Ecclesiarum agunt, nec non de Censibus, Decimis, ac aliis rebus, quæ jisdem Ecclesiis, & earum Rectoribus debentur. Tertiæ, quæ in tertio Libro continentur, explicant formam procedendi civiliter in foro Ecclesiastico contra Personas religiosas, & eidem Foro subjectas. Ultimæ, quæ in quarto Libro examinantur, respiciunt crimina Clericorum, dant formam criminaliter agendi contra illos; & explicant pœnas, & præcipuè Ecclesiasticas Censuras, quibus debent puniri. Ex his omnibus resultat integer Tractatus totius Juris Canonici, in prædictis novem Voluminibus contenti; & ex hac compendiosa explicatione Studiosi Adolescentes, brevi, ac jucundo itinere, ad intelligentiam omnium Sacrorum Canonum conducuntur.

Quod ad Tertium. Si querimus, cujus

cujus Auctoritatis sint Decreta , & Constitutiones in supra relatis novem Voluminibus repositæ ? Distinguere oportet Primum Volumen, vocatum *Decretum Gratiani* : ab aliis octo subsequentibus Voluminibus supra relatis . Decretum Gratiani, secundum communem Canonistarum opinionem, non habet auctoritatem Juris, nec vim Legis in tribus ; videlicet in Rubricis , in Capitulis, quæ inscribuntur *Palca* ; & in Legibus Civilibus, ac Canonibus, qui non reperiuntur in locis, ab eodem Gratiano citatis, & desumptis; ut plenè differit Fagnanus in *cap. Canonum Statuta à numer. 37. & seqq. De Constitutionibus tom. I.* Primò, Rubricæ, quæ singulis Capitulis Decreti reperiuntur præpositæ, Canonis auctoritatem non habent, ex pluribus rationibus, quas adducit Fagnan. *ubi supra num. 40.* sed præcipuè quia si eas fecerit Gratianus, siue aliquis ejus discipulus, neuter poterat eis tribuere Jus, aut auctoritatem Canonis, quam non habebat, *cap. Translatio. De Constitut. l. fin. ff. de Legib.* Secundò, capitula ejusdem Decreti Gratiani, cum hac voce *Palca*, non sunt pro Canonibus recipienda, quia proveniunt ab incerto Auctore ; ut notant DD. ab eodem Fagnano *num. 43.* citati ; qui *num. 44.* subdit, eundem Gratianum dixisse, cum ipse postea viderit additionem illorum capitulorum operi suo, *Palca est, non est le grano meo.* Terriò plures leges Civiles, & Canones antiqui inserti sunt, per errorem ab eodem Gratiano in suo Volumine Decreti, quæ in originalibus libris Juris

Civilis, vel Canonici non reperiuntur ; ut notat Emin. Card. Bellarminus *de Script. Eccles. dist. verb. Gratian.* Idèò nisi prædicta Jura Civilia, & Canones Sacri reperiuntur in fonte apud eorum Auctorem, vim Legis habere non possunt. Cætera Capitula totius Decreti, quæ vera sunt, vim Legis obtinent, potissimùm post expurgationem ejusdem Voluminis Gratiani factam de mandato Gregorii Papæ XIII. qui illud approbavit, & voluit esse partem Juris Canonici, ut legitur in principio ejusdem Decreti ; & notat Fagnan. in *d. cap. Canonum num. 46 de Constitut.* Hæc de Primo Volumine.

Quò ad sequentia quinque Volumina, in quibus continentur Decretales Gregorii IX. Liber sextus Bonifacii Octavi, Clementinæ, & Extravagantes Joannis XXII. nec non Bullaria Romana, in quibus habentur Pontificiæ Constitutiones, firmiter est tenendum, ea omnia esse Scrinia Sacrosancta, in quibus reconditi sunt thesauri Juris Canonici ; omnes enim Canones, Decreta, Mandata, & Constitutiones eorundem Quinque Voluminum habent vim Legis, & ab omnibus sunt servandæ, *cap. Canonum, de Constitut.* & qui eas non servant, blasphemare dicuntur Spiritum Sanctum, *cap. Violatores. 25. qu. 1.* Et ideo Papæ Decreta servanda sunt, ita ac si à Sancto Petro essent facta, *cap. Sic omnes, cap. Si Romanorum, cap. Nulli fas sit. Dist. 19. & cap. Si Decreta, dist. 20.* & ita communiter docent omnes Theologi, ac Canonistæ, quos longa serie allegat Fagnan. in *dist. cap. Canonum Statuta,*

tuta, à numer. 6. & seqq. de Constitut.

Septimum Juris Canonici Volumine, quod formari diximus à quinque Tomis Conciliorum Generalium, habet & ipsum vim Legis: & dicitur tantam habere auctoritatem, quantam quatuor Evangelia, *cap. Sicut Sancti Evangelii, dist. 15.* quare quæ in eis sunt decreta, & definita sunt ab omnibus observanda, *cap. A Sanctis. 25. qu. 1.* Emin. Card. de Lauræa in *Epitome Canonum. Verb. Conciliorum Generalium Sanctitas, & auctoritas ad definiendum, & obligandum, pag. 190.*

De octavo ejusdem Juris Canonici Volumine, quod Tridentinum Concilium esse possediximus, nefas esset dubitare, An omnia, & singula ejus Decreta, & Statuta vim legis habeant? tum quia idem Concilium in *cap. 2. sess. 25. de Refor. mandat, & præcipit, ea ab omnibus servari; tum etiam quia Pius Papa Quartus in Bulla confirmatoria ejusdem Concilii, & in ejus fine impressa, jubet, & mandat omnibus, & singulis Episcopis in virtute Sanctæ obedientiæ, ut eadem Decreta, & Statuta in judicio, & extra judicium observent, & à subditis quisque suis inviolabiliter faciant observari.*

Idem de Nono Volumine, scilicet de Declarationibus, & Decretis SS. Congregationum Eminent. S. R. E. Cardinalium, ut supra ex Barbosa dictum est, & ego ostendi in meis Decisionibus de *Sacram. Ord. decif. 15. n. 31.* & latius in meis Discordiis Forensibus de *Jurisdic. Disc. 2. n. 22.* ubi DD.

TIT. IV.

De Jure Personarum.

Dictum est supra Jus Canonici esse institutum pro recto regimine Personarum, Rerum, ac Judiciorum, quæ in toto Ecclesiastico habentur, nec non pro punitione delictorum; ideo agendum est de Personis, & videndum:

1. *Quæ sit præcipua Personarum divisio?*

2. *Quæ Clericorum distinctio?*

Quod ad Primum. Christianorum, (de quibus semper intelligimus, cum de his, qui foris sunt, nihil ad nos, *cap. Multis. 2. qu. 1.*) duæ sunt species. Alii appellantur Laici, & sunt illi, qui civili societate conjuncti, ad humani generis propagationem ordinati videntur; & his licet temporalia possidere, Uxorem ducere, controversias sæculares judicare. Alii verò Clerici existunt; & hi sunt Divinis officiis dediti, atque addicti; ab omni sæculari negotio separati, ne à Divinis distraherentur, *cap. Duo. 12. qu. 1.* & de utriusque agit Glossa hic in *Verb. Populares.*

Quod ad Secundum. Clerici in tres classes distinguuntur: alii enim sunt Sacerdotes; alii in Sacris Ordinibus constituti; & alii nec Sacerdotes, nec in Sacris, sed in minoribus ordinibus existunt. Sacerdotes sunt Presbyteri, qui in Sacris Altissimo deserviunt; Eucharistiam faciunt; & Sacramenta populo fidei ministrant. In Sacris sunt Diaconi, & Subdiaconi: illi

illi sunt immediati Ministri Sacerdotum, *cap. Diaconus. q8. dist.* Isti Diaconis subsunt; ac Sacerdotibus mediante Diacono deserviunt. Qui autem nec Sacerdotes, nec in Sacris sunt, obtinent minores Ordines, nempe Acolytharum, Exorcistatum, Lectoratum, & Ostiariatum: Acolythorum officium est, lumina pro Sacris peragendis accendere. Exorcistarum manus super Energumenis, seu lunaticis, vel à Dæmonibus obsessis imponere. Lectorum lectiones Breviarii in Ecclesia recitare; & Ostiariarum ostia Templi claudere, ac aperire, Infideles, ac Excommunicatos ejicere, *cap. Proleflis. 25. dist. cap. Exorcista, cap. Ostiarius, cap. Lector, cap. Acolythus. 23. dist.*

TIT. V.

De Episcopis, ac Summo Pontifice.

Quoniam illorum, qui sunt in Sacerdotio, alii in altiori gradu, alii verò in inferiori consistunt; prius agendum est de his, qui altiozem gradum possident; deinde de his, qui inferiores sunt, verba faciemus. Igitur in præsentì videbimus:

1. *Quis Summus Pontifex dicatur?*
2. *Quis Episcopus?*
3. *Quot sint Episcoporum ordines?*
4. *Quæ sit eorum omnium auctoritas?*

Quò ad Primum. In lata significatione ille est Pontifex, qui alicui populo præficitur, Civitati, ac

Diœcesi pro religione conservanda, & animabus ad æternam felicitatem dirigendis; & hic etiam Episcopus appellatur; ideoque Ecclesia in Officio Sanctorum Episcoporum, de eis cantat: *Sacerdos, & Pontifex, ac virtutum opifex &c.* Summus autem Pontifex verè, & propriè est Pontifex Romanus, qui nominatur Papa, quasi omnium Pater, & eligitur, Divino afflante Spiritu, à Cardinalibus in locum Divi Petri; habetque totius Catholicæ Religionis curam in universo Orbe; vocaturque etiam *Hierarcha*, idest Sacerdotum primus, ut in Proemio Decretalium.

Quò ad Secundum. Episcopi nomen olim fuit commune omnibus Presbyteris; sed nunc profertur solum de Antistitibus, quibus Sacerdotes, & Clerici unius Diœcesis subijciuntur; diciturque Episcopus, quasi *Speculator*, vel *Superintendens*, quia debet speculari omnia, quæ conferunt ad æternam salutem, ut officium adimpleat perfecti Pastoris, de quo scriptum est, *Bonus Pastor animam suam ponit pro ovibus suis.* Ita S. Thom. 2. 2. qu. 185. art. 7. habet Primum.

Quò ad Tertium. Tres Episcoporum ordines in Ecclesia Catholica sunt constituti; alii enim dicuntur Patriarchæ, seu Primates; & sunt illi, qui post Pontificem Romanum, primum locum tenent, & dicuntur Patriarchæ, quia in excelso loco, ac gradu consistunt, ac Patrum Principes appellantur, *cap. Cleros. 3. Ordo. 21. dist. & sunt quatuor præcipui; scilicet Constantinopolitanus, Alexandri-*

nus, Hierosolymitanus, & Antiochenſis. Alii verò Archiepiſcopi, ac Metropolitani dicuntur, & ſunt Principes Episcoporum unius Provinciæ; quia in Civitate principali Provinciæ degunt; & ſub ſe habent plures Episcopos. *c. Scitote. 6. q. 3.* Alii tandem ſunt Episcopos, qui populis Civitatis, in qua degunt, & villarum ſubditarum, intra certos fines ſuæ Diœceſis, præſunt, *cap. Illud. 80. diſt. cap. Provincie, diſt. 98.*

Quò ad Poſtremum. Si de Summo Pontifice loquimur, ipſe omnia poteſt, *cap. Cum ſa. 9. qu. 3.* & de omnibus cognoviſcit; nullus autem de illo, ut notatur in *diſt. cap. Quomvis. 25. diſt.* Si de Patriarchis tractamus, maximam & ipſi habent auctoritatem; cognoviſcunt enim in cauſis appellatum de his, quæ ab Episcopis, & Archiepiſcopis ſunt deciſa; dummodò ſubſint eorum ditioni, & Provinciæ Abb. in *cap. Duo ſimul, extr. de Offic. ordin.* Hinc factum eſt, quòd in ſignum Auctoritatis, ante illos Crux deferatur erecta per vias, & in quocunque loco, niſi ſit præſens Summus Pontifex, vel Legatus de Latere, *cap. Antiqua de Privileg. Archiepiſcopi quoque poſſunt inter ſuos ſuffraganeos, & auxiliares cognoviſcere, cap. Paſtoralis, de Offic. Ordin. & ex iuſta cauſa poſſunt etiam Provinciale convocare Concilium. §. 1. ſupr. de Eccleſ. Conſtitut.* Ipſi quoque poſſunt ante ſe Crucem deferre, ſed non in omni loco, ut faciunt Patriarchæ, ſed tantummodò in eorum Provincia, niſi ex Privilegio, aut conſuetudine, vel Præſcriptione

hoc eis ſit indultum. Abb. & Hoſt. in *cap. 1. Ut lite pend. nihil innov.* Tandem Episcopos viſitant Eccleſias ſibi commendatas; conſecrunt Sacrum Chriſma; conſecrant Altaria; & Eccleſias pollutas reconciliant; ordinant Clericos, eos ſuſpendunt à Divinis, deponunt, puniunt, excommunicant, & ſolemnes pœnitentias imponunt, *cap. Cum Episcopos, de Pœnit. in 6. cap. Cum Apoſtolica, de Cenſib. cap. Accedentibus, de Exceſſib. Prælat.* Ac hiſce temporibus quoad aliqua exercent auctoritatem tanquam Sedis Apoſtolicæ Delegati etiam in Regulares exemptos, præcipuè in his, quæ reſpiciunt adminiſtrationem Sacramentorum, & concernunt clauſuram Monialium; ex pluribus Decretis Concilii Tridentini, Conſtitutionibusque Pontificiis; de quibus ſuo loco mentionem faciemus. Illud quoque eſt advertendum, quòd conſeſſa Episcopis competunt etiam Archiepiſcopis, & Patriarchis; attenta Regula, quæ dicit: conſeſſum minori, multò magis conſeſſum cenſetur majori, *cap. Cum in cunctis, de Elect.*

TIT. VI.

De Electione.

Cum tractatum ſit de illis Sacerdotibus, qui in altiori gradu conſiſtunt; meritò nunc tractatur de via, per quam ad gradum ipſum promoventur; & quia talis eſt Electio; ideò de illa eſt hic agendum; & declarandum.

1. Quid

1 *Quid sit electio?*

2 *Quæ in Electione desiderantur?*

3 *Quot modis fiat?*

Quò ad Primum. Scire oportet, Electionis verbum tripliciter accipi; *Activè*, prout quis eligit; *Passivè*, prout quis eligitur; & *Operativè*, qualis est actus eligendi; idcirco in hoc sensu definitur, ut *Electio sit alicujus hominis ad dignitatem, vel fraternam societatem canonicè facta vocatio*, ut hic in §. 1.

Quò ad Secundum. Ad validam electionem desiderantur, *Primo*, ut vacante Ecclesia vocentur omnes, qui jus habent eligendi, dummodo id fieri possit, nec propter moram sit Ecclesia damnum relatura, *cap. Cum inter universas, cap. Quod sicut, extr. cod.* nam si omitteretur citatio unius, qui posset vocari, electio esset nulla, *cap. In Genesi, extr. de Elect.* nisi eam ratam haberent, qui non essent vocati, *d. cap. Quod sicut*; & in hoc attenditur consuetudo loci. *Glossa in cap. Coram, eod.* *Secundo*, ut saltem duæ partes ex his, qui habent jus eligendi, sint præsentibus. *Tertio*, quòd major pars in electione consentiat, *d. cap. Quod sicut, & in cap. Coram, & cap. Dudum, de Elect.* *Quarto*, quòd eligatur magis idoneus: pro qua idoneitate cognoscenda attendi debet auctoritas, zelus, & numerus. Auctoritas consistit in dignitate electi, ac ejus meritis vitæ. Zelus, in animo Electorum, ut in carnali amore eligant, & recipiant ad bonam vitam eligentium, *cap. Si ergò. 8. q. 1.* Numerus autem, ut major sit votorum pars pro eo, qui dici debet electus, *cap. Ecclesia il 2. hoc tit.*

ubi cùm vacasset Ecclesia Cathalanensis, & fuissent electi duo competitores, unus simplex Canonicus, alter Cardinalis; cû istte habuisset tantùm Vota quatuordecim favorabilia; ille verò decem & septem; prævaluit Electio Cardinalis, ob ejus majorem dignitatem, scientiam, & ætatem. Est tamen verum, quòd si major numerus votorum multum excederet, esset attendendus, *cap. Gratia, & d. cap. Ecclesia il 2. hoc tit.* *Quinto*, requiritur, ut antè electionem fiat inquisitio super vita, & moribus Competitorum. *Glossa in cap. Cumana, in verb. Contra formam, hoc tit.* *Sextò*, ut deinde statim Electio fiat, & in longum non protrahatur, *cap. Post præteritam, extr. de Elect.* *Septimò*, ut fiat intra tempus à Jure statutum, *c. Ne perfectu, extr. cod.* Tempus autem statutum à Jure est tres menses, ut ibi. Intra quod tempus nisi fuerit facta electio, nisi legitimum impedimentum intervenerit, cessat pro ea vice facultas eligendi in electoribus. *Octavò*, ut fiat invocatio Sancti Spiritus, sine quo nihil boni potest fieri, *c. Cum Paulus. 1. q. 1.* *Nonò*, debent eligi tres ex numero electorum, qui debeant secrete, & singulatim vota cunctorum diligenter exquirere, & deum in scriptura publicare, ut §. per scrutinium, *inf. cod. c. Quia propter, extr. cod.* & tunc electio dicitur fieri per scrutinium. *Decimò*, ut suffragia secreta ferantur, *d. c. Quia propter.* *Decimoprimum*, ut de electione sequuta publica documenta conficiantur, ut *infra in §. Per scrutinium cod. & d. cap. Quia propter.* *Ultimò*, ut electio publicetur.

cetur, qua publicata, non possunt amplius eligentes variare, *c. Publicato, ext. cod.*

Illud tamen scias, quòd si habens facultatem eligendi iustè impeditus non potest interesse, tunc potest alteri partes suas demandare, dummodò sit de numero electorum, & de Collegio, *d. cap. Quia propter, & §. Sed & si quis*. Et si qui suscepit mandatum fuerit rogatus certam personam eligere, illam eligere debet; & poterit si voluerit, alium etiam eligere nomine proprio; quòd si simpliciter fuerit votum demandatum, tunc non potest nisi unum eligere, *§. Et si tantum uni, hic, &c. Si quis iusto, §. Porro, eod. tit. in 6.* Et si fortè impeditus quis pluribus hoc idem commiserit, unus tantum eligit, qui primus officium occupavit. *§. Quod si plurib. tit. eod. & cap. Non iustè, extr. de Procur.* Ista verò, quæ circa electionem dicuntur, non procedunt in electione Pontificis Maximi, quia cùm cæteris præsit, convenit, ut singulari etiam modo eligatur, *c. Licet, ext. cod.* Et de electione ipsius, & forma eligendi tractatur in *c. Ubi periculum majus, eod. tit. lib. 6.* Supradicta omnia limitantur in Electione Summi Pontificis, quæ facienda est à S. R. E. Cardinalibus in Conclavi, juxta formam novissimæ Constitutionis Gregorii XV. quæ incipit: *Æterni Patris Filius, de Anno 1621.* & est *Constit. 13.* apud Cherubinum *tom. 4.* Bullarii Rom. ubi etiam *Constit. 19.* quæ præfigit ritus in Conclavi servandos.

Quò ad Quartum. Duobus modis fit electio, vel simpliciter virtute divina; vel humano etiam

concurrente judicio: sed quoniam credendum est, semper adesse Dei voluntatem, licet & humanum opus concurrat, dicendum est, quòd electio fit, vel per *Inspirationem*, vel per *Scrutinium*, vel per *Compromissum*.

Primo modo dicitur facta electio, quoties habentes jus eligendi sine aliquo præcedente tractatu, quasi Divini Spiritus impulsu in eundem consentiunt, eundemque nominando eligunt. *§. Celebratur, hoc tit.* Nec obest si de alio eligendo egissent, dummodo non fuisset actum de repente electo, *cap. Statuimus. 61. dist.* Dicitur in eundem consentiunt, quia si fortè à populo quis postulareretur, is clamor esset. *§. Quod si fortè, hoc tit.* Nec valeret talis electio, *c. 2. ext. cod. c. docens. 62. d.* Non enim tam per inspirationem, quam per nefariam conspirationem is nominatus diceretur.

Secundo loco electio fit per scrutinium, quoties electoribus in unum convenientibus, suffragia secretò porriguntur, & à tribus de Collegio ad hoc assumptis numerantur, ut suprà dixi: Tunc ille, qui majorem partem suffragiorum habuerit, electus dicitur, *d. §. per scrutinium, hoc tit.* quod declara ut suprà dictum fuit.

Per Compromissum tandem fit electio, quoties illi, qui Jus habent eligendi, de per se eligere nolunt, sed Jus illud, quod eligendi habent, in idoneos arbitros conferunt, qui ipsorum vices in eligendo sustineant, & illi arbitri debent esse gravis, maturique iudicii, & ex ordine Religiosorum, *c. Contingit, ext. de Arbitr. §. Per*

compro-

TIT. VII.

Qui eligere, eligique possint?

compromissum, hoc tit. Et circa istam electionem animadvertendum est, quòd si unus ex his, qui jus habent eligendi, nolit in arbitros consentire, nec vices suas mandare, non potest per viam compromissi fieri electio, d. 5. *Per compromissum*, ibi omnium & notat. in d. c. *Quia propter*, & in c. *Scriptum*, exr. cod. nisi maxima immineret necessitas, c. *Quanto*, de *Constitutionib.*

Illud etiam sciendum est, quòd Compromisso celebrato, tanta est his, qui sunt assumpti ad eligendum, tributa potestas, ut aliquo actu sequuto, quamvis non sit facta electio, non possunt privari facilitate eligendi: ut notatur in: *In causis*, ext. cod. & 5. fin. *hujus tituli*.

Tandem monere oportet Studiosum Adolescentem, quòd hucusque dicta de electione Episcoporum, ac aliorum Prælatorum iodiè per totam Italiam recesserunt ab aula; nam ex *Regula 2. & 3. Cancellariæ Apostolicæ* eorundem electiones Summo Pontifici sunt reservatæ; & hoc ob nimias discordias, & Simonias, quæ Capitula Canonicorum in electione ommittebant. Idcirco in sola Germania durat apud Capitula Cathedralium electio Prælatorum, in Gallia autem, in Hispania, & in Lusitania Reges nominant Episcopos, ac Prælatos. Nicolius *In it. Can. lib. 1. tit. 6. num. 10.* Pax *ordanus tom. 1. lib. 1. tit. 1. num. 4.* bi alii DD.

Cum electio, de qua suprà actum est, fieri non possit, nisi adsint, qui & activè, & passivè ipsam celebrent, ob id nunc de hac materia differitur: Et videbimus

1 *Qui possint eligere?*

2 *Qui possint eligi?*

3 *Intra quos tempus sit facienda electio?*

Quòd ad Primum: Antè omnia sciendum est, quòd ea, quæ subsequuntur, non ordinariè in praxi observantur; cùm Pontifices, ut mox diximus, Episcopos, & Prælatos ut plurimum eligant; ut in *Conc. Trident. de Sacram. Ord. can. 8. sess. 25.* Et ad hoc est *Regula 2. Cancellariæ Apostol.* ubi ad tollendas magnas discordias, quæ oriri solebant in Electionibus, Summi Pontifices sibi consueverunt reservare provisiones omnium Ecclesiarum Patriarchalium, Archiepiscopalium, & Episcopalium; hoc habes in *Glossa Tua*. Modò ad rem

Illi possunt eligere, qui in Ecclesia sunt Canonici, & qui ex præcedentibus actibus elegerunt, c. in *Genesi*; & c. *Ecclesia*, exr. cod. Adsunt enim qui, licèt Canonici sint, eligere tamen non possunt, ut furiosi, & majori excommunicatione innodati, c. *Si celebrat. de Cler. excom. c. Constitutis*, ext. de *Appell. 5. illud questum*, hoc tit. Præterea non eligant suspensi per sententiam. 5. *In suspensio*, hoc tit. Nec hæretici, cùm debeant separari à cæteris Christianis, c. *Miramus*.

mur. 2. q. 1. c. fin. q. 1. I. Ulteriùs Laici non admittuntur ad eligendum. *§. Laicis, hic.* Quinimodò nec constituti in minoribus. *§. Sed neque, hic. Clem. Ut hi, de etat. & qual.* Verum enim est, quòd si sint Patroni possunt intervenire ad juvandam electionem, permittente potissimùm Pontifice Maximo, *cap. Quia propter, cap. Massana, ext. eod.* ita notatum est in *c. Nobis, extr. de Jure Patron.* His adde, Impuberes, Absentes, Interdictos, & eos, qui scienter indignos eligunt, & alios, qui ex justa causa à Superiore prohibentur, notat *c. Cum inter, c. Cum in const. ext. eod.*

Quò ad Secundum: Regulariter, qui non habet electionem activè, nec habet passivè: Hinc existentes in minoribus, Furiosi, Pupilli, Suspensi, Hæretici, & similes non eliguntur. His adjiciuntur non servantes interdictum, *cap. 1. de Postul.* Item nati ex illegitimo coitu, *d. c. Cùm in cunctis.* Item eligentes indignum scienter, per triennium eligi non possunt. Si de Episcopis agitur, debent eligi, qui sunt corpore integri, & vitæ innocentia profulgeant, & annum trigessimum agant. *§. oportet, hic cùm seq. & d. c. Cùm in cunctis, & c. 1. & per tot. 36. dist.* Insuper Neophiti, illi scilicet, qui de recenti Sacrae Religionis propositum assumpserunt. *§. fin. hic, c. 1. & fin. 48. dist.* Et tandem nostris temporibus ad Dignitatem electionis requiritur, quòd eligendus vel sit Juris Doctor, vel in Theologia, vel saltem Licentiatu, *c. Quicumque, sess. 22. de Reform. in Conc. Trid.*

Quò ad postremum: Electio fieri debet in Ecclesiis Episcopalibus

intra tres menses utiles, quod tempus impeditis non currit, *cap. Ne pro defectu ext. eod. c. Quoniam, de Concess. Preben.* In aliis verò Ecclesiis conceditur tempus sex mensium, *cap. 2. de Concess. Preb. facit cap. Ubi periculum, hoc tit. in 6.* Intra quod tempus nisi facta sit electio, nec fuerint eligentes legitimè impediti, tunc electio devolvitur ad Superiorem. *§. Interdum, hic.* Et si post tres menses, vel tempus statutum fuerit facta electio, est ipso Jure nulla. Glossa tua in *d. §. Interdum, hic.* Sicut & erit nulla, quando est facta contra formas traditas, *d. §. Interdum.* Sed tamen est differentia inter hunc, & alium casum, quia in priori casu est ipso Jure nulla; in secundo verò venit annullanda per sententiam; ut not. in *d. cap. Quia propter, vers. priventur, ext. eod.* Et circa primum casum est textus in *c. licet, & c. fin. ext. de supplend. neglig. Prælator.*

TIT. VIII.

De Postulatione Prælatorum.

Visum est suprà de ordinario modo, quo Prælati ad regendas Ecclesias vocantur, nunc est videndum de modo extraordinario: Et pro expositione tituli videbimus:

- 1 *Quid sit Postulatio?*
- 2 *Qui possint postulare?*
- 3 *Qui possint postulari?*
- 4 *Apud quos fiat Postulatio?*

Quò ad Primum; Postulatio est quædam extraordinaria via, qua providetur Ecclesiæ, & illius, qui eligi

eligi secundum Juris dispositionem minimè potest in Prælatum à Capitulo, quod eligere potest, concors facta petirio. Vel secundum Goffredum in tit. de Postul. Prælat. Est gratiæ petirio: ut cum ex gratia petitur, ut aliquis eligi possit, qui aliàs videtur inelegibilis, c. 1. & ibi not. de Postul. Prælat. lib. 6. Et duplex est Postulatio: Alia solemnis, quæ petitur ab eo, qui omne potest tollere impedimentum: Non solemnis, si ab inferiori fiat. Abb. in cap. 1. num. 24. de Postul. Prælat.

Quò ad Secundum: Regula est Generalis, eos posse postulare, qui possunt eligere, dummodò postulatio fiat unanimi voce, quæ electionis vim habeat, c. Cum inter Canonicos, ext. de Electione.

Quò ad Tertium. Regula item est Generalis, eos esse postulandos, qui aliàs minimè eligi possunt, dummodò electio non impediat propter animi, vel corporis vitium, sed ob aliud defectum. §. sciendum, hic. Abb. in cap. fin. ext. cod. Et sex videntur personæ, quæ postulantur: Archiepiscopus id alium Archiepiscopatum, cap. Bone, de Postul. Prælat. Episcopus id alium Episcopatum, c. Esti unanimiter, de Postul. Prælat. §. Episcopis, hic. Clericus in minoribus constitutus. §. ex hoc apparet, tit. ord. c. Præterea, de etat. & qualis. Laicus c. Episcopus. 65. dist. Illegitimè natus, c. Imotuit, extr. de Elect. d. §. ex hoc apparet. Et non habens legitimam ætatem, c. Cum nemo, de Elect. His exceptis alii iunguntur eligi, non postulari, c. Si Abbatem, de Elect. in 6.

Quò ad Quartum: Quotiescun-

que postulantur Clericus alterius Diocesis, & Laicus, qui inelegibilis sit, hi postulatio apud Summum Pontificem, cap. Cum ad nostram, c. Officii, de Elect. Id tamen est necessarium, ut interveniat scientia Episcopi, in cujus Diocesi postulatus eligitur, c. Proterminatam. 72. d. cum c. 19. Effectus autem postulationis est, ut ea admissa, debeat postularum Superior admittere, in quo casu habetur pro electo, & confirmatur, c. Gratum, de Post. Prælat.

TIT. IX.

De Confirmatione Electionis.

Quoniam electio sine confirmatione administrationem non habet, idcirco nunc de confirmatione electionis tractatur; quare videbimus

- 1 Quid sit Confirmatio?
- 2 Quæ in Confirmatione sint necessaria?
- 3 Intra quod tempus fieri debeat?
- 4 Qui sint effectus Confirmationis?

Quò ad Primum. Confirmatio potest dici habitus, seu corroboratio Juris prius obtenti, cap. Inter dilectos, de fid. Instrum. Goffr. in tit. de Confirm. mil. vel int.

Quò ad Secundum. Requiritur in primis, ut sequuta electione, eaque ab electo cognita, consensus ab ipso electo præstetur. cap. Cupientes. §. cæterum, de Electione in 6. Secundò ut petatur Confirmatio à Summo Pontifice, vel à Legato de Latere secundum notata in c. Si Abbatem, de Elect. in 6.

C

Tertiò

Tertiò causæ cognitio, quæ continet vitam electi, mores, examen, Inquisitionem. *S. Is autem, hic*, quæ debet fieri in loco, ubi electus est conversatus, *c. Postquam, & Gloss. ibi de elect.* Quartò ut peratur intra terminum statutum; scilicet intra tres menses. *S. eadem, hic*. Quo tempore transacto, nisi confirmationem petierit, electio erit penitus irritanda, *d. S. eadem*. An autem electus privetur per sententiam, an ipso jure? dic ut plenè habetur in *c. Quam sit, de Elect.* in 6. Et scias, quòd si transacto tali tempore, electus obtimeat confirmationem, non valet, quod actum est, nec potest tenere Episcopatum, & peccat retinendo fructus, quos non facit suos, nisi scienter fuisset facta per illum, qui aliàs suo jure conferre potuisset: facit ad hoc, quod not. in *cap. Cum bone, de erat. & qualis. ordin.* & *d. cap. Quam sit*. Quintò ut citentur illi, quorum interest, quæ citatio fit propositis edictis ad fores Ecclesiæ, in qua electio est facta, *c. 1. de Postul. S. illud, hic*. Et hoc fit eò quia si quis velit opponere, hoc possit facere, & terminus ad comparandum assignatur in ipsis edictis, quo elapso veniens non auditur, *d. S. illud*, nisi quis per calumniam opponere vellet, quo casu puniretur, *c. 1. S. fin. c. Si forte, de Elect.* in 6. Et hæc locum habent, etiam si quis fuerit Postulatus.

Quò ad Terrium. Postquam electus scit electionem, debet Romam contendere, & intra tres alios menses confirmationem petere, ut suprà dixi, quod nisi fiat evanescit electio, ut suprà. Id ta-

men est verum, quòd si infirmitas, vel longum iter, vel aliud justum impedimentum interveniat, Juris rigor remittitur. Id etiam monendi sumus, sat esse petenti confirmationem intra terminum statutum, iter arripere, vel confirmationem petere, etiamsi ipsam non obtineat, ut not. in *d. c. Quam sit, & d. c. Cupientes*.

Quò ad Quartum. Primus effectus est, quòd tribuit plenum Jus, quod habitu ante competeat, nisi quis esset remotus longè ab Urbe Romæ, ac damnosum esset Ecclesiæ, si Prælati non administraret, namque ille prælentialiter non tenetur confirmationem petere, aut recipere, sed personas mittit idoneas, per quas diligens inquisitio habeatur, *c. Nihil, extr. de Elect.*

Alter est effectus, quòd per confirmationem dicitur contractum matrimonium spirituale inter electum, & Ecclesiam, *c. Inter corporalia, de Translat. Prælat.* Et confirmatione obrenta potest electus omnia, quæ sunt Jurisdictionis, ut clericos corrigere, judicare, excommunicare. Non autem potest ea, quæ sunt ordinis, nisi accedat consecratio, *cap. Sicut. S. Præterea, de Elect.* *S. fin. hoc tit.*

T I T. X.

De Consecratione.

AD hoc ut Prælati ea possint, quæ sunt ordinis, necessaria est Consecratio; idcirco de Consecratione tractatur; & videmus:

I Quid

- 1 *Quid sit Consecratio?*
- 2 *Qui Consecrari debeant?*
- 3 *Quæ in Consecratione solemnitas sit adhibenda?*
- 4 *Intra quæ Tempora facienda sit?*
- 5 *Qui vocandi sint ad Consecrationem?*
- 6 *Qui sint Consecrationis effectus?*

Quò ad Primum. Illud in primis sciendum est, Verbum Consecrare referri ad Res, & ad Personas.

Primo modo est aliquid Deo adjicere, l. *Si quando*, C. de Bonis Vacant. lib. 10. §. *Sacræ*. Inst. de rer. divis.

Secundo modo est personas Deo dicare, atque vovere, c. *Pudenda*. 24. qu. 1. At secundum materiam Tituli nostri Consecratio est solemnitas quædam, quæ de persona electi fit per sacri Chrismatis delineationem, Benedictionem, manus impositionem, ac Sacrorum unctionem, qua electus unâ cum Ecclesia, ad quam admittitur, novissimè Deo dicari, atque adjici dicitur, & videtur. Etenim consecratio fit respectu particularis Ecclesiæ: ut not. Abb. in c. *Inter corporalia*, de Transl. Episcopi. De hac solemnitate est text. in §. *fin. hic*, & est text. inc. *Episcopus*. 23. d.

Quò ad Secundum. Consecrantur non solum Episcopi, Archiepiscopi, sed etiam Summi Pontifices, qui post electionem legitimè factam à Cardinalibus Episcopis consecrantur. Bal. in l. *directis*, num. 2. C. de Test. manumiss. Dicitur etiam Imperatorem consecrari; sed improprie, quoniam consecratio Imperatoris non est ordinis, prout est consecratio Episcopi, sed est quædam solemnitas, quæ obser-

vatur in traditione aureæ coronæ, quæ Romæ fieri debet Pontificis manu, & Consecratio dicitur; ut in c. 1. §. *unde*, extr. de Sac. Unct. Ubi de differentia inter consecrationem Episcopi, & Imperatoris tractatur. Consecrantur & Virgines Deo dicatæ, sed de his alibi tractabimus. Fit autem consecratio Episcopi ab Archiepiscopo Metropolitano, & consecratio Archiepiscopi ab Episcopis suis suffraganeis, cap. *Quia*. 64. dist.

Quò ad Tertium. Consecratio fieri debet convocatis personis necessariis Die Dominico, hora tertia, & scrutinio habito cum precibus, & orationibus, duo Evangelii codicem super caput consecrandi tenent, manusque imponunt, benedicit unus, & alii consecrandi caput percutiunt, & simul sacro Chrismate manus, & caput deliniunt, quibus deindè absolutus jurat Episcopus Sanctæ Sedi, atque Pontifici fidelitatem, c. *Significasti*, extr. de Elect. Abb. in cap. *Tua nos*, extr. de Jurejurando.

Quò ad Quartum. Consecratio debet fieri intra tres menses, c. *Quoniam*. 100. d. c. *Quoniam* 75. d. c. de *Syracusana*. d. 28. nisi legitimum supersit impedimentum; nam plurimum Ecclesiæ interest, ut consecratio fiat; & hinc est, quòd si consecratio protrahatur studiosè, protrahentes puniuntur. Concil. Trident. cap. 2. sess. 23. de Reform. Verùm per Jura hodierna sex mensium spatium videretur concessum, cap. 9. sess. 7. de Reform.

Quò ad Quintum. Si de Consecratione Pontificis Maximi tractatur, præsentia Episcoporum est

necessaria : Si de Metropolitani consecratione agitur, debent interesse: Episcopi Provinciales, qui suffraganei dicuntur. *S. Evocandi, hic, cap. Si Archiep. de tempor. ord.* Si de Episcopo consecrando, debent intervenire Metropolitani, & secum habere duos Episcopos, *cap. Episcopi, cap. Provinciales. 64. d. per tot. c. Nec Episcopi, de temp. ordin.* Et si fortè Provinciales Episcopi propter aliquem casum haberi non possent, vocandi essent Episcopi ex vicina Provincia. *S. illud questum, hoc tit. c. fin. 65. d.* Sed primo loco vocandi sunt, qui sunt de Provincia, qui debent vocationi obtemperare, aut legitimam saltem excusationem asserre, *c. Non debet. 65. d.* Hoc unum moneo circa Archiepiscopum, quod si ipse legitime impeditur consecrationi interesse non possit, potest in hoc casu vices suas alteri committere. *S. Quod si Metropol. hic, c. Quod Sedem. de Offic. ordin.* Quod videtur mirabile, quod Archiepiscopus demandet ea, quæ sunt ordinis, & ea quæ sunt meri Imperii, cum exerceatur in consecrando Jurisdictio ex officio nobili ad publicam utilitatem, ut not. in *c. Ex qua, de Consecrat. Eccl. vel Altar. & in cap. Suffraganeis, de Elect.* Præterea exigitur, ut fiat scrutinium. *S. fin. hic, c. 1. extr. de scrutin. in ordin. facien.* Professio fidei, *c. Quamquam, d. 23. & habitus secundum professionem, c. Sanctorum, ead. d. 23.* & professio fidei debet fieri vel Romæ, vel in Ecclesia, ad quam est assumptus, *c. 1. sess. 23. de Sac. Ord. in Decret. de Reformat. in Concil. Trid.*

Quò ad Postremum : Effectus Consecrationis est, ut post Pallium receptum possit consecratus ea omnia explicare, quæ sunt ordinis, quæ omnia sunt eidem ante consecrationem interdicta : itaut consecratio possit dici medium quoddam, cujus virtute, ea, quæ sunt ordinis, post consecrationem potest licitè demandare, ut supra dixi; & est text. in *d. c. Suffraganeis*, cum post confirmationem hoc non possit facere.

T I T. XI.

De Receptione, & Auctoritate Pallii.

Quoniam ordinarium est, ut potissimum Archiepiscopus Pallium concedatur, ut possint alios Episcopos consecrare, Concilium convocare, & conficere Chrisma, & alia, ut in *c. Quod sicut. S. super & in fin. de Elect.* ob id nunc tractatur de receptione, & auctoritate ipsius Pallii. Itaque videbimus.

- 1 Quid sit Pallium?
- 2 Quibus debeatur?
- 3 A quo concedatur?
- 4 Quo tempore, & loco?
- 5 Quæ traditionem Pallii impediunt?
- 6 Qui effectus ex Pallii traditione procedant?

Quò ad Primum : Pallium hic in principio describitur, ut sit Metropolitanorum insigne ornamentum, quod de Corpore B. Petri sumitur, ac plenitudinem Pastoralis officii, ac Pontificalis dignitatis designat, *c. Significasti, de Elect. c. Nisi.*

c. Nisi, de Amb. & usu Pall. Et est quid personale, quod cum persona sepelitur, nec alteri potest commodari, *hic in §. sed eo nec semper & c. Ad hoc, ext. de usu Palli.*

Quò ad Secundum. Inspecito Juris rigore Pallium solis Archiepiscopis, & Patriarchis debetur, sed ex privilegio etiam Episcopis conceditur ex arbitrio Pontificis. *Abb. in Rubr. ext. hoc cod. tit.*

Quò ad Tertium: *Abb. In d. Rubr. ext. cod.* dicit, Pallium concedi solummodò à Patriarchis, & Summo Pontifice Archiepiscopis, & Episcopis: quatenus loquimur de Patriarchis intellige, quòd possunt concedere Pallium illis, qui sunt in sua dictione: sed tamen ordinarium est, ut Summus Pontifex Episcopis concedat: ut *Abb. docet ibi supra.*

Quò ad Quartum: Archiepiscopus, vel Episcopus Pallio utitur in sua Diocesi tantum, & solemnibus diebus, ut *hic in §. sed eo.* Et enim Summus Pontifex in signum Supremæ Authoritatis quocumque tempore, & loco Pallio uti potest, *c. Cum sis, & c. Ad honorem, ext. cod.* Item solum intra suam Provinciam illo uti debet, *d. c. Cum sis, & in Missis Solemnib.* namque in Processione eo non potest uti, *ibidem.* Sed tamen verum est, quòd interdum ex privilegio conceditur, ut possit in aliena Provincia uti Pallio, permittente Primatè ipsius Provinciæ *c. Ex nar. ext. cod.*

Quò ad Quintum: Objecta crimina electo impediunt Pallii traditionem, dummodò obliens juret de calumnia, & se inscribat in pœnam tallionis, ut *hic in §. hujus*

receptio, & in Extrav. Joan. 22. quæ incipit: *Militis in communibus.*

Quò ad Postremum: Pallii traditio efficit, ut designetur plenitudo potestatis, *hic in pme. & d. cap. Ad honorem.* Et insuper tribuit nomen Archiepiscopi. *Abb. in c. Suffraganeis, de Elect.* Ac tandem efficit, ut possit Archiepiscopus omnia ea, quæ sunt ordinis, ut supra dictum est.

TIT. XII.

De Vita, & Honestate Prælatorum.

Vidimus quales debeant esse Prælati, qui ad Ecclesias regendas assumuntur, & de his creandis aliqua retulimus, nunc videamus quales debeant esse, postquam sunt in dignitate constituti: Et videbimus

- 1 *Prælati nomen quos designet?*
- 2 *Quid Verba, Vita, & Honestas præferant?*
- 3 *Quæ Episcopus facere debeat?*
- 4 *A quibus se debeat abstinere?*

Quò ad Primum: Prælati nomen propriè cum designat, qui habet Jurisdictionem contentiosam. *Abb. in c. 2. de Jurejur.* Largo tamen modo etiam de Curato alicujus Ecclesiæ prædicatur: *c. Tria, extr. de Cler. agrot.*

Quò ad Secundum: Honestatis verbum ad mores refertur, & ad animi ornamenta, & significat quales debeant esse Prælati mores; at Vitæ nomen præfert actiones, circa quas debent Prælati vitam suam consummare; & hinc dicitur diversam esse vitam Clericorum,

corum, & vitam Laicorum, c. Duo. 12. q. 1.

Quò ad Tertium: Debet in primis honestari, & prudentiæ operam dare; namque (inquit *lex. hic in princ.*) Qualis eris edificatio discipuli, si se Magistro intelligat esse præstantiorem? concord. c. Debet. d. 96. & c. Qualiter. 8. qu. 1. & alibi dicitur, quòd Magistri moribus, scientia, & facundia debent alios præcedere, l. Magistros, C. de Prof. & Mag. lib. 10. Et talis erit Magister, cujus comparatione discipuli palææ dicantur, cap. Verum, §. criminis. 25. d. Undè inquit Glossa, quòd quidam discipuli nimis festinant ad Cathedram, & dum delectantur in loco gloriæ, sunt aliis auctores ruinæ, c. Quoniam. 78. d. Magister enim facit Cathedram, non Cathedra Magistrum, cap. fin. 40. d. concord: text. in c. Nemo. 81. d. Deindè debet esse hospitalis, liberalis, ac pius. §. sed nec utramque hile. Insuper sobrius, prudens, non solum litterarum, sed negotiorum, c. Acrapula, ext. eod. Rerum suarum curæ moderatè debet incumbere, c. Donare. 86. d. Et dum corrigit peccata, Clementiam justitiæ admisceat. §. ab improb. hic, c. Prodest. 23. q. 5. c. Odio. 86. d. Debet etiam Orationibus, Divinis Officiis, Prædicationibus incumbere. §. in primis, hoc tit. cap. Si rector. d. 43. Sacris litteris studere, c. Qui Ecclesiasticus. 36. d. Perversos ejicere, corrigere, emendare, c. Inferior, c. Facientis, 86. d. Habitu decenti incedere. c. Clericus. 41. d. c. Quoniam, de Vit. & Hon. Cler.

Quò ad Postremum: Debet E-

piscopus se à sæcularibus negotiis abstinere. §. sicut hic. Tametsi negotium esset honestum, ut puta exercendo artem Physicam, vel Chirurgum; ut per Abb. in c. Sententiam, ext. Ne Cler. vel mon. & hoc in Clericis etiam. Excipiuntur tantum aliqui casus ut in c. 1. & fin. ext. de Postulat. Prel. Possunt enim Clerici postulare in propria causa, & suæ Ecclesiæ, & promiserabilibus personis, si ipsæ per se non possint suam tractare causam. Item debet abstinere se à conversatione mulierum, etiamsi sint consanguineæ. §. Pudicus, hoc tit. Quod declara, si istæ sint suspectæ, c. 1. de cobab. Cler. & mul. Et demum debet honestatem servare in quacunque actione, & à quacunque suspicionem vacare. Insuper Episcopi, & alii Prælati Ecclesiasticis officiis mancipari non debent habitus nimis luxuriantes induere; morum enim intrinsecam honestatem per decentiam habitus extrinseci debent induere, d. §. Pudicus. Cætera videnda sunt in tit. de Vit. & Hon. Cleric. & apud Pacem Jordanum d. tom. 1. lib. 1. ubi per novem integros Titulos explicat virtutes, quibus Prælati præfulgere debent.

TIT. XIII.

De Officio Archidiaconi.

CUM actum sit de iis Prælatibus, qui Jurisdictionem habent; cum inter illos Archidiaconus possit numerari, quia Vicarius Episcopi dicitur, ideò nunc de Officio Archidiaconi tractatur: & pro-

hujus tituli expeditione videbimus

1 *Quis sit Archidiaconus?*

2 *Quæ sit Archidiaconi Jurisdictio?*

3 *Quale sit officium ejus?*

Quò ad Primum: Archidiaconi nomen præferebat Principem, seu caput Diaconorum, & potest dici Vicarius Episcopi, à lege constitutus, qui post Episcopum est omnium major, ut *bic in princ.* Et hinc dicitur oculus Episcopi. *c. Diaconi. 1. & c. 2. 93. d. c. Ad hæc, extr. eod. tit.* Debet enim Episcopus per eum administrare suam Jurisdictionem, *d. c. Ad hæc.*

Quò ad Secundum: Maxima est de Jure Communi Archidiaconi Jurisdictio. Etenim ad eum spectat Clericorum correctio, & emendatio, licet non possit excommunicare sine Episcopi licentia, *c. Archidiaconis, extr. eod. §. fin. hoc tit.* Præterea examinat præsentandos Episcopo pro ordinatione, tamen ordinare non possit; ponit Abbates, & Abbatissas in sede, *c. Ut nostrum, extr. eod.* Visitat Ecclesias, & Parochias, si Episcopus sit impeditus, *c. 1. c. Mandamus, extr. eod. & in Conc. Trident. sess. 24. c. 3. de Reform.* Insuper in Choro post Episcopum primum habet locum, ut not. in *d. cap. 1.* Id tamen est verum, quòd non potest ardua negotia explicare, vel causas Matrimonii, aut Concubinatus, quemadmodum nec causas criminales, *c. 20. sess. 24. c. 14. sess. 25. de Reform. in Conc. Trid.* Sicut non potest suspendere, vel deponere, *c. Significasti, & c. Cum atis, extr. eod. tit.*

Quò ad Postremum: Ad Offi-

cium Archidiaconi spectat, curam habere Clericorum, qui in Diocesi degunt, *c. 1. extr. eod.* Lectorem Evangelii eligere, disponere necessaria ad Sacrificium, Clericos ad ipsum vocare, & quo ordine procedere debeant jubere. Insuper ad ipsum spectat cura sacrorum vasorum, vel sacrorum vestimentorum, *c. Ea quæ, extr. eod. & notatur in c. 1. extr. de Off. Sacristæ.*

TIT. XIV.

De Officio Archipresbyteri.

Quoniam Archipresbyteri officium est valde simile officio Archidiaconi, ut *bic in princ.* licet Archidiaconus in Jurisdictione excedat, non autem in ordine, *c. 1. c. Officium extr. eod.* ob id nunc de officio ipsius Archipresbyteri tractatur: & pro hujus tituli expositione videbimus:

1 *Quis sit Archipresbyter?*

2 *Quot sint species Archipresbyterorum?*

3 *Quæ ad ejus officium pertineant?*

Quò ad Primum. Archipresbyter est caput Presbyterorum, & est ille, qui in divinis, & particularibus Ecclesiis est à Lege Episcopi Vicarius constitutus, *c. 1. extr. de Off. Archipr.* Et differt ab Archidiacono, quia Archidiaconus curam exercet fori contentiosi; Archipresbyter verò curam Ecclesiastici fori exercet, *bic in princ. & d. c. Officium.* Verum admonet *c. 1. eod.* in hoc esse observandas loci consuetudines; namque potest esse, ut in aliis Ecclesiis Archipresbyter exerceat utriusque fori curam; & hoc idem dicit Abb. in *d. cap. 1.*

Quò

Quò ad Secundum: Duæ sunt Archipresbyterorum species: *Urbanæ*, & illi sunt, qui dum Episcopus abest, in urbe ipsius vicem sustinent; vel etiam præsentis Episcopi curam minuunt. *§. Urbanæ*, hoc tit. d. c. *Officium*. *Exteri*, sive *Foranei*, & sunt illi, qui extra urbem personam Episcopi representant, & ea peragunt, quæ ipse Episcopus efficeret, si præsens esset, c. 1. & 2. ext. cod. & ut inquit text. in c. *Presbyteri*, cod. tit. præ sunt plebibus, ut Episcopus Matræ, quæ est Ecclesia, quamvis nihil contra sui Præfatis decretum ordinare, vel audere debent.

Quò ad Ultimum: Ad Archipresbyterum pertinet inchoare solemne officium, & solemnia sacrificia; assidue in Ecclesiis stare, fratres benedicere, pœnitentiam Sacerdotibus injungere; infirmos oleo perungere, benedicere absente Episcopo Clericos, dum Episcopus celebrat, adjuutores eligere, d. c. 1. 2. 3. ext. cod. Insuper providere debet, ut in Sacratio Sanctissimi Corporis Christi Hostiæ pro infirmis non desint. Alia connumerantur, quæ ad Archipresbyterum spectant in d. cap. 1. 2. 3. Et hæc pertinent ad Urbanum.

Ad Ruralem autem, seu exterum tantum pertinet totius populi curam habere, aliorum Clericorum mores inspicere; exponere, quæ in Missa leguntur, prædicare Christianæ Religionis, & fidei principia; pueros edocere, frequenter celebrare, ad Synodum procedere, dies festos prædicare, baptizare, ac demum decreta à Summo Pontifice, vel Conciliis

facta recipere, cæterisque referre; ut in Conc. Trid. sess. 5. cap. 2. de Reformat.

Nota tamen hic in fine, quòd obtinens aliquam Præposituram debet ad eam se ordinare intra annum, aliàs amittit honorem.

TIT. XV.

De Officio Vicarii.

Visum est Superiori titulo de Officio Vicarii à Lege constituti, nunc videndum est de Vicario, & Officio Vicarii ab homine deputari; & sic tractatur de eo, qui nomine alieno in Ecclesiis deservit: sic continuat Gloss. hic: & videbimus

1 Qui sit Vicarius?

2 Quæ requirantur, ut quis Vicarius esse possit?

3 Quæ sit Vicarii potestas?

Quò ad Primum: Vicarius ille est, qui alterius vices gerit, sive in contentiosa jurisdictione sit, sive in voluntaria, & non contentiosa, illius mandato, & auctoritate constitutus, qui in Officio, quodcumque illud sit, principalem personam gerit, l. 1. C. de Offic. ejus qui vicem alt. & ext. cod. per tot. Et duæ possunt Vicariorum constitui species; alii enim constituuntur Vicarii in Officio non contentioso, veluti in Ecclesiis, ut in ipsis deserviant, c. 1. ext. cod. Alii verò, ut alterius personam in foro contentioso sustineant. Quinimò quidam sunt Vicarii per modum provisionis, qui in locum mortuorum subrogantur, & suffecti vocantur. Gloss. in l. 2. Vers. Restor.

Reſtor, C. de Off. ejus, qui &c. c. 18. ſeſſ. 24. de Reform. in Conc. Trid. Item alii ſunt perpetui, alii temporales: Primi eliguntur, ut perpetuò ſint in aliqua Eccleſia, cap. Perpetuus, de Fid. Instrument. Secundi ad tempus tantum, c. Exſtirpanda. §. quia verò, extr. de Praeb. c. Pervenit, de Appellat.

Tertia diviſio eſt, quod quidam ſunt perpetui, qui ad Parochiales Eccleſias ſunt electi, d. c. Perpetuus. Quidam Temporales, qui ad tempus, & aliquos actus aſſumuntur, d. c. Pervenit. Quidam Generales, qui in Episcoporum Curia ab Episcopo ſunt electi. Gloſſ. in Clem. Quae in Eccleſiis, de Offic. Vicarii. Quidam Speciales, qui ad Curiam, ſed ad certum articulum, locum, vel actum ſunt conſtituti, c. Sna, de Off. Vicarii.

Quò ad Secundum. Primo loco neceſſarium eſt, ut ſit Clericus, cum Laici Vicarii eſſe non poſſint in Eccleſiis, c. Innova. 17. q. 7. c. Decenter: d. 89. Quinimò ſi agitur de Eccleſia habente aliarum curam, debet eligi Sacerdos, & canonicè inſtitui cum certa portione. Gloſſa in c. Provideas, extr. cod. d. c. 16. ſeſſ. 24. Inſuper exigitur, ut unam habeat Vicariam tantum, d. cap. Provideas. Ac Doctor quandoque eſſe debet, c. 16. ſeſſ. 24. in Conc. Trid.

Quò ad Ultimum: Si de eo quaerimus, qui in Eccleſia deſervire debet, ad ejus poteſtatem pertinent, quae principalis poterat perſona: quod tunc habet locum, quando Vicaria conceditur, quae ſolum ex cauſa concedi ſolet, d. c. Provideas. Ubi Gloſſ. Si de Vicario Generali Episcopi loquimur,

iſ poteſt in foro contentioſo cauſas dirimere, & omnia illa facere, quae Episcopus; niſi aliquid fuerit Episcopo reſervatum, ut Beneficiorum collatio, remotio, & alia hujus generis, prout latè ego demonſtravi in meis Diſcordiis Forenſibus De Jur. ſiſtilione Diſcord. 27. Inſuper Vicarius poteſt examinare illos, quibus ſunt beneficia concedenda, & etiam examinatos eligere, c. 18. ſeſſ. 24. de Reform.

Hoc tamen ſciendum eſt, quòd cum Vicarii, & Episcopi unum ſit tribunal, ad Archiepiſcopum provocatur. §. ſin. hic. Quod ſecus eſt in Vicario à Lege conſtituto, ut Archipreſbyter, c. Romana. De Appellat. in 6.

TIT. XVI.

De Coadjutore.

Quoniam interdum Episcopalis cura per Coadjutorem explicatur: ob id nunc de eo diſſeritur, & videbimus:

- 1 Quis ſit Coadjutor?
- 2 Quibus detur?
- 3 Ex quibus cauſis?
- 4 A quo?
- 5 Quae ſit Coadjutoris poteſtas?

Quò ad Primum: Ut nomen indicat, Coadjutor ſignificat eum, qui ſimul adjuvat, quali ſimul adjutor; & dicitur ille, qui à S. Sede, conſentiente, & approbante Rectore, in locum ejus, qui ex juſta cauſa impeditur, ad Eccleſiam regendam cum ſpe futurae ſucceſſionis, eligi ſolet, c. Ex parte, extr. de Cleric. agrot. c. Unico, de Cler.

D

Cler. agr. in 6. Et illi Coadjutores esse possunt, qui possunt esse Ordinarii, cum eligantur cum spe futurae successionis. arg. c. *Qualiter*, cum seq. 7. q. 1.

Quò ad Secundum: Coadjutor datur, legitima præcedente causa, tam majoribus, quam minoribus Prælati, & non solum unus, sed etiam interdum duo dari solent. Gloss. *bic*; & *in d. c. Un. de Cleric. agrot. lib. 6.* Id ramen est verum, quòd si quis datur Episcopo, unus est, & consecratur; ut omnia possit, quæ sunt Ordinis, & Jurisdictionis, d. c. *Qualiter*, cum seq. 7. q. 1.

Quò ad Tertium: Coadjutor non conceditur ex omnibus causis, sed ex iis tantum, quæ delictum Prælatus non includunt; & ipsum inhabilem efficiunt ad Ecclesiam regendam; ut est senectus, longa infirmitas, mentis alienatio, vel similis causa, ut in d. c. *Un.* & *in d. c. Ex parte*, & est text. *bic in prin.* Similiter si Prælatus sit illiteratus, sed bonæ vitæ, vel longè adfuturus pro S. Sedis beneficio, Coadjutor dari solet, ut in d. c. *Unico*, & in c. 6. sess. 21. in Concil. Trid. de Reform.

Quò ad Quartum: Regulariter concessio pertinet ad Summum Pontificem, & est de Reservatis Papæ: *bic in prin.* & est Glossa in Verb. *Apostolicam*, c. 7. sess. 25. in Conc. Trid. Ita ut non valeat consuetudo in contrarium, text. tuus *bic*.

Quò ad Ultimum: Si Coadjutor est datus ob impedimentum, quod Prælatus inhabilem reddit, illa potest facere, quæ potest Ordinarius. Quòd si est datus Coad-

jutor ex aliquo accidenti, tunc Spiritualia pertractat, in aliis vero Ordinario est potestas reservata, c. *De Reſtoribus*, ext. de Cleric. agrot.

TIT. XVII.

De Corepiscoporum usu
sublato.

Cum inter Episcoporum officiales Corepiscopi adessent, idcirco, ut, quòd antiquitus in usu erat, intelligatur, iste titulus subjicitur: & videbimus:

1 Qui essent olim Corepiscopi?

2 Quale antiquitus esset ipsorum Officium?

Quò ad Primum: Corepiscopi antiquitus dicebantur Prælati illi, qui mediam quandam dignitatem inter Episcopum, & Presbyterum obtinebant; & unà cum Episcopis Ecclesiarum curam habebant, qui postea fuerunt sublati, c. *Ecclesiis semel*. & ibi not. & cap. *Quamvis*, cum seq. 68. dist.

Quò ad Secundum: Corepiscopi quasi Episcopi se habebant, & Ecclesiam cum Episcopis gubernabant, conferebant ordines minores, sed non alios; erat enim eis interdicta Presbyterorum, Diaconorum, Virginum, & Ecclesiarum consecratio: ut not. in cap. *Quamvis*, d. 68. Prædicabant, & Corpus Dominicum conficiebant, d. c. *Quamvis*, & est Gloss. *bic*. Vide Emin. Cardin. de Laura in *Epitome Canonum. Verb. Corepiscopi*.

TIT. XVIII.

De Translatione.

Hic titulus continuatur ad præcedentem in *§. fin.* supra *tit. prox.* Tamen sic etiam potest continuari. Visum est hucusque de ingressu, & progressu Prælatorum, nunc de egressu videndum est: & quia egressus fit per Translationem, Renunciationem, aut Depositionem; proinde de his omnibus videndum est. Et primò de Translatione, de qua videbimus:

- 1 Quid sit Translatio?
- 2 Cur inventa?
- 3 Quæ sint in Translatione necessaria?
- 4 In quibus Ecclesiis permittatur?

Quò ad Primum: Licet Translationis nomen sit Genericum, & ad plura adaptetur, tamen secundum naturam Tituli nostri significat commutationem Prælati de Sede ad Sedem canonicè factam; itaut dici possit transitus de una ad aliam Ecclesiam canonicè factus: *Arg. cap. Mutationes. 7. q. 1. c. Cum Univerforum, de Rer. Permut.*

Quò ad Secundum: Duæ sunt causæ, cur inventa sit Translatio: Utilitas, & Necessitas, *text. est hic in princ. c. Sicut vir, c. Episcopus. 7. q. 1. c. Non oportet. 19. & c. Placuit. 21. eadem 7. q. 1.* Utilitas, quotiescunque quis creditur utilior in Ecclesia, ad quam transit, quam in illa, quam habet; & vocatur ad aliam Ecclesiam, ut doctrina, & vitæ integritate majorem afferat populo utilitatem, *c. Omnis, d. c. Episcopus. 7. qu. 1.* Sic Anno 1664. Emin. Card. Gre-

gorius Barbadicus translatus fuit per Alex. Papam VII. ab Ecclesia Bergomen. ad hanc Patavinam. Necessitas autem Translationem inducit, quotiescunque per bellum, & hostium obsidionem Prælati unius Ecclesiæ in aliam se transfert, *c. Temporis. 7. q. 1.* qui necessitate cessante tenetur ad priorem Ecclesiam redire. *§. 1. hoc tit.*

Quò ad Tertium: Ut translatio fieri possit, necessarius est consensus Superioris. Item antiquitus requirebatur consensus Capituli, quod elegerat. *c. Præcipimus. 12. q. 1.* Tertiò consensus ipsius Prælati, nisi ob bonum commune à Summo Pontifice transitus, & Translatio præciperetur, *d. c. Omnis. 7. q. 1.*

Quò ad Postremum: In omnibus Ecclesiis potest fieri Translatio: sed si agitur de Episcopis, solus Summus Pontifex jus habet transferendi. *§. Sciendum, hoc tit. c. Quod Translationem, & ibi Gloss. extr. de Offic. Legas.* Si verò tractetur de minoribus Ecclesiis, & Prælati, seu Sacerdotibus ordinariis, Episcopi auctoritas exigitur. *§. Non absimilis, hoc tit.* ita notatur in *c. Quanta, ext. eod. nisi fortè Prælati minor esset Summo Pontifici subiectus immediatè, c. Cum venerabilis, de Consuetud.*

TIT. XIX.

De Renunciatione.

Cum actum sit de primo modo, quo dissolvitur dominium inter Ecclesiam, & Rectorem,

D 2 rem,

rem, nunc de secundo, scilicet de Renunciacione differitur, videamus igitur

1. *Quid sit Renunciatio?*
2. *Qui possint Renunciare?*
3. *Quæ requirantur in Renunciacione?*
4. *Quæ sint causæ legitimæ Renunciacionis?*
5. *Qui sint Renunciacionis effectus?*

Quò ad Primum: Renunciatio est proprii Juris spontanea refutatio, *hic in princ.* Si enim esset coacta, revocaretur, c. 2. & c. *Super. De bis, quæ vi, met. cas. sum.*

Quò ad Secundum: Regula generalis est constituenda; Omnes posse Renunciare servatis servandis: & non solum minores, sed etiam majores Prælati Renunciare possunt, illis exceptis, qui fortè in furorem incidissent, c. *Quamvis*. 7. q. 1. Undè etiam Papa potest Renunciare Papatui. *S. de Romanis, hic, c. 1. de Renunciat. in 6.* prout fecit S. Petrus Cælestinus. Et non solum quis per se, sed etiam per Procuratorem potest Renunciare, itant si Procurator, antequàm revocetur, sine dolo renunciaverit, teneat Renunciatio. *Clem. unic. cod. tit. De renunciat.*

Quò ad Tertium: Hæc requiruntur. Primò ut sit spontanea, ut suprà dixi. Secundò ut fiat de proprio, & obtento beneficio. c. *Pen. de Re jud. c. Dilecto, de Præbend.* Tertio ut fiat simpliciter & purè, non lucrandi animo, c. *Qui suadet*. 1. q. 1. c. *Tua, de Simon.* Quartò ut fiat ex legitima causa, c. *Nisi*. *S. unum, ext. cod.* Quintò ut fiat cum Superioris licentia. *S. Abbas, hic.* Undè Prælatus, qui Romano Pontifici immediatè est

subjectus, ab ipso debet impetrare licentiam; quòd si is, qui renunciat, Episcopo sit subjectus, cum ejusdem Episcopi permissione fiat Renunciatio, *concord. tex. in c. Quod in dubiis, ext. cod.* Atque tandem requiritur, ut de ea conficiantur acta, d. c. *Quamvis, c. Fin. c. Sicut Vir. S. Ecce*. 7. q. 1.

Quò ad Quartum: Sex sunt causæ legitimæ Renunciandi. Conscientia criminis: Corporis debilitas: Defectus scientiæ: Malitia plebis: Grave scandalum: & Irregularitas personæ, d. c. *Nisi, & in 1. in princ.*

Prima, si sit crimen tale, propter quod officii executio, etiam post exactam pœnitentiam impediat, ut Simonia. 1. q. 1. cap. *Simoniacos, & cap. Tanta, de Simonia.* Item Homicidium, c. *Fin. de Temp. Ordin. & c. Minor. d. 50. & cap. Inquisitionis, de Accusat.* In aliis verò criminibus, de quibus potest pœnitere remanendo in officii administratione, non tenetur quis petere cessionem. *S. propter, hic, & c. Nisi, cod.* Secunda si impedit administrationem. *S. Non absimilis, hoc tit. d. c. Nisi, S. 1.* Tertia si maximus est defectus. *S. Propter, hic, c. Cum nobis, de Elect. c. Venerabilis, de Præben. d. cap. Nisi.* Quarta si proficere non potest. *S. Propter malitiam, hic, d. cap. Nisi. S. propter malitiam.* Et in Actis Apostolicis in cap. 13. Ubi legitur de Apostolis, qui Judæis incredulis dixerunt: *Ecce convertimur ad gentes, quia Verbi Dei vos indignos fecistis.* Quinta si maximum scandalum timetur. *S. Propter malitiam.* Sexta si irregularitas sit Bigamiæ; aliàs enim si de legitimo

timo Matrimonio non sit natus, cum eo potest dispensari. *§. Item ob. hoc. tit.* Scias tamen, quod quamvis Prælatus, vel Episcopus, qui semel transiit ad vitam Monachalem, non possit amplius fieri Episcopus. *§. Accidit hic, cap. Item cum aliquis. 7. q. 1. & c. Hoc nequaquam, & c. Post translationem ext. eod.* Ut puta si quis convictus est de crimine, & ob id detrudatur in Monasterium, *c. Post translationem, ext. eod.* Vel etiam si quis humilitatis causa transiit ad Monasterium, & de licentia Papæ: attamen in quibusdam casibus potest iterum in Episcopatum assumi, ut si quis persecutionis rabie faviente, vel præpeditus adversa valetudine corporis, cum proficere nequeat in regimine Pastoralis, de Superioris autoritate ad monasticam vitam descendat; namque persecutione, aut ægritudinis impedimento cessante ad Episcopalem poterit dignitatem resurgere. *§. Ceterum, hoc tit. d. cap. Post translationem. §. Ceterum.* Est alius casus in *§. Idem Juris, hoc tit.* nempe si ignarus, in Monasterio acquisiverit scientiam.

Quod ad Postremum: Effectus est, ut sequuta Renunciatio, teneatur Prælatus Ecclesiam dimittere, nec possit regulariter ad ipsam redire, *d. c. Post translationem.* Quinimmo si quis impetraverit licentiam Renunciandi, Renunciare tenetur, *c. Quidam, ext. eod. §. fin. hic.* Vide *d. cap. Hoc nequaquam, & c. seq. 7. q. 1.*

TIT. XX.

De Depositione, seu Degradatione.

VIsu est de duobus modis, quibus Matrimonium spirituale inter Prælatum, & Ecclesiam dissolvitur; nunc de tertio videndum est, nempe de Depositione: & videbimus:

- 1 Quid sit Depositio, seu Degradatio?
- 2 Quot species?
- 3 Qui possint deponi?
- 4 A quibus fiat?
- 5 Quomodo?
- 6 Ex quibus causis?
- 7 Ad quid?

Quod ad Primum: Depositio significat actionem factam apud Pontificem sine solemnitate. Degradatio autem est de gradu dejectio, instituta ad similitudinem exautorationis ejus, qui militiæ deservit armatæ, cui ob delictum & ordo militaris, & insigne detrahitur. *§. 1. hic, cap. Degradatio, de Penis, in 6. l. 1. §. 1. ff. de bis, qui not. inf. l. 3. §. pena, ff. de Re milit.* Et propriè Degradatio est gradus privatio, verbis, factoque solemniter celebrata. Depositio verbis tantum, & sine solemnitate, *d. c. Degradatio.*

Quod ad Secundum: Dux sunt species Degradationis, Verbalis, & Actualis, *d. cap. Degradatio. §. 2. hic.* Verbalis est illa, quæ à proprio Episcopo sibi adstante in Degradatione Clericorum, in sacris Ordinibus existentium, certo Episcoporum numero, definita

to à canone, est facienda, *hic in §. 2. d. c. Degradatio*. Poterit enim Episcopus in tali Degradatione uti verbis aliquibus illis oppositis, quæ in collatione Ordinum fuere prolata; dicens hæc Presbytero, vel similia verba in Depositione: *Auferimus tibi vestem Sacerdotalem, te bonore Sacerdotali privamus*, ut in *d. c. Degradatio*, & *c. Si quis Episcopus*. 6. q. 4. Secunda est, quæ fit, ut exauthoratio ejus, qui deservit militiæ armatæ, cui militaria detrahuntur insignia, sicque à militia remotus, castris ejicitur, privatur consortio, & privilegio militari. Etenim Clerico Degradando Episcopus singula, sive sint vestes, calix, liber, seu quævis alia, quæ juxta morem ordinandorum in ordinatione ab Episcopo tradita, seu collata sunt, singula aufert, eraso etiam toto capite ipsius Degradandi, *c. Degradatio, hoc tit.*

Quò ad Tertium: Brevis est Regula. Omnes posse deponi, qui gravia delicta patrarunt, ut infra videbimus.

Quò ad Quartum: Antiquitus Episcopi à Metropolitano deponerantur, duodecim ad minus Episcopis assistentibus, *c. In summa*. 3. q. 8. In Presbytero degradando Episcopus sex aliis Episcopis ad minus præsentibus degradabat. 10. q. 7. *c. Felix*. In Diacono, vel Subdiacono tribus præsentibus per Abb. in cap. *Non potest, de Sent. & re jud.* Verùm hodiè si de Episcopo agitur, cognitio pertinet ad Summum Pontificem. Si de Presbytero, iste deponitur ab Episcopo, vel ejus Vicario adhibito certo numero Abbatum, ulum mitræ, & baculum

habentium, si possint haberi; aliàs adhibeantur Prælati alterius generis. In Conc. Trid. *sess. 13. c. 4. de Reform.* Si de minores Ordines habentibus tractatur, Episcopus est, qui id ex causa facere potest, *d. c. Degradatio, de Paris in 6.*

Quò ad Quintum: Ordo traditur in *d. c. Degradatio*. Adducitur Degradandus indutus vestibus sacris coràm Episcopo: si est Sacerdos cum Calice in manu, sive aliud, quod ad ejus Officiam pertineat; & Episcopus singula quibuscumque verbis prolatis, detrahit; inchoando ab ultimo ornamento, & continuat usque ad primam tonsuram, in cujus depositionis signum, caput postea eraditur, *d. c. Degradatio*. Legatur Exemplum Degradationis Presbyteri Criminosi factæ cum lacrymis à Sancto Carolo Borromeo in ejus Vita *lib. 7. c. 4.*

Quò ad Sextum: Antiquitus tres notabantur causæ: nempe *Hæresis, Falsitas, & Usurarum exercitium*, *c. Nolumus, de Verb. Sign. c. Nulli*. 44. d. Verùm & aliæ sunt causæ: Frequentia homicidiorum; conversatio continua cum mulieribus post admonitionem, & alia hujus generis, *c. Clericus*. 81. *dist.* Vide *c. Cum non ab homine, ext. de Judic.*

Quò ad Postremum: Degradatio fit in pœnam Clericorum delinquentium, & ad eos puniendos, *c. Sacerdos*. 81. d. Et sæpè fit, ut possit Judex sæcularis ipsum Clericum Degradatum punire, licet debeat Judex Ecclesiasticus eum tradendo orare, ne deveniatur ad pœnam sanguinis, *c. Rerum*. 17. q. 4. est *tex. in §. Clericus, hic*. Et fit etiam ad privandum Clericum, ne

se im-

se immisceat ampliùs in sacris, ut notatur in c. 1. de Cler. excom. & ait *text. hic in fine.*

TIT. XXI.

De Sacerdotibus in inferiori gradu constitutis.

Cum usque ad præsentem titulum tractatum sit de Sacerdotibus existentibus in gradu supremo, aut majori, nunc tractatur de his, qui sunt in gradu inferiori: & videbimus:

1 Qui sint Sacerdotes in gradu inferiori existentes?

2 Quæ sit Presbyterorum potestas?

3 Qui possint esse Presbyteri?

Quò ad Primum: Sacerdotes existentes in gradu inferiori sunt Presbyteri, qui æqualiter sunt Sacerdotes in tantum, ut non desint, qui dicant Episcopos, & Presbyteros differre dignitate, non ordine, c. Legimus. 93. d. & c. Olim. 95. d. f. Presbyterorum, hoc cod. tit. Presbyteri autem nomen trahitur à senectute, c. Quisquis, c. Porro, d. 8. licet potius hoc nomen maturitatem sapientiæ, atque prudentiæ indicet, quàm canitiem corporis, vel annorum multitudinem, c. 2. 25. q. 6. c. De quib. 20. d.

Quò ad Secundum: In hoc capite distinctio est adhibenda: nam Presbyteri quædam possunt jure proprio, ut est Corporis Domini, ac Sanguinis consecrationem, etiam præsentem Episcopo, peragere, d. c. Legimus, c. Ecce, dist. 95. Infantes baptizare, c. 2. & c. 3. de Off. Archiep. Sanctificato oleo inun-

gere, ac benedicere, non tamen solemniter, ut d. c. Ecce, & de his vide in d. 91. c. 1. & c. Presbyteros, d. dist. 95. cap. Ministrare. 96. q. 9. & notatur in c. 2. & 3. de Off. Archiep. Pœnitentes occultos absolvere. Locis supr. alleg. & de his loquitur f. Episcopi, hic. Quædam verò possunt ex persona Episcopi: scilicet Episcopo permittente, & imminente necessitate extrema, ut Baptizatos sacro linire Chrismate, & Virgines Deo dicare, d. c. Ecce, extr. cod. text. in f. Episcopi, hic. Quædam tamen neutro modo conceduntur Sacerdotibus, ut est Ecclesias consecrare, erigere, reconciliare, Sacrum Chrisma conficere, Clericos ordinare, excommunicare, publicas injungere pœnitentias, aut publicos pœnitentes reconciliare; ut in f. fin. hoc tit. aut alia similia efficere, d. c. Ministrare, cap. Aqua, de Consecrat. Eccles. vel Alt. c. Quanto, de Consuetud.

Quò ad Postremum. Illi possunt esse Presbyteri, & Sacerdotes, qui cum legitime fuerint promoti ad ordines inferiores, dignos se præbuerunt, ut ad sacra ministeria tangenda assumantur. Insuper requiritur, ut per annum Diaconi extiterint, optimisque moribus sint exornati, c. 11. c. 14. sess. 23. in Conc. Trid. Ac tandem ut annum vigesimum quintum attingant; ut sess. 23. c. 12. ejusd. Trid. Conc.

TIT. XXII.

De his, qui in sacris sunt constituti.

Cum post Sacerdotes reperiantur immediatè, qui in sacris sint constituti ordinibus, quinimò Sacerdotes esse non possint, qui sacros Ordines non receperunt, ob id etiam de his tractare oportet; Et pro tituli expeditione videbimus.

- 1 *Sacer ordo qui dicatur?*
- 2 *Qui dicantur in sacris ordinibus constituti?*
- 3 *Qui sint Diaconi, & Subdiaconi?*
- 4 *Qui possint ad hos ordines promoveri?*
- 5 *Quæ sit Diaconorum, & Subdiaconorum Potestas?*

Quò ad Primum. Sacer ordo dicitur caracteris quædam in anima impressio, de Sacramento Corporis Christi participans, qua quis in viam Domini adeò transfertur, ut non liceat ei ampliùs recedere, *c. Cum ex eo, de Elect. in 6. Abb. in c. Si quis Clericor. de Cleric. conjugatis.*

Quò ad Secundum. Septem secundum aliquos sunt Ordines: Minores quatuor, nempe *Ostiatorius, Lectoratus, Exorcistatus, Acolytatus.* Majores tres, *Subdiaconatus, Diaconatus, Presbyteratus.* Sunt, qui etiam adjiciunt Episcopatum ordinem esse majorem: Psalmistarum minorem; sed prior sententia magis recepta est. Erunt igitur in Sacris illi: qui vel Diaconi, vel Subdiaconi, vel Presbyteri sunt.

Quò ad Tertium. Diaconi nomen significat Sacerdotis mini-

strum, & est nomen dignitatis, *c. Si quis post acceptum. 51. d. Et Diaconi sunt, qui omnibus ordinibus, præter Sacerdotis caracterem exornati, Episcopo dnm Altissimo sacrificia offert, auxiliantur, c. Diaconi. 93. d. Subdiaconi sunt illi, qui præter minores ordines hunc majorem receperunt tantum, c. A Subdiacono, d. 93.*

Quò ad Quartum. Ad ordinem Subdiaconatus promoveri possunt illi, qui omnes minores ordines receperunt, & vigesimum secundum annum degunt: ut in *Concil. Trid. sess. 23. cap. 12.* Ad Diaconatum verò, qui ceteros ordines obtinuerunt inferiores, & habent annum vigesimum tertium; in Subdiaconatuque persistant per annum, *d. c. 12. cum seq.* Intellige, prædictos annos sufficere inceptos. *DD. apud Barbosa d. sess. 23. c. 12. num. 2.*

Quò ad Postremum. Modica horum auctoritas existit, cum debeant ne dum Episcopis, sed etiam Presbyteris subesse: Et quidem Diaconorum officium est, Episcopum prædicantem ab insidiis custodire, Sacerdotibus assistere, & Evangelium ad populum prædicare, *c. Perlellis. §. ad Diaconum. 25. d.* Ad Subdiaconum verò pertinet Diacono subesse, & ejus officii est, Calicem, & Patenam ad Altare deferre, & Levitis tradere, eisque ministrare; Urceolum, quoque, & aquam, mantile, & manutergium tenere, Episcopis, Presbyteris, & Levitis pro lavandis ante Altare manibus aquam præbere. *§. Diaconum. 1. hoc tit. d. c. Perlellis. §. ad Subdiaconum.*

TIT. XXIII.

De his, qui in minoribus sunt constituti.

Vidimus de his, qui in sacris ordinibus sunt constituti; nunc de his qui minores ordines habent. Et videbimus

- 1 *Qui sint ordines minores?*
- 2 *Qui possint ad hos ordines promoveri?*
- 3 *Quæ ad ordines minores pertineant?*

Quò ad primum: Quinque sunt secundum quosdam minores ordines, *Acolythus, Exorcistatus, Leitoratus, Ostiarius, & Psalmistatus*; & dicuntur minores ordines, quia cum modica solemnitate conferuntur, & sine Sacramentali benedictione, cum quadam vasorum, vel indumentorum distributione. Quinimò Psalmista, qui & cantor dicitur, absque scientia Episcopi, jubente Presbytero, suscipit munus cantandi. *S. I. & 2. in fin. hic, c. Psalmista. 23. d.* Hic ordo secundum aliquos est prima tonsura, & cum ea confunditur, *d. c. Psalmista*. Hinc est, quòd non desunt dicentes quatuor esse tantum ordines minores, auctoritate *Conc. Trid. in c. 17. sess. 23.*

Quò ad Secundum. De hac re adest titulus specialis, infra de his, qui possunt promoveri, vel non, idcirco tunc temporis de hac re dicetur.

Quò ad Postremum: Ad Psalmistam, ut ab inferiori ordine, seu à dispositione ad ordines incipiamus, pertinet cantare jubente

Presbytero, & ob id cantor etiam appellatur.

Ad Ostiarium pertinet, claves Ecclesiæ tenere, claudere, & aperire; unde nomen est desumptum, fideles recipere, & excommunicatos, atque infideles à templo eicere, *c. Ordinarius. 23. d.*

Ad Lectorem lectiones pronuntiare legendo, ac prædicare, quæ per Prophetas populis fuere prædicata, *c. Lector. 23. d.*

Ad Exorcistam exorcismos memoriter retinere, manusque super energumenos, idest à Dæmonibus obsessos, & Catechumenos imponere, *c. Exorcista. 23. d.*

Ad Acolythum tandem pertinet lumina accendere, *cop. Acolythus. 23. d.*

In fine hujus tituli nota, quòd constituti in majoribus ordinibus nullo pacto matrimonium possunt contrahere; constituti autem in minoribus possunt, sed privantur beneficiis, & dignitatibus Ecclesiasticis. *Conc. Trid. sess. 24. de Sacram. Matrim. Can. 9. & ibi DD. quos citat Barbosa n. 16.*

TIT. XXIV.

Communia tam minorum, quam majorum Ordinum.

Quoniam vidimus ordines, de quibus supra actum est, nulla inter se communia habere, ideò de his nunc videndum est: Et examinabimus:

- 1 *Quo modo ista Rubrica sit accipienda?*
- 2 *Quæ majores minoribus præstare debeant?*

E

3 *Quæ*

3 *Quæ minores majoribus?*

4 *Quæ verè communia sint?*

Quò ad Primum. Rubrica ista debet in eum modum intelligi, ut ea comprehendat, ad quæ tam majores, quàm minores ordines habentes tenentur: tum etiam quia ea complectatur, quæ inter habentes majores, & minores ordines sunt explicanda, ut ex infra dicendis præcipuè apparebit.

Quò ad Secundum: Majores erga minores debent, se eo modo præbere, ut non quasi se dominos esse putent; sed debent illos, qui sunt in minoribus constituti, ut Clericos honorare, docere; & si respectu majorum ordinum præfunt, debent etiam exindè curare, ut eisdem prosint. *S. majores. inf. hoc tit. cap. Esto, d. 95.* Cur ergo, dicit textus, te habeam ut Principem, cum tu me non habeas ut Senatum? Hoc tamen respicit factum, nam de Jure tollerandus est Prælati usque ad sententiam, *c. Minore. 8. q. 4.*

Quò ad Tertium: Non debent habentes minores ordines, se quasi æquales habentibus majores ostendere; sed humiles esse debent, eis obedire, & ab eis doceri in his præsertim, quæ ad sacra peragenda pertinent; & debent ea tantum assumere quæ ad propriam personam pertinent, *hic in princ. & c. 1. & ibi not. de Sepult.*

Quò ad Postremum: Illud in primis communiter convenit, tam majoribus, quàm minoribus ordinibus, ut ordinandorum inquisitio habeatur circa ipsorum qualitates, patriam, scilicet, parentes, nativitatem, mores, peritiam, fidem, & alia hujus generis. *S.*

præcedet inf. hoc tit. c. Episcopus, c. Quoniam. d. 24. & in Conc. Trid. sess. 6. cap. 1. sess. 14. c. 3. & sess. 23. c. 1. & c. 7. & c. 12. & c. 14. in Decret. Reform. & in sess. 24. cap. 18. Præterea illud commune est, ut conferantur ordines gratis, non munere, aut pretio interveniente, *d. c. Quando, & c. Fin. d. 24.* Quinimodò hoc casu tam ordinatus, quàm ordinans sunt puniendi. *S. ipsi verò, inf. eod.* Tertiò commune est, ut minùs idonei non admittantur: quoniam sanctius est, paucos habere bonos, quàm multos malos ministros. *S. Item, sup. hoc tit. Abb. in c. Cum sit, de etat. & qualis. c. Tales. 23. d.* Insuper illud commune est, ut ordines conferantur successivè, & ordinatum, aliàs ordinatus per saltum non potest exercere ordinem, nisi interveniat dispensatio, *c. Unico. de Cler. per salt. promot. c. Sollicitudo. 51. d.* Ideò debent ordines statutis temporibus conferri, alioquin & ordinantes, & ordinati puniuntur. *S. Igitur, cum seq. inf. eod. c. de eo, c. 2. & c. Cum quidam, de Temp. ordinat.* Nota tamen, quòd etiam, quando extra tempora statuta conferuntur ordines, ordinatus recipit characterem, *c. Penult. ext. eod. tit. de Temp. ord.* Et habes simile, quòd puer non est ordinandus ad sacros ordines, si tamen ordinetur, imprimatur character, *c. Vel non est compos. de Temp. ord. & not. in c. Unic. ext. de Cleric. per salt. prom.* Sic etiam non debet, quis à Judæo, vel Pagano baptizari, baptizatus tamen non est rebaptizandus, *cap. 1. de Summ. Trinit. & fide Carbol. c. Quodam, & c. Romanus de Consecr. d. 4.*

Atque

Atque tandem illud commune est, ut se immiscuentes in divinis sine ordine, ordinibus perpetuo careant. *S. Quod si is, inf. eod. c. Ut quisquis, de Vit. & Honest. Cleric.* Cætera vide in textu. An si nondum baptizatus, fuerit ordinatus, receperit characterem, an verò debeat baptizari, & iterum ordinari? Dic quòd debet baptizari, & iterum ordinari, quia sine Baptismo nullum Sacramentum recipi potest. *S. De eo, hoc tit. & ibi Gloss.* Item An Episcopus solus semper conferat minores ordines, an hoc interdum aliis concedatur? Et dic, quòd minores ordines etiam ab Abbatibus conferuntur. *S. Illud postremo, hoc tit.* Item An Episcopus, qui renunciavit Episcopatu, possit sacros ordines conferre? Distingue, An loco renunciavit, aut etiam dignitati? quæ omnia traduntur in *S. de eo, & in S. seq. inf. hoc nostra titulo, in fin.*

TIT. XXV.

Qui promoveri non possint?

INter ea, quæ communia sunt, hoc unum potest etiam connumerari, ut ad ordines non promoveantur, qui ex aliqua causa minus idonei evadunt, & idè ut cognoscantur hi, qui non possunt promoveri, subjicitur ille titulus: & videbimus

1. *Quæ causæ ordinationem impediant?*

2. *Quæ ex his causis dispensationem admittant?*

3. *Qui possint dispensare?*

Quòd ad Primum. Variæ recen-

sentur causæ, per quas non potest quis ad ordines promoveri. Quinimò si aliquis promotus est, & in aliquam ex causis infra dicendis incidat, ad Superiores ordines non promovetur, *cap. Fin. 55. d.* Causæ verò istæ sunt *Subjectio, Delictum commissum, Corporis læsio, & Suspicio futuri lapsus.*

Subjectio significat Ins quoddam ab alio habitum in personam ordinandi, quo Jure interveniente, efficitur ut ordinandus plena libertate non gaudeat. Hinc servus anrigitus non ordinabatur, *c. Consuluit, de Servis non ord.* Quinimò nec manumissus, quia Patronus aliquod Jus sibi reservabat, *c. Quodcumque, d. 54. S. ratione subjectionis inf. eod.* Et nota, quòd hic Patavii servitutes hominum durarunt usque ad *Annum 1200.* ut ostendunt *mea Erotemata cap. 132. Quæst. 17.* Hinc etiam fit, quòd nec Monachi possunt ordinari, seu ad Ecclesiastica beneficia promoveri sine licentia Abbatis, *cap. Statuimus. 79. qu. 3. S. Monachi, inf. eod.* Hinc etiam prohibitum est Episcopis eos ordinare, qui sunt de alterius Diocesi, nisi habeant licentiam ab Episcopo ordinario, vel ejus Vicario, *c. Nullum Episcopum. 9. q. 2. c. Pen. & fin. de Supplend. mgl. Præl. in 6. S. pari ratione, inf. hoc tit.* Item quando concurrat licentia Episcopi Ordinarii, causa legitima intervenire debet, *c. 11. sess. 7. in Conc. Trid.*

Secunda causa est delictum commissum, quod crimen significat ejus generis, ex quo poena capitis efflagitari videatur, *c. Si Episcopus. 50. d. c. In memoriam. 19. d.* Hinc si quis ex proposito delictum

E. 2 com-

commisisset, (puta homicidium) ordinari non potest: secus si in casu suæ defensionis homicidium perpetrasset, *Clem. iuric. de Homicid. §. Parrari, cum seq. inf. cod.* Id tamen verum est, quod si culpa præcedit casum, ordinatio impeditur, *c. Continebatur, & cap. De cætero, & cap. Dilectus, de Homicid.* Hinc etiam pœnitentes publici non possunt ordinari, *c. Ex pœnitentib. d. 50. cap. 1. extr. de Bigam. cap. Nullus. d. 55.* Et de pœna ferendæ publicæ pœnitentiæ vide text. in *c. De bis. 50. d. & per DD. in d. c. 1. de Bigam. §. Pœnitentes, infr. cod.* Hinc etiam usurarius ab ordinibus repellitur, *cap. Fin. 46. d. cap. 1. c. De Petro, & c. Si quis. d. 47. §. Quod si quis, inf. cod.* Hinc Simoniaci, Fures, & similes personæ ab ordinibus arcantur, *cap. Secutionarios. 46. dist. §. Idem cum seq. infr. cod.* Quod autem dicitur de furibus nota, quod quinque intervenientibus potest ordinari fur.

Primum est: Quod spontè confiteatur.

Secundum: Quod satisfaciat damnum passio.

Tertium: Quod egerit pœnitentiam.

Quartum: Quod sit aliàs idoneus.

Quintum: Ut non sit fama aspersum, ut per Abb. in *c. Fin. de Fures.*

Tertia causa ordinationem impediens est corporis læsio, dommodò non modica existat, *c. Fin. de Corp. vitiat.* Quod ita intelligendum est, si læsio non contingeret in parte non visibili, eo tempore, quo quis intellectu caret, ut puta si quis fuisset virilibus membris in

infantia privatus, *cap. 3. extr. de corp. vitiat.* Id etiam intelligendum est, quando membrum adeo est infirmum, ut ad suum munus invalidum esset, veluti si manum quis debilem haberet, ut non posset manus officio fungi; & idem esset, si membrum esset ejus conditionis, ut deformitatem induceret, *cap. Presbyterum, de Cler. egrot.* Est text. in *§. Cavenda, cum seq. inf. hoc tit.*

Postrema causa est suspicio futuri lapsus, quæ nihil aliud est, quàm conjectura ex rationabili causa descendens, qua quis in errores calurus præsumitur. Hinc si quis in lecto jacens infirmus Baptismum susceperit, promoveri non debet. *§. Sed etsi, infr. cod.* Quemadmodum nec rebaptizatus, *cap. Confirmandum, de Consecration. d. 4. & c. Qui bis, §. Sciens, inf. cod.* Hinc prohibentur Presbyterorum filii, & illegitimè nati, quia suspicatur eos posse imitari paternam incontinentiam, *cap. 1. & tot. tit. de Filiis Presbyt. §. Presbyt. infr. cod.* Hinc etiam ab ordinibus Bigami repelluntur, *cap. 1. de Bigam.* Et Bigamus dicitur, qui duas habuit uxores, vel unam, sed corruptam; vel qui cum vidua de facto contraxit, namque etiam hoc casu propter affectum voluntatis cum opere subsequero fit Bigamus, & in consequentia irregularis. Alii dicuntur Bigami interpretativè, ut qui cum vidua, aut corrupta contraxerunt. Item qui unam de Jure, alteram de facto habuerunt. Item ille, qui scienter cognovit uxorem adulteram. Alii dicuntur Bigami propter affectum intentionis cum opere subsequuto.

sequuto, *c. Nuper, & c. A nobis, extr. de Bigam.* Alii propter Sacramenti defectum, ut mariti Viduarum, & corruptarum. Item ille, qui successivè, diversis temporibus uxores habuit duas; & de his omnibus vide Glossam in *c. 1. ext. de Bigam.* Et nota quòd in Sacramento Matrimonii triplex designatur Sacramentum. Primum est unio fidelis animæ ad Deum propter dilectionem, & charitatem, & hoc designatur per conjunctionem animorum in ipsa prima desponsatione, dum alter ad invicem consentit in alterum.

Secundum est Unio humanæ naturæ ad Deum, quæ facta est in Utero Virginali per Incarnationem Verbi Dei, & hoc designatur per carnalem commixtionem viri, & uxoris, quod intellige per ipsum actum consummatum designari hoc Sacramentum.

Tertium est unitas Ecclesiæ, ex omnibus gentibus collecta, uni viro Christo subjecta; quod Sacramentum consistit in eo, quòd quis unicum matrimonium servavit, nec cum corrupta contraxit, Clerico postea facto, & ordine suscepto: vide plenius in Gloss. in *cap. Debitum, in Verb. Sacramenti, extr. de Bigam.* Et hoc quod dictum est de Bigamis, quòd non possunt ordinari, verum est in eo casu, quo quis duxerit uxorem ante Baptismum, & alteram post, *cap. Actutius. 26. d.* Sive utramque ante Baptismum, *cap. Una, cad. d.* Et quantum spectat ad irregularitatem Bigamiæ, notandum est, non censeri Bigamiam, nec Bigamum nisi copula intercedat, fueritque matrimonium consummatum, *c.*

Debitum, & ibi DD. communiter de Bigam. Hinc etiam à Dæmone obsessi, vel furiosi, item Scenici prohibentur ordinari, quoniam iustè timeri potest, ne in errores delabantur, & materiam scandali præbeant: est *§. Fin. inf. cod. cap. Maritum, d. 33. in fin. & c. Clerici.* Si tamen aliquis horum fuerit promotus, non deponitur, *c. Quamvis. 7. q. 1. & not. in d. c. Maritum.* Undè etiam quamvis oculo privatus non possit promoveri, attamen si postea talis privatio contingat, retinet ordines, quos habuit. *§. Hæc autem, inf. cod.* Quamvis propter scandalum, & deformitatem amittat executionem, *cap. 2. & cap. 3. de Cleric. ægrot.*

Quòd ad Secundum: Subjectio quidem impedit ordinationem, sed facillimè impedimentum remittitur; quoniam concessio libertatis efficit, ut ordinatio fiat: quinimò & facta tenet, etiamsi Dominus fortassè ignorasset, *c. Si servus sciente. 54. d.* Et ibi vide per tot. Hinc etiam Clericus alterius Diocesis cum licentia Ordinarii ordinatur, *cap. 1. sess. 7. & c. 2. sess. 14. in Conc. Trid.*

Delictum autem commissum, si notorium est, veluti homicidium ex voluntate commissum, dispensationem non meretur, *c. 7. sess. 24. in Concil. Trid.* Si verò est homicidium sine culpa perpetratum, non est necessaria dispensatio, quòd si culpa præcessit, tunc secundum qualitatem homicidii fit dispensatio cum majori, vel minori difficultate, *c. Lata, c. Coninebatur, de Homicid.* Id tamen verum est, quòd si quis delictum com-

commiserit, postquam est ordinatus in susceptis ordinibus, toleratur, sed administratio interdicitur, *c. Studeat*, 50. d. Cæterum si quis secundario mortem alicujus procuraverit, veluti si prosequendo propriam offensam ipsum Judicem detulerit delinquentem, qui fuerit postea ad mortem damnatus, potest dispensationem obtinere, *c. Postulanti*, ext. de Homicid. Idem dicitur de Furibus, namque etiam cum his potest dispensari, intervenientibus his quinque supra relatis, *c. Non dicatis*, 12. q. 1. *c. Laici*, 33. d. c. *Tantis*, d. 81. Qui simoniace ordinati sunt, regulariter dispensationem non solent obtinere, sed cum maxima difficultate. Goffr. in Rubr. ext. de Simonum, 27. Quò ad tertiam causam Rebaptizati necessitate si in fide perseveraverint, justè ordines suscipiunt. Arg. tex. in cap. Cum per Bellicam, 34. d. 1. *c. Tunc valere*, de Consecrat. dist. 4. Similiter cum filiis illegitimis dispensatur, *c. 1. de Filiis Presbyt.* Quò tandem ad lætionem, quando est modica, dispensatio non difficiliter obtinetur; si maxima tunc secùs, veluti si quis oculum amilisset, tunc enim cum maxima difficultate obtineretur dispensatio. Id tamen est verum, quòd si collati sunt ordines, ordinatio non retrahatur, sed executio suspenditur, cap. 2. *c. seq. de Cler. egrot.* ut supra diximus.

Quò ad Postremum: Si de minoribus ordinibus tractatur in quibusdam casibus Episcopus potest dispensare, secùs si de majoribus, *c. Continebatur*, *c. Ad audientiam*, de Homicid. Ulteriùs potest etiam dispensare Legatus de Latere, quia

quod non est specialiter reservatum Summo Pontifici, intelligitur Legato concessum, *c. Nisi*, de Off. Legat. Insuper regulariter Summus Pontifex est ille, qui dispensare potest. Idque facit ratione concurrente, veluti si membrum deficiat, vel alia causa, quæ ordinationem impediat, & maximi sit momenti, concurrat, *c. Speculator*. S. Nunc breviter, de Dispensat.

TIT. XXVI.

De Præbendis, & aliis Beneficiis.

VIdimus de his, qui possunt ad ordines promoveri, sed quia illis, qui promoventur, Præbendæ, seu beneficia conceduntur; ob id nunc tractatur de hac materia. Et pro tituli intelligentia videbimus:

- 1 Quid sit Beneficium?
- 2 Quid Præbenda?
- 3 Quibus Beneficia concedantur?
- 4 A Quibus?
- 5 Quoi modis?

Quò ad Primum: Beneficii nomen æquivocum est, sed in nostro titulo præfertur Præbendas, & dignitates Ecclesiasticas, & potest dici Ecclesiasticum Beneficium (de quo tractamus,) ut sit distincta, & spirituali munere consueta Jurium Ecclesiarum portio, certis adibus sacris in hoc assignata, ut perpetuò ad vitam utendo Clerico legitime assignetur. Tholosan. in suo tractatu Synagm. Juris, lib. 17. c. 2. n. 2. Vel potest dici Ecclesie concessio, utilitatem, fructumque reddens. ibid.;

Quò

Quò ad Secundum : Præbenda primo loco significat perceptionem quandam fructuum à canonicatu sejunctam, quæ etsi de rebus Ecclesiasticis detur, tamen non ratione officii, sed laboris temporalis de Ecclesia benemeritis conceditur, *c. fin. extr. de Magist.* Secundo modo Præbenda sub nomine beneficii continetur, *c. Pro illorum, c. Fin. de Præbend.* Et est Jus percipiendi proventus Ecclesiasticos alicui tanquam Uni de Collegio competens, & ex Canonica procedens. *§. Præbendæ, hic, c. Relatum, de Præbend.* Non enim debet esse quis Canonicus sine Præbenda; & fuit inventa Præbenda, ut ille, qui Altari servit, possit de Altaris redditu victum percipere. *§. Cum enim, infr. eod. hoc tit.*

Quò ad Tertium : Præbendæ, & beneficia conceduntur illis, qui sunt ordinati, & Clero adscripti, & illis potissimum, qui per se possunt in Ecclesiis deservire, & munus injunctum explicare, *c. 1. 2. sess. 24. in Conc. Trid.* vel ut inquit Goffredus in Summa in Rubric. n. 2. conceditur idoneæ personæ, quæ resideat in loco, & curam ejus valeat per se exercere, *c. Relatum, extr. de Cler. non resid.*

Quò ad Quartum : Regulariter præbendæ conceduntur à Prælato Ecclesiæ, in qua præbenda vacat, *cap. Ex frequentibus, & c. Ad decorem, de Instituta.* Verum tamen est, quod interdum de consuetudine in contrarium observatur, *c. Cum Ecclesia, de Elect. extr. de Concess. Præb. c. Nulla*; quoniam interdum Prælatus cum Capitulo, interdum autem Capitulum beneficia confert, *d. c. Nulla, & sunt text. in c. 1. 2. 3.*

& c. Novit. De his, quæ fiunt à Præl. sine cons. capit. ubi Prælatus solus confert, *d. cap. Cum Ecclesia*, ubi Capitulum solum sine Prælato confert : sed de Jure communi Prælatus unà cum Capitulo suo institutiones, & concessiones facere debet, *d. cap. 1. 2. 3.* Verum tamen est, quod si tractatur de Dignitatibus, collatio pertinet ad Summum Pontificem, qui in Beneficialibus est Dominus, *c. Cum illa. 9. q. 3.*

Quò ad Postremum : Duobus modis conceduntur Beneficia; & Præbendæ : Institutione, & Collatione : de quibus infra dicemus. Hoc tamen est advertendum, quòd concessio debet fieri purè; & sine aliqua pactione, & diminutione, *c. Un. ext. Ut Eccles. Benef.* Et adverte, neminem esse ordinandum, qui non habeat Præbendam, vel Beneficium aliquod; & si Episcopus aliquem inopem ordinaverit, tenetur illi præstare necessaria; donec ei aliquam Præbendam, vel Beneficium assignet, *c. Episcopus, ext. cod. & de hoc est c. 2. in Decret. de Reformat. sess. 21. in Concil. Trid.* Verum si quis habeat Patrimonium sufficiens potest ordinari ad titulum Patrimonii, ut in Concil. Trid. *d. sess. 21. c. 3. in Decret. Reform.*

TIT. XXVII.

De Collationibus.

Quoniam inferiora Beneficia conceduntur vel per Collationem, vel per Institutionem, cum Collatio videatur præcedere tanquam pendens ex arbitrio Superioris,

rioris, ob id nunc agitur de Collatione: & pro tituli expeditione videbimus:

1. *Quid sit Collatio?*
2. *Quot modis fiat?*
3. *Qui possint conferre?*
4. *Quæ Ecclesiæ conferantur?*
5. *Intra quæ tempora?*
6. *Quæ sint in Collatione observanda?*

Quò ad Primum: Collationis verbum æquivocum est: significat enim contributionem bonorum à Præatore institutam: & quasi communicationem præferret, de qua in *tit. ff. Et C. de Collat.* Deindè significat rei ad rem comparisonem. Sed quò ad materiam nostram, Collatio est libera quedam Præbendæ concessio, quæ ab habente potestatem fit gratuito in Clericum: Vel potest dici, Gratuita quedam Beneficii vacantis assignatio, legitime facta ab eo, qui potestatem habet. Abb. in *c. Relatum*, num. 4. *ext. de Præben.*

Quò ad Secundum: Ut hoc caput plenè intelligatur, distinguendum est inter personas conferentes: Etenim si de Summo Pontifice tractatur, quoquo modo potest fieri collatio. Purè quando collatio fit sine clausula suspensiva, vel dilativa. Item in diem quando confertur Præbendæ, quam quis intra mensem, aut aliud tempus, à vacationis notitia duxerit acceptandam. *Clem. Un. de Concess. Præb. Vers. quia eod.* Quò casu si in rescripto adest Decretum irritans, collatio facta ab Ordinario intra illud tempus est nulla, *c. Si soli, de Concess. Præbend. lib. 6.* est *tex. in §. Dies*, *boc tit.* Ubi ratio redditur, quia Decreti appositio, reservatio, executoris inhibitiio, &

lis mota afficiunt beneficium, *cap. Tibi qui, de Rescript. in 6. de Concess. Præbend. per tot. cap. 1. c. 2.* Ut *lit. pend. in 6.* Alios autem modos, quibus beneficia afficiuntur, refert Gloss. in *d. §. Dies*, in *Vers. lis mota*. Item fit sub conditione, quando in rescripto conditio aliqua adjecta est: ut in *§. Sub conditione*, *bic*. Et est differentia inter hunc, & alium casum, quia in hoc casu appposito irritante decreto, non impletis adhuc conditionibus, vacans beneficium per Ordinarium, aut per Executorem ad providendum de tali beneficio datum, liberè conferri poterit; quod secùs est in casu superiori, ut supra diximus. Rursus sciendum est: Quòd si collatio fit à Pontifice motu proprio, plenissimè interpretatur; itaut ille, cui facta est concessio Ecclesiæ, alia beneficia retineat: si verò est facta concessio ad partis petitionem, tunc secùs. *§. Multum, inf. boc tit. Clem. Gratia, de Rescript. c. Gratia, de Præbend. in 6.* Similiter si motu proprio fit provitio, & plures vacant præbendæ, de pinguiori intelligitur facta collatio. Si verò fiat ad petitionem partis, tunc de minori intelligatur: & si in primo casu beneficia sunt æqualia, eligit ille, cui gratia est concessa; secùs autem est in secundo casu. *§. Item, cum seq. inf. boc tit. c. Super eo. 2. de Test. notatur in c. Sedes, de Rescript. c. In obscuris, de Re judicata in 6.* Gratia autem dicitur fieri motu proprio, quando hoc expressè cautum fuerit. *§. Motu autem, inf. hic d. c. Si motu*. Quòd si collatio fiat à Legato, vel Ordinario, tunc purè,

purè, & simpliciter fieri debet sine ulla diminutione, *c. Dilectus*, *1. c. Majoribus*, *ext. de Præbend.*

Quò ad Tertium: Tres possunt referri personæ, quæ Beneficia conferunt. Summus Pontifex, Legatus, & Ordinarius. Ordinarius Collator est ille, quem consuetudo approbavit, aut Juris auctoritas designavit, ut Episcopus, *§. 1. hoc tit. c. Omnes Basilicæ*, cum ibi alleg. 16. qu. 3. Etenim interdum Episcopus, interdum Capitulum separatim conferunt; nonnunquam Capitulum, & Episcopus simul; & hoc casu nec Episcopus sine Capitulo, nec Capitulum sine Episcopo potest conferre. *§. Quam conferendi, hoc nost. tit. c. Unic. Ne Sed. Vac. aliq. immovetur.* Nisi fortè alter impediretur, vel per suspensionem, vel per majorem excommunicationem, vel propter mortem, *d. §. Quam conferendi, c. In apib. §. In quibus. 7. q. 1. & 23. q. 2. in princ.*

Quò ad personam Legati: Illud sciendum est: Quòd tres sunt species Legatorum. Legati missi, & sunt illi, qui ad certum negotium, vel Provinciam designantur, & Apostolici Nuncii dicuntur. Alii sunt nati, qui simul atque promoti sunt ad aliquam Ecclesiam, ipso Jure sunt Legati Papæ in sua Provincia; ut Episcopus Cantuariensis, *cap. 1. de Off. Legati*. Alii sunt Legati de Latere, & hi secundum communem opinionem dicuntur Legati Cardinales, de quibus vide Gloss. *in d. cap. 1. de Offic. Leg. & in c. Excommunicatis, in verb. commissæ, eod. de Offic. Leg.*

Modò Legati missi, vel nati non conferunt, nisi sibi speciali-

ter hoc concedatur. Legati autem de Latere conferunt. *§. Ex legationis, in hoc tit. etiam Patrono invito, cap. Dilectus, de Offic. Legat.* Verùm quomodo hoc procedat? vide Gloss. *ibi in concessione*. Id tamen certum est, quòd non possunt eodem tempore plures facere reservationes, *c. Prasemi, de Offic. Leg. in 6.* Verùm materia reservationum per Concil. Trid. est correctæ *cap. 19. sess. 24.* Illud etiam est, in collatione facta tam a Ordinario, quàm à Legato observandum, ut nullum Jus acquiratur, nisi ille, cui facta est concessio, consentiat; quod ut facere possit, terminus assignatur, intra quem Collatores mutare sententiam non possunt. *§. Illud, cum seq. hic, cap. Si tibi, de Præb. in 6.* Nota tamen quòd termino elapso, si adhuc integra, is, cui gratia est facta, potest consentire, qui si priùs expressè dissenserit, rursus poterit acconsentire, si Conferens maneat in eadem voluntate, ut notatur *in d. cap. Si tibi, in fin. de Præbend. in 6.*

Tertia persona, quæ potest Beneficium conferre, est Pontifex, qui quidem confert, quotiescunque rescribendo mandat, ut de Beneficio, vel Præbenda alicui provideatur, *cap. Mandatum, cum duobus seq. de Rescriptis*. Licet rescriptum largo modo dicatur, quicquid à Papa rescribitur ad consultationem, relationem, seu intimationem alterius, vel etiam dum indulget alicui. Et adde, quòd quotiescunque de Mandato Apostolico providetur, non solet provisio extendi ad beneficia curata, nisi id fuerit etiam expressum.

F §. Ex

§. *Ex nostra, inf. hoc tit. cap. Cum in illis, de Præbend. in 6.* Item mandatum faciens mentionem de collatione non potest trahi ad præsentationem, vel institutionem; itaut si alicui de Beneficio, quod ad alicujus collationem spectat, provideri mandatur, hoc casu, de eo, quod ad ejusdem præsentationem, vel institutionem pertinet provideri minimè poterit. §. *Idem obtineri, hic, d. c. Cum in illis. §. Cum attem.* Et nota differentiam inter collationem, & institutionem; nam collatio propriè dicitur, quando beneficium est liberum, & in mera dispositione Episcopi; itaut disponat de illo beneficio Jure suo ordinario, absque aliqua præsentatione. Sed quando beneficium non est liberum, sed est in Jure Patronatus alicujus, quia Patronus præsentat, & ad præsentationem Patroni Episcopus instituit, illa propriè dicitur institutio. *Gloss. in Rubr. de Instit. in 6.* Item si in litteris facta sit mentio de beneficiis obtinendis, illæ litteræ non habent locum in Pensione. §. *Et si quibus, hic.* Sed in hoc plura apud Garziam, de *Benef. part. 5.* Ubi tractat de his, ad quos spectat dispositio, seu Beneficii collatio, atque de Regularum Cancellariæ reservationibus tractatur, in quibus non insisto, cum hæc sit amplissima materia, de qua Gonzalez, & Lotterius scripserunt gaudia Volumina. Sed illud tantum subnectam, quod in Regula Mensium, Ordinariis quatuor tantummodò menses reservantur, scilicet *Martius, Junius, September, & Decembris*, nisi eis gratiam alternativæ Summus Ponti-

fex fecerit, qua altero quoque mense conferent, ita tamen ut *Januarius* Papæ contingat, & de hac alternativa supponitur sequenda pars Regulæ prædictæ, & in utraque parte plura dicit Garz. *ubi supr. Gonzal. & Lotter.* ad quos in litigiis est recurrendum.

Quò ad Quartum: Majores Ecclesiæ vacantes, & vacaturæ à Summo Pontifice conferuntur, quæ facultas aliis est interdicta, *cap. 2. de Præbend. lib. 6.* Et quotiescunque Summus Pontifex alicui Præbendam vacaturam concesserit, si is, cum vacaverit, eam non petierit ob negligentiam aliquam, in eadem Ecclesia petere non poterit, nisi fuisset in Canonico electus, *c. Si Clericus, Vers. verum, de Præbend. in 6. c. Commissa, de Elect. in 6.* Ordinarius tamen ponit omnia Beneficia Curata ad concursum ex *Concil. Trident. sess. 24. de Reform. c. 18.* Quòd si in genere fuisset facta concessio, potest primum, vel secundum Beneficium petere; non tamen quis posset præcisè illud, quod est concessum petere, vel acceprare, si non vacaret, *c. 2. de Præbend. c. Ne captandæ, de Concess. Præb. in 6.* Alias autem vacantes Ecclesias, & omnes Basilicas ipsius Territorii conferre potest Episcopus, dummodò vacantes conferat, non vacaturas, *d. cap. 2. de Concess. Præb.* Legatus autem de Latere confert Ecclesias vacantes, & vacaturas, dummodò inter Provinciam, in qua est Legatus, vacat: idest reservat jus conferendi, non autem absolutè vacaturas confert, *c. Deliberatione, de Offic. Leg. in 6. §. 1.*

Quò ad Quintum. Collatio Beneficio-

beneficiorum regulariter facienda est intra sex menses, quod tempus currit à die notitiæ, dummodò nullum impedimentum currat, *d. c. 2. de Cont. Præbend.* & ibi Abb. & c. *Quia diversitatem, cod. c. Litteras, de Supplend. negl. Prælat. §. Tempus, hoc tit.*

Quò ad Postremum: In tractatu de collatione à Summo Pontifice facienda hæc observantur.

Primum: Ut qui habet expectativam, non possit certum beneficium, antequam vacet, expectare, seu acceperare, sed illud, quod vacaverit. *§. Vel secunda vice, d. c. Ne caprandæ.* Deindè ut præferatur ille, qui est institutus à Pontifice, si fortè evenierit, ut eodem tempore sit beneficium ab ordinario collatum, nisi fortè quis esset in possessione, *arg. cop. Per tuas, de Major. & Obed. c. Si à Sede, de Præb. in 6. §. Item, hoc tit.*

Terriò illud in collatione Summi Pontificis servatur, ut rescripti fines diligenter observentur. Hinc est, ut si mandet Summus Pontifex, ut provideatur alicui de Beneficio certi valoris, valor ille non exceditur. *§. Sunt, hic, c. Cui de non Sacerdotali, de Præb. in 6.* Hinc est etiam quòd si alicui est providendum de Beneficio valoris viginti aureorum, non potest pensio assignari ejusdem quantitaris, ne supra dixi, *arg. cap. Illud. 16. qu. 6.*

Servatur ulterius, ut facta collatione à Pontifice de Beneficio, quod erat conferendum ab Episcopo, qui fuit negligens, undè per ejus negligentiam est quæsitum Jus conferendi Capitulo, non teneat collatio in præjudicium Capituli,

nisi Pontifex derogare voluerit. *§. Eadem ratione, juncto. §. Is quoque, hic, cap. Litteras, de Supplend. negl. Prælat. Clem. Si de Benef. & ibi not. de Præbend. Non omittam, servari in collatione Pontificis, ut beneficia conferantur, cui ætas conferri patitur. §. Interdum, hic.* Hinc si Præbenda vacatura fuerit concessa alicui, qui non sit Sacerdos, nec habeat ætatemabilem ad Sacerdotium, & Præbenda Sacerdotalis vacaverit, hæc ei non confertur, *cap. Ei cui, de Præbend. in 6.* Insuper Rescripta Pontificia interpretantur ex loco; nam si alicui concedatur Ecclesia Civitatis, tunc Cathedralis intelligitur exemplra, quod secus esset si in Provincia diceretur. *§. Ex loci, infr. hoc tit. c. Quia periculosum, de Sem. Excommunicat. in 6.* Et de hoc alia ratio non redditur, quam illa, quòd lex ita statuit, *l. Prospexit, ff. qui, & à quib. c. In causis, de Re Judic. §. Furtiva. Vers. non furtivam. Inst. de Usucap. Accedat servari in provisione Pontificis, ut scripturæ ordo servetur: Hinc si duobus à Papa rescribatur, ut alicui provideatur, & in utroque loco beneficium vacet, ad illum: qui prius est nominatus, provisio pertinet; est *tex. in §. Ex ordine, in hoc tit.* Secus modò esset si collatio unius Beneficii tantum ad plures spectaret, quoniam videtur omnibus præceptum, ut provideant, & beneficium conferant. *§. Si vero, infr. hic, c. Cum in illis. §. fin. de Præb. in 6.**

Adhuc servatur, ut cessante causa propter quam fit collatio, cesset etiam rescripti virtus: Hinc si Papa mandet, ut Clerico Pauperi

F 2. pro-

provideatur, & Clericus Beneficium obtinuerit, Provisio Pontificis cessat, *cap. Si Pauper, de Præb. in 6.* Et hoc casu litteræ dicuntur in forma pauperum; aliàs vocantur in forma secundum Apostolum, quæ dicuntur litteræ iustitiæ, vel quali, *c. Cum secundum, de Præbend.* Addamus servari in collatione Pontificis, ut non expiret conferendi facultas, quando est sine expressione personarum concessio facta; secus si est certa persona expressa; & re integra concedens moriatur. *§. Illud, hic, c. Si cui, & c. Si Episcopus, de Præb. in 6.*

Postremo loco Apostolici rescripti est virtus, ut si alicui generaliter committatur provisio, possit mandatararius alteri vices suas committere, quod secus esset, si fuisset electa industria personæ, & nihil esset in rescripto dictum, ut possit eligens per alium providere. *§. Penult. in hoc tit. eod. c. Is cui, c. Fin. §. Cujus, de Off. deleg. in 6.*

Omnia supradicta de Collatione circa Beneficia vacatura hodie omnino recesserunt ab aula, quia Concil. Tridentin. sess. 24. de Ref. c. 19. abolevit expectativas quascunque de Beneficiis vacaturis, quia ex eis iurgia infinita oriebantur. Nicolius Lucubr. Canon. lib. 3. tit. 8. num. 3. & Barbosa in Collect. DD. ad d. cap. 19.

Quod autem ad personam Legati de Latere, & Ordinarii collatoris requiritur, ut beneficia conferantur personis idoneis, intra tempus legitimum; & conferatur Beneficium sine ulla diminutione. *§. fin. hic.* Quod etiam supra dictum est.

TIT. XXVIII.

De Institutionibus, & Jure Patronatus.

Cum duo sint modi, quibus inferiora Beneficia conferuntur, Collatio, & Institutio, & supra tractatum sit de Collatione, nunc agendum de alio modo venit, nempe de Institutione: quæ tunc propriè locum habet, quando conferuntur Ecclesiæ, in quibus aliquis jus habet. Et pro tituli expeditione videbimus:

- 1 Quid sit Institutio?
- 2 Quid sit Jus Patronatus?
- 3 Qui possint Jus Patronatus habere?
- 4 Quomodo Jus Patronatus constituitur?
- 5 Quomodo Jus Patronatus Laicorum alteri acquiri possit?
- 6 Quomodo Jus Patronatus conferatur?
- 7 Quomodo amittatur?

Quò ad Primum. Institutionis nomen æquivocum est, ut in *Gloss. prima, hic.* Sed in casu nostro significat collationem necessariam, quæ fit ab Episcopis in præsentationibus ab inferioribus factis, per quam collationem approbatur factum illorum: ut not. in *c. Post electionem, de Concess. Præb. in 6.* Et similis est collationi, quia qui confert, seipsum non potest instituire, ita nec is, qui se præsentat. *§. Sunt autem, hoc tit. c. Didicimus. 24. q. 1.* Item sicut non conferuntur Ecclesiæ vacaturæ, item nec Jus Patronatus. *§. Item, hic, cap. Constitutus, & c. fin. de Conc. Præb.* Differunt verò Collatio, & Institutio,

tutio, quia Capitulum, quod non potest conferre beneficia, quorum Collatio ad Episcopum pertinet, potest Sede vacante instituere, præsentatos. *§. Dissimiles, b. t. c. Illa, extr. de Sede Vacante.* Insuper Collatio ad ordinarios, & Ecclesiasticos pertinet, Præsentatio verò, & Jus Patronatus etiam ad Laicos c. 2. & 3. *de Jure Patronat.*

Quò ad Secundum. Jus Patronatus terminus est etiam Juris Civilis, & Juris Canonici. Secundum Jus Civile significat Jus, quod habet quis in personam manifestam, *tot. tit. de Jure Patron.* Secundum Jus Canonicum est Jus præsentandi Clericum ad Ecclesiam vacantem, ex gratia concessum ei, qui consentiente Episcopo, vel fundavit, vel construxit, vel dotavit Ecclesiam. *§. 1. cum seq. b. t. c. Filiis, c. Pie mentis, 16. q. 7.* Sunt qui describunt Jus Patronatus dicentes: *Ut sit Jus honorificum, onerosum, & utile competens alicui in Ecclesia, pro eo quòd Diocesani consensu Ecclesiam fundavit, construxit, & dotavit, vel ipse, à quo causam habuit solus, vel alio concurrente.* Ita Tolos. in *tractat. de Jure Patron. c. 4. lib. 17. n. 1.* Et dicitur Ecclesiasticum, quia spirituali est annexum, *c. Quando, extr. de Judic.* Et hinc est quòd de per se non potest vendi, *c. Ex literis, c. Cum secundum, eod. §. Sed si quis. b. t.* Sed bene transit cum universitate bonorum, dictis Jurib. & notatur in *d. c. Cum secundum.*

Quò ad Tertium. Hi regula constituenda est generalis, posse Jus Patronatus à quocunque sive Clerico, sive Laico haberi, nisi tortè speciali ratione quis prohi-

beatur, ut sunt, qui propter delictum damnati fuerunt, veluti propter crimen hæresis, aut aliud simile delictum, *c. In quibusdam. §. fin. ext. de Hæret. c. Si quis deinceps, c. Quisquis. 17. q. 10.* Isti enim in Ecclesia Jus aliquod habere non possunt, *d. c. Didicimus.* Neque quòd ad hoc distinguitur inter masculos, & fœminas; eò quòd indistinctè, & masculi, & fœminæ hoc Jus habere possunt, quod sæpè evenit, ut quando fœminæ hæredes existunt, quoniam tunc cum universitate bonorum habent etiam Jus præsentandi, quod ad defunctum pertinebat. Abb. in *Rubric. & in c. 1. de Jur. Patron.*

Quò ad Quartum. Tria potissimum existunt, quæ Jus Patronatus constituunt, Ædificatio, Dos, & Fundatio, *d. c. Pie mentis, cap. Filiis. 16. q. 7.* Probat in *c. Nemo, in Concil. Trid. sess. 14. de Reformat.* & est *tex. in §. Constituitur, hoc tit.* Etenim si quis, consentiente Episcopo loci, ac servatis servandis, Ecclesiam construxerit, Jus Patronatus acquirit, *c. Nobis, de Jur. Patronat.* similiter si quis Ecclesiam non construxerit, vel ædificaverit, sed Ecclesiæ jam ædificatæ redditus assignaverit de Patrimonio proprio, ad hoc ut possint in Ecclesia divina, quotidianis temporibus, celebrari officia, acquirit quasi in remunerationem Jus Patronatus, *c. Nemo. de Consecrat. d. 1. c. Ad audientiam, de Eccl. repar. vel ædific.* Vel tandem, qui fundum tradiderit his, qui Ecclesiam ædificare volunt, ad hoc ut ibidem Ecclesia constituatur, Jus Patronatus similiter acquirit, *ut ibid. dicitur.*

Quò

Quò ad Quintum. Duobus modis Jus Patronatus postquam est apud Laicos in alios transfertur: Vel titulo universalis, vel titulo singulari. Si titulo particulari debet gratis transferri, quo casu requiritur assensus Episcopi, nisi in locum religiosum transferatur, vel ei, qui Compatronus est. *cap. Ex insinuatione.* & *Gloss. ibid. extr. de Jur. Patron. c. Unic. de Jure Patron. in 6.* Vel transfertur titulo universalis, quo in casu non gratis transferri potest; sed tunc non consideratur de per se, sed veluti quoddam in universitate comprehensum, *c. Ex litteris, de Jur. Patron.* Rursus acquiritur Jus Patronatus inter vivos, & per actum inter mortuos. Per actum inter vivos veluti donatione, cessione gratis facta, aut simili modo. Per actum inter mortuos, veluti ex successione ab intestato, vel ex Testamento, quando quis succedit ei, qui Jus Patronatus habet, *cap. 1. ext. cod. de Jur. Patron. Goffred. in tit. de Jur. Patron. n. 7.* Ubi etiam dicit, quòd mutatur cum alio spiritali, *c. Nemini. 16. qu. 7.* Unum tamen moneo, quod Jus Patronatus transit in filios, si sunt hæredes, alioquin in hæredem institutum. *Abb. in c. 1. mem. 2. ext. de Jur. Patron.*

Quò ad Sextum. Vacante Ecclesia illud in primis observatur, ut de Economo provideatur. *cap. Charitatem. 12. q. 2.* deinde ut omnes, qui jus habent præsentandi, vel habere credunt (etenim & iutorum præsentatio rata est, *c. 9. sess. 25. de Reform. in Concil. Trid. §. Interdum, hic.*) præsentent; & si fortè inter se dissentiant, ille præ-

feratur, qui à majori parte est præsentatus: *§. Et si fortè, inf. eod. c. Si fortè dist. 63. §. c. Quoniam, ead.* Præterea præsentatio fit Episcopo, quia si alteri facta esset, nulla foret, *c. 13. sess. 14. de Reform. in Concil. Trid. §. sess. 24. c. 28.* Qui quidem Episcopus tenetur præsentatum idoneum admittere, & instituere, ut in *d. c. 9.* & notat. in *c. Quamvis, de Rescript. lib. 6.* Et si fortè contingat, ut patroni inter se non consentiant, potest Episcopus Patronos ad concordiam revocare interdicendo divina. Tempus verò præsentandi est quadrimestre respectu Laicorum, vel semestris respectu Clericorum, *cap. Unic. eod. in 6. §. Sunt tamen, hoc tit.* Accedat, necessarium esse, ut præsentent idoneos, alioquin præsentatio nulla diceretur, *c. Cum dilectus, & ibi notat. de Jur. Patron.* Illud tamen verum est in Laico, ut possit unum, deinde alterum præsentare. *d. §. Sunt tamen.* Sed hoc casu Episcopus eligit pro Arbitrio. *Goffr. in Rubr. de Jur. Patron. num. 4.*

Quò ad Postremum. Quatuor potissimum modis Jus Patronatus amittitur. Destructione Ecclesiæ; veluti si Ecclesia igne, vel terræmotu corruerit. Cessione, veluti si quis habens Jus Patronatus ipsi Ecclesiæ hoc Jus cesserit, *c. Unic. de Jure Patr. in 6.* Constitutione Collegii, veluti si, Patrono consentiente, sine reservatione, Juris Patronatus, Ecclesia ipsa collegiata efficiatur, *d. c. Nobis, de Jur. Patr.* Ac tandem amittitur Jus Patronatus propter delictum, veluti si Patronus hæreticus evaserit, Rectorem Ecclesiæ interfecerit, ac simile.

simile delictum perpetraverit, c. Si quis deinceps, & c. Quisquis. 17. q. 14. & isti quatuor modi traduntur in §. Penult. & ult. hoc tit.

TIT. XXIX.

De Clericis non residentibus.

Quoniam facta provisione, vel per Collationem, vel per institutionem, tenentur Clerici reside-
re in Ecclesiis, ad quas assumuntur, ob id iste titulus subji-
citur, in quo videbimus:

1. Quid residere significet?
2. Quando Clerici non residentes excusentur?
3. Quando non residentes puniantur?

Quò ad Primum. Residere nihil aliud significat, quàm in loco permanere, in quo quis Ecclesiam obtinuit, itaut Ecclesiæ deservire possit: Et è contra non residere est propriam deferere Ecclesiam, alioquin vagari. Gloss. inc. Nonnulli, ext. de Cleric. non resident.

Quò ad Secundum. Illud primo loco sciendum est, quòd quotiescunque quis beneficium obtinet, debet personalem residentiam præstare, c. 2. sess. 6. in Concilio Trident. de Reform. Quòd si electus fuerit, qui non potest residere, & electus privatur beneficio, & eligentes puniuntur, c. Quia nonnulli, c. Relatum, & tot. tit. extr. de Cleric. non resident. §. 1. hoc tit. Modò si quis Romanæ Curiae seu Pontifici deserviverit, seu proprio Episcopo, etiamsi non resideat, excusatur. §. Justè, hoc tit. c. Dilectus, cod. & per Abb. in c. Olim de V. S.

c. De cætero, cod. tit. Insuper excusatur ille, qui causam Ecclesiæ in alio loco defendit, c. Ex parte. 2. cod. Quemadmodum & ille, qui abest studiorum causa, quo casu quinquennium conceditur, c. Fin. de Magistr. in Concil. Trid. sess. 5. c. 1. de Reform. Abb. in c. Tue, & in c. Licet, ext. cod. Excusantur & illi qui inimicitia, vel infirmitate reside-
re non potuerint, c. Relatum, c. Inter, extr. cod. Causas autem obiter enumerat Conc. Trid. sess. 23. c. 1. de Reform. his verbis: Nam cum Christiana charitas, urgens necessitas, debita obedientia, atque evidens Ecclesiæ, vel Republicæ utilitas aliquos nonnunquam abesse postulent, & exigant, &c.

Quò ad Postremum. Qui non resident, & non sunt excusati ex causa legitima, puniuntur, itaut si per sex menses à propria Ecclesia abfuerint, fructuum portio adimatur eis, quæ erit quarta pars, & si creverit contumacia per alios sex menses, alia quarta fructuum priventur, d. c. 1. sess. 6. de Reform. in Concil. Trident. Quinimò si quis habet dignitates in Cathedralibus Ecclesiis, & ultra tres menses alibi sine indultu moratur, dimidia fructuum portione privatur, & si creverit contumacia, tunc omnes fructus auferuntur, sess. 24. cap. 12. de Reform. in Concil. Trid. Immo semestrem tempus videtur coarctatum usque ad tres menses ad minimum, c. 1. de Reform. sess. 23. in Concil. Trid. Accedat quòd illi, qui proprias Ecclesias deserunt, licentia non obtenta, privantur quotidianis distributionibus, c. 3. de Reform. sess. 22. & peccatum committunt, cap. 1. sess. 23. Ac tandem si gravis con-
contu-

contumacia efficitur, deponuntur, & beneficio privantur, ut in Bulla Pii Quarti de Residentia Prælat. & c. Qualiter, & c. Inter, ibiq. not. extr. de Cleric. non resident. Et de hac materia vide per Navar. in *Mamua* li, c. 21. num. 121.

TIT. XXX.

De Regularibus, & Monachis.

Quoniam inter Ecclesiasticas personas Monachi, & Regulares existunt, ob id nunc de hac materia disseritur: Et pro tituli expeditione videbimus:

- 1 Quis Monachus dicatur?
- 2 Quis Regularis?
- 3 In quibus differant?
- 4 Qui possint ordinari in Monachos, seu Regulares?
- 5 Quot modis quis fiat vel Regularis, vel Monachus?
- 6 Quæ requirantur, ut quis Monachus fiat?
- 7 Ad quæ teneantur Monasterium ingressi, & quomodo vivere debeant?

Quò ad Primum. Monachi, qui ab unitate, vel solitudine dicuntur, cap. Monachum. 20. q. 1. c. Si cupis, & c. Placuit. 16. qu. 1. illi propriè dici debent, qui virtute regulæ solitariæ in Monasterio permanent, nec se Prædicationibus immiscant, ut sunt illi, qui sunt Ordinis S. Benedicti, & qui habent bona in communi, c. Monachis, c. Justa. 16. q. 1. Nec isti propriè Fratres appellantur, sed Religiosi, licet vocabulo latè sumpto, quicumque tria vota emittit, hoc nomine significetur. Clem. E-

xvii, de Verbor. Signif. Clem. Unic. de Excess. Prælator. c. Nimis prava, cap. Nimis iniqua, extr. de Excess. Prælat.

Quò ad Secundum. Regulares omnes illi appellantur, qui Regulam aliquam, & tria substantialia vota, Paupertatem scilicet, Castitatem, & Obedientiam in aliqua Religione approbata profitentur, cap. Ad Monasterium, de Stat. Religios. Isti enim Regulares habent certum modum Religiosè vivendi, & in hoc differunt à Monachis, qui strictiori vivunt Regula. Vide Glos. in Rubr. hoc tit. & secundum Goffredum in Summa hujus tit. Regulares iraque sunt, qui ad vivendum regulariter, idest sub aliqua certa Regula, & ordine se adstringunt. Undè ex hoc apparet, appellatione Regularium, etiam Monachos contineri, ut hic in princ.

Quò ad Tertium. Differunt in hoc Monachi à Regularibus, quia Monachis, ut dixi, vita magis restricta videtur injuncta. S. Fugitivos, cum seq. hoc t. cap. Quod Dei timorem, de Stat. Monachor. Verùm his temporibus ista nomina confunduntur. Hinc sæpè sæpius Monachi Regularium nomine designantur, cap. 12. sess. 23. de Reformat. in Concil. Trid. c. Ex parte, extr. Ne Cleric. vel Monach. c. Præsens. 20. q. 3.

Quò ad Quartum. Regula est generalis, quòd omnes possunt esse Monachi, nisi speciali ratione quis prohibeatur. Prohibetur vero

Primò, qui non habet ætatem legitimam. S. Quòd si impuberes in hoc tit. c. 1. & 2. c. Ad nostram, ext. eod. de Regular.

Secun-

Secundò prohibentur Servi, *c. Si servus. d. 54.* Attamen si per triennium in Monasterio permanferit, efficitur liber. *§. Quemadmodum, inf. eod.* Quòd si extra claustrum sit assumptus ad Clericatum, annus sufficit, ut notatur in *d. c. Si servus, vers. debent.* Ratio diversitatis est, quia Clerici sunt in publico, Monachi verò latent.

Tertiò: Debitis gravatus.

Quartò: Coniuncti matrimonio, reclamante Coniuge, *ext. de Convers. Conjug. c. Conjugatus;* Videlicet post consummatum Matrimonium, alter conjugum invito altero non potest Monasterium ingredi, juxta tex. in *c. Ex publico, de Convers. conjug. quem videas.*

Quintò: Episcopus sine Papæ licentia. Abb. in *c. Licet, num. 6. ext. eod.*

Sextò: Prohibentur furiosi, & mentecapti, *c. Sicut tenor, extr. eod.* Ac tandem qui spontè non ingrediuntur Monasterium, non admittuntur, *c. Si quis, ext. eod. §. Monachi in fin. vic.* Et circa hoc vide quæ statuit Concilium Tridentin. sess. 25. cap. 17. & 18. tit. de Regul. & Monial.

Quòd ad Quintum; Tribus modis efficiuntur homines Regulares, vel Monachi: Aut ex paterna devorione; Aut ex propria Professione; Aut ex voti emissionem.

Ex Paterna devotione, quando Pater filios impuberes Monasterio offert, quo casu si ingressus agens annum decimum sextum ingressum ratum habuit, exire amplius non potest, *c. Cum virum, c. Significatum, ext. eod.* In *§. Monachi* dicitur, quòd in anno quindodeci-

mo potest approbare ingressum, quod non est verum, per dispositionem Concilii Tridentini sess. 25. cap. 15. in tit. de Regul. & Monial. ubi nemo potest profiteri ante annum decimum sextum; itaut Professio antea facta nullum pariat effectum: unde tolluntur notata in *c. Illud, extr. eod.* ubi vide.

Propria Professione quis Monachus fit, quando spontè Monasterium ingreditur, vel post tempus probationis ratum habet. Abb. in *c. Ad Apostolicam, extr. eod. §. Propria, vic.* Ubi potest quis & tacite, & expressè Monachus fieri: Primo modo approbando habitum receptum, ut ex nimia mora in Monasterio, vel ex mora per annum, vel per evidentia signa, vel per assumptionem habitus professorum, *c. Vidua. 27. q. 1. c. Vidua, ext. eod. c. Quod interrogati. 27. dist. §. Tacite, vic.* Secundò expressè profitendo, ut si quis post annum probationis habitum suscipiens Monachalem regulis Monasterii se obstringere velle profiteatur, *d. §. Propria, hoc tit.*

Tertiò tandem quis Monachus efficitur, quando quis deliberatè, & spontè Deo promittit, se velle religionem aliquam ingredi, *c. 1. de Voi. in 6. cap. Per tuas, de Voi. & Voi. redempt. §. Is quoque, vic.* Et hoc adeò verum est, ut etiam si Prælaturam fuerit consequutus, illam teneatur omittere, & Domino promissa reddere compellendus est, *d. §. Is quoque.* Est autem Votum simplex, vel solemne. Simplex, quod non est aliqua professione munitum. Solemne est, quod quis per Professionem tacitam, vel expressam comprobavit.

G

§. Est

§. Est autem, hoc tit. d. c. Unic. de Vos. in 6. Et nota, quod per votum solemne derogatur simpliciter. *§. Illud quoque, hoc eod. tit.*

Quod ad Sextum: Requiritur

Primò: Legitima ætas, *c. 1. extr. eod. §. Is igitur, hoc tit.*

Secundò: Ut Professio ei fiat, qui potest in Religionem personas recipere. *§. Si tamen, hic.*

Tertiò: Ut Religio sit approbata. *§. Novissimè, hic.* Regulæ autem approbatæ sunt Quatuor, Basilii, Benedicti, Augustini, & Francisci; sub quibus omnes Religiosi militant, exceptis *Carthusiensibus*, qui suas ordinationes pro Regula habent. Nunc tamen aliæ plures Regulæ per Sedem Apostolicam sunt approbatæ.

Quartò: Quod Prælati requirant consilium Capituli, *c. Novis, extr. de his, quæ sunt à Prælat. Sed in hoc nonnulli tenent contrarium per c. Ad Apostolicam, extr. eod. Tu vide Gloss. in d. §. Si tamen, in verb. Abbate.*

Quintò: Quod vota emittantur, de quibus supra.

Sextò: ut Persona sit habilis. *§. Quemadmodum, inf. eod.* Et quomodo quis dicatur inhabilis dictum est supra in quarto capite.

Septimò: De voluntate ingredientis inquirendum est, *d. §. Monachi, eod. c. 17. sess. 25. de Regul. in Concilio Tridentino.*

Quod ad Postremum: Ille, qui ingreditur, tenetur præcipuè vota

emissa servare, & permanere in Monasterio, *cap. 1. c. Ad nostram, ext. eod. §. Is igitur, hoc tit.* Et nihil proprii habere. *§. Sed nihil, infr. eod. Ambent. Ingressi, Cod. de Episc. & Cler. c. Quia ingredientibus. 10. q. 3. c. Super, de Stat. Monachor.* Et quoniam inter præcepta Monachorum præcipua est prohibitio aliquid donandi, tam sibi ipsis, quam exteris personis juxta Bullam Clementis Papæ VIII. de largitione munerum de Anno 1594. *Incipien. Religiosæ Congregationes &c.* cum ex ea plurimæ difficultates sint à moralistis excitatæ, earum plenam resolutionem studiosus Lector videat in meis Discordiis Forensibus *De Regularibus Discord. III.* in qua ostenditur, quid, quando, quomodò, & quibus? tam Monachi, quam Moniales possint absque peccato munera elargiri.

Hoc etiam est notandum, quod Regulares non debent Ecclesiis Parochialibus præesse. *§. Singuli, in fin. hoc tit.* Et istam generalitatem declara, ut per Abbat. Gloss. & alios in *c. 1. & c. Quod Dei timorem, de Stat. Monach.* Quod Regularibus interdum conceditur, *d. cap. Quod Dei timorem.* Canonici verò Lateranenses habita dispensatione Apostolica obtinere possunt beneficia secularia sive Curata, sive Simplicia; ut ego probavi in dictis meis Discordiis Forensibus *De Regularibus Discord. XI.* per totam.

Institutionum Juris Canonici Libri Primi Finis.

IN.

INSTITUTIONUM

JURIS CANONICI.

LIBER SECUNDUS.

TIT. I.

De Rerum divisione.



Postquam in titulis primi Libri actum est de Jure, quod personas respicit, nunc ad imitationem Institutionum Civilium, fit transitus ad jus illud, quod res ipsas considerat. Quare ad tituli declarationem videbimus:

1. *Quid nomen Rei præseferat?*

2. *Quæ sit Rerum divisio secundum subjectam materiam?*

Quò ad Primum. Rei appellatio generalis est, itaut omnia complectatur, quæ sunt in rerum natura, hinc cum instituitur tractatus aliquis, qui plura respicere debeat, rei verbum usurpatur, l. 1. ff. de Reb. cred. l. Rer appellatione, ff. de Verb. signif. In tantum ut nomen Rei prædicetur de rebus corporalibus, & incorporalibus, profanis, & Ecclesiasticis, de Homini- bus, obligationibus, contractibus, & similibus, l. Omnia, §. fin. ff. de Leg. 2. l. Nominis, & rei, ff. de Verb. Signific.

Quò ad Secundum: Variæ sunt Rerum divisiones: sed quod ad materiam nostram attinet, Rerum Ecclesiasticarum præcipua divisio

est; ut aliæ dicantur res Spirituales, aliæ Temporales, ut hic in princ. Abb. in c. Considerare, de Simon. & in c. Quanta, de Judic.

Spirituales sunt, quæ spiritui deserviunt, & animæ causa sunt introductæ, ut sunt Sacramenta Ecclesiæ, Altraria, & similia: & variis modis Res spirituales dicuntur. Vel si quid sit spiritualibus annexum, nam illud est spirituale; vel etiam spirituales dicuntur secundum essentiam; vel etiam ratione spiritualis potestatis, aut simili modo. Abb. in d. cap. Considerare.

Temporales res illæ dicendæ sunt, quæ non tantum spiritus, quam corporis gratia pro Ecclesiasticis ministeriis, sacrorumque Ministrorum usu, atque necessitate sunt comparatæ. Quemadmodum sunt Decimæ Ecclesiarum, Prædia, Domus, cæteraque bona, quæ nomine Ecclesiæ possidentur à personis Ecclesiasticis, ut tot. tit. de Rebus Eccles. non alienan.

Secunda divisio est, ut Spirituum quædam Incorporales, quædam verò corporales existant. Quæ divisio etiam traditur de rebus profanis, §. 1. Inst. de reb. corp. vel incorp. Et equidem res Spirituales incorporales illæ sunt, quæ non percipiuntur Corporeo sensu,

G 2 sed

sed cognoscuntur, atque intelliguntur ope intellectus, ut sunt virtutes, & dona Dei, & alia hujusmodi, c. 1. q. 1.

Corporales sunt illæ, quæ sensu corporeo percipiuntur, seu sub sensu cadunt, & tangibiles existunt, sicut etiam dictum est de rebus profanis in §. 1. *Inst. de reb. corp. & incorp.* Istæ verò res, quæ Spirituales, & corporales dicuntur, sunt vel Sacramenta, vel sanctæ, vel sacre, vel religiosæ res: Et quomodo Sacramenta dicantur incorporalia, vide *Glos. hic in verb. Sacramenta*.

TIT. II.

De Sacramentis.

Visa divisione Rerum, quæ superius est tradita, in qua vidimus aliquas res esse, quæ corporales dicuntur, igitur de his tractatur, inter quas etiam Sacramenta enumerantur; dicturi de Incorporalibus alibi. Videbimus igitur in præsentia:

1. Quid sit Sacramentum?
2. A quo sint Sacramenta instituta?
3. Quot Sacramenta existant?
4. Ex quibus Sacramenta consistant?
5. Qui possint Sacramenta administrare?

Quò ad Primum. Sacramentum definitur *hic in princ.* ut sit: *Invisibilis gratiæ visibilis forma*, ita quod ejus similitudinem gerens, & causa existat. Et nota quòd hæc ultima verba non ponuntur in c. *Sacrificium, de Consecrat. d. 2.* Et hic fuerunt appolita ad designandam differentiam inter Sacramenta Legis ve-

teris, quæ significabant quidem gratiam, sed non conferebant. Et Sacramenta novæ Legis, quæ & significant, & conferunt, ut in *Conc. Trid. in Can. 2. & 6. & 7. sub tit. de Sacramentis in genere, sess. 7.*

Quò ad Secundum. Sacramenta sunt inventa ab ipso CHRISTO Domino Nostro, & licet dicantur Ecclesiæ, hoc ideo procedit, quia per Eam sanctificantur, & ministrantur, & ipsorum interventu videtur Ecclesia cum cœlesti Sponso Matrimonii fœdere conjuncta. §. *Illud, b.t. In Concil. Trid. in tit. de Sacram. in genere, cap. 1. sess. 7.* Undè Ecclesia numero Sacramentorum nec addere, nec detrahere potest, cum sint à Deo instituta, & hinc est, quòd qui baptizat, absolvit, cæteraque Sacramenta explet, Ipse Dominus est; & Sacerdotes sunt puri ministri. §. *Ergo, qui hoc tit. c. Baptismus, cap. Aliud, cap. Panis, de Consecr. d. 4.* Quocirca, tamen minister malus existat, Sacramenta non amittunt suam virtutem, quoniam ministri fœditate non commaculantur, d. §. *Ergo, c. Significasti, c. Multi, & c. Dedit. i. q. 1.* & per Abb. & alios in c. *Vestra, de Cobabit. Cler. & mul.* Sed tamen adverte, quòd quantum spectat ad receptionem Sacramentorum ab hæreticis, distinguendum est; an quis scienter recipiat? quo casu non confertur gratia, an ignoranter? quo casu confertur, ut per Innoc. & Abb. in cap. *Fraternitatis, de Hæreticis.* Sed de hoc est Reformatio Concil. Trid. in tit. *de Sacram. in genere, sess. 7. cap. 12. & c. 4. ead. sess. de Baptismo, & sess. 14. sub Rubrica de Ministr. hujus Sacram. & absol.*

absol. can. 6. Insuper notandum est, quòd in Ministro Sacra conficiente requiritur intentio Ecclesiæ concors, faciendique quod intendit facere Ecclesia. *Can. 11. de Sacramentis. sess. 7. §. pen. inf. cod. c. Spiritus Sanctus, & cap. Sic autem, cum seq. 1. q. 1.*

Quòd ad Tertium. Septem sunt Sacramenta Ecclesiæ: *Baptismus, Confirmatio, Eucharistia, Pœnitentia, Extrema Unctio, Ordo, & Matrimonium, cap. 1. de Sacram. sess. 7.* Et ex his quædam sunt necessaria, quia sine his homo salvus esse non potest, ut sunt *Baptismus, Confirmatio, Eucharistia, Pœnitentia, Extrema Unctio*; sed nota quòd *Confirmatio, Eucharistia, Extrema Unctio* dicuntur necessaria, quia contemni non debent, *d. §. Sacramentorum, & Glos. hic in Verb. prætermitti.* Quæ omnia ad particulare cuiusque profectum sunt particulariter instituta. *§. Sacramentorum, hoc tit.* Alia sunt non necessaria, quæ possunt omitti, ut *Ordo, & Matrimonium.* Quædam sunt necessaria ad ingressum, ut *Baptismus*, quædam ad progressum in Ecclesia, ut *Confirmatio, Eucharistia, Pœnitentia*, quædam ad egressum, ut *Extrema Unctio. §. Et rursus, hic, c. Præter hoc. §. Porro, d. 32. cap. Spiritu Sancto, de Consecr. d. 3. cap. Hisque. 26. q. 7. cap. Qui recedunt, & c. De bis. 26. q. 6. cap. Ab infirmis. 26. q. 7.*

Quòd ad Quartum. Sacramenta ex duobus constant: ex Elemento, & Verbis. *§. Constat, inf. cod. Verba sunt, quæ visibilis formæ efficaciam exprimunt. Elementum est, quicquid sub visibili materia invisibilem gratiam designat, &*

continet; undè accedentibus verbis ad elementum fit Sacramentum. Et nota, quòd non omnia verba, quæ in consecratione Sacramenti proferuntur, dicuntur constituere Sacramentum, sed ea, quæ sunt formalia, ut puta *Ego te baptizo in nomine Patris, &c. Hoc est enim Corpus meum, &c.* ita notatur in *c. Detrahe. 1. q. 1.* Item nota, quòd dicitur per accessionem verborum ipsi elemento effici Sacramentum, quia hoc illum habet sensum, ut simul concurrat materia, & forma, Elementum, & Verba secundum omnes DD. Idèd Aqua in Baptismate non est Sacramentum, nisi adsint verba, quæ accedunt elemento tanquam forma, & in fine ultimæ syllabæ incipit, & desinit esse Sacramentum, sed tamen remanet res Sacra. *Glos. inc. 1. de Consecr. d. 4. in Verb. Sacramentum.*

Quòd ad Ultimum: Sacramenta ab his ministrantur, quibus ab Ecclesia est legitima attributa potestas, ut qui Ordines ad Sacramenta conficienda, & administranda receperunt; ut videbimus in sequentibus titulis.

TIT. III.

De Baptismo.

Postquam actum est de Sacramentis in genere, nunc tractatur de ipsis in specie: Et quia Baptismus est Sacramentum fundamentale omnium Sacramentorum, cum sine eo homo salvus esse non possit, *cap. Eveniet, c. fin. de Præbys. non baptiz.* Ob id de ipso

ipso nunc agitur, & videndum est:

1. *Quid sit Baptismus?*
2. *Quot ejus species?*
3. *Qui baptizari possint?*
4. *Quae in eo necessariae?*
5. *Qui baptizent?*
6. *Quo in loco fiat?*
7. *Qui sint effectus Baptismi?*

Quò ad Primum: Baptismus hic in principio definitur, ut sit *Ablutio corporis exterior, quae adhibita certa forma verborum, anteriorem animae abluitionem designat, & operatur.*

Quemadmodum enim olim Circumcisio in populo Dei, in fidei, justitiaeque signaculum instituta, ad significationem purgationis originalis, veterisque peccati Parvulis valebat; sic & Baptismus ad hominis innovationem valere coepit, cujus vera doctrina in Ecclesia Romana reperitur, ut de Baptif. sess. 7. can. 2. 6. & 8. in Concil. Trid.

Quò ad Secundum: Scriptum à quibusdam reperitur, varias esse Baptismi species; & si nominis corticem inspicimus, inveniemus, illud esse æquivocum, & genericum, & ad omnem lotionem, ut ajunt, pertinere. Prima species diluvii appellata est, quo peccata sunt excisa, cap. 7. & 8. in lib. Genes. Secunda species in transitu maris Rubri, in quo aqua, nubes, & ignis fuit, cap. 11. ad Corimbios. Tertia legalis, qua inmundi lavabantur, & ita purificati in castra Domini redibant, ut Eccles. c. 34. Quarta Divi Joannis, non omnino spiritalis, sed tanquam introductoria ad Pœnitentiam, ut in c. 1. & 19. in Actib. Apostolor. Quinta Domini Nostri Jesu Christi spiritalis, simplex, & tota, de qua

specie nunc intelligimus. Sexta lacrymis constans, verè laboriosa, ut in Psalmo 6. Septima per Martyrium, & Sanguinem, qua Dominus noster Baptizatus est, ut c. 12. in Evang. Marci, & 12. in Evang. Lucae.

Verùm brevius tres species constituuntur Sanguinis, Fluminis, & Flaminis, cap. Quod quidem, hoc tit. cap. Baptismi vicem, de Consecrat. d. 5. cap. Distrabe. cap. Debitum. 1. q. 1. cap. Apostolicam, de Presbyt. non baptiz. cap. Baptismi vicem, de Consecr. d. 4.

Sanguinis, quando quis, ante Baptismum aquae, martyrium fere ob Dei nomen, ut fecit latro in Cruce, & Sancti fecere Innocentes, d. c. Baptismi vicem, & c. Firmissimè. 15. q. 1. Item Sancta Emerentiana, & alii plurimi, qui Baptismo Sanguinis fuerunt baptizati; de quo plura digna scitu scripsi in meis Decisionibus de Baptismo Decis. 27.

Flaminis Baptismo quis mundatur, quando illam ante mortem enixè desiderat, & perfectè dolet de suis peccatis: vel justo errore credit, se fuisse baptizatum, ut dicit Tolosan. lib. 2. in suo tractatu Symagm. Jur. c. 4. Et ego de Baptif. D. 26.

Fluminis est Baptismus suprà delineatus. Sune qui distinguunt Baptismum in duas species: In Baptismum Fidei, & Cognitionis, quando quis cognoscens virtutem hujus Sacramenti sanctissimi ad ipsum accedit: Et in Baptismum fidei simpliciter; & est Baptismus ille, qui per habitum fidei suscipitur, c. Parvuli fideles, de Consecrat. d. 4. §. Non tamen, hoc tit.

Quò

Quò ad Tertium : Regula est constituenda, omnes posse baptizari, cujuscunque sint ordinis, aut sexus, aut qualitatís, itaut nec muti, nec cæci, nec surdi, nec ægrotantes, aut parvuli excludantur, *d. 5. Non tamen, cum seq. De Consecr. d. 4. cap. Queris.* Nec refert, quòd non possint respondere, dummodo eorum nomine alii profiteantur, atque respondeant. Quinimò & dormiens, & amens baptizatur, dummodò antea propositum habuerint suscipiendi baptismum. *§. De dormientibus, vic. d. c. Queris, c. Majores, §. fin. eod.* Accedat, quòd & ille baptizatur, qui omnino lubens non sit, dummodò absolute non cogatur. *§. Sed & si quis, b. 1. Qui postquam est baptizatus, cogitur permanere in fide, d. c. Majores.* Non omit tam etiam, non natum adhuc posse baptismum suscipere, si fortè dum nascitur in periculo mortis existit, *c. Baptizari, de Consecrat. dist. 5.* Id tamen est animadvertendum, quòd non est ille baptizandus, quem credimus firmiter fuisse baptizatum. *§. de eo, b. 1. Quem admodum è contra quem baptizatum non credimus, ille baptizatur, §. Illud, b. 1. c. Cum itaq. c. Si nulla, & c. fin. de Presbyt. non baptiz.* Undè colligitur quòd semel baptizatus, alijs non est rebaptizandus; & si quis scienter iterum ad baptismum rediret, puniretur. *§. Quod si quis sciens, b. 1. c. Qui vis, de Consecr. d. 4.* Et in Concil. Trident. de non rebaptizand. parvulis, sess. 7. in tit. de Baptism. c. 13. Itaut etiam qui hoc ignoranter fecit, non possit nisi ex maxima necessitate ordinari, *d. §. Quod si quis*

sciens, d. c. 13. Quod durum videtur, cum ignorantia deberet excusari, & hic est unus casus, in quo alicui infertur præjudicium sine sua culpa, arg. 1. q. 5. cap. 1. 1. *Prospexit, ff. Qui, & à quibus.* Ec in hoc videndus est Abbas in c. *Ex literis, de Apostat.* Et è contra qui bis eandem personam baptizaret, esset deponendus, *c. Illis quoque, b. 1. c. fin. eod. Abb. ubi supra.*

Quò ad Quartum. In Baptismo hæc necessaria sunt, Aqua, quæ naturalis esse debet, simplex, & pura, *c. 2. de Baptismo, sess. 7.* Verba secundum formam traditam, quæ sunt *Ego te Baptizo in Nomine Patris, & Filii, & Spiritus Sancti.* Quæ in tantum sunt de forma, ut si dicatur *Ego te Baptizo in Nomine Genitoris, Geniti, & Procedentis ab Utroque.* Item si dicatur in Nomine Jesu Christi, vel in Nomine Trinitatis, non sit Baptismus: latè per Cardin. Anselmum in suis *Institut. Theolog. lib. 2. cap. 11.* Plura de forma Baptismi, scitu digna ego disserui in meis Decisionibus *De Baptismo Decis. 30.* ibi videnda. Minister est, qui eadem verba juxta intentionem profert. Qui autem sint Ministri? infra videbimus. Ad sunt quæ adhibentur in Baptismo potius ad decorem, quàm ad essentiam. *§. Penult. hoc tit. cap. 1. c. penult. de Baptism. d. c. Detrahe. 1. q. 3. c. Sinè, c. Anie, de Consecr. d. 4. Clem. 1. de Baptism.*

Quò ad Quintum. Baptizandi potestas, & Cura ad solos pertinet Sacerdotes; nec regulariter Diaconi admitti possunt. *§. Baptizandi, hoc t. c. Constet, de Consecr. d. 4. sess. 7. per Concil. Trident. in tit. de*

tit. de Sacram. in genere, cap. 10. nisi in casu maximæ necessitatis, quo casu etiam Laicis hoc permittitur, etiam sceminis, d. §. Baptizandi, d. c. Corstat, c. In necessitate, d. 4. de Consecr. Et si quis est baptizatus à Laico, tenet baptismus, sicut tenere videtur, si ab hæretico baptismus conferatur. §. Sed et si quis, b. t. c. 4. de Baptism. sess. 7. Sed tamen verum est, quod quis se ipsum non potest baptizare, quia debet esse diversa persona Baptizantis, & Baptizandi. §. Sed quamquam, b. tit. concordat. c. Per suas, alias Per nostras, de Jur. Patron. Unde infertur quod Judæus in mortis articulo constitutus, si in aquam seipsum immergat, dicens: *Ego me Baptizo*, debet iterum ab altero baptizari. §. Unde, b. t. cap. Debitum, ext. hoc tit.

Quò ad Sextum: Baptismus conferri debet in Ecclesiis, ubi adsunt fontes ad hoc Sacramentum explicandum. §. fin. hic, ita not. in Clement. 1. cod. Duo tamen excipiuntur casus. Primò casus necessitatis. Secundò excipiuntur filii Regum, vel Principum propter eminentem dignitatem, c. fin. de Off. deleg. c. Ne olicui, de Privil. in 6.

Quò ad Postremum. Ex Baptismo effectus iste evenit præcipuus, ut per eum aperiatur, quasi janua ad Ecclesiam, & aperiatur via ad cœlestem gloriam, & æternam salutem; nam qui renatus non fuerit ex Aqua, & Spiritu Sancto, æterna felicitate frui non poterit. Insuper operatur Baptismus peccati originalis remissionem, animæ regenerationem; non tamen operatur, quod homines peccare non possint, quemadmodum nonnulli

à fide aberrantes affirmare sunt ausi. Quorum opinio à Conc. Trid. can. 6. de Baptism. sess. 7. improbat. Et quantum dicimus per Baptismum tolli peccatum originale, dices id verum esse; sed tamen relinquit nobis fomitem, qui est pœnalitas relicta nobis ad exercitium, & ad pugnandum, ut gloriosius coronari mereamur. S. Thom. 3. p. q. 69. art. 1. & 2. D. Bonav. in 4. sent. d. 4. 1. part. art. 1. q. 2. & sic intelligitur textus in §. Non tamen, hoc tit. Tandem alter præcipuus Baptismi effectus est Character, nempe signum quoddam spirituale indelebile, impressum in anima baptizati. Conc. Trid. de Baptism. sess. 7. can. 9. & de eò vide Decisiones meas de Baptism. decis. 33. in qua duodecim effectus Baptismi numerantur.

T I T. IV.

De Sacramento Chrismatis.

Postquam tractatum fuit de una specie Sacramentorum, nunc de alia differitur, nempe de Sacramento Chrismatis, quod post Baptismum confertur, & in hoc titulo videbimus:

1. Quid sit Sacramentum Chrismatis?
2. Quibus conferatur?
3. A quibus?
4. Qui debent intervenire?
5. Qui sint ejus effectus?

Quò ad Primum: Est Sacramentum, quod post Baptismum suscipitur, & arma Divinæ gratiæ ad pugnandum adversus animarum hostem contribuit. §. 1. cum seq. hoc

boc tit. r. 1. & 2. de Consecr. d. 5. Et est Sacramentum verum, & proprium, quod characterem imprimit, *cap. 4. sess. 23. de Sacram. Ord. c. 1. de Confirm. sess. 7.*

Quò ad Secundum: Regula est generalis, quòd his omnibus confertur, qui sunt baptizati. *S. 2. boc tit.* Sicut olim hostia prius lavabatur in litore, & postea offerebatur in holocaustum, ut not. in *cap. 1. de Consecrat. d. 4.* Nec possunt tenere, aut levare nisi hi, qui sunt baptizati, & confirmati. *S. Admonendi. boc eod. tit.*

Quò ad Tertium: Solus Episcopus confert hujusmodi Sacramentum. *S. Unde, infr. eod. c. 1m. prope finem de Sacra Unctione, cap. 3. de Confirmat. sess. 7. d. c. 4. sess. 23. c. De his, de Consecr. d. 1. c. Quanto, ext. de Consecrat.*

Quò ad Quartum: Requiritur Unctio in fronte cum verbis idoneis: Patrinus, qui quasi fideiutor apud eum existat, quemadmodum sit etiam in Baptismo. *S. Illud, boc tit.* Cujus Patrini officium est, Puerum in fide instruere, *cap. Vos ante, de Consecr. d. 3.* Et est advertendum, quòd non potest in Patrinum eligi, nisi qui est baptizatus, & oleo Chrismatis delibutus, *cap. In Baptismate, de Consecr. d. 4.* ut supra etiam dixi. Quemadmodum nec Pater, nec Abbas respectu filiorum, & Monachorum. *S. Parentes, b. t. c. Si vir, de Spirit. Cognat.* Quamvis pater ex necessitate posset filium tenere ad baptismum, ut in *c. Ad limina. 30. qu. 1. & Abb. notat in d. cap. Si vir, de Abb.* Est tex. in *c. Non licet, de Consecr. d. 4.* Sed nec Monachi possunt ad hoc munus

vocari. *S. Parentes, cap. Placuit, 16. q. 1. c. Pervenit. 18. q. 2.* & dixi in dictis meis Decisionibus *De Baptismo, decis. 40.* ubi plenè. Insuper Vir, & Fœmina, unus, vel una debet ejusdem confirmandi Patrinus esse. *S. Admonendi, hic, c. Puer, de Consecr. d. 4.*

Quò ad Postremum. Operatur hoc Sacramentum augmentum gratiæ, & hominem validiorem reddit ad obstandum inimico naturæ humanæ, *cap. 1 & tot. tit. de Consecr. d. 5.* ut etiam supra diximus. Characterem imprimit, ita ut semel tantum conferatur. *S. Commune, boc tit. d. c. Non licet, de Consecr. d. 4.* Et tandem contrahitur Cognatio spiritualis inter Patrem, & Matrem confirmati, & ipsum confirmatum, & Patrinum, & confirmantem, *d. cap. 2. de Reform. Matrim. sess. 23.* Et de hac spirituali Cognatione, vide plura scitu digna in dictis meis Decisionibus *de Baptismo, decis. 37. & decis. 40.* ubi resolvitur, An ipsa contrahatur à Parrino mittente Procuratorem? vel à Procuratore puerum suscipiente in Sacramento?

T I T. V.

De Pœnitentiâ, & Remissionibus.

Quoniam homini Christiano non sufficit propter humanam imbecillitatem Sacramentum Baptismi, & Confirmationis, cum sæpissimè ob peccata homo amittat gratiam, quæ per Pœnitentiam, & peccatorum remissionem recuperatur, ob id nunc de hac

H mate-

materia tractatur, & videbimus:

- 1 *Quid sit Pœnitentia?*
- 2 *Ad quid instituta?*
- 3 *Quot sint Pœnitentiæ species?*
- 4 *Ex quibus constet?*
- 5 *A quibus imponatur?*
- 6 *Quibus?*
- 7 *Quid sit Remissio?*
- 8 *Qui possint peccata remittere?*

Quò ad Primum. Licet Pœnitentiæ nomen sit genericum, & id præferatur, quod est priori voluntati contrarium, tamen præcise hic accipitur, & potest dici, ut sit *Sacramentum Contritione, Confessione, Satisfactione constans*, quod peccatorum remissionem tribuit; & est effectum verum Sacramentum post Christi adventum, ut *hic in princ. & sess. 14. c. 1. de Necess. & instit. Sacram. Pœnit. in Conc. Trident.*

Quò ad Secundum. Fuit ad hoc inventa, quia cum sit hominum conditio infirma, ita ut non possint peccata de facili evitare, hoc remedium gratia jam amissa recuperatur, & est quasi tabula periclitantibus, & reconciliatio cum Deo. *S. Multiplex, hic, supr. d. sess. 14. cap. 3.*

Quò ad Tertium. Tres sunt species Pœnitentiæ, *Solemnis, Publica, & Privata*. Prima est, quam Episcopus imponere solet propter majora scelera, & semel tantum imponi solet, & sic pœnitentes ordinari non debent. *S. Sum, hoc tit. c. 1. de Bigam. c. Ex Pœnitentib. 50. d. Publica est illa, quæ publicè nulla Juris solemnitate servata injungitur, ut est Peregrinatio, certi habitus delatio, & hujusmodi. S. Publica, hic, cap. Ex. 24. sess. Privata verò est illa, quæ in occulto Deo fit, & Sacerdoti tan-*

quam Dei ministro, & hæc saltem semel in anno à quolibet fidelis facienda est. *S. Privata, hoc tit.*

Quò ad Quartum. Pœnitentia constat ex cordis contritione, quæ nihil aliud est, quam dolor pro peccatis commissis voluntariè assumptus, cum proposito confitendi, & satisfaciendi. Ex oris confessione, per quam scilicet morbus latens spe veniæ aperitur. Et ex operis satisfactione, quæ est secundum Justitiæ qualitatem, & quantitatem compensatio, *c. Satisfactio, de Pœn. d. 3. facit cap. Perfècta, ead. d. & S. alii, & S. Ex his, de Pœnit. dist. 1.* Sunt qui addunt constare etiam ex absolutione, quæ est liberatio à peccatis facta ab habente auctoritatem per verba idonea.

Quò ad Quintum. Pœnitentia solemnis à solo Episcopo imponitur, *d. S. Sum autem.* Si de publica tractatur, & ipsa imponitur ex Episcopi auctoritate. Si de privata agimus à privatis Sacerdotibus, qui tamen ab Episcopis approbantur. *S. Privata, hoc t. c. Si Episcopus, de Pœnit. in 6. S. Si quis, hoc cod. tit.*

Quò ad Sextum. Pœnitentia imponi solet his, quibus displicet peccata commisisse, etiam si ad ultimum supplicium damnentur. Quibus etiam Eucharistiæ Sacramentum non denegatur. *S. fin. hic, Clement. 1. & cap. Quærenti, de Verb. significat.*

Quò ad Septimum. Remissio nihil aliud est, quam exoneratio, & relevatio, atque à peccato liberatio. Etenim qui remittit, liberat, *l. 1. Cod. de Remiss. pignor.*

Quò

Quò ad Postremum . Episcopi, Sacerdotes, & illi, qui sunt ab Ordinariis approbati, peccata remittere poterunt, quibuldam exceptis, quorum remissio est reservata Summo Pontifici, vel Episcopo, *cap. Ejus, sess. 14.* Ut si poenitens Clericum læserit enormiter, *cap. Si quis suadente. 17. q. 4.* Aut Ecclesiam combusserit, vel fregerit, quo casu si est denunciatus à solo Pontifice potest absolvi, quamvis ante denunciationem etiam Episcopus possit absolvere, *c. Compuncti, & c. Tua, de Sentent. excomm.* Aut falsum commiserit, *cap. Dura, §. fin. de Crimin. falsi.* Aut Cardinalem, vel Episcopum insequutus fuerit, *c. Felicis, de Pœnit. in 6. c. Si quis, eod. tit. in 6.* Aut cum Moniali rem habuerit, & aliis casibus, de quibus notatur in *c. Si Episcopus, eod. in 6.* Et supra nominati casus referuntur in *§. Ilud, hoc tit.* Et nota quòd unusquisque semel in anno saltem debet confiteri. *§. Privata, cap. Omnis, de Pœnit. & remiss.* Et Confessor debet tacere confessionem, aliàs si ipsam revelet, perpetuò detruditur in Monasterium. *§. Sed si vè, hoc tit.* Cùm simul & Medici, qui ægros ad poenitentiam non inducunt, ab ingressu Ecclesiæ sunt arcendi. *§. Medicos, hic.* Quamvis hoc non sit observatum; ut per Gloss. *ibi in verb. arcebitur.* Ac tandem unum notare debes, quòd in casu necessitatis etiam is consequitur veniam, qui confessus fuerit sua peccata illi, qui non habet auctoritatem absolvendi, & hoc ex desiderio Sacerdotis, & vigore suæ contritionis; non ex eo, quod illa confessio sit Sacramentalis,

per regulam, quod necessitas facit reputare affectum pro effectu. *§. Sed etsi, hoc tit.* Sed de hac questione, An, absente Sacerdote, sit in casu necessitatis confitendum laico? Vide meas Decisiones de Sacram. Pœnit. in quibus Decis. 18. de hac plenè disserui; exempla curiosa adduxi, & opinionem negativam ob plures rationes, ac auctoritates tenui. Item & si quis habuerit animum confitendi, sed propter sævitiam morbi non poterit id facere, potest tamen absolvi. *§. penult. hic, cum simil.* Et vide, quæ super hoc traduntur per Conc. Trid. *sess. 14. c. 9. de Pœnit.*

T I T. VI.

De Eucharistia.

Absoluta tertia specie Sacramentorum, de quarta nunc tractatur; & videbimus:

- 1 Quid sit Eucharistiæ Sacramentum?
- 2 Ex quibus constet?
- 3 Quis ipsum conficiat?
- 4 A quo exhibendum?
- 5 Quibus?
- 6 Qui sint effectus?

Quò ad Primum. Sacramentum Eucharistiæ pluribus significatur nominibus, quæ quid magnum insinuant, & tunc institutum in ultima Cœna Domini. *In Concil. Trident. sess. 13. cap. 1.* Et ibi vide per totam Sessionem de Excellentia hujus Sacramenti; & est Sacramentum quod constat visibili forma, veritate corporis, & virtute spirituali. Et forma visibilis est Panis, & Vinum, quæ conficiuntur

H 2 tur

ent Corpus, & Sanguis Domini Nostri Jesu Christi. *§. Constat, & §. Veritas, hic, cap. Panis, cap. Antequam, cap. Nos autem, & plura alia capitula de Consecrat. d. 2. Et per Concil. Trident. sess. 13. cap. 1. & cap. 4.*

Quò ad Secundum. Ut dixi, constat hoc Sacramentum visibili forma, veritate Corporis; & virtute spiritali. Visibilis forma est panis, & vini commixti aqua. Veritas est Carnis, & Sanguinis. Sicut enim ante consecrationem panis est, & vinum, quod natura creavit; ita post consecrationem est vera Christi Caro, & Sanguis. *d. cap. 1. & 4. de Sacram. Euchar. Sacram. sess. 13.*

Quò ad Tertium. Soli Sacerdotes hoc Sacramentum conficere possunt. *§. Sed nec, hic, c. Perleclis, 25. d. Unde Conc. Trid. anathematizat eos, qui mentiuntur, omnes Christianos in Sacramentis ministrandis habere parem auctoritatem, can. 10. in tit. de Sacram. in genere, sess. 7. Quod verum est etiam si mali sint. Nam ex tunc conficiunt Corpus Domini, quando cum intentione consecrant, sed tamen debent abstinere, & in co statu consecrantes peccant mortaliter. §. Inò, hic, c. fin. de Cleric. excomm. c. fin. & ibi not. de Cohabit. Cler. & Mulier.*

Quò ad Quartum. Hoc Sacramentum à solis Sacerdotibus exhiberi potest. *§. Sed nec, hoc tit. cap. Pervenit, de Consecr. d. 2. Excepto casu necessitatis, in quo Diaconus, præsentis Presbytero, id facere potest. §. Permissit, hoc tit. c. Præsentis, cap. Diaconus, d. 93. Sed utrum Sacerdos, qui non potest*

celebrare, possit Hostiam jam consecratam sumere? Et quid si sit præsens Diaconus? vide meas Decisiones de Eucharistia, in quibus Decis. 29. affirmativa opinio tenetur; & alia curiosa dubia proponuntur.

Quò ad Quintum. Hoc Sacramentum exhibetur his, qui habent plenitudinem judicii, aut saltem cognitionem boni, & mali. Illis autem, qui erant Histriones hoc Sacramentum denegabatur, ut est *tex. in §. Item, hic, c. Pro dilectione, de Consecr. d. 2. Cæterum quilibet fidelis saltem semel in anno hoc Sacramentum suscipere debet, & ei est exhibendum. §. Et quidem, hoc tit. cap. Omnis, de Panis. & remiss. §. Privata, hoc tit. & Concil. Trident. can. 9. de Sacram. Euchar. Sacram. sess. 13. Sacerdotes verò quotidie, sed semel tantum, excepto Die Nativitatis Domini. §. Invaluit, b. t. c. Te referente, de Celebr. Missæ. Sed tamen non puto de Necessitate, ut Sacerdos quotidie celebret, maxime si habeat causam; sed tamen hic usus maxime commendatur per Conc. Trid. sess. 22. c. 2. Excipitur etiam casus necessitatis. d. §. Invaluit, ut puta si Parochianus infirmum vellet communicare, nec esset reservata Eucharistia in prima Missa: ita exemplificat ibi Gloss. in verb. necessitas. Porro An Parochus non jejunos possit celebrare, & consecrare ad communicandum moribundum? Vide meas Decisiones de Eucharistia Decis. 3. n. 7. ubi rationes, & DD. pro utraque opinione.*

Quò ad Postremum. Virtus hujus Sacramenti est Charitas, & unitas; nam quemadmodum ex multis,

multis granis unus fit Panis, & ex pluribus racemis unum Vinum; ita & nos per hoc Charitatis Sacramentum Christo incorporati unum evadimus. *S. Virtus, hoc r. c. Quia passus, & c. Hoc Sacramentum, & c. Corpus, Cum plurib. seqq. de Consecr. d. 2.* Et propterea multi, & uberrimi fructus pro animabus resultant, ut *cap. 5. de Sacram. Eucb. Sacramento, sess. 13. in Trid. Concilio.*

TIT. VII.

De Extrema Unctione.

Actum est de quarta specie Sacramentorum, nunc de quinta differitur, & pro explicatione videbimus:

- 1 Quid sit Sacramentum Extremæ Unctionis?
- 2 Quot species?
- 3 Ex quibus constet?
- 4 A quibus Extrema Unctio exhibenda?
- 5 Quibus?
- 6 Ad quid?

Quò ad Primum. Extremæ Unctionis Sacramentum, quod propriè, vereque Sacramentum existit, à Christo Domino Nostro institutum, & à Beato Jacobo Apostolo promulgatum, *can. 1. de Sacram. Extr. Unct. sess. 14. Conc. Trident.* potest in hunc modum describi: *Ut sit illud Sacramentum, quod tunc explicatur, cum in ultimo vitæ discrimine ob adversam valetudinem constituti Oleo Sancto inunguntur, & delinuntur.* Et dicitur Unctio Extrema, quoniam his solis confertur, qui in ultimo vitæ periculo sunt.

S. Sciendum. S. Hæc, hoc tit. c. 1. Unic. de Sacra Unct.

Quò ad Secundum. Duæ Unctionis species existunt, *Exterior, & Interior.* Prima materialis, & visibilis existit. Secunda spiritalis est, & invisibilis. Exteriores enim visibiliter corpus ungitur; Interiores invisibiliter cor. *S. Sunt enim, hic, concord. c. Unic. in princ. de Sacra Unct.*

Quò ad Tertium. Hoc Sacramentum secundum Tolosanum in hoc tractatu Syntagm. *7^m. lib. 2. c. 7. n. 3.* Ex forma, & materia consistit. Materia est oleum olivarum, ut per Arch. latè in *Summ. b. t. Vers. Materia*, quod ab Episcopo est benedictum. Forma verò in Verbis consistit, quæ à Ministro exprimentur, dum officium Extremæ Unctionis explicatur, *d. c. 1. sess. 14. Concil. Trid.*

Quò ad Quartum. Hoc Sacramentum à Sacerdotibus, & Presbyteris confertur, prout & dictum est de Sacramento Eucharistiæ. Itaut non possint alii inferiores Clerici hoc Sacramentum conferre, *d. S. Sciendum, c. 3. d. sess. 14.* De Ministro hujus Sacramenti, & tempore quo dari debet, *c. Quæsit, de Verb. Signif.*

Quò ad Quintum. Hoc Sacramentum, ut dixi, his confertur, qui sunt infirmi, & in extremo vitæ periodo positi; & si fortè ad sanitatem revocantur, atque iterum in morbum incidunt, iterum unguntur, ut *d. cap. 3.* Non datur autem amentibus, quia intellectus carent, sed datur ægrotis, & Pœnitentibus, non his, qui in peccato perseverant, ut in *d. c. 3. aperte legitur, & in c. Illud superfluum.*

95. d. Quæ partes autem ungan-
tur, vide Gloss. *hic in §. Sciendum,*
In Verb. partes.

Quò ad Ultimum. Datur hoc
Sacramentum ad confirmandam
animam ægroti, ut possit hosti
naturæ humanæ resistere. Item ad
ad peccatorum reliquias abstergen-
das, nec non ad excitandam in
ægroto maximam divinæ Legis
fiduciam, & ad spiritualem medi-
cinam; ut in d. sess. 14. c. 2. Undè
etiam effectus hujus Sacramenti
maximus est, cum ipsum pluri-
mum gratiæ conferat, plurimum-
que auxilium; ut in d. c. 2. d. sess.
14. Sed utrùm extet Præceptum
de Extrema Unctione recipienda
in gravi infirmitate? Et an plu-
ries possit recipi in eadem infirmi-
tate? videndæ sunt meæ Decisio-
nes de Extrema Unctione. Decis. 81.
ubi plurima curiosa Quæstia, &
Dubia resolvuntur circa Materiam,
Formam, & Effectus hujus Sacra-
menti.

TIT. VIII.

De Sacramento Ordinis.

Quia Sacramenta alia sunt Ne-
cessaria, alia Voluntaria. §.
Sacramentum, *Suprà de Sacram.*; cum
hucusque tractatum sit de il-
lis Sacramentis, quæ sunt necessi-
tatis, nunc incipit tractare de aliis,
quæ dignitatis, & voluntatis sunt,
& sic de Ordine, & Matrimo-
nio. Et circa hunc Titulum vide-
bimus:

1. Quid sit Ordo?
2. Quæ in Ordine considerentur?
3. Ad quid Ordines inventi sint?

Quò ad Primum. Ordinis Sa-
cramentum, quod verè, & pro-
priè Sacramentum existit, c. 3. de
Sacram. Ordin. sess. 23. in Concil. Tri-
dent. Est Signaculum quoddam Eccle-
siae, propter quod spiritualis potestas
traditur ordinato, ut *hic*. Quæ qui-
dem potestas secundum nonnullos
in potentia activa consistit, sicut
Character, qui in Baptismo im-
primitur, & in potentia passiva.
Archiepisc. Florent. *In sua Summ.*
cod. in princ. Item ex hac definitio-
ne colligitur, primam tonsuram
non esse Ordinem, cum per eam
nulla tonsurato potestas confere-
tur, sed solum capacitas ad alios
Ordines; & quamvis in c. Cum con-
tingat, extr. de Aetat. & qualitat. Or-
do vocetur; tamen dicendum est
ibi Ordinem largè accipi, prout
de Regularibus diximus, quòd
sunt Ordines S. Francisci, vel S.
Dominici.

Quò ad Secundum. In Ordine
consideratur. Primò gradus Ordi-
nis. Secundò ipsamet Ordinatio;
in qua inspicitur qualitas Ordinan-
dorum, & Ordinantium, ac tan-
dem modus Ordinandi, de quibus
suprà dictum est.

Quò ad Postremum. Ordines
inventi fuerunt ad hoc, ut per ip-
sos ad Sacerdotium tendatur, ut
dignè quis Altissimo possit mini-
strare, & reliqua Ecclesiae Sacra-
menta conficere, cap. 2. sess. 23. de
Sacram. Ordin. De hoc Sacramento
inter meas Decisiones extat integer
liber in quo Decisionibus quadra-
ginna explicantur omnia, quæ à
Theologis, & Canonistis de eo
disputantur, & plurima Dubia re-
solvuntur.

TIT.

T I T. IX.

De Sacramento Matrimonii.

Explicato tractatu de Sexto Sacramento; nunc differitur de Septimo, nempe de Matrimonio. Et videbimus:

- 1 *Quid sit Matrimonium?*
- 2 *Ex quibus constet?*
- 3 *Qui contrahant Matrimonium?*
- 4 *Qui sint effectus?*

Quod ad Primum. Matrimonium est *Viri, & Mulieris conjunctio individuum Vitæ consuetudinem continens, cum divini, & humani Juris communicatione: ut hic in princ. concord. 27. q. 2. in princ. c. Illud. de Præsumpt. l. 1. ff. de Rit. Nupt. & Instit. de Pat. potestate, in princ. Et est Sacramentum verum, & proprium à Christo institutum, quod gratiam confert. c. 1. sess. 24. Concil. Trident. de Sacram. Matrimon. Et duplex est Matrimonium, Carnale, & Spirituale. Per primum fit conjunctio Maris, & Fœminæ; per Secundum Christi cum Ecclesia.*

Quod ad Secundum. Matrimonium consistit ex consensu, & copula, quæ eodem tempore cum pluribus esse non potest. d. sess. 24. c. 2. in Concil. Trid.

Quod ad Tertium. Regula est generalis, omnes posse Matrimonium contrahere, qui Christi fideles existunt, & consentire possunt, & sunt habiles ad copulam, ut pot. in c. Ex litteris. de Dispens. Inpub. Et norant omnes in Rubr. Qui Cler. vel voventes. Et de aliis, qui non possunt contrahere, infra videbimus.

Quod ad Postremum. Effectus, sive Bona Matrimonii sunt *Fides, Proles, Sacramentum.* Fides scilicet

conjugalis, quàm sibi nupti ad invicem debent, nec cum aliis adulterentur, fide conjugii violata. Proles propter quam multiplicandam Matrimonium est institutum in Paradiso. c. Cum igitur. in princ. 35. q. 1. c. Deinde. 26. d. licet quibusdam non volentibus generare Matrimonia sint ad solatium. c. Nuptor. 27. q. 2. Sacramentum, idest inseparabilitas, vel individuitas quod ad perpetuam fervitatem, nisi Religione, vel fornicatione separatio fiat. c. In plerisq. de Convers. Conjug. c. Dixit. 33. q. 1. Insuper in hoc Sacramento gratia confertur. d. c. 1. de Sacramento Matrim. d. sess. 24. in Trident. Concil. Integer autem liber inter meas Decisiones extat de hoc Sacramento; & in eo plenè, & facilè collecta sunt omnia, quæ de Matrimonio scripserunt Canonistæ, ac Theologi, eaque ornata sunt Historiis, & eruditionibus quamplurimis.

T I T. X.

De Sponsalibus.

Quoniam Sponsalia sunt tanquam præludia Matrimonii, de quo suprâ dictum est; ob id nunc agitur de Sponsalibus; & videbimus:

- 1 *Quid sint Sponsalia?*
- 2 *Unde dicantur?*
- 3 *Quotuplicia sint?*
- 4 *Quot modis contrahantur?*
- 5 *Inter quos contrahi possint?*
- 6 *Qui sint effectus Sponsalium?*
- 7 *Quot modis solvantur?*

Quod ad Primum. Sponsalia sunt mutue quedam reponsiones futurarum Nuptiarum, ut hic in princ. concord.

cord. l. 1. & 2. ff. eod. c. Nostrates. 10. 9. 5.

Quò ad Secundum. Sponsalia dicuntur eò quia ad invicem Vir, & Mulier sibi promittunt, & dicuntur à sponſione. l. 2. ff. eod. Veteres enim sibi stipulabantur uxores futuras, & hinc Sponsi, & Sponsæ denominatio emanavit. l. 3. ff. eod.

Quò ad Tertium. Sponsalium duæ sunt species. Alia de futuro, alia de præſenti. Ita notant omnes in Rubr. de Sponsalib. & Goffredus ibi, num. 4.

Quò ad Quartum. Sponsalia de futuro contrahuntur simplici sponſione, Verbis, scilicet; quæ verba respiciunt futurum tempus. c. Si inter. eod. §. Verba. boc tit. Re, cum Matrimonium contrahitur per nudam subarrhationem, vel annulliimissionem. Abb. & DD. in c. fin. de Despons. Impuber. §. Contrahunt. boc t. Dixi per nudam, quia si interveniat consensus de præſenti, tunc dicitur Matrimonium. DD. dicto loco. Litteris, quando in scriptura duo absentes sibi invicem promittunt. §. Litteris. bic. Quod etiam habet locum in Nuncio, & Procuratore ad hoc constituto, ut per eum possint contrahi sponsalia. d. §. Litteris. c. fin. de Procuratorib. in 6. Nec in hoc casu Procurator potest alium substituere. §. Procurator. boc tit. d. cap. fin. de Procur. in 6. cum concord. ibi allegatis. Consensu, ut quando qui propter ætatis impedimentum Matrimonium contrahere non possunt, sibi spondent, veluti duo Impuberes, vel si unus sit pubes, nam quamvis verba sonent contractum de præſenti, attramen quia ætas impedit, contrahunt Sponsalia de futuro. c. Nobis. extr. de Despons. Im-

pub. §. Consensu. bic. Et hoc procedit non vi verborum, sed Juris potestate. Ita Goffred. in summ. eod. n. 5. Item Sponsalia contrahuntur, vel simpliciter, & purè, quando sine alia adjectione diei duo sibi promittunt: vel sub conditione, quando duo sibi spondent sub certo futuro casu, vel conditione. Et advertendum est, quòd in hoc turpes conditiones rejiciuntur. §. Hoc tamen. boc tit. Quandoque etiam dies adjicitur in Sponsalibus, ut quando quis intra certum tempus, aliquam se ducturum in uxorem convenit: Et hanc distinctionem habemus in §. Rursus, cum duobus seq. bic. cum concordant.

Quò ad Quintum. Sponsalia possunt contrahi inter eos, qui Matrimonium contrahere possunt. Sed nunc qui minorem habet ætatem, si septem annos habeat, potest tam Sponsalia contrahere, quam jam inita approbare. cap. Litteras, de Desponsat. Impuber. cap. fin. 3. q. 2. c. 1. in princip. de Despons. Impub. in 6. & §. Non tamen. boc tit.

Quò ad Sextum. Primus effectus est, ut teneatur promittens servare promissa. d. §. Rursus. c. 2. c. Requisivit. ext. eod. Quamvis quis præcisè non compellatur propter malos eventus. d. cap. Requisivit. Nisi sint Jurata. c. 2. & c. Ex litteris. eod. Alter effectus est, ut inducant impedimentum publicæ honestatis; itaut nullus cognatus sponſi contrahere possit cum sponſa, nec cognatæ sponſæ possint cum sponſo contrahere. c. 2. & cap. Sponsam. ext. eod. Quod extendebatur, etiam ad illum Casum, quo Sponsalia erant nulla. d. cap. 2. Postea verò inducitur est, quòd publica honestas im-

impediret usque ad quartum gradum tantum, *c. Non debet, de Consanguinitate, & Affinitate*. Sed hodie per Concil. Trid. in c. 3. de Reformat. Matrim. sess. 24. constitutum est per Sponsalia quacunque ratione invalida non impediri Matrimonium ratione publicæ honestatis, & cum fuerint valida prohibuit Matrimonium contrahendum inter cognatos sponzorū cum aliquo ex spon-
sis, solummodo usque ad primum gradum. Et hæc quæ dicta sunt habent locum, quando Sponsalia sunt contracta purè; quod si adjectus sit dies, si per alterum steterit, quominus sit Matrimonium contractum, tunc alter poterit ad nuptias alterius transire. Sin autem sint facta Sponsalia sub conditione, tunc evanescunt deficiente conditione. *§. Dies, cum seqq. hoc tit.*

Quò ad Postremum. Duobus præcipuè modis dissolvuntur Sponsalia contracta. Aut ipso Jure, aut facto hominis. *§. Dissolvuntur, hoc tit.* Primo modo quando Jus ipsum hoc decernit; veluti per ingressum Religionis, vel susceptionem sacrorum Ordinum. *§. Item, hoc tit.* Et quò ad ingressum Religionis dicas hoc procedere etiam in Sponsalibus de præsentī, *c. Ex publico, de Convers. Conj.* Dummodò adsit consensus alterius, ut *ibid. c. Scripsit, cap. Ecce. 27. q. 2. c. Commissionem, cod.* Quatenus verò loquimur de susceptione sacrorum Ordinum, habet locum tantummodo in Sponsalibus de futuro; ita not. in c. 1. de Vot. & Vot. redempt. in 6. per Extrav. Joann. quæ incipit *Altercationis antiquæ, & in c. Ex parte. 2. de convers. Conj.* Per

Matrimonium subsequens, quia majus vinculum minus dissolvit. *§. Si igitur, hic, cap. De illis, extr. cod. Goffred. in sua Summ. in Rubr. cod. n. 10.* Facto hominis solvuntur Sponsalia, cum partes communi consensu ab ipsis Sponsalibus recedere volunt, vel alterius taurum dissensu; & id fit ex causa legitima Jure concedente; veluti si intervernerit Membrorum amissio. Absentia. *§. Sed & hoc tit.* Fornicatio. Incurabilis morbus, ut lepra. *§. fin. hoc tit.* Vel similis causa; *c. Sicut, c. Si inter, c. Is qui, extr. cod. c. 1. & c. fin. extr. de Spons. duor. cap. Præterea, cod. §. Facto, hoc tit.* Item si impubes contraxerit, & factus Pubes noluerit Matrimonium ratum habere, dissolvuntur Sponsalia. *§. Contrahentes, b. 1. d. cap. De illis. De Spons. impub.* Item Affinitas superveniens dirimit Sponsalia. *§. Item, hoc tit. c. 2. de Consang. & Affinit. & cap. Veniens. 1. & 2. & c. Ex literis. De eo, qui cogn. cons. Uxori suæ.* Et, quod dictum est de fornicatione, quod per eam dirimantur Sponsalia, habet locum etiam si fuerint Jurata. *§. Unus, hoc tit.* Idem in fornicatione spiritali, ut si Sponsus, vel Sponsa idolatraverit, vel in hæresim inciderit. *§. Idem, hoc tit. cap. Non solum, & c. Jam nunc. 28. q. 1.* Quid autem sit in Matrimonio? videbimus infra in *§. Multum, de Divort.* Et Præterea pro totius Tituli expeditione nota, quòd ex quo Sponsalia de futuro non possunt contrahi nisi in septennio, et si antea contrahantur, non valent, nisi nova voluntas superveniat, ut supra dictum est: Si nexus copulæ in eam, quæ nondum septennis

est, intercesserit, tunc inducitur publicæ honestatis Justitia. *S. Si tamen, b. t. c. Juvenis, cod.* Et si impuberes velint dissolvere Sponsalia, non sunt audiendi, sed expectandum est tempus Pubertatis. *S. de Illis, b. t. c. De Illis, & c. A nobis, de Despons. Impub.* Quod si mulier Viri potens contrahat cum impubere, ipsa non potest resilire, sed impubes factus pubes potest hoc facere. *S. Mulier, b. t.* Quod habet locum si spontè cum minore contraxit, aliàs si coactè non tenetur expectare impuberem. *S. Hac tamen, hoc tit.* Et Sponsalia contracta à parentibus non tenent, nisi filii assentiant. *S. Non absimile, hoc, eod. tit.*

præ Matrimonium præferret illud totum tempus, quo legitimè est conjunctio contracta, & copula sequuta. Nuptiæ verò referuntur ad Tempus illud, quo per verba de præsentis consensum contrahentes præstant, & illam perpetuam inter se mutuam conjunctionem contrahunt. Ut notant DD. in *Rubr. c. de Sponsal.*

Quò ad Secundum. Nuptiæ dicuntur à nubendo, seu velando, *cap. Nec illud, 30. q. 5. c. Nec imago, 33. q. 5.* Etenim propter necessitatem sponsæ velabantur, ut dictum est in titulo de Nuptiis in *Civil. Institution.*

Quò ad Tertium. Nuptiæ dicuntur tunc contractæ, quando ab illis, qui debent conjuges esse, est consensus præstitus ad Parochi interrogationem, cujus Parochi præsentia est omnino necessaria. *Concil. Trid. in cap. 1. de Reform. Matrim. sess. 24.* Aliàs Matrimonium diceretur clandestinum, nec contrahentes obligaret in foro exteriori, *d. c. 1.*

Quò ad Quartum. Habentes legitimam ætatem, & facultatem consentiendi, Matrimonium possunt contrahere. Legitima verò ætas deprehenditur ex habilitate ad coeundum, *c. 3. de Despons. Impub. S. Sed qui, b. t. Abb. in cap. De illis, ext. de Sponsalibus.* Est tamen casus in quo impubes potest Matrimonium contrahere si inhabilis sit ad copulam, & est quando de pace ineunda tractatur. *S. Idem si, cod. cap. 2. de Despons. Impub. & 29. d. per totam, c. Hoc quippe, 3. q. 6.* Et sciendum est, quòd ad contrahendum Matrimonium verba omnino sunt necessaria, vel saltem

T I T. XI.

De Nuptiis.

Continuatio hujus Tituli ad præcedentes colligitur ex principio tituli nostri; pro cujus expeditione videbimus:

- 1 Quid sint Nuptiæ?
- 2 Unde dicte?
- 3 Quando dicantur contractæ?
- 4 Qui nuptias contrahant?
- 5 Quibus temporibus fiant?
- 6 Quæ Matrimonium invalidum reddant?

Quò ad Primum. Nuptiæ nihil aliud sunt, quàm Matrimonium; quod quidem Matrimonium præferret communicationem Juris divini, atque humani per conjunctionem maris, & sæminæ, ac inseparabiliter factam. Hoc tamen discrimen videtur esse inter Matrimonium, & Nuptias, quòd pro-

saltem alia signa mentem contrahentium exprimentia, & ex quibus consensus deprehendi possit, cap. Sufficit. 27. q. 2. Abb. inc. Tue, de Spons. §. Licet autem, hoc tit. Unde etiam mutus, & surdus per signa contrahere possunt. §. Muti, hoc tit.

Quò ad Quintum. Temporibus statutis tantum potest contrahi Matrimonium. Quare prohibetur ab Adventu Domini Nostri, usque in diem Epiphaniæ; & à Feria quarta Cinerum usque ad octavam Paschatis inclusivè, c. Ab adventu, de Reform. Matrimon. sess. 24. in Concil. Trid. Et hoc est unum de Præceptis Ecclesiæ. Et si quis dixerit hanc superstitionem superstitionem esse, anathema sit, c. 11. de Sacram. Matrim. sess. 24. in eod. Conc.

Quò ad Postremum. Si quis crederit personam liberæ conditionis suscipere, quam postea cognoscit esse servilis, Matrimonium est nullum, nisi fuerit renovatus consensus, vel sequuta copula. §. Si quis tamen, hoc tit. c. Propositum, de Conjug. servor. Qui autem dicantur liberi dicit text. in §. Liberi autem, h. 1. Item si quis contrahere credat cum una, ac alii subjiciatur per errorem, ob-impedimentum consensus Matrimonium invalidum redditur, c. 1. 29. q. 7. & Goffred. in sua Summ. in Rubr. de Spons. subum. 21. Ubi etiam dicit errorem qualitaris, & fortunæ non impedire Matrimonium, ut si illa, cum qua contrahitur, credatur esse Virgo, & non sit, vel dives, & pauper sit, ut 29. q. 1. d. c. 1. De aliis impediendis dicitur in sequenti titulo.

TIT. XII.

Quæ Matrimonium impedire possint.

Quoniam multa impediunt Matrimonium, ob id nunc de hac materia. Et videbimus:

1 *Quæ Matrimonium contractum dirimant, & quæ contrahendum impediunt?*

2 *Quot Matrimonii species sint?*

Quò ad Primum. Primo loco Error dirimit Matrimonium, ut hic in princ. Et quoniam quatuor sunt species Erroris, Conditionis, Personæ, Fortune, & Qualitatis, sciendum est, quòd postremæ duæ Matrimonium non dirimunt; superiores sic, ut sup. tit. proximo dixi, & c. 1. & per totum. 29. q. 1. & q. 2. §. Soluti, hoc tit. Secundò: Condicio appolita contra substantiam Matrimonii, vel dirimit, vel nullum efficit Matrimonium, c. Super eo, & c. Ad id, de Cond. apposit. c. Commissum, de Spons. c. de Illis. De eo qui duxit in Matrim. quam poll. per Adult. Nisi sequuta sit Carnalis Copula, quia tunc intelligitur recessum ab omni conditione, vel modo, ut DD. Jurib. & per Goffr. in sua Summ. de Spons. n. 22. Tertiò: Votum solemne, & Sacer. Ordo. §. Item Voti, hoc tit. c. Unic. de Constat. in 6. c. Feriatim. 32. d. Votum autem solemne in proposito est, veluti susceptio Sacri Ordinis, vel professione racira, vel expressa munium, d. c. Unic. Secùs autem est in Voto simplici. §. Secùs, hoc tit. Nam etsi contrahendum impediatur, contractum tamen non tollit. arg. c. Quomodo, de Jurjur. & l.

Paup. De his qui sunt sui, vel alieni. *Jur.* Quartò: Disparitas fidei, ut si unus sit Christianus, alter Judæus, ut 28. q. 1. per totum. Quintò: Publicæ honestatis Justitia. 37. q. 2. c. Si quis Uxorem. Et non solum impedit, sed etiam dirimit, s. Juvenis, hoc tit. & Goffr. in Rubr. extr. eod. num. 21. c. Duo pueri, de Sponsal. Improb. Et hæc Justitia publicæ honestatis descendit ex Sponsalibus, & Matrimonio rato, etiam nulla copula carnali intercedente, cap. Unic. de Spons. in 6. cap. Sponsam, extr. de Sponsal. Et olim propter hanc Justitiam publicæ honestatis, qui sponderat cum aliqua, non poterat contrahere cum consanguineis sponse, nec sponta cum consanguineis sponsi usque ad quartum gradum. Ita not. Abb. in d. c. Sponsam. Et hoc habebat locum etiam si Sponsalia essent nulla, cap. Ad audientiam, de Sponsal. Quod tamen novissimè per Concilium Tridentin. correctum est de Ref. Matrim. sess. 24. cap. 3. ubi duo ordinantur. Primum, quòd si sponsalia nulla sint, quacunque de causa, non inducant hanc Justitiam publicæ honestatis. Alterum est, quòd quando sunt valida non inducant hoc impedimentum, nisi in primo gradu solo. Unde Vir non potest contrahere cum consanguinea sive sponse in primo gradu tantum; & sic de sponsa idem dicitur.

Sextò Ligamen impedit, & dirimit Matrimonium, cap. Si per 3. qu. 1. Ut si quis per verba de presenti contrahat cum aliqua; namque hoc casu etiam quòd copula non sit sequuta, tamen uno vivente, alter conjugum non po-

test contrahere cum alio; & si contrahat, nullum est Matrimonium, licet consummatum per copulam, & habeat filios, sed debet redire ad primum, cap. Si inter, de Sponsal. Sed quomodo in Lege veteri licita esset pluralitas Uxorum? Et Sancti Patriarchæ fuerint Polygami? Vide in meis Decisionibus de Matrimonio, decis. 29. in qua plenè agitur de Polygamia, ac de Polyviria; & adducuntur pulcherrimæ Historiæ, ac Exempla circa hoc Ligaminis impedimentum.

Septimò Crimen impedit Matrimonium, & dirimit, cap. Amovere. 33. q. 1. & extr. de eo, qui cogn. consang. Uxori sue, c. 1. & 2. Sive crimen sit homicidii, live adulterii; ut si unus conjugum conveniat cum altero, ut occidat alterum conjugem, ut possint inter se contrahere. Vel si unus conjugum occidat alterum per se, vel per alium, ut contrahat cum adultero, cap. Super eo, extr. De eo qui dux. in Matrimoni. quam prius poll. per adult. Vel si unus conjugum committat adulterium cum aliquo, & promittat ei, cum quo adulteratur, se contrahiturum post obitum conjugis, per d. c. Super eo, cum simill.

Octavò. Affinitas Matrimonium impedit, & dirimit: Et affinitas nihil aliud est, quam cognatio quædam ex copula carnali procedens. Et hæc affinitas non solum ex copula licita Matrimonii, sed etiam ex copula illicita procedit, c. Discretionem. De eo, qui cogn. consang. Et per hanc affinitatem consanguinei utriusque conjugis usque ad quartum gradum non possunt contrahere cum altero conjugum, c. Non debet. §. Prohib. extr. de consang.

sang. & affinit. Verùm hodie secundum constitutionem Concilii Trid. in sess. 24. c. 4. de Reformat. Matrim. Impedimentum affinitatis per copulam illicitam non extenditur ultra secundum gradum. Cognatio autem dirimit Matrimonium usque ad quartum gradum: Unde qui sunt conjuncti, idest consanguinei, si loquamur de collateralibus, non possunt contrahere usque ad quartum gradum inclusivè, *cap. Non debet, de Consanguinit. & affinit.* In ascendentibus verò, & descendentibus dicas, quòd in infinitum prohibetur Matrimonium; ita est communis sententia, quæ enim personarum locum parentum, & filiorum obtinent, non possunt inter se contrahere. *S. Ergo, Vers. inter eas. Instit. de Nupt. d. cap. Non debet, & cap. unic. extr. de Cogn. legal.* Et si vis habere cognitionem graduum, vide *cap. fin. cum Gloss. ibi in Verb. remotior. extr. De consang. & affinit. & facilius in meis Decisionibus de Matrimonio, decis. 22. à num. 7. & seqq.* Vis etiam impedit Matrimonium, c. Cum locum, extr. de Sponsal. c. 9. sess. 24. de Reform. Unde reassumas hos modos, & dicas sic:

Error, Conditio, Votum, Cognatio,

Crimen,

Cultus disparitas, Vis, Ordo, Ligamen, Honestas,

Si sis Affinis, si fortè coire nequibis.

Si Parochi, & duplcis desit præsentia Testis;

Raptave sit Mulier, nec parti reddita tuto:

Hæc socianda vetant commixta; facta retrahant.

Ultra hos modos nota casum furoris, qui Matrimonium impe-

dit, *cap. Neque furiosus. 32. qu. 7.* Item per adulterium Matrimonium separatur, *can. 7. de Spons. & Matrim. sess. 24. in Concil. Trid.* Quænam factum tollant? vide Gloss. in c. Litteras, de Suppl. negl. Præl.

Quò ad Secundum. Tres species Matrimonii constituuntur. Legitimum, & non ratum. Aliud legitimum, & ratum. Tertium ratum, & non legitimum.

Primum est, quod legali institutione, & Provinciæ moribus contrahitur; hoc inter infideles non est ratum, quia non est firmum, & idè violabile est conjugium eorum: Dato enim libello repudii, licet eis recedere ad invicem, & alii copulari lege Fori, non lege Poli, quam non sequuntur.

Secundum verò inter fideles ratum conjugium est, quia conjugia semel initiata, & completa inter eos, ulterius solvi non possunt. Legitimum quoque est, quia fit servatis solemnitatibus, ut cum Uxor à Parentibus traditur; à Sponso datur, & à Sacerdote benedicatur.

Tertium fit inter eos, qui quidem possunt contrahere, sed tamen non servatis solemnitatibus, sed solo affectu contrahitur; hoc enim est ratum, itaut non dirimatur, sed non est legitimum, eo quia non est contractum secundum juris formam, quæ, ut vulgò dici solet, rem in esse ponit, l. Julianus, §. Si quis rem, ff. Ad exhiben. Et hæc distinctio habetur in §. Ex his, hoc tit. & incap. fin. 28. q. 1. Cætera, quæ in titulo sunt, vide per te ipsum. Sed in quacunque difficulcate Matrimoniali ne deseras recurre ad meas Decisiones *De Sacram.*

materia tractatur, & videbimus:

- 1 *Quid sit Pœnitentia?*
- 2 *Ad quid instituta?*
- 3 *Quot sint Pœnitentiæ species?*
- 4 *Ex quibus constet?*
- 5 *A quibus imponatur?*
- 6 *Quibus?*
- 7 *Quid sit Remissio?*
- 8 *Qui possint peccata remittere?*

Quò ad Primum. Licet Pœnitentiæ nomen sit genericum, & id præferatur, quod est priori voluntati contrarium, tamen præcisè hic accipitur, & potest dici, ut sit *Sacramentum Contritione, Confessione, Satisfactione constans*, quod peccatorum remissionem tribuit; & est effectum verum Sacramentum post Christi adventum, ut *hic in princ. & sess. 14. c. 1. de Necess. & instit. Sacram. Pœnit. in Conc. Trident.*

Quò ad Secundum. Fuit ad hoc inventa, quia cum sit hominum conditio infirma, itaut non possint peccata de facili evitare, hoc remedio gratia jam amissa recuperatur, & est quasi tabula periclitantibus, & reconciliatio cum Deo. *S. Multiplex, hic, supr. d. sess. 14. cap. 3.*

Quò ad Tertium. Tres sunt species Pœnitentiæ, *Solemnis, Publica, & Privata*. Prima est, quam Episcopus imponere solet propter majora scelera, & semel tantum imponi solet, & sic pœniterentes ordinari non debent. *S. Sum, hoc tit. c. 1. de Bigam. c. Ex Pœnitentib. 40. d. Publica est illa, quæ publicè nulla Juris solemnitate servata injungitur, ut est Peregrinatio, certi habitus delatio, & hujusmodi. S. Publica, hic, cap. Ex. 24. sess. Privata verò est illa, quæ in occulto Deo fit, & Sacerdoti tan-*

quam Dei ministro, & hæc saltem semel in anno à quolibet fidei facienda est. *S. Privata, hoc tit.*

Quò ad Quartum. Pœnitentia constat ex cordis contritione, quæ nihil aliud est, quam dolor pro peccatis commissis voluntariè assumptus, cum proposito confitendi, & satisfaciendi. Ex oris confessione, per quam scilicet morbus latens spe veniæ aperitur. Et ex operis satisfactione, quæ est secundum Justitiæ qualiterem, & quantitatem compensatio, *c. Satisfactio, de Pœn. d. 3. facit cap. Perfecta, eod. d. & S. alii, & S. Ex his, de Pœnit. dist. 1.* Sunt qui addunt constare etiam ex absolutione, quæ est liberatio à peccatis facta ab habente auctoritatem per verba idonea.

Quò ad Quintum. Pœnitentia solemnis à solo Episcopo imponitur, *d. S. Sum autem.* Si de publica tractatur, & ipsa imponitur ex Episcopi auctoritate. Si de privata agimus à privatis Sacerdotibus, qui tamen ab Episcopis approbantur. *S. Privata, hoc 1. c. Si Episcopus, de Pœnit. in 6. S. Si quis, hoc eod. tit.*

Quò ad Sextum. Pœnitentia imponi solet his, quibus displicet peccata commisisse, etiam si ad ultimum supplicium damnentur. Quibus etiam Eucharistiæ Sacramentum non denegatur. *S. fin. hic, Clement. 1. & cap. Quærenti, de Verb. significat.*

Quò ad Septimum. Remissio nihil aliud est, quam exoneratio, & relevatio, atque à peccato liberatio. Etenim qui remittit, liberat, *l. 1. Cod. de Remiss. pignor.*

Quò

Quò ad Postremum . Episcopi, Sacerdotes, & illi, qui sunt ab Ordinariis approbati, peccata remittere poterunt, quibuscumque exceptis, quorum remissio est reservata Summo Pontifici, vel Episcopo, *cap. Ejus, sess. 14.* Ut si poenitens Clericum læderit enormiter, *cap. Si quis suadente. 17. q. 4.* Aut Ecclesiam combusserit, vel fregerit, quo casu si est denunciatus à solo Pontifice potest absolvi, quamvis ante denunciationem etiam Episcopus possit absolvere, *c. Compuncti, & c. Tua, de Sentent. excomm.* Aut falsum commiserit, *cap. Dura, §. fin. de Crimin. falsi.* Aut Cardinalem, vel Episcopum insequutus fuerit, *c. Felicis, de Pœnit. in 6. c. Si quis, ead. tit. in 6.* Aut cum Moniali rem habuerit, & aliis casibus, de quibus notatur in *c. Si Episcopus, eod. in 6.* Et supra nominati casus referuntur in *§. Illud, hoc tit.* Et nota quòd unusquisque semel in anno saltem debet confiteri. *§. Privata, cap. Omnis, de Pœnit. & remiss.* Et Confessor debet tacere confessionem, aliàs si ipsam revelet, perpetuò detrudatur in Monasterium. *§. Sed si vè, hoc tit.* Cùm simul & Medici, qui ægros ad poenitentiam non inducunt, ab ingressu Ecclesiæ sunt arcendi. *§. Medicos, hic.* Quamvis hoc non sit observatum; ut per Gloss. *ibi in verb. arcebitur.* Ac tandem unum notare debes, quòd in casu necessitatis etiam is consequitur veniam, qui confessus fuerit sua peccata illi, qui non habet auctoritatem absolvendi, & hoc ex desiderio Sacerdotis, & vigore suæ contritionis; non ex eo, quod illa confessio sit Sacramentalis,

per regulam, quod necessitas facit reputare affectum pro effectu. *§. Sed cisi, hoc tit.* Sed de hac questione, An, absente Sacerdote, sit in casu necessitatis confitendum laico? Vide meas Decisiones de Sacram. Pœnit. in quibus Decis. 18. de hac plenè disserui; exempla curiosa adduxi, & opinionem negativam ob plures rationes, ac auctoritates tenui. Item & si quis habuerit animum confitendi, sed propter lævitiam morbi non poterit id facere, potest tamen absolvi. *§. penult. hic, cum simil.* Et vide, quæ super hoc traduntur per Conc. Trid. *sess. 14. c. 9. de Pœnit.*

T I T. VI.

De Eucharistia.

Absoluta tertia specie Sacramentorum, de quarta nunc tractatur; & videbimus:

- 1 *Quid sit Eucharistiæ Sacramentum?*
- 2 *Ex quibus constet?*
- 3 *Quis ipsum conficiat?*
- 4 *A quo exhibendum?*
- 5 *Quibus?*
- 6 *Qui sint effectus?*

Quò ad Primum. Sacramentum Eucharistiæ pluribus significatur nominibus, quæ quid magnum insinuant, & fuit institutum in ultima Cœna Domini. *In Concil. Trident. sess. 13. cap. 1.* Et ibi vide per totam Sessionem de Excellentia hujus Sacramenti; & est Sacramentum quod constat visibili forma, veritate corporis, & virtute spiritali. Et forma visibilis est Panis, & Vinum, quæ conficiun-

tur Corpus, & Sanguis Domini Nostri Jesu Christi. *§. Constat, & §. Veritas, hic, cap. Panis, cap. Ante, cap. Nos autem, & plura alia capitula de Consecrat. d. 2. Et per Concil. Trident. sess. 13. cap. 1. & cap. 4.*

Quò ad Secundum. Ut dixi, constat hoc Sacramentum visibili forma, veritate Corporis; & virtute spiritali. Visibilis forma est panis, & vini commixti aqua. Veritas est Carnis, & Sanguinis. Sicut enim ante consecrationem panis est, & vinum, quod natura creavit; ita post consecrationem est vera Christi Caro, & Sanguis. *d. cap. 1. & 4. de Sacram. Euchar. Sacram. sess. 13.*

Quò ad Tertium. Soli Sacerdotes hoc Sacramentum conficere possunt. *§. Sed nec, hic, c. Perleclis. 25. d. Undè Conc. Trid. anathematizat eos, qui mentiuntur, omnes Christianos in Sacramentis ministrandis habere parem auctoritatem, can. 10. in tit. de Sacram. in genere, sess. 7. Quod verum est etiam si mali sint. Nam ex tunc conficiunt Corpus Domini, quando cum intentione consecrant, sed tamen debent abstinere, & in eo statu consecrantes peccant mortaliter. §. Imò, hic, c. fin. de Cleric. excomm. c. fin. & ibi not. de Cohabit. Cler. & Mulier.*

Quò ad Quartum. Hoc Sacramentum à solis Sacerdotibus exhiberi potest. *§. Sed nec, hoc tit. cap. Pervenit, de Consecr. d. 2. Excepto casu necessitatis, in quo Diaconus, præsente Presbytero, id facere potest. §. Permissit, hoc tit. c. Præsente, cap. Diaconus, d. 93. Sed utrum Sacerdos, qui non potest*

celebrare, possit Hostiam jam consecratam sumere? Et quid si sit præsens Diaconus? vide meas Decisiones de Eucharistia, in quibus Decis. 29. affirmativa opinio tenetur; & alia curiosa dubia proponuntur.

Quò ad Quintum. Hoc Sacramentum exhibetur his, qui habent plenitudinem judicii, aut saltem cognitionem boni, & mali. Illis autem, qui erant Histriones hoc Sacramentum denegabatur, ut est *tex. in §. Item, hic, c. Pro dilectione, de Consecr. d. 2. Cæterum quilibet fidelis saltem semel in anno hoc Sacramentum suscipere debet, & ei est exhibendum. §. Et quidem, hoc tit. cap. Omnis, de Pœnit. & remiss. §. Privata, hoc tit. & Concil. Trident. can. 9. de Sacram. Euchar. Sacram. sess. 13. Sacerdotes verò quotidie, sed semel tantum, excepto Die Nativitatis Domini. §. Invaluit, b. 1. c. Te referente, de Celebr. Miss. Sed tamen non puto de Necessitate, ut Sacerdos quotidie celebret, maximè si habeat causam; sed tamen hic usus maximè commendatur per Conc. Trid. sess. 22. c. 2. Excipitur etiam casus necessitatis. d. §. Invaluit, ut puta si Parochianus infirmum vellet communicare, nec esset reservata Eucharistia in prima Missa: ita exemplificat ibi Gloss. in verb. necessitas. Porro An Parochus non jejunus possit celebrare, & consecrare ad communicandum moribundum? Vide meas Decisiones de Eucharistia Decis. 3. n. 7. ubi rationes, & DD. pro utraque opinione.*

Quò ad Postremum. Virtus hujus Sacramenti est Charitas, & unitas; nam quemadmodum ex multis,

multis granis unus fit Panis, & ex pluribus racemis unum Vinum; ita & nos per hoc Charitatis Sacramentum Christo incorporati unum evadimus. *G. Virtus, hoc r. c. Quia passus, & c. Hoc Sacramentum, & c. Corpus, Cum plurib. seqq. de Consecr. d. 2.* Et propterea multi, & uberrimi fructus pro animabus resultant, ut *cap. 5. de Sac. Eucb. Sacramento, sess. 13. in Trid. Concilio.*

TIT. VII.

De Extrema Unctione.

Actum est de quarta specie Sacramentorum, nunc de quinta differitur, & pro explicatione videbimus:

- 1 Quid sit Sacramentum Extremæ Unctionis?
- 2 Quot species?
- 3 Ex quibus constet?
- 4 A quibus Extrema Unctio exhibenda?
- 5 Quibus?
- 6 Ad quid?

Quò ad Primum. Extremæ Unctionis Sacramentum, quod propriè, vereque Sacramentum existit, à Christo Domino Nostro institutum, & à Beato Jacobo Apostolo promulgatum, *can. 1. de Sacram. Extr. Unct. sess. 14. Conc. Trident.* potest in hunc modum describi: *Ut sit illud Sacramentum, quod tunc explicatur, cum in ultimo vitæ discrimine ob adversam valetudinem constituti Oleo Sancto inunguntur, & delinuntur.* Et dicitur Unctio Extrema, quoniam his solis confertur, qui in ultimo vitæ periculo sunt.

G. Sciendum. G. Hæc, hoc tit. c. f. Unic. de Sacra Unct.

Quò ad Secundum. Duæ Unctionis species existunt, *Exterior, & Interior.* Prima materialis, & visibilis existit. Secunda spiritualis est, & invisibilis. Exteriore enim visibiliter corpus ungitur; Interiore invisibiliter cor. *G. Sum. enim, hic, concord. c. Unic. in princ. de Sacra Unct.*

Quò ad Tertium. Hoc Sacramentum secundum Tolosanum in hoc tractatu *Syntagm. Jur. lib. 2. c. 7. n. 3.* Ex forma, & materia consistit. Materia est oleum olivarum, ut per Arch. latè in *Summ. b. t. Vers. Materia*, quod ab Episcopo est benedictum. Forma verò in Verbis consistit, quæ à Ministro exprimuntur, dum officium Extremæ Unctionis explicitur, *d. c. 1. sess. 14. Concil. Trid.*

Quò ad Quartum. Hoc Sacramentum à Sacerdotibus, & Presbyteris confertur, prout & dictum est de Sacramento Eucharistiæ. Itaut non possint alii inferiores Clerici hoc Sacramentum conferre, *d. G. Sciendum, c. 3. d. sess. 14. De Ministro hujus Sacramenti, & tempore quo dari debet, c. Quæsiuit, de Verb. Signif.*

Quò ad Quintum. Hoc Sacramentum, ut dixi, his confertur, qui sunt infirmi, & in extremo vitæ periodo positi; & si fortè ad sanitatem revocantur, atque iterum in morbum incidunt, iterum unguntur, ut *d. cap. 3.* Non datur autem amentibus, quia intellectu carent, sed datur ægrotis, & Pœnitentibus, non his, qui in peccato perseverant, ut in *d. c. 3. apertè legitur, & in c. Illud superfluum.*

95. d. Quæ partes autem ungantur, vide Gloss. *hic in §. Sciendum, In Verb. partes.*

Quò ad Ultimum. Datur hoc Sacramentum ad confirmandam animam ægroti, ut possit hosti naturæ humanæ resistere. Item ad ad peccatorum reliquias abstergendas, nec non ad excitandam in ægrotto maximam divinæ Legis fiduciam, & ad spiritualem medicinam; ut in d. sess. 14. c. 2. Undè etiam effectus hujus Sacramenti maximus est, cum ipsum plurimum gratiæ conferat, plurimumque auxilium; ut in d. c. 2. d. sess. 14. Sed utrùm extet Præceptum de Extrema Unctione recipienda in gravi infirmitate? Et an pluries possit recipi in eadem infirmitate? videndæ sunt meæ Decisiones de Extrema Unctione. Decis. 81. ubi plurima curiosa Quæsitæ, & Dubia resolvuntur circa Materiam, Formam, & Effectus hujus Sacramenti.

TIT. VIII.

De Sacramento Ordinis.

Quia Sacramenta alia sunt Necessaria, alia Voluntaria. §. Sacramentum. *Suprà de Sacram.*; cum hucusque tractatum sit de illis Sacramentis, quæ sunt necessitatis, nunc incipit tractare de aliis, quæ dignitatis, & voluntatis sunt, & sic de Ordine, & Matrimonio. Et circa hunc Titulum videbimus:

1. Quid sit Ordo?
2. Quæ in Ordine considerentur?
3. Ad quid Ordines inventi sint?

Quò ad Primum. Ordinis Sacramentum, quod verè, & propriè Sacramentum existit, c. 3. de Sacram. Ordin. sess. 23. in Concil. Trident. Est Signaculum quoddam Ecclesiæ, propter quod spiritualis potestas traditur ordinato, ut *hic*. Quæ quidem potestas secundum nonnullos in potentia activa consistit, sicut Character, qui in Baptismo imprimitur, & in potentia passiva. Archiepisc. Florent. *In sua Summ. cod. in princ.* Item ex hac definitione colligitur, primam tonsuram non esse Ordinem, cum per eam nulla tonsurato potestas conferatur, sed solum capacitas ad alios Ordines; & quamvis in c. Cum contingat, extr. de Ætat. & qualis. Ordo vocetur; tamen dicendum est ibi Ordinem largè accipi, prout de Regularibus diximus, quòd sunt Ordines S. Francisci, vel S. Dominici.

Quò ad Secundum. In Ordine consideratur. Primò gradus Ordinis. Secundò ipsamet Ordinatio; in qua inspicitur qualitas Ordinandorum, & Ordinantium, ac tandem modus Ordinandi, de quibus supra dictum est.

Quò ad Postremum. Ordines inventi fuerunt ad hoc, ut per ipsos ad Sacerdotium tendatur, ut dignè quis Altissimo possit ministrare, & reliquæ Ecclesiæ Sacramenta conficere, cap. 2. sess. 23. de Sacram. Ordin. De hoc Sacramento inter meas Decisiones extat integer liber in quo Decisionibus quadraginta explicantur omnia, quæ à Theologis, & Canonistis de eo disputantur, & plurima Dubia resolvuntur.

TIT.

T I T. IX.

De Sacramento Matrimonii.

Explicato tractatu de Sexto Sacramento; nunc differitur de Septimo, nempe de Matrimonio. Et videbimus:

- 1 Quid sit Matrimonium?
- 2 Ex quibus constet?
- 3 Qui contrahant Matrimonium?
- 4 Qui sint effectus?

Quò ad Primum. Matrimonium est Viri, & Mulieris conjunctio individuum Vitæ consuetudinem continens, cum divini, & humani Juris communicatione: ut hic in princ. concord. 27. q. 2. in princ. c. Illud. de Presumpt. l. 1. ff. de Rit. Nupt. & Instit. de Pat. potestate, in princ. Et est Sacramentum verum, & proprium à Christo institutum, quod gratiam confert. c. 1. sess. 24. Concil. Trident. de Sacram. Matrimon. Et duplex est Matrimonium, Carnale, & Spirituale. Per primum fit conjunctio Maris, & Fœminæ; per Secundum Christi cum Ecclesia.

Quò ad Secundum. Matrimonium consistit ex consensu, & copula, quæ eodem tempore cum pluribus esse non potest. d. sess. 24. c. 2. in Concil. Trid.

Quò ad Tertium. Regula est generalis, omnes posse Matrimonium contrahere, qui Christi fideles existunt, & consentire possunt, & sunt habiles ad copulam, ut not. in c. Ex litteris. de Dispens. Inpub. Et norant omnes in Rubr. Qui Cler. vel voventes. Et de aliis, qui non possunt contrahere, infra videbimus.

Quò ad Postremum. Effectus, sive Bona Matrimonii sunt Fides, Proles, Sacramentum. Fides scilicet

conjugalís, quàm sibi nupti ad invicem debent, ne cum aliis adulterentur, fide conjugii violata. Proles propter quam multiplicandam Matrimonium est institutum in Paradiso. c. Cum igitur. in princ. 35. q. 1. c. Deinde. 26. d. licet quibusdam non volentibus generare Matrimonia sint ad solatium. c. Nuptor. 27. q. 2. Sacramentum, id est inseparabilitas, vel individuitas quò ad perpetuam servitutem, nisi Religione, vel fornicatione separatio fiat. c. In plerisq. de Convers. Conjug. c. Dixit. 33. q. 1. Insuper in hoc Sacramento gratia confertur. d. c. 1. de Sacramento Matrim. d. sess. 24. in Trident. Concil. Integer autem liber inter meas Decisiones extat de hoc Sacramento; & in eo plenè, & facilè collecta sunt omnia, quæ de Matrimonio scripserunt Canonistæ, ac Theologi, eaque ornata sunt Historiis, & eruditionibus quamplurimis.

T I T. X.

De Sponsalibus.

Quoniam Sponsalia sunt tanquam præludia Matrimonii, de quo supra dictum est; ob id nunc agitur de Sponsalibus; & videbimus:

- 1 Quid sint Sponsalia?
- 2 Unde dicantur?
- 3 Quotuplicia sint?
- 4 Quot modis contrahantur?
- 5 Inter quos contrahi possint?
- 6 Qui sint effectus Sponsalium?
- 7 Quot modis solvantur?

Quò ad Primum. Sponsalia sunt mutue quædam repositiones futurorum Nuptiarum. ut hic in princ. concord.

cord. l. 1. & 2. ff. cod. c. Nostrates. 10. q. 5.

Quò ad Secundum. Sponsalia dicuntur ed quia ad invicem Vir, & Mulier sibi promittunt, & dicuntur à sponsione. l. 2. ff. cod. Veteres enim sibi stipulabantur uxores futuras, & hinc Sponsi, & Sponsæ denominatio emanavit. l. 3. ff. cod.

Quò ad Tertium. Sponsalium duæ sunt species. Alia de futuro, alia de præsentī. Ita notant omnes in Rubr. de Sponsalib. & Goffredus ibi, num. 4.

Quò ad Quartum. Sponsalia de futuro contrahuntur simplici sponsione, Verbis, scilicet; quæ verba respiciunt futurum tempus. c. Si inter. cod. §. Verba. hoc tit. Re, cum Matrimonium contrahitur per nudam subarrhationem, vel annuli immersionem. Abb. & DD. in c. fin. de Despons. Impuber. §. Contrahunt. hoc t. Dixi per nudam, quia si interveniat consensus de præsentī, tunc dicitur Matrimonium. DD. dicto loco. Litteris, quando in scriptura duo absentes sibi invicem promittunt. §. Litteris. hic. Quod etiam habet locum in Nuncio, & Procuratore ad hoc constituto, ut per eum possint contrahi sponsalia. d. §. Litteris. c. fin. de Procuratorib. in 6. Nec in hoc casu Procurator potest alium substituere. §. Procurator. hoc tit. d. cap. fin. de Procur. in 6. cum concord. ibi allegatis. Consensu, ut quando qui propter ætatis impedimentum Matrimonium contrahere non possunt, sibi spondent, veluti duo Impuberes, vel si unus sit pubes, nam quamvis verba sonent contractum de præsentī, attramen quia ætas impedit, contrahunt Sponsalia de futuro. c. Nobis. extr. de Despons. Im-

pub. §. Consensu. hic. Et hoc procedit non vi verborum, sed Juris potestate. Ita Goffred. in summ. cod. n. 5. Item Sponsalia contrahuntur, vel simpliciter, & purè, quando sine alia adjectione diei duo sibi promittunt: vel sub conditione, quando duo sibi spondent sub certo futuro casu, vel conditione. Et advertendum est, quòd in hoc turpes conditiones rejiciuntur. §. Hoc tamen. hoc tit. Quandoque etiam dies adjicitur in Sponsalibus, ut quando quis intra certum tempus, aliquam se ducturum in uxorem convenit: Et hanc distinctionem habemus in §. Rursus, cum duobus seq. hic. cum concordant.

Quò ad Quintum. Sponsalia possunt contrahi inter eos, qui Matrimonium contrahere possunt. Sed nunc qui minorem habet ætatem, si septem annos habeat, potest tam Sponsalia contrahere, quàm jam inita approbare. cap. Litteras. de Desponsat. Impuber. cap. fin. 3. q. 2. c. 1. in princip. de Despons. Impub. in 6. & §. Non tamen. hoc tit.

Quò ad Sextum. Primus effectus est, ut teneatur promittens servare promissa. d. §. Rursus. c. 2. c. Requisivit. ext. cod. Quamvis quis præcisè non compellatur propter malos eventus. d. cap. Requisivit. Nisi sint Jurata. c. 2. & c. Ex litteris. cod. Alter effectus est, ut inducant impedimentum publicæ honestatis; itaut nullus cognatus sponli contrahere possit cum sponsa, nec cognatæ sponsæ possint cum sponso contrahere. c. 2. & cap. Sponsam. ext. cod. Quod extendebatur, etiam ad illum Casum, quo Sponsalia erant nulla. d. cap. 2. Postea verò inducitur est, quòd publica honestas im-

impediret usque ad quartum gradum tantum, *c. Non debet, de Consanguinitate, & Affinitate*. Sed hodie per Concil. Trid. in *c. 3. de Reformat. Matrim. sess. 24.* constitutum est per Sponsalia quacunque ratione invalida non impediri Matrimonium ratione publicæ honestatis, & cum fuerint valida prohibuit Matrimonium contrahendum inter cognatos sponso- rum cum aliquo ex spon- sis, solummodo usque ad primum gradum. Et hæc quæ dicta sunt habent locum, quando Sponsalia sunt contracta purè; quod si adje- ctus sit dies, si per alterum stete- rit, quominus sit Matrimonium contractum, tunc alter poterit ad nuptias alterius transire. Sin autem sint facta Sponsalia sub condi- tione, tunc evanescent deficiente conditione. *§. Dies, cum seqq. hoc tit.*

Quò ad Postremum. Duobus præcipuè modis dissolvuntur Spon- salia contracta. Aut ipso Jure, aut facto hominis. *§. Dissolvuntur, hoc tit.* Primo modo quando Jus ip- sum hoc decernit; veluti per in- gressum Religionis, vel susceptio- nem sacrorum Ordinum. *§. Item, hoc tit.* Et quò ad ingressum Reli- gionis dicas hoc procedere etiam in Sponsalibus de præsentì, *c. Ex publico, de Convers. Confug.* Dum- modo adsit consensus alterius, ut ibid. *c. Scripsit, cap. Ecce. 27. q. 2. c. Commissum, eod.* Quatenus verò loquimur de susceptione sacrorum Ordinum, habet locum tantum- modo in Sponsalibus de futuro; ita not. in *c. 1. de Vol. & Vol. redempt. in 6. per Extrav. Joann. quæ incipit Altercationis antiquæ, & in c. Ex parte. 2. de convers. Confug.* Per

Matrimonium subsequens, quia majus vinculum minus dissolvit. *§. Si igitur, hic, cap. De illis, extr. eod. Goffred. in sua Summ. in Rubr. eod. n. 10.* Facto hominis solvuntur Sponsalia, cum partes communi consensu ab ipsis Sponsalibus recedere volunt, vel alterius tantum dissensu; & id fit ex causa legiti- ma Jure concedente; veluti si inter- venerit Membrorum amissio. Absentia. *§. Sed & hoc tit.* Fornicatio, Incurabilis morbus, ut lepra. *§. fin. hoc tit.* Vel similis cau- sa; *c. Sicut, c. Si inter, c. Is qui, ext. eod. c. 1. & c. fin. extr. de Spons. duor. cap. Præterea, eod. §. Facto, hoc tit.* Item si impubes contraxe- rit, & factus Pubes noluerit Ma- trimonium ratum habere, dissol- vuntur Sponsalia. *§. Contrahentes, b. t. d. cap. De illis. De Spons. imprub.* Item Affinitas superveniens diri- mit Sponsalia. *§. Item, hoc tit. c. 2. de Consang. & Affini. & cap. Veniens. 1. & 2. & c. Ex litteris. De eo, qui cogn. conf. Uxori suæ.* Et, quod dictum est de fornicatione, quod per eam dirimantur Sponsalia, habet locum etiam si fuerint Jurata. *§. Unus, hoc tit.* Idem in fornicatio- ne spirituali, ut si Sponsus, vel Sponsa idolatraverit, vel in hære- sim inciderit. *§. Idem, hoc tit. cap. Non solum, & c. Jam nunc. 28. q. 1.* Quid autem sit in Matrimonio? vi- debimus infra in *§. Multum, de Di- vor.* Et Præterea pro totius Tituli expeditione nota, quòd ex quo Sponsalia de futuro non possunt contrahi nisi in septennio, et si an- tea contrahantur, non valent, ni- si nova voluntas superveniat, ut supra dictum est: Si nexus copu- læ in eam, quæ nondum septennis est,

est, intercesserit, tunc inducitur publicæ honestatis Justitia. *§. Si tamen, b. t. c. Juvenis, cod.* Et si impuberes velint dissolvere Sponsalia, non sunt audiendi, sed expectandum est tempus Pubertatis. *§. de Illis, b. t. c. De Illis, & c. A nobis, de Despons. Impub.* Quod si mulier Viri potens contrahat cum impubere, ipsa non potest resilire, sed impubes factus pubes potest hoc facere. *§. Mulier, b. t.* Quod habet locum si spontè cum minore contraxit, aliàs si coactè non tenetur expectare impuberem. *§. Hac tamen, hoc tit.* Et Sponsalia contracta à parentibus non tenent, nisi filii assentiant. *§. Non absimile, hoc, eod. tit.*

T I T. XI.

De Nuptiis.

Continuatio hujus Tituli ad præcedentes colligitur ex principio tituli nostri; pro cujus expeditione videbimus:

- 1 Quid sint Nuptiæ?
- 2 Unde dictæ?
- 3 Quando dicantur contractæ?
- 4 Qui nuptias contrahant?
- 5 Quibus temporibus fiant?
- 6 Quæ Matrimonium invalidum reddant?

Quod ad Primum. Nuptiæ nihil aliud sunt, quàm Matrimonium; quod quidem Matrimonium præferebat communicationem Juris divini, atque humani per conjunctionem maris, & sæminæ, ac inseparabiliter factam. Hoc tamen discrimen videtur esse inter Matrimonium, & Nuptias, quod pro-

priè Matrimonium præferebat illud totum tempus, quo legitimè est conjunctio contracta, & copula sequuta. Nuptiæ verò referuntur ad Tempus illud, quo per verba de præsentis consensum contrahentes præstant, & illam perpetuam inter se mutuam conjunctionem contrahunt. Ut notant DD. in *Rubr. c. de Sponsal.*

Quod ad Secundum. Nuptiæ dicuntur à nubendo, seu velando, *cap. Nec illud. 30. q. 5. c. Nec imago. 33. q. 5.* Etenim propter modestiam sponsæ velabantur, ut dictum est in titulo de Nuptiis in *Civil. Institution.*

Quod ad Tertium. Nuptiæ dicuntur tunc contractæ, quando ab illis, qui debent conjuges esse, est consensus præstitus ad Parochi interrogationem, cujus Parochi præsentia est omninò necessaria. *Concil. Trid. in cap. 1. de Reform. Matrim. sess. 24.* Aliàs Matrimonium diceretur clandestinum, nec contrahentes obligaret in foro exteriori, *d. c. 1.*

Quod ad Quartum. Habentes legitimam ætatem, & facultatem consentiendi, Matrimonium possunt contrahere. Legitima verò ætas deprehenditur ex habilitate ad coeundum, *c. 3. de Despons. Impub. §. Sed qui, b. t. Abb. in cap. De illis, ext. de Sponsalibus.* Est tamen casus in quo impubes potest Matrimonium contrahere si inhabilis sit ad copulam, & est quando de pace ineunda tractatur. *§. Item si, eod. cap. 2. de Despons. Impub. & 29. d. per totam, c. Hoc quippe. 3. q. 6.* Et sciendum est, quod ad contrahendum Matrimonium verba omninò sunt necessaria, vel saltem

ſaltem alia ſigna mentem contrahentium exprimentia, & ex quibus conſenſus deprehendi poſſit, cap. Sufficit. 27. q. 2. Abb. inc. Tue, de Sponſ. §. Licet autem, hoc tit. Unde etiam mutus, & ſurdus per ſigna contrahere poſſunt. §. Muti, hoc tit.

Quò ad Quintum. Temporibus ſtatutis tantum poteſt contrahi Matrimonium. Quare prohibetur ab Adventu Domini Noſtri, uſque in diem Epiphaniæ; & à Feria quarta Cinerum uſque ad octavam Paſchatis incluſivè, c. Ab adventu, de Reform. Matrimon. ſeſſ. 24. in Concil. Trid. Et hoc eſt unum de Præceptis Eccleſiæ. Et ſi quis dixerit hanc ſuperſtitionem ſuperſtitioſam eſſe, anathema ſit, c. 11. de Sacram. Matrim. ſeſſ. 24. in eod. Conc.

Quò ad Poſtremum. Si quis crediderit perſonam liberæ conditionis ſuſcipere, quam poſtea cognoſcat eſſe ſervilis, Matrimonium eſt nullum, niſi fuerit renovatus conſenſus, vel ſequuta copula. §. Si quis tamen, hoc tit. c. Propoſuit, de Conjug. ſervor. Qui autem dicantur liberi dicit text. in §. Liberi autem, l. 1. Item ſi quis contrahere credat cum una, ac alii ſubjiciatur per errorem, ob-impedimentum conſenſus Matrimonium invalidum redditur, c. 1. 29. q. 7. & Goffred. in ſua Summ. in Rubr. de Sponſ. ſubnum. 21. Ubi etiam dicit errorem qualitatis, & fortunæ non impedire Matrimonium, ut ſi illa, cum qua contrahitur, credatur eſſe Virgo, & non ſit, vel dives, & pauper ſit, ut 29 q. 1. d. c. 1. De aliis impedientibus dicitur in ſequenti titulo.

TIT. XII.

Que Matrimonium impedire poſſint.

Quoniam multa impediunt Matrimonium, ob id nunc de hac materia. Et videbimus:

1 *Que Matrimonium contractum dirimant, & que contrahendum impediunt?*

2 *Quot Matrimonii ſpecies ſint?*

Quò ad Primum. Primo loco Error dirimit Matrimonium, ut hic in prin. Et quoniam quatuor ſunt ſpecies Erroris, Conditionis, Perſonæ, Fortune, & Qualitatis, ſciendum eſt, quòd poſtremæ duæ Matrimonium non dirimunt; ſuperiores ſic, ut ſup. tit. proximo dixi, & c. 1. & per totum. 29. q. 1. & q. 2. §. Solus, hoc tit. Secundò: Condiſpo appoſita contra ſubſtantiam Matrimonii, vel dirimit, vel nullum efficit Matrimonium, c. Super eo, & c. Ad id, de Cond. appoſit. c. Commiſſum, de Sponſ. c. de Illis. De eo qui duxit in Matrim. quam poll. per Adult. Niſi ſequuta ſit Carnalis Copula, quia tunc intelligitur reſeſſum ab omni conditione, vel modo, ut DD. Jurib. & per Goffr. in ſua Summ. de Sponſ. n. 22. Terriò: Votum ſolemne, & Sacer Ordio. §. Item Voti, hoc tit. c. Unic. de Conſtit. in 6. c. Feriatim. 32. d. Votum autem ſolemne in propoſito eſt, veluti ſuſceptio Sacri Ordinis, vel profeſſione tacita, vel expreſſa munium, d. c. Unic. Secus autem eſt in Voto ſimplici. §. Secus, hoc tit. Nam etſi contrahendum impediatur, contractum tamen non tollit. arg. c. Quemadmodum, de Jurejur. & l.

Parre. De his qui sunt sui, vel alieni. Jur. Quartò: Disparitas fidei, ut si unus sit Christianus, alter Judæus, *ut 28. q. 1. per totum.* Quintò: Publicæ honestatis Justitia. 37. q. 2. c. *Si quis Uxorem.* Et non solum impedit, sed etiam dirimit, c. *Juvenis, hoc tit. & Goffr. in Rubr. extr. cod. num. 21. c. Duo pueri, de Despons. Impub.* Et hæc Justitia publicæ honestatis descendit ex Sponsalibus, & Matrimonio rato, etiam nulla copula carnali intercedente, *cap. Unic. de Spons. in 6. cap. Sponsam, extr. de Sponsal.* Et olim propter hanc Justitiam publicæ honestatis, qui sponderat cum aliqua, non poterat contrahere cum consanguineis sponse, nec sponsa cum consanguineis sponsi usque ad quartum gradum. Ita nos. Abb. in d. c. *Sponsam.* Et hoc habebat locum etiam si Sponsalia essent nulla, *cap. Ad audientiam, de Sponsal.* Quod tamen novissimè per Concilium Tridentin. correctum est *de Ref. Matrim. sess. 24. cap. 3.* ubi duo ordinantur. Primum, quod si sponsalia nulla sint, quacunque de causa, non inducant hanc Justitiam publicæ honestatis. Alterum est, quod quando sunt valida non inducant hoc impedimentum, nisi in primo gradu solo: Unde Vir non potest contrahere cum consanguinea suæ sponse in primo gradu tantum; & sic de sponsa idem dicitur.

Sextò Ligamen impedit, & dirimit Matrimonium, *cap. Si per 3. qu. 1.* Ut si quis per verba de præsentì contrahat cum aliqua, namque hoc casu etiam quod copula non sit sequuta, tamen uno vivente, alter conjugum non po-

test contrahere cum alio; & si contrahat, nullum est Matrimonium, licet consummatum per copulam, & habeat filios, sed debet redire ad primum, *cap. Si inter, de Sponsal.* Sed quomodo in Lege veteri licita esset pluralitas Uxorum? Et Sancti Patriarchæ fuerint Polygamii? Vide in meis Decisionibus de Matrimonio, *decis. 29.* in qua plenè agitur de Polygamia, ac de Polyviria; & adducuntur pulcherrimæ Historiæ, ac Exempla circa hoc Ligaminis impedimentum.

Septimò Crimen impedit Matrimonium, & dirimit, *cap. Amovere. 33. q. 1. & extr. de eo, qui cogn. consang. Uxori suæ, c. 1. & 2.* Sive crimen sit homicidii, sive adulterii; ut si unus conjugum conveniat cum altero, ut occidant alterum conjugem, ut possint inter se contrahere. Vel si unus conjugum occidat alterum per se, vel per alium, ut contrahat cum adultero, *cap. Super eo, extr. De eo qui dux. in Matrimon. quam prius poll. per adult.* Vel si unus conjugum committat adulterium cum aliquo, & promittat ei, cum quo adulteratur, se contracturum post obitum conjugis, *per d. c. Super eo, cum simill.*

Octavò. Affinitas Matrimonium impedit, & dirimit: Et affinitas nihil aliud est, quam cognatio quædam ex copula carnali procedens. Et hæc affinitas non solum ex copula licita Matrimonii, sed etiam ex copula illicita procedit, c. *Discretionem. De eo, qui cogn. consang.* Et per hanc affinitatem consanguinei utriusque conjugis usque ad quartum gradum non possunt contrahere cum altero conjugum, c. *Non debet. §. Prohib. extr. de consang.*

sang. & affinit. Verùm hodie secundùm constitutionem Concilii Trid. in sess. 24. c. 4. de Reformat. Matrim. Impedimentum affinitatis per copulam illicitam non extenditur ultra secundum gradum. Cognatio autem dirimit Matrimonium usque ad quartum gradum: Undè qui sunt conjuncti, idest consanguinei, si loquamur de collateralibus, non possunt contrahere usque ad quartum gradum inclusive, *cap. Non debes, de Consanguinit. & affinit.* In ascendentibus verò, & descendentibus dicas, quòd in infinitum prohibetur Matrimonium; ita est communis sententia, quæ enim personæ locum parentum, & filiorum obtinent, non possunt inter se contrahere. *S. Ergo, Vers. inter eas. Instit. de Nupt. d. cap. Nondebet, & cap. unic. extr. de Cogn. legal.* Et si vis habere cognitionem graduum, vide *cap. fin. cum Gloss. ibi in Verb. remotior. extr. De consang. & affinit.* & faciliùs in meis Decisionibus de Matrimonio, decis. 22. à num. 7. & seqq. Vis etiam impedit Matrimonium, c. Cum locum, extr. de Sponsal. c. 9. sess. 24. de Reform. Undè reassumas hos modos, & dicas sic:

Error, Conditio, Votum, Cognatio, Crimen,

Cultus disparitas, Vis, Ordo, Ligamen, Honestas,

Si sis Affinis, si forè coire nequibus.

Si Parochi, & duplilis desit præsentia Testis;

Raptave sit Mulier, nec partu reddita intæ:

Hæc socianda vetant connubia; facta retrahant.

Ultra hos modos nota casum furoris, qui Matrimonium impe-

dit, *cap. Neque furiosus. 32. qu. 7.* Item peradulterium Matrimonium separatur, *can. 7. de Spons. & Matrim. sess. 24. in Concil. Trid.* Quænam factum tollant? vide Gloss. in c. Litteras, de Suppl. negl. Præl.

Quòd ad Secundum. Tres species Matrimonii constituuntur. Legitimum, & non ratum. Aliud legitimum, & ratum. Tertium ratum, & non legitimum.

Primum est, quod legali institutione, & Provinciæ moribus contrahitur; hoc inter infideles non est ratum, quia non est firmum, & idè violabile est conjugium eorum: Dato enim libello repudii, licet eis recedere ad invicem, & alii copulari lege Fori, non lege Poli, quam non sequuntur.

Secundum verò inter fideles ratum conjugium est, quia conjugia semel initiata, & completa inter eos, ulterius solvi non possunt. Legitimum quoque est, quia fit servatis solemnitatibus, ut cum Uxor à Parentibus traditur; à Sponso diratur, & à Sacerdote benedicitur.

Tertium fit inter eos, qui quidem possunt contrahere, sed tamen non servatis solemnitatibus, sed solo affectu contrahitur; hoc enim est ratum, itaut non dirimatur, sed non est legitimum, eo quia non est contractum secundùm juris formam, quæ, ut vulgò dici solet, rem in esse ponit, l. *Julianus, §. Si quis rem, ff. Ad exhiben.* Et hæc distinctio habetur in *§. Ex his, hoc tit. & incap. fin. 28. q. 1. Cætera, quæ in titulo sunt, vide per te ipsum.* Sed in quacunque difficultate Matrimoniali ne deferas recurrere ad meas Decisiones *De Sacram.*

eram. Matrim. in quibus maximo studio collecta sunt, quæ de eo possunt disputari.

TIT. XIII.

De Triplici Cognatione.

Quoniam inter cætera, quæ Matrimonium impediunt, Cognatio existit, quæ in variis est distincta speciebus, ob id nunc de ea tractatur, & videbimus;

1. *Quid sit Cognatio?*
2. *Quot sint ejus species?*
3. *Que Cognatio consideretur?*
4. *Inter quas personas, & usque ad quem gradum Matrimonium impediatur?*

Quò ad Primum. Cognatio est Jus quoddam inter certas personas, vel legis fictione institutum, quo fit ut personæ ipsæ inter se conjunctæ videantur. Et propriè Cognati dicuntur, quasi cum aliquo nati, l. r. ff. *Unde Cognat.* Et sciendum est, quòd hoc nomen est nomen genericum, & specificum. Primo modo significat quosdam attinentes. Secundo modo ad eos refertur, qui sunt conjuncti per lineam fœmininam, l. *Jure consultus*, ff. de *Grad. affinit.*

Quò ad Secundum. Tres sunt Cognationis species. *Naturalis*, quæ medio consanguinitatis, vel affinitatis contracta reperitur. *J. Naturalis*, *boc tit.* Est autem consanguinitas attinentia personarum, ex eo proveniens, quòd una provenit ab altera, vel ambæ ab eadem. Vel alio modo est vinculum personarum ab eodem stipire descendentium, carnali propagatio-

ne contractum. Et dicitur consanguinitas, quasi sanguinis unitas; quia scilicet consanguinei de communi sanguine descendunt, d. *J. Naturalis*. Et de hoc est Gloss. in 35. q. 5. in *arb. off.* Et per Hostien. in *Summ. de Consang. & affinit. Civilis*, quæ etiam *Legalis* vocatur; estque communio, seu attinentia proveniens à Juris, non naturæ ministerio, l. 4. §. 1. ff. de *Grad. affinit.* Vel est proximitas per adoptionem proveniens. *J. Legalis*. 1. *boc tit.* Quæ quoduplex sit, vide Gloss. in c. *unic. de Cogn. legali*. *Spiritualis*, quæ est attinentia quædam proveniens ex Sacramenti collatione, vel detentione ad Sacramentum, ut *bic in princ.* Et eandem definitionem ponit Gloss. in cap. 1. de *Cognat. spirit.* in 6. ubi Abbas.

Quò ad Tertium. Regula est generalis, Quamcunque attendi Cognationem sit de Matrimonio contrahendo tractatur. Si verò tractatur de Matrimonio jam contracto. *Naturalis* est illa, quæ Matrimonium non solum impedit, sed dirimit usque ad quartum gradum. *J. Vir*, *boc tit. cap. Non debet*. De *consang. & affinit.* Nisi obtineatur dispensatio. *Spiritualis* verò non simpliciter; & ideò si pater ad sacrum fontem levaverit filium, non ob id Matrimonium dissolvitur. *J. Diximus*, *boc tit.* & not. in cap. 2. extr. de *Cogn. Spir.* Illud etiam sciendum est, quòd legitima cognatio impedit solum usquequò durat. Exemplum est in *J. Legalis*, *boc tit. c. um.* De *leg. cogn. & cap. Per adoptionem*, & c. *Ila diligere*. 30. q. 3. & l. *Per adoptionem*, ff. De *rit. mpr.* quandoque perpetuo, ut *infra*.

Quò ad Postremum: Si de Cognatio-

gnatione spirituali tractatur hæc impedimentum præbet inter levantem, & levatum, nec non & ipsius Parentes, & Baptizantem, & Baptizatum, & illius Parentes secundum Concil. Trid. inc. 2. de Reform. Matrim. sess. 24. quamvis hoc impedimentum latius pateret olim, ut §. Non solum, hoc tit. d. c. 1. de Cognat. Spir. Et quod dictum est de Baptismo, habet etiam locum in Confirmatione, d. c. 2. Unde ex datione aliorum Sacramentorum non oritur impedimentum hujusmodi, quod Matrimonium impediatur. §. Eisdem, hoc tit. De ratione differentie videas in Gloss. in Verb. Sacram. in princ. Item per Catechismum Matrimonium contrahendum impeditur, quamvis contractum non dirimatur. §. per Catechismum, hoc tit. cap. 2. de Cognat. Spir. in 6. cap. Contract. ext. cod. de Cognat. Spir. Et Catechismus est illa instructio, quæ fit ante Baptismum super articulos fidei, & habet locum maxime in adultis, & capacibus, cap. Ante vigesimum, de Consecr. d. 4. Et hodie fit ante fores Ecclesiæ, & in infantibus antequam baptizentur, ut per Abb. in Rubr. de Cogn. Spir. in 6. Si verò agamus de Cognatione legali, hæc impedit quandoque in perpetuum, quandoque verò ad tempus. §. Legalis, hoc tit. cap. Cum, de Legalicognat. & cap. Per adoptionem, & d. c. Ita diligere. 30. q. 3. & d. l. Per adoptionem, ff. de Rit. Nupt. §. Perpetuam, hic, §. Ergo non omnes. Vers. & hæc. Inst. Civilib. de Nupt. Perpetua causa impediendi est inter adoptantem, & adoptatum, & inter Uxorem adoptantis, quia etiam dissoluta adoptione non remo-

vetur impedimentum. Quod si aliqua per adoptionem tibi soror esse cœperit, dissoluta ipsa adoptione removetur impedimentum, ut in Jurib. supr. alleg. & est Gloss. in d. cap. Un. de Cognat. Spir. & §. Sed si quæ, Instit. Civil. de Nupt.

Si de Naturali loquimur, hæc inducit impedimentum usque ad quartum gradum inclusive, c. Non debet, de Consang. & affin. quod intelligitur de transversalibus; namque inter ascendentes, & descendentes in perpetuū prohibentur Nuptiæ. Quamvis Goffred. teneat contrarium in Rubr. de Consang. & affin. per generalitatem, d. c. Non debet. Quod tamen non est verum. Ut per Jo. Andr. Host. & Abb. in d. c. Non debet. Et de hoc est text. in l. Nuptiæ, ff. de Rit. Nupt. In §. Ergo. Instit. Civil. de Nupt. ubi etiam Gloss. in Verb. in infinitum, dicit, quod si Adam viveret uxorem non inveniret. Vide in meis Decisionibus de Matrimonio. Decis. 22. num. 12. ubi DD. attestantes nunquam in Ecclesia Catholica fuisse dispensatum, ut Matrimonium fieret inter Ascendentes, & Descendentes. Hujus rei ratio esse potest, quia in nuptiis copulandis honestas inspicitur, l. Semper, ff. de Rit. Nupt. Quod procedit etiam quò ad eas personas, quæ propè stipitem sunt, cum & ipsæ loco parentum habeantur; & eas, quæ descendunt ex stipite, ut quæ loco filiorum sunt. §. Inter amittam. Instit. Civil. de Nupt. Quod etiam de Jure Canonico receptum est, ut per Host. in tit. de Consang. & affinit. Vers. usque ad quartum gradum. Et quod dicitur de cognatione naturali habet locum etiam in affinitate, d. cap.

cap. Non debet. Dummodò affinitas sit contracta ex licito coitu; namque si copula sequatur illegitima, tunc impedimentum non excedit secundum gradum, ut per *Conc. Trid. sess. 24. in Decret. super Reform. Matrim. c. 4.* Et notandum est, quòd is, qui cognovit consanguineam uxoris suæ non potest petere debitum, licet reddere teneatur; sed per hoc non dissolvitur Matrimonium, & post mortem uxoris non potest cum alia Matrimonium contrahere. *§. Si quis, hoc tit. c. 1. De eo qui Cogn. consang. Uxori suæ.* Et vide Gloss. *bic in Verb. petere*, quæ proponit duos casus, & se remittit ad dicta in *c. Discretionem, cod. tit.* Verùm Uxor in hoc casu admonenda, ut à commixtione viri absteineat, & in continentia maneat, donec vir viam universæ carnis fuerit ingressus. *§. Uxor, hoc tit.* Sed tamen non tenetur monitionibus parere. *§. Quod si forte, hoc tit. d. c. 1. & cap. fin. De eo qui cogn. & c.* Undè apparet quòd affinitas subsequens non dirimit Matrimonium, sed ea, quæ præcessit, si legitime probetur.

TIT. XIV.

De Clandestina Desponsatione.

Quoniam Matrimonia quandoque palam, quandoque verò occultè contrahuntur, idcirco post titulos præcedentes, in quibus de Matrimonii palam contractis actum est, tractat Auctor de Matrimonio clandestino, quod occultum dicitur: & videbimus

I. Quid sit clandestina desponsatio?

2. Qui sint effectus clandestini Matrimonii?

3. Quæ solemnitates debeant observari in Matrimoniis clandestinis?

Quòd ad Primum. Clandestina desponsatio dicitur Matrimonium illud, quod inter aliquos etiam copula interveniente contrahitur, non servatis omnibus solemnitatibus, *c. 2. ext. cod. c. Aliiter. 30. q. 1. c. fin. ext. cod. & secundum id, quod hodiernis temporibus est statutum à Conc. Trid. est Matrimonium illud, quod non est contractum cum præsentia proprii Parochi, & duobus, vel testibus, c. 1. in Decret. de Reform. Matrim. sess. 24. Et licet antiquitus matrimonia ista valida, & firma essent, *c. Si quis. §. Ista. 30. q. 8. d. c. Aliiter.* Attamen hodiè per Concilium Tridentinum statutum est, ut nulla prorsus sint, *d. c. 1. sess. 24.* Et hoc ea ratione statutum fuit, quia eveniebat plerumque, ut aliquis cum una contraheret clam, qua demissa aliam duceret, cum qua perpetuò in adulterio viveret. Undè cum non posset primum Matrimonium probari, eveniebat quòd Ecclesia non posset eum cogere, ut ad primum rediret, *c. 2. ext. cod. & bic in princ.**

Quòd ad Secundum. Effectus præcipuus est iste, ut filii nati ex hujusmodi Matrimoniis, illegitimi judicentur, licet parentum ignorantia Matrimonium contractum fuerit clandestinum, *c. Fin. §. Si quis, ext. cod. §. Quicumque, hoc tit.* Licet aliquòd si ignoranter in facie Ecclesiæ contraxerit, & postea lata fuerit sententia divorcii propter consanguinitatem, filii jam nati dicuntur legitimi, *c. Cum inter,*

ter, & ibi not. extr. *Qui Filii sint legit.* Immo etsi unus tantum ignorat, c. *Ex tenore*, eod. tit. & est Glos. in c. *Cum in captivitate*. 33. q. 1. Et contrahentes tale Matrimonium, peccant, d. cap. *Alius*, & puniuntur, d. c. *fin. in fine*. Et Sacerdotes, qui huiusmodi conjunctiones prohibere contempserint, ab officio suspenduntur, & gravius etiam sunt puniendi, si hoc culpæ qualitas postulaverit, cap. *fin. hoc tit. cum concord.* d. cap. 1. sess. 24. Concil. Trident.

Quò ad Ultimum. Hæc sunt ad contrahenda Matrimonia necessaria. Primò, ut fiant tres denunciationes in celebratione Missarum tribus diebus festivis; licet interdum etiam hæc denunciationes remittantur ex causa. Secundò, ut his factis coram duobus, vel tribus testibus Sacerdos consensum eliciat, conjugesque jungat, dicens: *Ego coniungo vos in Matrimonio in Nomine Patris, & Filii, & Spiritus Sancti*; & nomen ipsorum in libro ponat. Id etiam observatur, ut non habitent simul conjuges ante benedictionem Sacerdotis; itaut proprius Parochus benedicat, non alius, nisi fortè obtenta licentia ab Ordinario; & si fortè obvenerit, ut aliquod impedimentum adducatur, suspenditur Matrimonii contractus. §. *Cuius, hic*, usquequo de impedimento judicetur, c. *Præterea*, de Spons. c. *Cum in tua*, & c. *Super eo*, de consanguin. & affinit. per d. c. 1. sess. 24. de Ref. Matrim.

Qui Matrimonium accusare possint, vel contra illud testificari.

Cum Matrimonium, ut supra dictum est in §. 1. tituli proximi, debeat fieri præmissis denunciationibus, & post eas possint comparere, qui illud accusent, ob id de his in hoc titulo tractatur, & de his etiam, qui impedimentis propositis super ea possint testificari. Et ad Tituli declarationem examinabimus:

- 1 *Quid sit Matrimonium accusare?*
- 2 *Qui possint Matrimonium accusare?*
- 3 *Quando accusatio sit facienda?*
- 4 *Qui possint esse testes?*
- 5 *Quæ in testibus requirantur?*

Quò ad Primum. Matrimonium accusare nihil aliud est, quàm delatio causæ, propter quam Matrimonium debet dissolvi, vel contrahendum non fieri. Et habet accusatio ista naturam quandam mixtam inter Civilem, & Criminalem causam, cap. *Tua*, de Procur. c. *Consanguineos*. 35. q. 6.

Quò ad Secundum. In hoc capite talis est adhibenda distinctio; Seu duo sunt casus constituendi. Primus est, quando tractatur de deferendo impedimento ejus naturæ, quo probetur Matrimonium esse non posse sine peccato; & in hoc casu unusquisque admittitur ad accusandum. §. *Quod si delictum*, hoc tit. c. *Tua*, de Cogn. spir. c. *Cum in tua*, de Spons. cap. *Videtur*, extr. eod. Et in hoc præferuntur consanguinei, & parentes volentes accusare,

K

sare,

fare, quia præsumuntur melius scire suam genealogiam, quam extranei, *d. c. Videtur*, & *Goffr. in Rubric. hoc tit. c. Videtur*. 35. qu. 6. §. *Ated*, *hic*; *d. §. Quod si delictum*. Quod si consanguinei non extent, tunc antiquiores, & honestiores admittuntur. *§. Quod si progenies*, *hoc tit. d. c. Consanguineos*. Secundus casus est, quando agitur de aliquo perpetuo impedimento, quod peccato subiectum non est, & tunc admittuntur si soli, quorum interest. *§. Sed nec*, *hic*, *cum concord*. Veluti si agatur de errore conditionis, de impotentia ad coeundum, aut de simili impedimento. *Goffr. in Summa huius tit. num. 2.* Hanc eandem distinctionem post Innoc. notat Abbas in *Rubr. cod.* Et Hostiens. in *Summ. Quis adm. ad accus. Matrim.* Ubi videndum, & advertendum est, quod ab accusatione repelluntur si, qui præsumuntur calumniosè accusare; ut *hic in princ. cap. fin. extr. cod. cap. Pastoralis, de Except.* Undè si quis tempore denunciationis fuisset in Diocesi, & siluerit, postea non admittitur, nisi juret de calumnia, ut *hic in princ.* Et insuper quis propter turpitudinem quæstus repellitur, *cap. Significante*, *ext. cod.*

Quò ad Tertium. Si tractatur de Matrimonio contrahendo debent impedimenta proponi tempore denunciationum, quæ publicè fiunt. Si Matrimonium jam est sequutum, tunc impedimenta pro Matrimonio dissolvendo jam contracto, est necessarium, ut ille, qui vult accusare, juret se ignoravisse tempore denunciationum illa impedimenta, sed ea postea didicisse, *hic in princ.* & *d. c. Cum in tua.*

Verùm si iusta causa intercesserit, ut verisimiliter potuerit ignorare impedimenta, vel propter infirmitatem, vel propter ætatem tenebram, vel etiam si erat extra diocesim tunc temporis; itaut ad ejus notitiam non potuerint pervenire denunciations; tali casu etiam sine Juramento admittitur. *§. Idem*, *hoc tit. d. c. Cum in tua.*

Quò ad Quartum. Regula est generalis: omnes posse esse testes; etiamsi sint consanguinei, vel affines, quinimò & proprii Parentes. *§. Quod autem*, *hoc tit. cap. Super eo*, *extr. de Testib.* Id tamen verum est, quòd si Matrimonium contrahatur inter dispares, tunc non de facili creditur illi consanguineo, cujus videtur interesse Matrimonium illud contrahi, vel non, *d. c. Super eo*, *in princ.* & in *§. Ubi*, *infr. hoc tit.* Illud etiam prætereundum non est, quòd si tractatur de consanguinitate probanda ad Matrimonium dissolvendum, duo, vel tres saltem debent testes recipi, *c. 1. cap. 2. q. 3.*

Quò ad Postremum. In testibus hæc omnia exiguntur. Primò ut bona fides adsit, ut *sup.* Ut sint honestis moribus præditi. Ut quando opus est, Juramentum præstetur de calumnia, & de veritate dicenda. Item in depositione testium hæc debent contineri. Ut jurent se non privato odio, nec amicitia, nec alicujus proprii commodi intuitu ad hoc jurandum inductos esse: sicut etiam deponere debent, se illud, quod dicunt, à majoribus accepisse, & se credere ita esse. *§. Testium*, *b. 1. cap. Licet*, *de Test.* & *cap. Litteris*, *de Presumpt.* & *cap. Quoties*, *extr. de Test.* His autem con-

concurrentibus, & impedimento probato, standum est huiusmodi probationi. *§. fin. hoc tit. c. Juravit. de Probat.*

TIT. XVI.

De Divortiis.

QUONIAM ob causas, de quibus supra est actum, evenit sepe, ut sequatur divortium, ob id de divortio nunc tractatur. Circa quod videbimus:

1. *Quid sit Divortium?*

2. *Ex quibus causis fiat?*

3. *Quando?*

4. *Quot modis Uxor repetatur?*

5. *Qui sint effectus?*

Quo ad Primum. Divortium est dissolutio Matrimonii, quæ utroque vivente conjugē contingit. *c. Divortium. de Penit. d. 1.* Vel est simplex separatio thori. *c. Interveniente. 32. q. 7.* & per Abb. in *Rubr. cod.* Et dicitur divortium vel à *divertendo*, quoniam qui separantur in diversas partes vadunt, vel à *diversitate mentium*. *l. 1. ff. de Divortiis. l. Inter divortium. ff. de Verb. signific.*

Quo ad Secundum. Illud sciendum est, quod regulariter legitimum Matrimonium contractum dissolvi non potest. *§. 2. hoc tit. c. Quos Deus, 33. q. 2. & l. Ejus. & l. Nihil. ff. de Reg. Jur.* Tamen interdum ex causa fit Divortium.

Primo: Ingrediendo Religionem non sequuta copula, ita ut liceat ei, qui in sæculo remansit, alii se conjugere. *§. Si tamen. hoc tit. c. Ex parte. 1. de Convers. conjug. cum simill.* Et postquam alter conjugum Religionem est ingressus, si postea alle-

get se falsa causa deducta, religiosum habitum sumpsisse, non per hoc vitatur ipsa ingreditio. *§. Nec causari. b. t. d. c. Ex parte.* Et dicenti se velle ingredi Monasterium, terminus præfigitur intra quem debet deliberare, vel ad conjugem redire, vel ad Monasterium se transferre. *§. Ei autem. b. t. c. Ex publico. de Convers. conjug.* Nota nihilominus, quod etiam isto termino transacto, si copula non fuerit sequuta, licebit ei Religionem ingredi, ita not. in *d. c. Ex publico*. Et iste terminus non solum datur ad ingrediendum, sed etiam ad proficendum; ut per Abb. in *d. c. Ex publico*. Alias enim non esset sufficienter provisum alteri Sponso, cum non posset ad secundas nuptias transire, nisi altero proficiente. Ratio autem, quare non sequuta copula per ingressum Religionis Matrimonium dissolvitur, ea est, quia cum nondum una caro effecti sint, satis probabiliter uno ad Deum transeunte, alter in sæculo remanere poterit. *§. Neque minus. hoc tit. c. Ex publico. de Convers. conjug.* Diversum tamen statuitur in eo, qui post contractum Matrimonium Ordines suscepit, quia etiam Matrimonio non consummato non permittitur Divortium; sed ille sic ordinatus per censuram Ecclesiasticam cogendus est, ut Matrimonium consummat. *§. Diversum. b. t. c.* Et est casus in *Extravag. Joann. 22. antiquæ*. Ubi etiam de hoc sunt Glossæ pulcherrimæ. Verum etiam in hoc casu character imprimitur, quamvis impediatur Ordinis executio, ut in *d. Extravag.* Qui casus videtur mirabilis, nam Sacerdos etiam apud Latinos potest habere uxorem, quod etiam pro-

cederet in eo casu, quando Matrimonium est consummatum, quia etiam eo casu imprimeretur character; ut not. Innoc. & Abb. in cap. *Placet. de Convers. Conjug. & in c. 2. eod.* Verum circa infideles diversum statuitur: etenim si alter, qui in infidelitate permansit, velit à fidei disjungi, vel cum eo commorari cum contumelia Creatoris, tunc licebit Christiano cum alio se conjugere. *§. Sed etsi inter. hoc t. c. Quanto. & c. Gaudemus. de Divort.*

Alia causa est impotentia coeundi. *§. Item si quis ignovus. hoc tit.* Ubi si quis ignoranter cum impotente contraxerit, Matrimonium separatur, & qui est potens poterit cum alio contrahere. Impotentia tamen debet esse talis, quæ ope medicorum tolli non possit, nisi cum mortis periculo. *c. Fraternitatis. de Frigid. & malefic. & not. in cap. Ex litteris. eod.* Modicam autem vexationem, & molestiam debent conjuges sustinere, ut Matrimonium fortiatu efficiatur, ut habetur in *distis locis.* Quod si quis putatus fuerit impotens, & post separationem aliam cognoverit; Aut ea quæ arcta putabatur, aliquem invenerit, qui tibi feras reseraret, utroque casu post peractam poenitentiam, ad prima conjugia reddere compellendi sunt. *§. Si quis. hoc t. d. cap. Fraternitatis. de Frigid. & malef.* Quod intellige quando esset primò cognoscibilis, nam si primus esset adeò mentulosus, & instrumentum genitale haberet ita crassum, quod nunquam posset deslorare mulierem sine periculo mortis, secundus ob suam gracilitatem posset eam cognoscere, tunc non esset restituenda primo, licet per frequentem usum

cum secundo habitum, sit apta reddita. Abbas in *d. cap. Fraternit.* ubi de hac materia, & in *c. Quod sedem. & in d. cap. Ex litteris. eod.* Ratio autem, quare compellendi sunt ad Matrimonium, ea redditur, quia cognita ab uno censetur cognoscibilis ab altero. *DD. in d. c. Fraternitatis.* Quod si quis scienter impotentem duxit, vel retinuit, eam habebit nisi ut uxorem, saltem ut fororem. *§. Planè. hoc tit. cap. Omnino. 31. d.* Porro de hac conjugum impotentia omninò videas meas *Decisiones de Matrimon. Decis. 32.* in qua plenè de ea differitur; & Juribus ac exemplis declaratur; & ostenditur, decem esse personas, quæ possunt hoc affici impedimento.

Item per carnalem, vel spiritualement fornicationem fit separatio thori tantum. *§. Sapius. hoc t.* Ratio est, quia vinculum conjugii semel contractum, & habitum, nunquam amittitur viventibus conjugibus. *c. 2. & 3. 32. q. 2.* Verum hæc est differentia inter fornicationem carnalem, & spiritualement; namque per fornicationem carnalem, distracto Matrimonio, si sequatur emendatio, non coguntur conjuges se reassumere. Secùs per spiritualement. Namque si infidelis resipiscat, alter tenetur eum recipere, nisi velit Monasterium ingredi. *§. Multum. b. 1. d. c. Quanto. & c. Gaudemus. de Divortii.* De aliis differentiis inter carnalem, & spiritualement fornicationem, vide Anton. de Rub. in cap. *Fin. de Conjug. convers.* facit *c. Proposito; & quod ibi not. 27. q. 1.* Præter istos casus alter conjugum, altero in sæculo permanente, nec ad Sacros Ordines, nec ad Regularem suscipiendus est observantiam, nisi rema-

remanens ejus sit ætatis, ut sine suspitione incontinentiæ possit in sæculo permanere, aut verè continentiam ipsam vovere voluerit; alioquin etiam si de Uxoris licentia quis Religionem sit ingressus, & professionem fecerit, uxor non poterit ad continentiam cogi; sed vir ad uxoris thorum evocari poterit, nisi uxor postea fornicata fuerit, vel se invicem continentiam promittendo absolverint. §. *His exceptis. cum concord.* Verùm quia hæc materia est admodum intricata, nolui ejus tractationem huc inserere: sed de ea latè videas per Abb. in cap. 1. de *Convers. Conjug.* & in cap. *Tua nos.* 2. de *Jurejur.* Et in meis Decisionib. de *Matrim. Decis.* 39. in qua copiosè disputatur de omnibus causis separationis conjugum.

Quid verò dicendum est de eo, qui invita uxore ingressus est Monasterium, qui postea ad eam redire est coactus, an ea mortua cogendus sit ad Monasterium reverti, an verò possit aliam Uxorem ducere? Et responderetur nec cogendum esse ad Monasterium reverti, nec posse aliam habere Uxorem. §. *Quæsitum.* hoc tit. cum *simill.* Quòd si Uxore non contradicente quis ingreditur Monasterium, ea mortua non potest exire. §. *Quod si quis.* hoc tit. Et si Matrimonium de facto contraxerit, illud dirimitur. *ut ibi.* e. *Consultuit.* de *Convers. Conjug.* c. *Ex parte.* 1. de *Convers. Conjug.* Quod multò magis debet habere locum in eo, qui consentiente Uxore professus fuerit. §. *Quod in eo.* hoc tit. Item & in ea, quæ continentiam vovit, si tamen fuerit certiorata de Juris communis dispositione, secundum Abb. in d. cap. 1. de *Convers. Conjug.*

& notatur in d. cap. *Ex parte.* 1. ubi etiam Abb. Quòd si Mulier credens Maritum esse mortuum, Religionem professæ sit, si eo reverso de Monasterio educta sit, eo postea verè mortuo, non potest cogi de novo in Monasterium ingredi. §. *Quid statuemus.* hoc tit. facit cap. *Placet.* de *Convers. Conjug.* unde ex jam dictis colligitur, quòd conjugibus non permittitur Religionis votum assumere altero invito, quod secus est in voto peregrinationis. §. *Licet autem.* hoc tit. c. *Ex multa.* §. *In tanta.* extr. de *Vot. & Vos. re. dempt.* Quod etiam hodie procedit, & si in hoc casu mulier dubitet de morte viri, tamen non potest contrahere, nisi sit de hoc certiorata, vel saltem credat eum verè apud se mortuum esse. §. *Et quamvis.* hoc tit. concord. cap. *In presentia.* de *Sponsalibus.* & cap. *Domimus.* de *secundis nuptiis.* Secus tamen est in Sponsalibus. cap. *De illis.* de *Sponsal.*

Quòd ad Tertium. Divortium fit tunc demùm, si causa fuerit probata, non ante, etsi fuerit sententia sequuta. §. *Secd & separatio.* hoc tit. & *Modestini.* in l. *Transacta.* ff. de *Verb. signif.* Semper enim in dubio pro Matrimonio respondendum est; nec debet de facili conjugibus credi. c. *Consanguinei.* extr. de *Sen. & re judic.*

Quòd ad Quartum. Duobus modis agitur, vel Petitorio, vel Possessorio. §. 1. hoc tit. Sed si petitorio agatur, & aliqua exceptio legitima, ut puta consanguinitatis, proposita fuerit, prius cognoscendum est de exceptione tanquam peremptoria. c. 1. & ibi dicitur de *Ordin. Cogn.* Sin autem possessorio judicio

agatur, antequam discutatur de consanguinitate, plenaria erit facienda restitutio, *cap. Ex consang. de Restitut. spoliat.* Nisi is, qui convenitur, & de calumnia juret, & super exceptiones habeat promptas probationes; nam hoc casu excepta carnali copula, ad cætera fit restitutio, *d. §. Ergo, cap. Litteras, de Restit. Spoliat.* Verum tamen est, quod hoc casu si mulier restituenda timeat sævitiam Viri, debet ab eo cautio præstari, quam si ipse non præstet, dum causa plenè cognoscitur, uxor deponitur in loco honesto, & tuto, *§. Prestanda, hoc tit. facit, d. c. Litteras, & c. Ex transmissa, eod. de Restit. Spoliat.* Quod habet locum etiam si Uxor culpa sua recesserit à Marito; ut quia publicè sit adulterata, ut per Abb. *in d. c. Litteras, c. Significasti, de Divortii.* Et hæc omnia procedunt, tunc demùm si Matrimonium sit sequutum, & per copulam consummatum, ut notat. *in d. c. Ex transmissa.* Cæterùm si nullis præcedentibus Sponsalibus, vel nullo præcedente legitimo consensu mulier fuerit ad Viri domum transducta, si postea abcesserit, nulla facienda erit restitutio, sed poterit alii nubere. *§. Et hæc, hoc tit.* Et ratio est, quia petens restitutionem debet probare possessionem, *cap. Consultationibus, de Jur. Patron. c. Olim. 3; de Restit. spoliat.* Sed ista transductio non operatur aliquam possessionem, *c. Ex parte, ubi latè, de Restit. spoliat.* Et colligitur, quod si is, qui vult repetere suam Uxorem, fornicationem commiserit, non potest hoc facere. *§. Fornicationis, hoc tit.* Quinimodò ob eam causam sequuta se-

paratione, si vivente adhuc separata Vir aliam hujus rei consciam duxerit, etiam si ex ea filios habuerit, non valet hujusmodi Matrimonium, sed etiam si mortua sit adultera, sunt nihilominus separandi, *c. 1. cap. Veniens, & cap. Ex litterarum, ext. de eo, qui duxit in Matrim. quam per adult. poll.* Quod ampliatur etiam si prima carnaliter non fuisset cognita, *cap. 2. extr. de eo, qui duxit in Matrim. quam, &c.* Undè si ista Mulier ignoret istum virum conjugatum, secus est, quia si velit, potest eum retinere post mortem primæ. *§. hoc tamen, b. t. d. c. 1. c. 2. de Adult.*

Ex quibus Juribus collige hoc notabile. Quod est in arbitrio mulieris hoc casu petere divortium; ad petitionem tamen viri non sunt separandi, *d. §. Hoc tamen, d. c. Veniens.* Et hoc adeò verum est, ut etiam filii de tali Matrimonio nati legitimi dicantur, *cap. Ex tenore, & c. Cum inter. Qui filii sint legit.* Et hoc propter bonam mulieris fidem. Undè illud etiam percipitur, quod si quis aliquam cognoverit non sub specie Matrimonii, Defuncta Uxore, potest cum ea Matrimonium contrahere, dummodò neuter ipsorum machinatus sit in mortem Uxoris prædefunctæ, nec fidem de contrahendo sibi invicem dederint. *§. Cum ea, hoc tit. concord. c. Significasti, & cap. Super eo, de eo, qui duxit, &c.* Et quod hic dicitur de machinatione intelligatur cum effectu, scilicet sequuta morte; & de hoc vide Gloss. *in §. Prædefunctæ, in verb. Machinari.* Quod si fidem sibi invicem dederint, non tamen sequuta fuerit copula nec antè, nec post, legi-

legitima conjuge superstite, tunc si Matrimonium postea contrahatur, valet, nec dissolvitur per aliam præcedentem copulam. *§. Sed et si, b. t. c. fin. de Sponsal.* Et quòd ii, qui machinati sunt mortem contra uxorem defunctam, vel contra maritum defunctum, non possunt inter se contrahere, hoc adedò verum est, ut etiam si inde aliquod sequatur bonum, tamen impeditur Matrimonium; undè si infidelis cum Christiana communicato consilio, ejusdem Christianæ maritum de medio sustulerit, non tamen cum ea justas nuptias potest contrahere. *§. Usque, b. t. facit c. Quod ait, & quod ibi notatur dist. 14. cum simill.* Ratio ea est, quia non committitur delictum propter bonum spirituale, quod inde sequitur, *cap. Cum magno. Ne Cler. vel Mon. cap. Si dicat. 33. q. 5.* Quare colligas, quòd si desit animus, & propositum secus est. *§. Diversa, b. t. cum simill.* Et è contra si adsit animus, licet non sequatur effectus, iste animus punitur; & per hoc si insidiatur alteri conjugi, & supervixerit is, ad secundas nuptias numquam poterit involare, quod procedit etiam in incestuosis, *cap. 1. & per tot. de Eo, qui cogn. consang.* Veruntamen si illi contrahant, valet Matrimonium, *cap. Transmissæ, d. 1.* Hoc idem in Intersectoribus Sacerdotum, qui numquam possunt contrahere Matrimonium, *cap. 2. de Penit.* Et hæc est decisio. *§. Sedenti machinationem, hoc tit.* Sunt & alii casus similes, qui not. in *d. c. 2. de Penit.* & explicantur in dictis meis Decisionibus de *Matrim. Decis. 25.* in qua de criminibus dirimentibus Matrimonium exactè tractatur.

Pro corollario nota: Quòd de Jure Canonico absque timore infamiæ; si nulla alia causa impediatur, licitum est transire ad secundas nuptias intra annum luctus, contra Leges Civiles in *l. Consensu, §. Si verò, C. de Repud. l. Liberatorum. §. 1. ff. De his, qui not. infam.* Et hoc deciditur in *§. Illud, hoc tit. cap. penult. & fin. de Secund. Nupt.* Qui tex. secundum Joannem Andream, & Abbatem in *d. cap. fin.* coriungit omnes Leges Civiles, quæ ex aliqua causa impediunt Matrimonium, ut est titulus *Cod. de Prohibit. Matrim. in pupill. & c. Si Rector Provincie*; & de hoc vide Gloss. hic in *Verb. abolita*.

In fine nota, quòd his, qui transiunt ad Bigamiam, non debet à Presbytero benedici, quod procedit etiam si consuetudo loci sit in contrarium; ut per Gloss. in *Verbo iterari*.

Quò ad Ultimum. Divortii effectus potest esse simplex separatio thori, ut scilicet ambo conjuges possint vivere sine peccato. Alter est effectus, quòd illud Matrimonium, quod de facto processit, cum consistere de Jure non possit, nullum reddatur, & conjuges solutos pronunciet. Ita not. in *Rubr. extr. cod.* Alius effectus est, quòd si Matrimonium separaretur propter unam ex illis causis, quæ perpetuò impediunt, conjuges possunt ad nova conjugia transire; ut in supradictis colligitur.

TIT. XVII.

De Rebus Sanctis, Sacris, & Religiosis.

IN principio hujus secundi Libri in Titulo *de Rerum divisione* diximus inter res spirituales, quæ corporales existunt, connumerari Sacramenta, Res Sacras, Sanctas, & Religiosas. Hucusque egimus de Sacramentis, nunc differendum est de *Rebus Sanctis, Sacris, & Religiosis*. Et pro hujus tituli expeditione videbimus:

- 1 *Quæ dicantur Res Sanctæ?*
- 2 *Quæ Sacra?*
- 3 *Quæ Religiosæ?*
- 4 *Quibus subiciantur hæc omnes Res?*

Quò ad Primum. Res Sanctæ secundum proprietatem verborum à Juris Civilis dispositione dicuntur illæ, quæ immunes esse debent à quacunque hominum facultate, & quocunque commercio, ob poenam Sanctionis contra violantes. §. *Sanctæ. Instit. de Rerum divis.*

Quò ad Secundum: Res illæ Sacrae appellantur, quæ sunt ad divinum cultum ritè consecratae, & Altissimo per habentem auctoritatem dicatae: §. *Sacrae. Instit. de Rer. divis.* Cujusmodi sunt Ecclesiae, Altaria, Calices, & hujusmodi alia. Verùm quamvis ista verba inspecta origine inter se valdè diversa sint, nihilominus sæpissimè aliud pro alio sumitur, ut in locis allegatis, & allegandis.

Quò ad Tertium. Per idem Jus antiquum Res Religiosæ illæ dicebantur, quæ humana corpora continebant, dictæ Religiosæ à rele-

gando, vel relinquendo. §. *Religiosum. Instit. de Rerum divis.* Hodie verò res Religiosæ possunt dici illæ, quæ ad pios cultus, ad pias causas destinatae videntur, & personis religiosis inserviunt, ut sunt Domus religiosæ, Xenodochia, Cæmeteria, & Sepulturae, Orphanotopia, & alia hujusmodi, c. 1. cap. 2. extr. de Relig. Domib.

Quò ad Postremum. Omnia bona ista sunt ejus naturæ, ut in nullius bonis existant. §. *Nullius. Instit. de Rerum divis.* Et hinc est, quòd alienari non possunt, nisi quibusdam adhibitis solemnitatibus, cum causæ cognitione; scilicet ut Prælati Superior expendat num alienatio expediat Ecclesiae, nec ne? Deindè Decretum Prælati; tertio consensum totius Cleri, seu Capituli, c. *Tuum. 12. qu. 2. Abb. in cap. Statuimus, de Transact.* & quando Sacrae esse desierint. Atamen quò ad administrationem subjiuntur potestati, & regimini Ecclesiasticarum personarum, & præcipuè subjiuntur Summi Pontificis administrationi, in regione cujusque loci, cap. 1. 2. & 3. extr. de Relig. Domib.

TIT. XVIII.

De Construendis, Consecrandis, & Reparandis Ecclesiis, vel Altaribus.

CUM inter ea, quæ Sacra existunt, Ecclesiae, vel Altaria primum sibi vindicent locum, idcirco de his nunc differitur; & pro tituli enucleatione videbimus:

- 1 *Quid Ecclesiae nomen hic significet?*
- 2 *Quid*

2 Quid nomine Altaris conineatur?

3 Quid sit Ecclesiam construere?

4 Quid reficere?

5 Qui possint Ecclesias construere, reficere, vel consecrare?

6 Ex quibus causis Ecclesiæ construi possint?

7 Quæ sint servanda in Ecclesiis construendis?

8 Quo tempore Ecclesiæ sint consecrandæ, & quo Altaria?

9 Quibus ex causis non sit consecranda Ecclesia?

Quò ad Primum. Ecclesiæ nomen Æquivocum est, ut *hic in princ.* & per Gloss. *hic in verb. Templum Dei.* Accipitur enim pro Christianorum multitudine, fideliumque congregatione: sed in nostro Titulo Ecclesiæ nomen præferret locum, in quo Sacrificia celebrantur, & sacra Deo peraguntur. *sex. est hic in princ. & in c. Ecclesia, de Consecr. d. 1.*

Quò ad Secundum. Altaris nomine significatur locus ille in Ecclesia eminentior, in quo Altissimo Sacrificia offeruntur, & sacra peraguntur. Ita notatur in *Rubr. extr. cod. de Consecr. Ecclesiæ, vel Altoris.*

Quò ad Tertium. Ecclesiam construere nihil aliud est, quàm Templum à fundamentis erigere, quod antè non fuit, *c. 2. ext. de Eccl. edific.*

Quò ad Quartum. Reficere Ecclesiam nihil est aliud, nisi Ecclesiam collapsam ad pristinum statum restituere, vel collabentem emendare, *c. 1. de Eccles. edificam. & notatur in Rubr. ejusd. Tit.*

Quò ad Quintum. Illud indubitabile est, Episcopum posse Ecclesiam consecrare, *c. 1. de Consecrat. d. 1. §. Etsi dubitetur, hoc tit. Sacerdotes autem non possunt nec*

Consecrationes, nec Ecclesiarum reconciliationes facere, *cap. Aqua, de Consecr. Eccles. §. Confici, hoc tit.* Construere autem Ecclesiam quilibet etiam privatus, etiam scemina potest, dummodò concurrat Ordinarii assensus, *cap. Unicusque, c. Clericos, c. Siquis, de Consecr. d. 1. c. 18. q. 2. c. Religiosam. 12. q. 2. §. Quamcumq. hoc tit.*

Quò ad Sextum. Non debent Ecclesiæ in præjudicium antiquæ de novo construi, nisi ex quatuor causis. Ob incrementum populi. Commoditatem plebium. Vel certæ Universitatis intuitu. Aut ob Pastoralis dignitatis obsequium.

Ob incrementum populi tunc nova construenda est Ecclesia, cum certis in Regionibus adeo multitudo fidelium excrevit; ut illorum curæ una sit impar Ecclesia. *§. Ob incrementum, b. tit. cap. Præcipimus, & cap. Multis. 16. q. 2.* Quæ de causa etiam Ecclesiæ possunt dividi. *§. Sicut, hoc t. d. c. Præcipimus.* Et hic nota, quod plures Baptismales Ecclesiæ sub eadem terminatione non possunt construi, idest quòd intra eosdem terminos sint duæ Ecclesiæ Baptismales, in quibus promiscuè populus baptizari possit. *§. Plures, b. t. facit, cap. In apibus. 7. q. 1. & c. Quoriam, de Offic. Ordin.* Et si de terminatione duarum Matricium Ecclesiarum contentio fuerit, plebes utrarumque discernent, *d. §. Plures.* In hoc tamen est necessaria Superioris auctoritas, *c. de Cætero, & c. Statuimus, de Translatiõne, c. Per tuas, de Arbitr.* Laicus enim non posset esse Judex in hoc casu, cum agatur de Re Spirituali, *c. Decernimus, cum seqq. de Judic.* Quòd si non convenerint, forte

L

divi-

dividatur, *d. §. Plures, in fin.* Sor-
tibus enim Dei voluntas ostenditur,
cap. Sors. 26. q. 2.

Ob Plebis commoditatem tunc
dicitur construi nova Ecclesia,
cum Parochianorum pars adeo di-
stet à veteri, ut certis temporibus,
non sine magna difficultate, & pe-
riculo illam adire, & ibi congruis
temporibus divinis interesse, & Sa-
cramenta percipere possint, *c. Ad
audientiam. §. Plebium, b. 1.* Et hoc
quidem casu nova Ecclesia subji-
citur Matrici Ecclesiæ, idest, Eccle-
siæ baptismali, per *c. Ex transmissa,
de Renunciat.* vel Cathedrali,
ut per Abb. *in c. Fin. de Offic. Ar-
chiepiscopis.* vel illi Ecclesiæ, à qua
novæ subministrantur necessaria,
cùm verba sint intelligenda secun-
dum subjectam materiam. Abb. *in
c. Venerabili, de Verb. signif.* & de-
bet honorem competentem exhi-
bere, *d. §. Plebium, in fin.* vide Con-
cil. Trid. sess. 21. c. 4. *de Reform.* &
meas Discordias *de Benefic. Disc. 89.*
ubi de requisitis necessariis pro no-
va Parochiali erigenda.

Universitatis intuitu construitur
Ecclesia, veluti cùm plures simul
leprosi sub communi vita congregati
fuerint, nam his potest nova
Ecclesia ædificari. *§. Universitatis,
b. 1. c. Unico, 10. q. 2.* Dummodò
velint eam dotare, arg. *c. Nemo,
de Consecr. d. 1.* Qui tamen non de-
bent esse injuriosi veteribus Eccle-
siis. *§. Cavebunt, hoc tit.*

Ob Pastoralis dignitatis obse-
quium, & privilegium dicitur con-
strui Ecclesia, quando Episcopus
pro sepultura propriæ Ecclesiæ
ædificat in sua Parochia. *§. Epi-
scopo, b. 1.* Et de hoc plenè habetur
in c. pen. de Donat. & c. Bone. 12. q. 2.

Quò ad Septimum. Hæc requi-
runtur in Ecclesia ædificanda. Pri-
mò, ut Episcopus consentiat. Se-
cundò, ut ipse locum videat. Ter-
tiò, ut Crucem figat. Quartò, ut
publicè atrium designet. *§. Qua-
cumque, c. Nemo, de Consecr. d. 1.*
Et tanta debet esse Dos, quæ suffi-
ciat ad luminaria, & ad vitam mi-
nistrorum, *cap. Pie mentis. 16. q. 7.*
& in præd. *c. Nemo.* Et Ministri de-
bent esse duo, vel tres, *c. Proposuit.
ext. de Fil. Presbyter. c. Hoc quoque,
de Consecr. d. 1.* Sed hoc quod di-
ctum est de Dote, non habet lo-
cum in eo casu, quando ex necessi-
tate construeretur. *Gloss. in d. §.
Quacunque, in verb. Valeat.* Et circa
auctoritatem Superioris, nota,
quòd id adeò verum est, ut si quis
præter Episcopi consensum Eccle-
siam construxerit, privatur Jure Pa-
tronatus. *§. Diversum, hoc t. c. Cum
olim;* ubi Abbas *de Privileg.* Item &
ultimò requiritur, quòd construens
Ecclesiam non inferat damnum
Tertio; namque hoc casu poterit
ei nunciare novum opus; & si
post nunciationem ædificaverit,
tunc quod ædificatum erit, suis ex-
pensis erit destruendum. *§. Sed si
quis, b. 1. cap. 1. & 2. de Novi oper.
Nunciat.*

Quò ad Octavum. Quolibet die
potest fieri consecratio, & ædifica-
tio, *cap. Tua, de Consecr. Eccles.* vel
Altar. d. §. Consecr. Et dies Consec-
rationis, & dedicationis singulis
annis est celebrandus. *§. Solemnita-
tes, b. 1. c. Solemnitates, de Consecr.
d. 1.* Altaria autem quæ consecran-
da sunt, debent esse lapidea, *c. Al-
taria, de Consecr. d. 1.* Nec obstat
locus Exodi, ubi Dominus præce-
pit fieri Altaria in lignis. *Setim c. 38.*
quæ

quæ incorruptibilia sunt. Et Salomon fecit Altare aureum, nam illa facta sunt in figura. Item Altaria dedicanda, seu consecranda non sunt sine reliquiis, *c. Placuit, de Consecr. d. 1.* Et hic nota, quod diruto Altare, vel aliquo modo fracto, seu diminuto, Ecclesia non est iterum consecranda, sed Altare tantum. *§. De eo, b. t. c. 1. Quod in dubiis, e. Ligneis, eodem.*

Quo ad Ultimum. Ecclesia consecrari non debet, ubi Paganus sepultus est, antè extractionem ipsius, *c. Ecclesia, de Consecr. d. 1.* Idem statuitur in Hæretico, & Iudæo. *eod. d. c. In aliis, c. Ecclesiam.* Idem intellige de Excommunicato. *§. Sed si Ecclesiam, b. t. c. Consultuisti. De Consecrat. Eccl. vel Altar.* Verum si ossa infidelium non possunt discerni ab ossibus fidelium, neutra sunt ejicienda, *cap. Sacris, sup. de Sepult.* Et quando infideles ejiciuntur, tunc in consecratione Parietes, & Tigna debent radi: Et ejectio corporum sit auctoritate Episcopi, vel Principis, *l. Ossa, ff. de Relig. c. Corpora, de Consecr. d. 1. §. Illud, hoc tit.*

Sed quid dicendum de muliere prægnante? Circa quam dicas, quod secundum quosdam potest sepeliri, quia fœtus est pars viscerum, *l. 1. §. 1. ff. de Ventr. Inspec.* Attamen consuevit sepeliri, & fœtus extrahi, & seorsum sepeliri, *d. cap. Sacris, & notatur ind. c. Ecclesia, de Consecr. d. 1.* Item quando Ecclesia est semel consecrata, non debet amplius consecrari. *§. Ecclesia, hoc tit.* Sicut infans ritè baptizatus, non debet iterum baptizari, *c. Sicut, d. 68. c. Quemadmodum, 32. q. 8. c. Ecclesiis, de Consecr. d. 1.*

Verum quia Ecclesiæ quandoque reconciliantur. *§. Sed si, inf. b. t.* videamus in quibus casibus fiat reconciliatio? Et sex liquident assignantur. Primus, cum dubitatur an Ecclesia sit consecrata; nam tunc potest consecrari, & hæc dicitur reconciliatio. *§. Planè, b. t. d. c. Solemnitates, de Consecr. d. 1.* Secundus casus est, cum movetur Altare majus. Tertium cum Ecclesia est exusta. Quartus cum Parietes sunt de novo funditus reparati. Quintus propter adulterium. Sextus propter homicidium, *c. Si motum, de Consecr. d. 1. & c. de Fabric. ead. d.*

Adde alium casum, quando est humatum corpus excommunicari. *§. Sed si Ecclesia;* ubi etiam alii casus enumerantur, *hoc t. d. cap. Consultuisti, de Consecr. Eccl. vel Alt.* Unde ex jam dictis colligas, quod non est licitum celebrare, nisi in Templis sic consecratis, *cap. Tabernaculum, & c. Missarum, de Consecr. d. 1.*

Quod limita in eo loco, qui est de proximo Consecrandus. *c. Ecclesia, de Immunitate Ecclesiar.* Item hoc non procedit, quando ex privilegio aliud est concessum, & etiam in Casu necessitatis; nam tunc in capellis cum sacra tabula celebrari poterit. Ut est in Oratoriis non consecratis; ut notatur *in cap. Concedimus, de Consecr. d. 1.* in quibus sine permissione Episcopi non potest celebrari, *c. Unicus, & c. Missar. d. ead. 1.* Item in itinere constitutus poterit celebrare olim sub diu, sive in Tentoriis; si tamen tabula Altaris, cæteraque sacra ministeria adfuerint. *§. In itinere, hoc tit.* Et notatur *in d. c. Concedimus, de Consecrat. d. 1.* Hodie autem per

Concilium Tridentinum sess. 22. in Decreto de Celebrat. Missar. prohibitum est omnibus tam saecularibus, quam Regularibus celebrare extra Ecclesiam; ut ego probavi in meis Decisionibus De Sacrificio Missae. Decis. 12. à n. 53. & seqq. usque ad num. 66. ubi disputatur, an dentur Casus, in quibus Episcopus possit concedere licentiam, ut Missa extra Ecclesiam celebraretur? Et referuntur septem curiosi casus ibi à studioso videndi.

In fine nota, quòd quando agitur de reparanda Ecclesia, id oneris procul dubio ad eum spectat, qui possidet Beneficium, c. 1. ubi Abb. eod. cap. fin. De his, quae sunt à major. parti. Capit. Et Episcopus pro tertia parte concurrere debet, cap. Prius. 10. q. 3. cum seq. Sed de Consuetudine aliud attenditur secundum Innoc. ind. c. fin. & Abb. in d. cap. 1. Et sic absolurus sit ille titulus. Porro, ut bene scias, qui sint obligati ad dictam reparationem? Vide meas Discordias Forenses De Beneficiis. Discord. 44. n. 2. & seqq. & Discord. 99. per totam.

TIT. XIX.

De Unionibus Ecclesiarum.

Quoniam saepe evenit, ut Ecclesiae, quae sunt constructae, & consecratae insimul conjungantur; ob id nunc de ipsarum Unionis differitur: Et pro tituli expeditione videbimus:

- 1 Quid sit Unio?
- 2 Quos Unionum species?
- 3 Ex quibus causis fiat?
- 4 Qui possint unire?

5 Quae requirantur?

6 Qui sint effectus?

7 Quando unio solvatur?

Quò ad Primum. Unio, secundum materiam tituli nostri, est duarum, vel plurium Ecclesiarum facta connexio. Et dicitur Unio ab uniendo; ex eo, quia plures Ecclesiae in unum conjunguntur, ut hic in princ.

Quò ad Secundum. Duae sunt Unionum species. Alia Temporalis, alia Perpetua. Perpetua est illa, quae sit, ut sine praesentione temporis perduret. Temporalis, quae ad certum tempus; ut si ad alicujus vitam instituitur. §. Unionum, b. 1. facit c. 1. Ne Sede Vacan. & c. Quoniam. ubi Abb. de Off. del. g.

Quò ad Tertium. Duae sunt causae unionis; ut in §. Velut. h. tit. scilicet: Urgens Necessitas, & Evidens Utilitas, c. Exposuisti, de Praeben. c. 2. de Relig. Domib. cap. Et temporis. 16. q. 1. c. Fin. 2. q. ult.

Necessitas; ut si duae Ecclesiae sint adeò pauperes, ut impossibile sit, earum proventus ad victum duorum Sacerdotum sufficere: Aut etiam si alia Ecclesia sit ab hostibus dissoluta, d. c. Exposuisti, & c. 1. Ne Sed. Vac.

Utilitas, ut cum locorum opportunitas id exposcit; vel temporis qualitas; puta quia in illo loco nunc dicatur imminutus Christianorum numerus. Vel ob fructuum tenuitatem non perinde idonei Sacerdotes ad procurandum Beneficium inveniantur, cap. Et qualitas, & c. Postquam. 16. q. 1. c. Unio. 10. q. 3. Clem. 1. §. Ad haec, de Stat. Monach. Et notatur in Antib. praeterea, C. Unde Vir, & Uxor. Et de hoc novissime vide quae statuit Concil. Trident. sess. 24. c. 13. de Reformat.

Quò

Quò ad Quàrtum . Unire Episcopatus ad Pontificem spectat . §. *Non tamen*, hoc tit. cap. *Præcipimus*. 16. q. 1. & c. *Temporis*. Minores verò Ecclesiæ possunt uniri ab Episcopis in suis Diocæsi-bus. d. §. *Non tamen*. Et Concil. Trid. sess. 21. c. 5. de *Reform.* Undè inferiores ab Episcopis non possunt facere huiusmodi unionem, c. *Sicut unire*, De *excessib. Prælator.*

Quò ad Quintum . Si Episcopus velit unire duas Ecclesias, debet habere consensum Capituli. §. *Uti que adeò*, b. t. c. *Pastoralis*, de *Donat.* & *Clem. fin.* De *Rebus Eccles. non alien.* Quod fecus est in unione faciendâ à Papa; ut habetur in c. *Sicut unire*, de *Excessibus Prælator.* d. c. *Præcipimus*, & cap. *Temporis*. Quòd si Episcopus velit unire propriæ mentis Ecclesiam, hoc ei non permittitur, etiamsi Capitulum consentiat: Unientium enim utilitas probabilem non rectæ factæ unionis suspicionem ingerit: ita loquitur tex. in §. *Aliud*, b. t. facit, cap. *Hic usus*. 10. q. 2. c. *Fin.* de *Instit.* Insuper requiritur consensus eorum, qui lædi possent. §. *Nec solum*, b. t. Undè si aut Collegiata, aut Patronata collegiata, aut alicujus suffraganei Ecclesia sit unienda; Collegii Patroni, aut ipsius suffraganei consensum intervenire oportebit: facit c. *Rationis*, & c. *Monasterium*. 16. q. 1. Et hic nota, quòd si Ecclesiæ unitæ sint diversarum Diocesium, tunc Jus alterutrius Episcopi inviolatum remanet. §. *Sed queri poterit*, hoc tit. c. *Cum olim*, de *Consecrad.* c. *Ex tuor.* de *Auctor. & usu pal.* c. *Licet*, de *Off. Ord.* l. 2. §. *Si quis à Principe*, ff. *Ne quid in loco publ.*

Quò ad Sextum . Effectus præcipuus est, ut, sequuta unione legitime facta, ille, cuius Ecclesiæ sit unio, eandem habeat potestatem, & æquale Jus in uota Ecclesia; ac habeat in prima: & eadem privilegia competunt unitæ, quæ priori compete-bant Ecclesiæ. §. *Sequuta*, hoc tit. & Abb. in c. 2. de *Relig. Domib.* apud quem de hoc videndum est. Et per Caccialup. in suo tractatu de *Unionib.* octavo Artic. Id tamen est verum, quòd in quantum dictum est, unionem fieri de Ecclesiis diversarum Diocesium, hoc hodiè non habet locum per Concil. Trid. sess. 14. cap. 9. In *Decret. Reformation.*

Quò ad Postremum . Solvitur Unio temporis lapsu, si ad tempus est facta; vel cessantibus causis, ob quas facta fuit. Item etiam poterit dissolvi ab iis, quorum auctoritate fuerit instituta. §. *Dissolvetur*, hoc tit. facit *Clement.* Ne in agro. §. *Ad hæc*, de *Stat. Monachorum*. Ita quoque dissolvetur si cedat in grave præjudiciu Ecclesiæ. c. 1. Ne *Sede Vacan.* Cæterum per Concil. Trid. sess. 7. c. 6. de *Reformat.* constituitur; quòd uniones perpetuæ factæ à quadraginta annis ante ipsum Concilium examinentur; & si inveniantur per subreptionem obtentæ, irritæ sint. Aliæ verò quæ faciendæ sunt ex legitimis causis coram loci Ordinario vocatis, quorum interest, fiant; alias per subreptionem obtentæ præsumantur: ita deciditur in d. cap. 6. Plura de Unionibus beneficiorum scitu reperies in meis *Discordiis Forensibus De Beneficiis*, ut in *Indice Verb. Unio.*

TIT. XX.

De Immunitate Ecclesiarum,
& Subjectione.

Quoniam Ecclesiis constitutis multa competunt privilegia, & immunitates; ob id de hac materia tractatur, & videbimus:

- 1 Quid sit Immunitas Ecclesiarum?
- 2 Quot Immunitatum species?
- 3 Quid Subjectionis nomen præseferat?
- 4 In quibus Subjectio consistat?
- 5 Que Ecclesiis competant Privilegia?
- 6 Quibus eadem Privilegia competant?

Quò ad Primum. Immunitas præfert exemptionem indultam à muneribus. Dicitur Immunitas quasi extra munia, vel munera. Hinc Civitates immunes dicuntur, quæ nullum vestigal impendere tenentur. l. fin. ff. de Censib. Cæterùm hic Immunitatis nomen præfert Privilegium, favorem, seu Indulgentiam Ecclesiis factam; qua remissione, seu Indulgentia efficitur, ut liberatio contingat à publicis functionibus.

Quò ad Secundum. Triplex est Immunitas Ecclesiæ; Localis, Personalis, & Realis. Prima est concessio facta ipsis Ecclesiis; quemadmodum est, ut in iis profana non exerceantur; cum Ecclesia sit domus Orationis. §. Est autem. b. t. cap. Cum Ecclesia, eod. c. Per Simoniam. d. 41. & c. Decet. §. Nullus, eod. in 6. Unde sæculares Judices non possunt ferre sententias in Ecclesiis. §. Sæculares. h. t. Quòd secus est in Judice Ecclesiastico; ipse

enim licet Judicium exercet in Ecclesia. c. Præceptum. 2. q. 2. & c. Qua fronte, ubi traditur, de Appel. lat. Item nec processus possunt in Ecclesiis formari. §. Processus, hoc tit. Sed quærit Glossa, Quid Juris in contractibus initis, & celebratis in Ecclesia? Et dic, quòd licet fieri non debeant, tamen facti tenent; nam cum hic simus in pœnalibus, non debet fieri extensio; ut notatur in cap. 2. eod. in 6. Item Concilia publica, Nundinæ, & negotia sæcularia non debent tractari in Ecclesiis; nec profana sunt facienda negotia, sive colloquia. §. Publicè, hoc t. facit cap. Exti. multis. 1. q. 1. & c. Ejiciens. d. 88. Dominus enim negotiatores eiecit è templo; & menfas nummulariorum evertit. Et quod dictum est de colloquiis, facit contra Circulantes, qui publicè conclusiones de Rebus profanis, easque in propriis Ecclesiis disputant. De quo extat Decretum Concil. Trident. De observ. & evit. in Celebr. Missar. Item convivia non debent fieri in Ecclesiis, nisi ex necessitate; ut si transientes ob Hospitiorum necessitatem illic reficiantur. cap. 1. eod. cap. Nulli, cum seq. d. 42. Quòd habet locum etiam in Oratoriis. cap. Pen. cap. Fin. d. 42. Item ne quis ab Ecclesiis possit invitus abstrahi. §. Sacrorum. hoc t. cap. Eos. d. 87. c. Reum. 17. q. 4. Sæculares enim Leges ab omni violentia vindicant eos, qui ad Statuam Principis se proripiunt; ut C. de bis, qui ad statum. conf. per totum. & §. fin. per totum. Insit. de bis, qui sunt sui, vel alien. Juris. Quærit Glossa. An hoc habeat locum in Judæo? & solve ut in ea. Et circa hanc Quæstionem

nem vide quæ notat Abb. in c. *Fin. de Jurejur. & inc. Inter alia. cod. & Felin.* hanc quæstionem tractat in c. *Judei, il primo, de Judeis*; ubi tenet, quod sic: Et ultrà illa, quæ dicit ipse, soleo dicere ego; quòd quamvis non sint oves Christi, tamen sunt de ovibus Christi; licet sint oves errantes; unde quia potest esse; ut ad Ecclesiam veniant, dicendum est, quòd sint tuti in eadem. Et si quis per vim aliquem ab Ecclesia abstraxerit, excommunicatur; & quasi sacrilegus puni-
tur. d. *J. Sacrorum, cap. Desinuit. 18. q. 4. c. Frater, c. Sicut, c. Constituimus. & cap. Si quis contumax. & per tot. 17. q. 4.* Et de hac materia videnda sunt tradita per Abb. in c. *Inter alia. cod. Quod ampliatur*; ut quis non possit extrahi ab Ecclesiæ circuitu intra triginta passus ab ostio. *J. Nec. b. t. c. Quisquis inven- tus. 17. q. 7.* Item nec à domo Episcopi possunt extrahi, d. *J. Nec.* Sed non omnibus hoc concessum est: namque latronibus, vel nocturnis agrorum populatoribus, viarumque obfessoribus hoc non conceditur. *J. Hoc autem. b. t.* Ita quoque Raptores Virginum, Adulteri, & Homicidæ possunt extrahi. *J. Quod si delinquentes. Auth. de Mand. Princip.* quæ *Auth.* procedit etiam de Jure Canonico per Abb. in d. c. *Inter alia.* Item & is, qui homicidium, & mutilationes membrorum in ipsis Ecclesiis commisit; vel in ipsarum cæmæteriis. Frustrà enim invocat Legis auxilium, qui in ipsam Legem deliquit. c. *Quia frustra. de Usur. & de Sent. Excommu- n. c. In audientia. l. Auxilium. ff. de Minor.* Item in hoc distinguendum est inter liberum hominem,

& servum: Nam liber homo non debet, nec potest ab Ecclesia violenter extrahi, nisi impetrata vita, & membrorum incolumitate. *J. Hæc tamen. hoc tit. cum simill.* Quòd si servus fuerit, Dominus præstito Juramento Clericis de Impunitate, potest servum etiam invitum secum ab Ecclesia abducere. *J. Quod si servus. hoc tit. c. Fin. cod. c. Metuentes. c. Id constituimus. 17. q. 4.* Cæterùm quæ hucusque dicta sunt de Immunitate Ecclesiarum, procedunt de Jure veteri, & deserviunt quoad Theoricam. Sed quò ad Praxim attendendum est Jus novum, nempe Bulla Gregorii XIV. incipien. *Cum alias nominul- li. de Anno 1591.* de qua plurima scitu digna habentur in meis *Decisionibus Miscellaneis. Decis. 13.* & ejus plenam explicationem faciunt mea *Erotemata, cap. 32. ubi DD.* qui advertunt, attendendam esse Regnorum consuetudinem ob varias concessiones, & declarationes à Sede Apostolica factas circa qualitates delinquentium, & delictorum. Secunda species Immunitatis est illa, quam Personalem dicimus; & dicitur Personalis, quia personis Ecclesiasticis indulgetur: cum enim in Clericorum ministerio constituti, non nisi Altari, & Sacrificiis deservire debeant; rectissime constitutum est, ut Deo dicati ab omnibus personalibus muneribus reddantur immunes. Unde generaliter Episcopi, Presbyteri, Diaconi, & Subdiaconi, Monachique Immunitate omnis tutelæ, & curæ ipso Jure gaudent. *J. Personalis, hoc tit. & est tit. extr. Ne Cleric. vel Monach.* Verùm hoc limita; quando Clerici suscipiunt curam

curam Viduarum, vel Orfanorum; à qua non solum non prohibentur, sed immò jubentur. *§. Viduarum. hoc tit.* Ita quoque possunt tractare Ecclesiæ suæ causam. *cap. 1. extr. de Postulando.* Verùm in tempore necessitatis etiam Clerici tenentur ad custodiam murorum, & ad refectionem pontium. *§. Excipitur. c. Non minus. De Immunit. Eccl.* Et de hoc satis diffusè tractatum est suprà in *tit. de Constitutionibus.* Tertia species Immunitatis est Realis; quæ scilicet bonis, & Rebus Ecclesiarum concessa est. Res etenim illæ, vel bona à censu, vel collectis Potestatum sæcularium libera redduntur; & si quis habens sæcularem potestatem Tributa, Collectas, seu quascunque exactiones sub quovis titulo, aut colore voluerit imponere: si est particularis Persona excommunicatur; si est Universitas interdicitur. *§. Realis. hoc tit. concordat. cap. In qualibet. & cap. Secundum. 22. q. 1. cap. Non minus. cap. Adversus. eod. & c. Clericis. c. Quamquam. eod. in 6.* Et novissimè per Concil. Trident. *sess. 25. cap. 20.* Et sunt etiam, qui teneant, hanc immunitatem extendi ad bona Patrimonialia Clericorum, ut in *c. Si diligenti. De Præscript. & in c. Ecclesia S. Mariæ. de Constit.* Verùm etiam de hoc dixi suprà in *tit. de Constit.* In casu tamen Necessitatis, & utilitatis; ut quando agitur de Utilitate communi tam Clericorum, quàm Laicorum, Clerici consulto Pontifice, omni penitus cessante coactione, poterunt aliquid in commune conferre. *§. Si tanta. hoc tit. facit d. c. Non minus. & d. cap. Adversus; juxta Regionis inveteratum usum.*

Quò ad Tertium. Subjectionis nomen præfertur Jus quoddam, quod habet Episcopus, vel Rector in Ecclesia, quinimmò Jurisdictionem in ipsa Ecclesia; ut *toto tit. de Off. Ordin.*

Quò ad Quartum. Consistit in hoc subjectio; ut ab Ecclesiis, vel earum Rectoribus ipsi Episcopo, vel Prælato debeatur: & quò ad Personas Ecclesiasticas ipsi debetur canonica obedientia, subjectio, reverentia. Ad Ipsum spectat Institutio, Destitutio, Correctio, Reformatio; & causarum omnium ad Forum Ecclesiasticum de Jure spectantium Jurisdictio; sicuti etiam Ecclesiasticarum censurarum promulgatio, de quibus est titulus infrà de *Ecclesiasticis Censur.* Et Sacramentorum exhibitio. Si res Ecclesiasticas spectamus, ipsi Cathedralicum, sive Synodaticum debetur; de qua re Abb. tractat in *c. Conquerente. de Off. Ordin. & est tex. in c. 1. 10. q. 4.* & infrà videbimus. Ipsi Procuratio annua, de qua dicemus infrà titulo proximo. Ipsi mortuorum, & decimarum quarta. Mortuaria autem sunt ea, quæ Ecclesiis relinquuntur occasione funerum. Abb. in *d. c. Conquerente. & ibi Glossa.* Et de hac, & de quarta decimarum est titulus de *Canon. Port.* Quæ omnia habentur in *§. Quemadmodum. hoc tit.* Et tandem in tribus capitibus consideratur hæc Pastoralis Potestas: Etenim quædam ad Episcopum spectant Jure ordinis: ut ordinatio Clericorum, Virginum Benedictio, Altarium, & Ecclesiarum Consecratio. Quædam Lege Jurisdictionis, ut Corrigendi, Conferendi, Excommunicandi, & Instituendi pote-

potestas. Quædam Lège Diocæsana, ut Jus census, & Cathedraticum exigendi, Decimas percipiendi, Jus hospitii inducendi; & his similia: & de hoc est tex. in c. fin. hoc nostro tit. Et quia hæc distinctio, nullibi habetur in aliquo textu; ideo vide latè de ea per Abbatem in c. Dilectus. De Off. Ordinar.

Quò ad Quintum. Multa sunt concessa Privilegia Ecclesiis, sed hoc præcipuè, ut non possit sæcularis Judex in ipsis, vel ipsarum cœmeteriis processus formare. Item ut nulla fiant in eis negotia sæcularia, & alia, de quibus supra vidimus.

Quò ad Ultimum. Privilegia concessa Ecclesiis competunt etiam Episcopis, Domui, Cœmeteriis, & reliquis locis consecratis. Quinimò Privilegia concessa Ecclesiis extenduntur ad Personas Ecclesiasticas; & de hoc etiam supra dictum est satis abundè.

TIT. XXI.

De Censibus, Exactionibus, & Procuracionibus.

Quoniam inter cætera, subjectionis nomine competunt Censibus, & Exactionibus; ob id de his hic differitur. & videbimus:

- 1 Quid sit Census?
- 2 Quid Exactio?
- 3 Quid Procuratio?
- 4 Qui possint Censum imponere?
- 5 Quibus ex causis?
- 6 Quibus Temporibus?

Quò ad Primum. Census Appellatio est generalis, ut *hic in princ.*

Et sumitur pro omni Pensione quæ Prælatus de Ecclesiasticis proventibus singulis annis in signum subjectionis, vel alterius Juris præstat: & hinc dicunt Doctores, quod Census præstatio non probat evidenter subjectionem; ut *hic in Verb. alter. Jur. cap. Quanto*, & ibi Abb. cod. & per Felin. in c. Ad audiendam, de Rescript. post Alb. in c. In causa, de Causa possess. & propriis. Verùm si strictè sumatur, est id, quod Episcopo ab Ecclesiis in argumentum subjectionis tribuitur; & Cathedraticum appellatur, eo quod ad honorem Cathedralis persolvatur, ut *hic in princ.* Et pro intellectu scias, Cathedraticum, sive Synodicum esse pensionem duorum solidorum aureorum, sive argenteorum, secundum loci consuetudinem, quæ datur Episcopo à qualibet Ecclesia, ut Abb. declarat in c. Conquerente, de Off. Ordin. & d. c. 1. 10. q. 4.

Quò ad Secundum. Exactionis nomen id præferret, quod Petitio, & dicitur respectu eorum, qui ab eo, cui debetur census, ad ipsum Censum recoligendum, præponuntur. Arg. l. 1. C. de Exact. Tribut. lib. 10.

Quò ad Tertium. Procuratio est sumptuum necessariorum exhibitio, quæ Episcopi fit, quotiescunque ipsi visitant Ecclesias; nam tunc Episcopus debet sumptus necessarios recipere. §. Uterius, b. 1. facit c. Cum secundum, de Præbend. cap. Inter cætera. De Off. Ordin. cap. Si Episcopus, De Offic. Ordin. in 6. cap. Cum voluntate, de Sent. excommunic. Et hinc est, quod Episcopus, qui remittit servitia alicujus Ecclesiæ, non tamen intelligitur

M remittit

remittere Procuracionem. *§. Et adeo, b. t. & not. in cap. Eleuterius. 18. q. 2. & in c. Servitium, & inc. Venerabile, cod.* Item nec contra eum currit Præscriptio. *d. §. Et adeo, c. Venerabili, & c. Cum Instamia, cod.*
 Quod si cupis scire, qui possint visitare, hoc colligas ex *§. Visitandi. b. t.* ubi dicitur, quod Episcopus, Archiepiscopus, Patriarcha, Sedis Apostolicæ Legatus, Nuncius, Archidiaconus, & Decanus potest visitare: facit *c. Cum Apostolus, & c. Procuraciones, de Censib. cap. 1. eodem tit. in 6.* Et quod dicitur de Archiepiscopo, habet etiam locum in eum casum, quando Suffraganei non possunt argui de negligentia. *§. Quod autem, b. t. c. Fin. cod. in 6.* Hoc tamen scias, Procuracionem non exigi ab Oratoriis privatis; & si fortè aliqua subest necessitas; tunc potest Episcopus charitativum subsidium exigere. *§. fin. b. t. Pro primo facit c. Fin. cod. Pro secundo facit d. c. Cum Apostolus. §. 1. c.* De hoc subsidio Charitativo habes amplum tractatum per Ranth. Bel-lentinum, ad quem recurras. Et quoniam ille Author est satis antiquus, vide inter modernos Jo: Carol. Antonellum *De Juribus Clericor. lib. 2. part. 6. cap. 17.* in quo plenè, ac doctè tractat de Canonica portione, de Cathedralico, de Subsidio charitativo, de Procuracione, & aliis juribus Episcopalibus, & allegat plurimos Canonistas recentiores.

Quò ad Quartum. Jus Censui imponendi pertinet sine difficultate ad Sedem Apostolicam. *§. Sedes quoque, hoc t.* quoties aliquam Ecclesiam sub sua Protectione re-

cipit, ut *ibi*. Deindè hoc idem conceditur Episcopis, & Ordinariis locorum, si Ecclesias piis locis ritè concesserint, vel exemptas fecerint, nam sibi nomine Pensionis aliquid retervant. *§. Sed nec, b. t. c. Constitutus, de Relig. domib.* Simples autem Sacerdotes non possunt Ecclesias censuales facere. *§. Simpliciter, b. t.* Et nota, quod nec Episcopus potest præter Cathedralicum novum censum imponere, vel veterem augere. *§. Sed nec Episcopus, hoc tit. cap. Sciemer, c. Prohibemus, c. Significavit, & c. Gravis, eodem tit.*

Quò ad Quintum. Census imponi potest ex causa legitima; ut est causa Foundationis, & Donationis, vel Immunitatis indulgæ. *§. Constituitur, b. t. & Hostiens. in Summ. cod. §. Si quis census.* Undè Patrono fundanti Ecclesiam potest constitui Census, ut est text. in *§. Sed, & b. t. c. Præterea, ext. de Jure Patr.* Et ille Census constituitur de consensu Episcopi, *d. §. Sed & c. Et cap. Cum dilectus, de Consuet. & per Innocent. in cap. Quoniam. Ne Præl. Vires suas.*

Quò ad Postremum. Census potest constitui; aut Tempore Foundationis, aut Consecrationis, aut Donationis, aut Tempore Immunitatis indulgæ. *§. Constituitur, b. t. d. cap. Eleuterius. 18. q. 2. & per Hostiens. in sua Summa. §. Si quis Census, eodem tit.* Præter hæc tempora Census non constituitur, nec vetus augetur, nisi magna ex causa; ut in *cap. Præterea, de Translat.*

TIT. XXII.

De Capellis Monachorum.

Quoniam ad Titulum de subjectione Ecclesiarum iste quoque pertinere videtur; & quia Monachorum Capellæ subiectæ sunt Ordinariis; ob id nunc de hac materia tractatur; & videbimus:

1. Quid contineatur sub nomine Capellæ?
2. Cui subsint Capellæ Monachorum?

Quod ad Primum. Ut omittamus varias huius nominis significationes, dicendum est breviter, quod tamen propriè Capella parvum locum præferre videatur, in quo sacra peraguntur. *c. Conceditur, de Consecr. d. 1.* seu locum, aut Oratorium non consecratum, ut monet Glos. in *d. c. Concedimus*; nihilominus nomen Capellæ in hoc titulo id significat, quod nomen Basilicæ, seu Ecclesiæ; vel designat Ecclesiam illam, cujus habitatio ad Monachos pertinet, *cap. 1. extr. cod. tit.*

Quod ad Secundum. Licet Monachi habeant Jus præsentandi in his Ecclesiis, quibus animarum cura est connexa, *cap. Sicut, De suppl. negl. Pralat.* Attamen ipsamet Ecclesia Episcopo subesse intelligitur, nec debet à Monasterio regi; ut *bic in princ. & in d. c. 1.* In tantum ut possit Episcopus, si fortè Monachus aliquis prætextu regendi Ecclesiam solus degat, cum ad Monasterium repetendum compellere, vel alios associare, *cap. Fin. extr. cod.* Et debet Ecclesiæ ipsi eligendo Capellanum providere, qui curam gerat, & regat Ecclesiam:

& hic à Jurisdictione Episcopi dependeat, ut *bic, & d. cap. 1.* Quinimodò & Monasteria ipsa, si exempta non sunt, ipsismet Ordinariis locorum subesse intelliguntur. *§. Fin. b. t.* Et notatur in *cap. Quod nuper. De Major. & obed.* Ubi Glos. dicit, per hoc Abbates cogi venire ad Synodum. Id tamen est verum, quod si sunt Capellæ à Monachis fundatæ, quemadmodum habet Episcopus in ipsis spiritualia; ita Abbas Monasterii temporalia: eo excepto casu, si fortè Episcopus suum Jus cessisset, quia tunc Monachi spiritualia, & Temporalia habent. *c. Visis. 16. q. 2. & ita Gossic. in sua Summ. cod.* Nota tamen, quod de Consuetudine, quæ secundum Abbatem valet, Monachus potest habere curam illius Monasterii, in quo habitat; annuente Glos. *bic*. Hodie verò Monachus potest exercere Curam animarum in Ecclesia, quæ sit de Mensa Monasterii, dummodò sit approbatus ab Episcopo, cui in omnibus, & per omnia remanet subiectus in concernentibus ipsam Curam animarum; ut scripsi in meis Discordiis Forensibus *De Regularib. Discord. 40. num. 3.* ubi DD. & ulterius Monachus Curatus non potest pro famula habere secum mulierem; sed est obligandus tenere secum socium alium Monachum ex Decretis Sacræ Congregat. quæ retuli in *Discord. 46. de Regularib.*

TIT. XXIII.

De Religiosis Domibus.

Post Titulum præcedentem, in quo actum est de Capellis Monachorum, quæ sunt loca Religiosa particulariter; nunc subnectit Author hunc titulum, in quo in genere tractat de Religiosis Domibus. Et videbimus:

1. Quid nomine Domus Religiosæ significetur?
2. Cui Domus Religiosæ subsint?
3. Cujus Auctoritate sint construendæ?
4. Ad quæ locorum Rectores teneantur?

Quò ad Primum. Appellatione Domus Religiosæ continentur omnia loca destinata ad pios usus, quocunque nomine censeantur. c. *Xenodochis*, ext. cod. & c. *de Episc. & Cler. l. Orphanotrophos*, & l. *Omnia*. Cujusmodi sunt *Xenodochia*, in quibus pauperes Peregrini recipiuntur. *Orphanotrophia*, ubi parentibus orbatu nutriuntur. *Bothotrophia*, ubi aluntur infantes pauperum. *Nosocomia*, ubi ægroti curantur. *Gerontocomia*, ubi senes aluntur, & similia, ut habetur *hic in princip*. Et de significatione harum vocum vide Hostiens. in *Summa*, cod. & notatur in c. *In qualibet*. 24. q. 8. & in d. l. *Omnia*, generaliterque omnia ista Hospitalia vocantur. Item Oratoria, quæ aliqui ex devotione in propriis domibus auctoritate Episcopi constituerint, loca religiosa sunt, c. *Oratorium*. 42. d. cap. *Quidam*. 19. q. 2.

Quò ad Secundum. Domus Religiosæ construendæ sunt Auctoritate Episcopali, cap. *Quicumque*.

16. q. 1. Et cum solemnitate, de qua in c. *Nemo Ecclesiam*. De Consecr. d. 1. & in *Auth. de Eccles. Tit. 5. Si quis autem voluerit*, collat. 9. De qua dictum est supra in tit. de Constr. & repar. Eccl.

Quò ad Tertium. Loca ista, & ædificia pia subsunt Episcopis, & debent regi, ac dirigad illos usus, ad quos fidelium suadente pietate, gratia, & eorum causa sunt ordinata. Nec postquam hujusmodi loca ad hospitalitatis usum, & pauperum provisionem sunt deputata, ad profanos usus converti poterunt; ut *hic in princ. cap. Nulli liceat*. 12. q. 2. cap. *Nulli*, ead. caus. qu. 1. cap. *Municipia*. De rer. permitt. cum similibus. Quò si ad alium usum convertantur, debet intervenire auctoritas Summi Pontificis, cum hic sit unus casus reservatus Papæ, c. *Quod Translationem*. De Off. leg. Vel Ordinariorum, ut *sess. 22. de Reformat. c. 6. in Conc. Trid.* Cum in hoc habeantur pro ipsius Sedis Apostolicæ Legatis. Sed tamen verum est, quòd si sunt ordinata, & constructa à Laicis sine Episcopi auctoritate, à Laicis etiam reguntur, cap. 18. *sess. 22. De Reform.* Verum si Laici in administrando fortè sunt negligentes, hoc casu Episcopus tanquam executor à Lege ordinatus, providere debet, ut talia loca rectè gubernentur. d. cap. 8. & cap. *Irrefragabile*, de Offic. Ordin. Advertendum tamen est, quòd ea, quæ hucusque dicta sunt, non habent locum in Hospitalibus Religiosorum, aut militarium Ordinum, quia in his certæ Regulæ, & Constitutiones sunt traditæ, quæ ad unguem ab illis sunt servandæ.

dæ. §. *Prædicta*, b. t. *Clem. in §. Præmissa*, cod. Cæterum si aliquod Hospitalis sit, vel Altare habens cæmeterium, & Presbyterum celebrantem, & Sacramenta ministrantem, tunc antiqua consuetudo est observanda. §. *fin. b. t. concordat. 24. qu. 1. cap. Pudenda*, & *Clem. 1. de Privilegiis in fin.*

Quò ad Postremum. Loca illa, quæ fortè sunt constructa sine Episcopi auctoritate, sunt viris providis, & ejus ordinis, quos bona prædicta in alios usus convertere præsumptio non existat, committenda. §. *ult. b. tit. Clem. 2. §. 1. cod.* Qui postquam sunt electi ad hujusmodi regimen, debent ad similitudinem Tutorum, & Curatorum juramentum subire de utilibus faciendis, & inutilibus omittendis. Ac insuper debent inventarium conficere de bonis ipsorum locorum; ac demum singulis annis debent rationem reddere de administratione. §. *Ut autem*, b. t. §. *Cononomos*, in *Aut. de Sanct. Episc.* & in *d. Clem. 2. §. 1. cod.*

TIT. XXIV.

De Sepulturis.

Superiori titulo dictum est de Religiosis Domibus, verum quia etiam Sepultura dicitur locus Religiosus, ob id post titulum præcedentem sequitur iste, in quo videmus:

- 1 *Quid significet Sepultura?*
- 2 *Quibus in locis constitui debeat?*
- 3 *A quibus possit constitui, & eligi?*
- 4 *Qui possunt Sepulturæ tradi?*

Quò ad Primum. Sepulturæ

verbum dupliciter capitur: in primis significat locum, in quo corpora mortuorum collocantur; secundo modo officium sepeliendi præfert. Sed in hoc titulo accipitur pro loco illo, in quo Cadavera sunt deposita, vel deponenda; ut per Gloss. *hic in princ. & in c. pen. cod.* Et nota, quòd quatenus dicitur officium, quod impenditur sepeliendis, non potest vendi. *c. Non satis, de Simon. c. Præcipiendum. 13. q. 2.* Idem est si accipiamus Sepulturam pro terra, in qua corpora sepeliuntur, namque si sit de cæmeterio, non potest vendi. *l. Quæ religiosæ, ff. de Rei vendit.* Quando verò accipitur pro tumba marmorea, vel lapidea, tunc si pura sit, potest vendi, secus verò si sit aliquis in ea sepultus, quia per hoc facta est locus religiosus, *l. 2. ff. de Relig. & sumpt. funer. c. Postquam. 13. q. 2.*

Quò ad Secundum. Antiquitus quocunque in loco Sepulturæ erigebantur. §. *Religiosum. Inst. de Rerum divis.* Sed postquam floruit Christiana Religio, Sepulturæ eriguntur in locis religiosis, ut *hic in princ. Hujus autem Rei tres redduntur rationes.* Prima est, quia Defunctorum corpora minus vexantur à spiritibus immundis; in Sepulturis etenim dicitur esse requies mortuorum. *c. Avum. 12. q. 2.* Secunda ratio est, quia mortui dicuntur muniti patrocinio illius Sancti, cujus nomini dicata, & consecrata est illa Ecclesia, in qua corpora conquiescunt. *c. Non aestimamus, in fin. 13. q. 2.* Tertia est, ut fideles viventes facilius mortuorum recordentur, & sic pro eis pias fundant preces. §. *Accedit. b. t. c. Cum gravi. 13. qu. 2.* Et hinc est, quòd

quòd Sepulturæ antiquitùs colloca-
bantur, ubi frequentes erant con-
ventus; ut est textus apertus in *c. Fratrum, ext. cod.*

Quò ad Tertium. Regula est generalis, posse quemlibet sibi Sepulturam eligere, dummodo absit contemptus. *§. Regulariter, boc t. c. Contemptus. 13. q. 2.* Ab hac regula excipiuntur nonnulli.

Primò excipitur Religiosus, quia in hoc voluntatem non habet, sed debet humari apud proprium Monasterium. *§. Impuberi, b. t. c. fin. eodem. lib. 6.* nisi Religiosus moriatur in aliquo loco remoto, itaut non possit commodè ad proprium Monasterium deferri. *d. §. Impuberi.* Hoc enim casu poterit, secundum magis communem, Sepulturam sibi eligere, & ita substat opinio Hostiensis in *c. Nimis, il primo, de Excessibus Prælat. & Abb. ibid. & in cap. Ut Privilegia, de Privileg.*

Secundò excipitur Impubes cum Furioso, qui consensu carent. *cap. Licet, eod. in 6.* Impuberi enim si consuetudo id patiatur, Pater eligat sepulturam, aliàs in Parochiali Ecclesia cum suis majoribus sepeliendus est. *§. De filiosam, boc tit. d. c. Licet.* & de hoc vide pulchram Decisionem in meis Discordiis de Jurisdictione, Discord. 28. Cæterum si quis non electa Sepultura decesserit, sepelitur in Ecclesia Parochiali, vel ubi sunt ejus majores. *d. §. Regulariter. c. Placuit. 13. q. 2. & c. 1. e. tit. eap. Licet.* Quòd observatur etiam si quis extra Urbem decesserit. *§. Illud, boc t. concord. cap. fin. in 6.*

Quò ad Ultimum. Regula itidem est generalis, omnes posse Se-

pulturæ tradi, nisi speciali ratione quis prohibeatur. Prohibentur verò, primò Excommunicati, Hæretici, Pagani, Judæi, Usurarius, & qui sibi ipsi mortem conscivere. *c. Is cui, de Sent. excommunic. in 6. d. c. Eos, eod. c. Ecclesia, cum seq. de Consecrat. d. 4. cap. Quia in omnibus, de Usur. cap. Placuit, 23. q. 8. & c. Ex parte, eod.* Nota nihilominus, quòd si per Excommunicatum non steterit, quo minùs ad Ecclesiam reverfus sit, Sepulturæ traditur; ipseque post mortem absolvitur. *c. Qui recedunt. 26. qu. 6.* Prohibentur præterea qui violentas manus Ecclesiasticis personis injecerunt, Homicidæ, Incendiarii, aut Ecclesiarum violatores, Incaestuosi. *c. fin. eod. Item Blasphemi. c. Statuimus, de Maled. Et denique prohibentur hi omnes, qui pro manifestis criminibus sunt condemnati. d. c. fin. nisi resipuerint, fuerintque reconciliati. Abb. in d. c. fin. & c. Ex tenore, de Sent. excommunic. §. Sed hæc, boc tit.* Quòd adeò verum est, ut hujusmodi personæ non debeant sepeliri in loco religioso, & si qui fuerint sepulti, si dignoscantur eorum ossa ab aliorum corporibus, debeant exhumari, proculque jactari à Sepultura. *§. Et si contigerit. b. t. & Abb. in cap. Sacris, in fine, ext. cod.* Et qui in contemptum Ecclesiæ hujusmodi personas in cœmeterio Ecclesiastico sepelierit, excommunicatur. *§. Si quis autem, boc tit. Clem. 1. eod.* Ex jam dictis colligas, corpora punitorum, poenitentium tamen, posse Sepulturæ tradi. *§. Ex his, boc tit.* Deus enim non judicat bis idipsum; facit *Clem. 1. de Poenit. & Remiss.* Quinimodò & si quis deprehensus sit in crimi-

ne, & fuerit vulneratus, dummodo confiteatur, si iisdem vulneribus mortuus fuerit, non privatur Sepultura. §. *Quin etiam. hoc nostro tit. cap. Fires, cum seq. 17. quest. 2.* Quamvis statuatur aliud in eo, qui se defendit, & interfectus est in crimine. c. *Ex parte. il 2. cod. c. de Occidendis. 23. q. 9. cap. 2. de Furt.* Et in fine notandum est, quod pro Sepultura Clerici nihil excipere possunt. §. *fin. b. r. c. Abolenda. ext. cod. & c. Quando. & cap. Dilectus. & c. Ad Apostolicam. & c. Non satis, de Simon.* Porro Intorticia, & alia emolumenta Funeralia dantur Parochis in sepeliendis Defunctis, circa quæ servatur loci consuetudo, ut dixi in iisdem Discordiis Forensibus de *Jurisdictione, Discord. 18. in fin.* Et cum his finis sit huic Titul.

T I T. XXV.

De Canonica Portione.

Quoniam sæpissimè evenit, ut quis aliam eligat Ecclesiam, quàm Parochialem, quo casu Parochialis Ecclesia quartam detrahit de relictis illi Ecclesiæ, in qua quis Sepulturam elegit, ob id de hac Quarta in hoc titulo tractatur, quæ Canonica dicitur Portio: circa quam videbimus:

1. *Quid sit Canonica Portio?*
2. *Quotuplex?*
3. *Ex quibus rebus debeatur?*
4. *Cui debeatur?*
5. *A quibus?*

Quò ad Primum. Sic describitur Canonica Portio *hic in princ.* ut sit illa pars, quæ de relictis, & pro-

ventibus Ecclesiæ obvenientibus detrahitur; & Prælaris debetur. Et in definitione adest Verbum *obvenientibus*, ut comprehendatur etiam illud, quod alia via, quàm ultimæ voluntatis in Ecclesiam confertur. c. *De bis. De Sepult.* Hæc autem Canonica Portio, quandoque est dimidia. c. *Antiquos. 10. q. 1. & c. 2. de Sepult.* Quandoque Quarta, ut *hic. & c. Cum supr. de Sepult. 12. q. 1. c. Viterana. & c. Consequente, de Offic. Ordin.* Et hoc magis communiter tenetur; ut per Abb. in c. *Requisivisti. de Testam.* Verùm hoc determinatur per consuetudinem locorum, quæ vel auget, vel minuit hanc portionem. c. *Certificari. de Sepult. & in §. 2. in fin. hoc tit.*

Quò ad Secundum. Duplex est hæc portio, *Parochialis, & Episcopalis.* Prima est illa, quæ debetur Parochiali Ecclesiæ, vel ipsius Rectori, aut Curato: Etenim decretum est, ut cùm quis sibi eligit Sepulturam in alia Ecclesia, quàm in Parochiali, in qua audit divina Officia, & accipit Sacramenta, ne Curatus quasi fraudetur debitis subsidiis, debetur illi Quarta pars eorum, quæ à Defuncto relinquuntur illi Ecclesiæ, in qua Sepulturam eligit. Vel fortè minor, vel etiam major portio debetur secundum consuetudinem loci. d. c. *Cum super. & c. Certificari. §. Sciendum. b. n. tit.* Et non debetur hæc Portio tantum pro Sepultura, & sic ex causa ultimæ voluntatis; verùm etiam si dederit, dum erat infirmus, vel infirmus Religionem est ingressus, dummodò is de tali ægritudine decesserit. §. *Sed etsi. b. tit. c. De bis. de Sepult.* Secus verò est si sanus hoc fecerit. d. c. *De bis. Epi.*

Episcopalis Portio est illa pars, quæ de relictis alicui Ecclesiæ pro anima, ab Episcopo deducitur. §. *Canonica*, *boc eodem*, nisi quadragenaria præscriptio obstat. c. *De Quarta. de Præscript.* Et nota differentiam inrer Parochialem portionem, & Episcopalem: quia illa detrahitur tantùm in illo casu, quando aliis Ecclesiis aliquid à defuncto relictum est, ut dixi; Hæc verò detrahitur de relictis cuilibet Ecclesiæ. d. §. *Canonica*.

Quò ad Tertium. Regula est generalis ex omnibus rebus eam deduci, nisi aliquid pro fabrica, pro luminariis, pro anniversario, pro equis, vel Armis contra infideles exercendis, vel aliàs ad perpetuum cultum divinum, vel particulari personæ legatur. Hæc enim omnia non subjacent canonice Portioni, nisi hac machinatione factum fuerit, ut Parochialis Ecclesia fraude-
tur. §. *Sent tamen. boc tit. c. In nostra. de Sepult.* Ultra quæ sunt alia, quæ in hanc non veniunt Portionem, de quibus loquitur *tex. in c. fin. ext. de Testamentis*. Et hoc procedit tam in Parochiali, quàm in Episcopali Portione. §. *fin. boc tit.* Et hæc æquiparatio colligitur ex d. c. *fin. de Testam.*

Quò ad Quartum. Uti ex jam dictis apparet, debetur Portio Parochiali Ecclesiæ, in qua quis divina percipit. §. *Dubitari. b. t.* Quòd si quis duo haberet domicilia sub duabus Parochiis, & in tertia elegerit sepeliri, Quarta est æqualiter dividenda. §. *Quod si is, b. t. cap. 2. de Sepult. in 6. Abb. in cap. 1. de Sepult.*

Verùm quia in §. *Sed istud*, dicitur, quòd Minores, & Prædica-

tores de omnibus obvenientibus quacunque ex causa tenentur solvere Portionem Parochialem, sciendum est, eam esse illius decisionis rationem, quia Ecclesiæ Parochiales sustinent magna damna propter Privilegia concessa ipsis Fratribus, ut in *Clem. 2. §. Verum. de Sepult.* Et per Abb. in d. cap. *fin. in fin. de Testamentis*, ubi dicitur, quòd hoc hodie est prorogatum ad Fratres Sancti Augustini, & Carmelitanos. Deinde debetur de relictis Ecclesiæ Episcopo, & Ecclesiæ de relictis Episcopo. d. §. *Canonica. cum seq. boc tit.* Quamvis hoc hodie non servetur de facto secundum Abb. in d. cap. *fin.* Est autem differentia inter primum, & secundum Casum: Quia in primo casu Testator non potest prohibere detractionem canonice Portionis. d. §. *Canonica. & c. Requisisti. de Testamentis*. In secundo verò casu potest. §. *Item. boc tit. d. c. Requisisti*. Ratio autem differentie est, quia quando relinquitur Ecclesiæ, quamvis apponatur taxativa tantùm, nihilominus Episcopus non excluditur, quia in relicto continetur, cùm ipse sit caput Ecclesiæ. cap. *Novit. de bis, quæ sunt à Præl. sine consensu Capit.* At cùm relinquitur tantùm Episcopo, quia intuitu personæ, non dignitatis intelligitur relictum, idcò non magis Ecclesiæ Portio aliqua debetur, quàm si cuilibet privato fuisset aliquid relictum: Et ita notatur in d. cap. *Requisisti*, ubi vide, cùm sit pulcher *tex.* In dubio autem sic proceditur, quòd si à conjuncto fuerit Episcopo relictum aliquid, canonica Portio non debetur Ecclesiæ, secus verò est si ab extraneo. §. *Sed in hac. b. n. t.*

b. n. t. d. cap. Requisti, de Testam. c. 1. 12. qu. 2. Quod si conjunctim Episcopo, & Ecclesiæ relinquitur, fit divisio. Si verò Ecclesiæ una res, & Episcopo alia sit relicta, tunc etiam æqualis fit divisio, nisi in hoc secundo Casu ambo relictis sint contenti. *§. Quod si, b. t. d. c. Requisti. 13. q. 2. c. fin.* hoc tamen non intelligitur de Ecclesiis inferioribus, ut videbimus.

Quò ad Postremum. Ex jam dictis patet, Portionem istam deberi ab Ecclesia Ecclesiæ, & ab Episcopo Ecclesiæ; & ab Ecclesia Episcopo. Est tamen sciendum, quòd ista Portio Canonica non debetur ab Episcopo Ecclesiis inferioribus: Unde si legetur Episcopo, & capellis, vel Monasteriis, aut aliis piis locis, hoc casu, quòd Episcopo legatur, ejus præcipuum est cum Cathedrali Ecclesia, & de illis, quæ aliis locis legantur, portionem Canonica nihilominus obtinebit: Quod idè constituitur, quia non est tanta communio inter Monasteria, & Capellas, quanta inter Cathedralam, & Episcopum. *§. Secus autem, hoc tit.* Sed an hoc procedat in Parochiali? tractat Imol. in Clem. dudum, de Sepult. & Abb. in c. Officii, de Testam. qui tenet pro negativa, apud quem vide; & hoc quod supra dictum est, habet locum, nisi testator in hac dispositione dixerit, quòd Episcopus relictis debeat esse contentus, quia hoc casu dispositio testatoris attenditur, nisi fraus, vel dolus fuerit commissus. *§. Hoc autem, cum seq. b. t.* Et tandem nota, quòd si alicui, puta Canonico alicujus Ecclesiæ aliquid relictum sit, sive à propinquo, sive ab extraneo, non intuitu Ecclesiæ, sed personæ

intelligitur esse relictum, nisi contrarium probetur; & idè hoc casu Episcopo non debetur portio, ea ratione quia nec prælationem, nec administrationem Ecclesiæ habet. *§. Illud etiam, b. t. d. c. Requisti, b. t.* De hac materia tractat Petr. de Perus. in suo tractatu de Canonica Episcopali, & Parochiali, in 2. part. c. Quoniam autem, & c. Vemo ad quintum, & Petr. de Ubald. in suo tract. de Canonica Parochiali, c. 5.

TIT. XXVI.

De Decimis.

Quoniam Ecclesiis non solum debetur Canonica Portio, sed etiam Decimæ; idècirò nunc de Decimis tractatur: & ex principio hujus tituli nota, quòd Decimæ mediam quindam naturam obtinent inter spirituales res, & temporales. Et circa tituli explicationem videbimus;

- 1 *Quid sit Decima?*
- 2 *Quo Jure Decimæ sint introductæ?*
- 3 *Quot Decimarum species?*
- 4 *Quarum Rerum Decimæ debeantur?*
- 5 *Qui Decimasolvere debeant?*
- 6 *Quibus Decimæ sint solvendæ?*
- 7 *Quomodo solvendæ sint?*
- 8 *Ad quid non solvens Decimas teneatur?*

Quò ad Primum. Decima, si vim verbi inspiciamus, nihil aliud est, quàm illa Portio, quæ prima post nonum numerum succedit; sed secundum Tituli nostri materiam Decima potest describi, ut sit Portio bonorum Mobilium Deo

N tam

tam Divina, quàm humana constitutio-
ne debita. *S. Decima. b. t. c. 1. & c. Paro-
chianos. 16. q. 1. c. Tua, il se-
condo, ext. cod.* Vel potest dici Om-
nium bonorum legitimè quesitorum quo-
ta pars Deo divina Constitutione debi-
ta. Tholof. in suo *Tractat. Syntagm.*
Jur. lib. 2. cap. 22. n. 1. Et dicitur
Quota simpliciter ex eo, quia in ea
constituenda attenditur loci consue-
tudo. *cap. Ad Apostolicæ, & cap. In
aliquibus, ext. cod.*

Quò ad Secundum. Ecclesiasti-
cæ Decimæ, de quibus nunc loqui-
mur, sine aliqua difficultate sunt
Jure divino introducæ; & varia
sunt in sacris paginis loca, quæ id
probant, & hinc dicitur in descri-
ptione hic tradita Divina Institutione
Decimas deberi, *d. cap. Paro-
chianos, extr. cod.* & si adjicitur etiam huma-
na, Verbum illud respicit necessi-
tatem hominibus impositam eas
solvendi, non autem principium,
aut originem, quoniam hæc est Ju-
ris Divini. Hinc in Exodo *cap. 22.*
*Primitias tuas, & Decimas tuas non
tardabis reddere; & in c. 27. Levitici:*
Omnes Decime terre siue de Frugibus,
siue de Pomis arborum Domini sunt, &
illi sanctificantur.

Quò ad Tertium. Duæ præci-
puæ sunt species constituendæ; E-
nimverò Decimæ vel *Profane*, vel
Ecclesiasticæ existunt. *Profane* sunt
species quædam tributì à legibus
impositi, de quibus loquitur *textus*
in l. 3. C. de Metalar. lib. 11. Ecclesi-
asticæ autem ratione religionis sunt
debitæ, & propter Ecclesias, at-
que Ecclesiasticas personas, & de
his nunc agitur, quæ adhuc in duas
species dividuntur; Quoniam ali-
quæ Personis laicis debentur ex
fructibus Ecclesiasticis, uti sunt il-

læ, quæ conceduntur per Summos
Pontifices Christianis Principibus,
ut impendant pro Christianæ Re-
ligionis utilitate contra infideles;
& de his, quando Pensionarii te-
neantur contribuere sex pro cente-
nario, non obstante exemptione
à Decimis suarum Pensionum, vi-
de meas *Discordias Forenses de*
Jurisdictione. Discord. 1. ubi plenè
de obligatione Pensionariorum sol-
vendi Decimas per Papam concessas
Serenissimæ Reipublicæ Vene-
tæ. Aliæ verò sunt illæ, quæ de-
bentur Ecclesiis, & Ecclesiasticis
personis, & de his propriè nunc
tractatur. Istæ autem rursus divi-
duntur in tres species, quoniam
aliæ sunt *Prædiales*, aliæ *Personales*,
aliæ *Mixtæ*.

Prædiales sunt illæ, quæ ex fru-
ctibus Prædiorum debentur, ut de
vino, tritico, frumento, & his si-
milibus. *S. Decimarum, hoc nostro*
tit. c. In aliquibus, & c. Ad Apostoli-
cæ, cod.

Personales sunt, quæ solvuntur
ex his proventibus, qui ex propria
cuique solertia, & industria obve-
niunt, ut puta de negotiatione,
artificio, & militia. *cap. Pastoralis,*
extr. cod. d. S. Decimarum, & c. De-
cimæ, 16. q. 1. & in Deuteronom.
cap. 12. inquit tex. Decimas, & Pri-
mitias manuum vestrarum, & vota,
atque donaria, & primigenia bovum,
& ovium offeretis.

Mixtæ sunt, quæ debentur ha-
bita ratione eorum, quæ ex præ-
diis partim proveniunt, partim ex
industria personarum; ut sunt De-
cimæ debitæ ex animalibus in eo
loco, ubi pascuntur, ex quo ali-
menta percipiunt ex loco, & à per-
sonis custodiuntur; & hoc tenet
Ho-

Hoftienf. in *Summ. cod. §. Quot sint ejus species*, per *cap. Commissum*, eodem. Gloss. tamen hic in verbo similis videtur tenere, quod sint merè prædiales; & idem tenet Goffred. in *Summ. cod. tit. num. 3.* per multas rationes, & hoc mihi probatur.

Quò ad Quartum. Hic regula generalis est constituenda, Decimas solvendas esse de omnibus Rebus; De vino, grano, Arborum fructibus, de Pecoribus, de Venationibus, Negotiationibus, ac denique de omnibus rebus, quæ justè adquiruntur. *§. Eadem ratione*, b. 1. c. *Pervenit*, c. *Nuncios*, c. *Tua*, c. *Ex parte*, *cap. Ex transmissa*, *cod. c. Decimæ*. 16. q. 1. An autem etiam de illicitè adquisitis debeant solvi Decimæ? tractat Glossa. 14. qu. 5. in principio, & Gloss. etiam in d. *cap. Decimæ*. Sed utrùm Decimæ sint recolligendæ in Campis, vel accipiendæ ex horreis Dominorum? Et an Decima sit habenda ex campis sativis, si redigantur prativis? Vide d. *Discordias Forenses*, de *Jurisdict. Discord.* 47. ubi etiam de fructibus hortorum.

Quò ad Quintum. Hic alia Regula est constituenda, omnes teneri, nisi speciali Privilegio quis sit exemptus. *§. Illud etiam*, *boc tit.* etiamfi Rex sit, secundùm Abbatem in c. *Omnes*, de *Major. & obed.* Nulla obstante temporis Præscriptione, c. *Causam que*, de *Præscriptionib.* facit c. *Anobis*, *cod.* Christiani autem ad prædiales, & personales tenentur. *§. Inter eos*, *boc tit.* Judæi autem, qui & ipsi Decimas solvunt, tenentur solummodo ad Prædiales. d. *§. Inter eos*, *cap. De terris*, *cod.* Et idem procedit in Monachis, & communiter

viventibus, qui ad Prædiales tantum tenentur. *§. de Monachis*, *boc cod. c. Decimæ*. 16. q. 1. d. c. *Commissum*, & c. *penult. cod.* & c. *Cunctis*. §. 1. 16. q. 1. Et has Prædiales solvunt etiam de prædio novali. Novale autem prædium est, quod nunc primùm præcisum, & nuper ad culturam redactum est. c. 1. de *Verb. signific.* *§. Est autem*, *boc tit. d. c. Commissum*, & d. c. *penult. c. 1. & cap. Per novale*, de *Verb. signific.* & c. *fin. de Privileg.* Item hoc procedit etiam in his prædiis, quæ Monachi de novo acquisiverunt, & propriis manibus excolunt. *§. Sed et si*, *boc tit.* Nisi speciali Jure in iis sint exempti, c. 1. *§. Caterum*, & *§. fin. cod. in 6. facit Clem. 1. cod.* Huic tamen Privilegio præjudicatur per Sententiam, vel per Præscriptionem Quadragenariam. *§. Sed nec*, *boc tit. c. Accedentibus*, de *Privileg. cap. de Quarta*, de *Præscript.* Et nota, quod isti Privilegiati solvunt Decimas in prædiis conductis. *§. Super Decimis*, *boc tit. c. Dilecti*, *cod.*

Et quantum spectat ad Privilegium concedendum super Decimis non solvendis scias, hujusmodi Privilegium non posse concedi à laicis, etiam ab Imperatore, sed solummodo à Summo Pontifice. *§. Generaliter*, b. 11. c. *Tua*, it primo, *cap. Dudum*, & c. *Prohibemus*, *cod.* Quinimodò qui de manu laicorum decimas retinere præsumperit, Sacilegi crimen incurrit. d. *§. Generaliter*, d. *cap. Dudum*.

Sed si Decimæ tributum sunt animarum egentium, & eas in signum universalis Domini sibi Deus retinuit. d. c. *Decimæ*, & *cap. Tua nobis*, *cod.* & constitutione divina debentur,

tur, ut supra; quomodo potest Papa concedere Privilegium de non solvendis Decimis contra præceptum Divinæ Legis, contra quam dispensare non potest, immò eam usque ad animam, & sanguinem, debet defendere? c. *Sunt quidem*. 25. q. 1. & dist. 5. in princ. & cap. *Quæ contra*, d. 4.

Respondetur, quòd Papa non dat alicui Privilegium de non solvendis Decimis, sed concedit alicui administrationem decimarum, ut inde suscipiat sustentationem, & alimenta; residuumque convertat in usus Pauperum.

Quòd ad Sextum. Personales Decimæ illi Ecclesiæ solvuntur, in qua percipiuntur Sacramenta. §. *Inter Personales*, b. 1. c. 2. de *Sepultur.* in 6. c. fin. de *Paroch.* Prædiales verò solvi debent illi Ecclesiæ, in cujus territorio prædia sita sunt. d. §. *Inter Personales*, d. c. fin. de *Paroch.* & in c. *Ad Apostolicæ*, eod. & ubique notatur. Glossa in c. *Omnes Principes*, de *Major. & obed.* Nul contrarium per Consuetudinem sive introductum, d. c. *Ad Apostolicæ*, c. *Cum sint*, eod. Et percipiuntur Decimæ ab Ecclesiis, vel Sacerdotibus, cap. *Reverimini*, c. *Quicumque*. 16. q. 1. Undè collige, quòd Laici Decimarum non sunt capaces, quinimò si de manu Clericorum etiam decimas recipiunt, excommunicantur, & privantur sepultura; & Clericus concedens deponitur. §. *Ex contrario*, b. 1. cap. *Quamvis*, eod. Nisi id Laici obtinuerint ex Privilegio à Summo Pontifice, qui Laicum potest reddere capacem Juris spiritualis, c. 2. & ibi not. de *Jud.* & hoc notatur in d. c. *Anobis*, extr. cod. Quinimò illum textum aliqui ita in-

telligunt, ut supra dixi. Reditus tamen Decimarum potest locari etiam Laico, cùm Ecclesiæ conditionem meliorem possit facere. §. *Si quis tamen*, b. 1. c. 2. de *Locat.* Nec tamen intelligas, quòd Jus ipsum percipiendi possit locari Laicis; nam hoc falsum est, ut per Abb. in c. 2. de *Juram. calumn.* & cap. *Pervenit*, de *Arbitr.* Et quòd supra dictum est, intellige, dummodò hujusmodi locatio ad feudum, vel alienationem non videatur extendi. d. §. *Si quis*, & d. c. 2. Et diffusè notatur in c. *Quamvis*, eod. per Gloss. quam ibi Abb. refert ab omnibus approbatam. Illud autem sciendum est, quòd quemadmodum debentur Decimæ Parochialibus Ecclesiis; ita Pars Decimarum à Rectoribus Episcopo debetur, nisi Præscriptio oblit. §. *fin. hoc tit. cap. Conquerente*, ubi traditur de *Offic. Ordin.* & per Abb. in cap. *Cum contingat*, extr. *hoc nostro tit.* ubi diffusè tractat, ad quem de Jure communi Decimæ pertineant.

Quòd ad Septimum. Decimæ Personales solvuntur deductis prius expensis. Prædiales absque deductione expensarum. §. *Item*, cum seq. *hoc tit. cap. Pastoralis*, extr. cod. Et hoc adeò verum est, ut nec impensæ seminis, cujus forè aliàs Decima soluta fuit, deducantur locis supra allegatis. Nec Decima admittit compensationem; undè impensæ factæ pro restauranda re, de qua Decima solvitur, non compensantur. §. *Expense*, *hoc tit.* & hoc procedit, tam in reali, quam in personali Decima, cap. *Non est in potestate*, cap. *Tua nobis*, c. *Cum bomines*, extr. cod. Quinimò nec census deducitur ante Decimam.

cap.

cap. Cum non sit, eod. §. Sed Censur, eod.

Quò ad Postremum. Qui Decimas non solvunt, quæ Deo debita dicuntur, d. §. Sed censur, & supra dictum est, præterquamquod conveniuntur in sæculari Foro, & adstringuntur ad solutionem; tanquam Rerum alienarum invasores excommunicantur, nec oleo delinuntur, nisi prius facta solutione, c. Non sunt. 12. sess. 25. de Reformatione in Conc. Trident. Hucusque dicta ex antiquis Doctoribus collecta sunt. At plurima à modernis Auctoribus tradita de Decimis referunt mea *Erotemata Ecclesiastica* in cap. 113. jucunda, & scitu digna; prout etiam meæ *Decisiones Miscellanæ*. Decis. 16. à num. 10. & seqq. ubi docentur media à Parochis adhibenda, ut populi fideliter Decimas solvant.

TIT. XXVII.

De Rebus Ecclesiæ alienandis, vel non.

Cum suprà titulis superioribus visum sit de Rebus Ecclesiasticis merè spiritualibus, ut sunt Sacramenta; Itemque de Rebus Ecclesiasticis, quæ quodam respectu sunt spirituales, quodam alio respectu sunt temporales, nunc de Rebus Ecclesiasticis merè temporalibus videndum est: Et quoniam est maxima difficultas circa ipsarum Rerum alienationem; ob id nunc de hac materia tractatur; Et pro tituli expeditione videbimus:

1. *Quid Verbo alienationis contineatur?*

2. *Quando possint Res Ecclesiastica alienari?*

3. *Quæ requirantur in eorum alienatione?*

Quò ad Primum. Lata est significatio ista, cum alienationis verbo comprehendatur Venditio, Locatio ad longum tempus, Emphyteusis, Hypotheca, Donatio, & omnis actus, per quem dominium transfertur. c. Nulli, ext. eod. Et in Extravog. Pauli 2. Ambitiose, & l. 1. C. de fund. Dotat. & l. Alienationis. ff. de Verb. signif.

Quò ad Secundum. Regula est generalis, De Jure Civili, & Canonico non posse Res Ecclesiasticas vendi, nec alio modo alienari, si immobiles existant: Si verò Res mobiles sint, ut sunt fructus, & redditus, possunt ad tempus modicum concedi. Clem. 1. in fine, eod. §. Idem Juri, hoc nostro tit. Undè si rei immobilis Ecclesiasticæ alienatio fiat, erit nulla, c. Sine exceptione. 12. q. 2. cap. Hoc jus porrectum. 10. q. 2. l. Jubemus, c. de Sacros. Eccles. & 12. q. 2. per totam.

Excipiuntur tamen hi casus: Primus est casus necessitatis pro debitis solvendis. §. Sed nec, cum seq. hoc tit. d. cap. Hoc jus porrectum. Secundus si Clericus se obligaverit pro Ecclesiæ utilitate, c. penult. & ibi Abb. de Fidejuss. §. Debita, in fine, tit. eod. nostro. Tertius si existente consuetudine aliquid parvi momenti in benemeritum erit collatum; nam tenet hoc casu alienatio. §. Excipiuntur, hoc tit. Abb. in cap. Ceterum, de Donat. cap. fin. de Pecul. Cleric. Quartus est Casus si locus conceditur pro construenda Ecclesia. §. Multò magis, hoc tit. c. In venditionibus. 17. qu. 4. Quintus si tra-

si tractabitur de concedendo in Emphyteusim illud, quod Ecclesiæ non affert utilitatem. *cap. Si quos. 12. q. 2. c. Terrulas, ead. caus. & ibi notata, §. Terrulas. b. t.* Unde eadem ratione potest Episcopus alienare servos fugitivos, qui retineri non possunt. *§. Simili. b. t. c. Fugitivos. 12. q. 11.* Item si Feudum à Vassallo alienatum fuerit, nec Episcopus possit de facili illud recuperare, potest alteri sub conditione recuperandi concedere. *§. Sed & b. t. c. 2. de Feud.* Vel etiam in hoc casu poterit Episcopus alienantis Filium, vel consanguineum, vel ejusdem Feudi Consortem, invettire. *§. Quinimod. b. t. & not. in d. c. 2. de Feud. facie c. Per tuas. de Donat.* Septimus casus, est, si Prælati aliquid Ecclesiæ reliquerit, vel adquisierit; nam hoc casu pro modo relictæ, vel adquisitæ poterit aliquem de familia manumittere. *§. Illud. b. t. c. Consensus. cod.* Octavus si Princeps ex causa permutare voluerit rem, vel majorem, vel æqualem cum re Ecclesiastica. *§. Sed & Princeps. b. t. c. 1. de Rerum permut.* Præter hos casus est alius etiam, quando scilicet ex causa pietatis pro redemptione captivorum, vel alendis Pauperibus fit alienatio. *cap. Sacrorum. 12. q. 2.* ubi etiam enumerantur aliæ causæ. Præter iraque has, & similes causas alienatio interdicta est, nisi quis rem Ecclesiasticam iusto titulo, & bona fide per tempora sacris Canonibus constituta præscripserit. *§. Præterea. b. t.* Excipiuntur tamen Decimæ, & Oblationes. *§. fin. hoc tit. c. Ad aures. c. Vigilanti. de Præscript. c. Placuit. §. Sic etiam. 16. q. 3.*

Quod ad Postremum. Hæc requiruntur: Primò, ut interveniat con-

sensus Prælati, & Capituli. *§. 2. sup. cod. c. Nullus res. 17. q. 4. c. Nullis. cod.* Secundò, ut agatur de Ecclesiæ utilitate. *d. §. 2. cap. Sim. 12. q. 2.* Tertiò, ut interveniat auctoritas Summi Pontificis. *d. §. 2. cap. 2. cod. in 6.* Et hæc omnia fiant cum causæ cognitione. *d. c. 2. & d. Extravag. Ambitiose*, pro cuius vera intelligentia lege mea *Erroremata Ecclesiastica. c. 33. à num. 10. & seqq.* ubi plures difficultates circa illam declarantur. Cætera vide hic per Gloss. & per Goffr. in *Summ. cod.*

TIT. XXVIII.

De Peculio Clericorum, Relictis, & Successionibus eorum.

Actum est suprà de Rebus temporalibus Ecclesiæ, nunc tractatur de Rebus Temporalibus Clericorum: Et videbimus ad tituli explicationem

1. Quid Peculii nomine contineatur?
2. Quid verbum Relicti significet?
3. Quid Successio?
4. Cui quæsit à Clerico acquiri intelligantur?
5. De quibus possit Clericus disponere?
6. Ecclesiæ nomine quid comprehendatur?

Quod ad Primum. Peculium propriè est Patrimonium illud, quod habet Filius, vel servus separatum à rationibus Dominicis, vel Paternis. *l. Deposit. ff. de Pecul.* cuius quatuor sunt species: *Castrense*, quod à Parentibus, vel cognatis, aut etiam aliis penitus extraneis occasione militiæ filiofamilias donatum est; vel quod Filius in Militia acquisivit; de quo est titulus in *Pandectis de Castrensi*.

strensi Peculio; & in hoc filius habet plenum dominium. l. 1. §. *Nec Castrense*. ff. *de Castrenf. Pecul.* Quasi *Castrense* est secundum, quod scilicet acquirit Filius ex Artium liberalium professione; ex publico munere, aut functione aliqua, ex Sacerdotiorum proventibus, ex causarum Patrocinis. l. *Cum oportet*. C. *de bon. que lib.* & Gloss. in §. *Igitur liberi*. Instit. Civil. per quas Pers. nob. *acquir.* Et de his habet locum, quod dictum est etiam de Pecul. *Castrensi*. d. l. *Cum oportet*. Tertium est *Adventitium*, quod Filius familias aliunde quam ex re Patris, vel propter Patrem consequitur; quodque ipsi à Matre, genereque Materno advenit, aut ab aliis quibuscunque causis, quæ ex prospera fortuna ad eum perveniunt. d. l. *Cum oportet*. Vel si quid filio donatum fuerit sui ipsius contemplatione. arg. l. *Socium*. §. *Socius*. ff. *pro Socio*; nam & hoc est *Adventitium*; & in tali peculio Pater habet usumfructum, Filius autem proprietatem. d. l. *Cum oportet*. d. §. *Igitur liberi*. Instit. Civil. Per quas personas. Quod si filius Principali Aulae serviens, vel ex parsimonia propria aliquid acquisiverit, vel ex Principis liberalitate fuerit aliquid consequutus; in his casibus dicetur Peculium quasi *Castrense*. l. *Cum multa*. C. *de bonis, que liber.* Quartum est Peculium *Profectitium*, quod scilicet ex re Patris, ejusve occasione ad Filium proficiscitur. Gloss. in d. l. *Cum oportet*. Et in hoc Peculio nihil habet Filius. l. *Pater*. *de acquir. hæredit.* d. l. *Cum oportet*. d. §. *Igitur liberi*. At in materia tituli nostri erit illud Patrimonium, quod habebit Clericus extra res Ecclesiæ; ut Gloss. *hic*, in Verbo de *Peculio*.

Quò ad Secundum. *Relicti* verbum comprehendit id omne, quod ex quavis ultima voluntate quis consequitur. l. *Si quid relictum*. ff. *de Legat. primo*.

Quò ad Tertium. Successio præferet quemcumque modum, quo quis succedit in id, quod alterius erat.

Quò ad Quartum. Illud sciendum est, quòd inrer bona Ecclesiastica connumerantur ea non solum quæ sunt acquisita, sed illa, quæ quis intuitu Ecclesiæ acquirit. cap. *Relatum*. *de Testam. §. Generale*. hoc tit. Unde si aliquod emat de redditibus, vel oblationibus Ecclesiæ, debet conficere Instrumentum nomine ipsius Ecclesiæ; aliàs si alieno emat nomine, sacrilegium committit. §. *Cum igitur*. b. t. c. 2. cod. c. *Inquirendum*, cod. Non tamen hæc est Præsumptio Juris, & de Jure, sed admittit probationem in contrarium: hæres enim Clerici poterit probare, quòd licet non habuerit Patrimonium, lucratus tamen fuit ex aliquo licito artificio, & ex industria; quo casu non acquirit Ecclesiæ. cap. *Quia nos*, *de Testam.* & Abb. in c. 1. cod. & in v. 3. Et simile est in uxore, quæ licet in dubio præsumatur quælivisse de bonis mariti. l. *Quibus*. ff. *de Donat. inter Vir. & Uxor*. l. *Etiam*. 2. cod. Ista tamen præsumptio recipit probationem in contrarium, ut per Abb. in d. c. 1. Et per Hervir. in Sylva Nupl. lib. 4. & per Alex. *de Præsumpt. reg. 3.* Nota tamen, quòd & hoc casu res empta acquiritur Ecclesiæ, de quo est *tex. in c. 1. extr. cod. & in c. 1. de Testament.* Quòd si Clericus acquirit ex proprio Patrimonio, vel ex propria Persona, ut puta à consanguineis, libi

sibi ipsi acquirit; & de hujusmodi acquisitis disponere potest. §. *De his, b. t. Abb. in cap. Quia nos. de Testam. c. 1. extr. de Success. ab intest.*

Quò ad Quintum. Clericus disponere potest de his, quæ quæsit ex alia occasione, quam ab Ecclesia, ut dudum dictum est. De quæsitis autem ipsi Ecclesiæ potest, accedente iusta causa, disponere per viam eleemosynæ in benemerentes. §. *Licet. b. t. Abb. in cap. Ad hæc. de Testam.* Accedat, quòd Clericus potest tantum legare de bonis Ecclesiasticis, quantum ipse Ecclesiæ contulerit. §. *Item. hoc tit. c. Si quis qualibet. 12. qu. 2.* Quòd si Clerici decesserint intestati, tunc deficientibus Successoribus legitimis, succedit in totum Ecclesia. §. *Quod si, hoc tit. c. fin. 12. q. 5. c. 1. de Success. ab intest. & in §. Si quis Episc. in Aurb. de Eccles. tit.* Et de hac materia, An Clerici de redditibus Ecclesiarum possint testari, disputat egregiè Covarruvias in *c. Cum in officiis. de Testament.* Cæterum, quæ hucusque dicta sunt de Peculio Clericorum procedunt ex tenore antiquorum Canonum: sed nostris temporibus, attenta generali consuetudine Franciæ, Hispaniæ, & Italiæ, licitum est Clericis testamentum facere, & disponere de bonis Eccle-

siaisticis per eos ex beneficiis acquisitis, ut testantur Cevall. *Commun. contra Commun. part. 1. q. 388. n. 38.* Tondut. *Resol. benefic. lib. 1. cap. 95. num. 24.* & Nicolius *Lucubr. Crim. lib. 3. tit. 1. à n. 68.* & seqq. ubi excipit torum Statum Romanæ Sedis, & Regnum Neapolis, in quibus viget Jus Spolii in bonis Clericorum, qui possederunt beneficia, vel Pensiones excedentes Summam Ducatorum triginta Auri de Camera. Hoc autem Jus Spolii est triplex. *Unum* ob dicta beneficia, vel Pensiones. *Alterum* ob negotiationes, seu mercaturas, quas fecisse Clericum constaret. Et *Tertium* circa bona, quæ aliquis Regularis haberet tempore mortis; & de his latè ego egi in meis *Discordiis Forensib. part. 4. de Regularib. Discord. 35.* ubi videas.

Quò ad Postremum. Ecclesiæ nomine non Episcopus, nec Successor in eadem Ecclesia, quam defunctus habuit, significatur; sed communis Congregatio intelligitur in Ecclesiis Collegiatis: quòd si in locum Defuncti unus tantum substitutuendus erit, is bonorum illius Ecclesiæ erit administrator. §. *Nomine. b. t. Abbas in d. c. Relatum.* Et vide *c. Querelam. Ne Præl. Vices suas, &c.*

Institutionum Juris Canonici Libri Secundi

F I N I S.

INSTITUTIONUM JURIS CANONICI. LIBER TERTIUS.

TIT. I.

De Judiciis, & illorum divisione.



ICTUM est suprâ de Personarum, & Rerum divisione, & Jure, nunc juxta ea, quæ præmissa sunt in §. fin. supr. de Ecclesiast. Constitut. videndum est de Judiciis. Et pro tituli explicatione videbimus:

- 1 Quid sit Judicium?
- 2 Quot sint Judiciorum species?
- 3 Quot eorum sint partes?
- 4 Quæ ad Judicium constituendum sint necessaria?
- 5 Quis Judex dicatur?
- 6 Quot Judicium species?
- 7 Qui possint esse Judices?
- 8 Qui possint Judices dare?
- 9 Qui possint esse in Judicio activè, & passivè?
- 10 Quis ordo in Judiciis servetur?
- 11 De quibus rebus Judicium constitat?
- 12 Quomodo Judicium solvatur?

Quò ad Primum. Illud primo loco monendi sumus, Judicii nomen æquivocum esse; etenim significat actionem; ut Judicium familiæ herciscundæ, communi dividundo. l. In Judicio. ff. Fam. hercisc. Item ani-

mi destitutionem. §. 2. Instit. Quibus non est perm. fac. testamentum; interdum sententiam Judicis. l. 1. ff. de Legat. præst. Sed cæteris omnis Judicium significat causæ, ac litis ordinationem; & in hoc sensu hic capitur, & in tit. ext. cod. & in tit. C. & ff. eod. Et potest describi, ut sit *Discussio causæ, quæ rñe fit in Foro coràm Judice, ut hic in princ. Vel dicamus, ut sit Actus legitimus trium personarum, Actoris nempe, Judicis, & Rei, ita Doctores in Rubr. ext. cod. ubi vide de pluribus aliis definitionibus.*

Quò ad Secundum. Judiciorum præcipua divisio est, ut alia dicantur Judicia Divina, ut sunt illa, quæ Deus Omnipotens sine hominis ministerio in hoc, vel in futuro sæculo constituit. Tholosan. in suo Tractat. Syntagmat. juris lib. 47. cap. 4. num. 1. Alia verò judicia humana appellantur, ut sunt illa, de quibus hic intelligimus, & per homines exercentur. Ista verò dividuntur in Sæcularia, & Ecclesiastica. Sæcularia sunt ea, quæ coràm Judice Laico inter personas sæculares exercentur. Marant. in Specul. p. 4. d. 11. §. Summa divisio. hoc tit. Ecclesiastica verò illa dicuntur, quæ coràm Judice Ecclesiastico agitantur inter personas Ecclesiasticas. c. Cum non ab homine. ext. cod.

O

cod.

ead. & c. At si Clerici, d. 5. Summa divisio. Hæc autem Ecclesiastica vel sunt temporalia, vel spiritualia. Spiritualia sunt illa, in quibus tractatur de Re ad animam pertinente. Temporalia, in quibus agitur de Re, quæ ad sæculum spectat. Hanc distinctionem tractat Maranta in *Speculo* m. 13. d. p. 4. Rursus Judicia vel sunt publica, vel privata. Publica sunt, quæ à quocunque possunt institui ratione publicæ utilitatis, ut *tot. tit. Instit. Civil. de Publ. Judic.* Privata, quæ privatæ rei gratia intentantur, l. 1. § *tot. tit. de Privat. Delict.* Accedat, Alia esse Judicia Universalia, in quibus Jus universum alicujus postulatur; alia Generalia, ut tutelæ, pro socio, & similia, nempe quia comprehendunt plura capitula. Maran. d. p. 4. dist. 4. num. 2. Alia particularia, in quibus Res una tantum singularis petitur; ut est Judicium Rei Vindicationis, l. 1. ff. *de Rei Vind.* Marant. in *Specul. d. p. 4. dist. 4.* Vel petitionis hæreditatis, l. 1. ff. *de Pet. hered.* Addamus Judicia alia esse Ordinaria, alia Extraordinaria. Judicia Ordinaria sunt, quæ Jure ordinario, Jurisdictione, & consueto ordine explicantur; & coram Ordinario; eo scilicet, qui suo Jure; vel Superioris beneficio universalem Jurisdictionem exercere potest; ut Episcopus, Archiepiscopus, Legatus, & similes. § *Est & alia, hoc tit. Host. in sua Summa, de Off. Ordin. §. 1.* Et Speculator *ead. tit. in princ.* Extraordinaria, quæ extra ordinem Jurisdictione concessa, seu delegata explicantur. § *Extraordinarium, b. t. c. Quoniam contra de Probat. 3. q. 3. §. Spatium. Vers. ei*

autem. Et Felin. in Rubr. de Off. Deleg. num. 3.

Attamen ordinaria Judicia appellantur ea, quibus opponuntur Judicia Summaria, quæ sunt ea, in quibus proceditur absque subtili observatione Ordinis Judiciarii; & ut vulgò dici solet, proceditur sine strepitu Judicii. § *Rursus, hoc tit. Clement. Dispendiosam, de Judic. cap. Literas, de Juram. Calumn. c. 1. de Dolo, & Contum. cap. Sepè, de Restitut. Spoliat. cum simill.* Ordinaria verò ideò vocantur, quia in iis exquisitè servatur Juris ordo, & omnes solemnitates. § *fin. hoc tit.* Illud postremum addendum est, quòd Judiciorum, Alia sunt Civilia, in quibus tractatur de Rei interesse tantum: Quædam Criminalia, in quibus discribitur de crimine puniendo, & de pœna delinquenti infligenda, ut refert Tholos. in loco *supracit.*

Quò ad Tertium. Quatuor existunt Judiciorum partes, quæ essentielles dici possunt, & sine quibus Judicium non propriè consistit. Litis contestatio, quæ est ejus rei, de qua apud Judicem disceptatur, ab utraque parte facta narratio. Secunda est Publicatio processus, etenim lite contestata, quæ ut plurimum negativè contestari solet, Actor probat suam intentionem, Reus suam exceptionem, examinantur testes, quibus omnibus peractis probata fiunt manifesta; & sic processus publici fiunt, idest aperiantur, & ostenduntur dicta testium. Tertia pars est Conclusio in causa: apertis enim probationibus, partes Jura sua adducunt, & illa producant, quæ necessaria judicant ad propriam probandam intentionem.

entionem; & postquam utraque Pars Iudicem bene instructum opinatur, concludit pro sua intentione. Quarta pars tandem est ipsius litis Decisio, quæ fit per Judicis Sententiam; quandoquidem plenè causa instructa, postquam in causa ipsa est conclusum, Iudex suam profert sententiam, & controversiam decidit secundum ea, quæ in Judicio sunt deducta, & probata, l. *Illicitas*. §. *Veritas*, ff. de *Offic. Presid.*

Quò ad Quartum. Ad Judicium constituendum sunt illæ omnes partes necessariæ, quæ superius fuere relatæ, sed præter eas nonnulla alia exiguntur. Et Primum In jus vocatio; quæ est Interpretatio illa, quæ fit experiundi causa, l. 1. ff. de in *Jus vocat.* Ab hac enim parte incipit actionis propositio; quinimmodò secundum nonnullos, & ipsum Judicium exordium sumit. §. *fin. Institut. Civil. De pana temere litigantium.* Insuper exigitur actionis editio, quæ est exhibitio petitionis ab actore facta; & fit ab hoc ut Reus possit deliberare, an velit cedere, vel contendere. *Amb. Offeratur*, C. de *lit. contest.* Tertio est necessarium, ut adsit Actor, Reus & Iudex: istæ enim tres personæ propriè iudicium constituunt, c. *Forus*, ext. de *Verb. Signif.* l. *Inter litigantes*, l. *Julianus*, ff. *cod.* Ac tandem necessarium est, ut acta confcribantur, c. *Quoniam contra*, de *Probation.* Et hoc fit ab hoc ut Iudex plenè instructo negotio, plenèque discussio, possit quamprimum causam determinare, c. *Jur-gantium*, de *Sens. & Re Judic.* Plura apud Marant. p. 6. per totum.

Quò ad Quintum. Iudex (qui

quasi jus populo dicens vocatur) ille est, qui Jurisdictione propria, aut sibi delegata, aut commissa jus habet, & facultatem inter litigantes cognoscendi, & controversias, seu litigia terminandi, l. *Pe-mult.* ff. *cod.*

Quò ad Sextum. Variæ sunt Judicium species. Etenim Alii sunt Ordinarii, & sunt illi, qui suo Jure, vel Superioris beneficio habent Jurisdictionem universalem, & possunt cognoscere de causis inter subditos propriæ Jurisdictionis, ut est Archiepiscopus, Episcopus, & similes, ut supra dixi. §. *Igitur*, b. 1. arg. c. *Novit. de Legat. Officio.* Qui textus loquitur de Legato, c. *Ut litigantes*, de *Offic. Ordinari.* in 6. Alii dicuntur Extraordinarii, seu Delegati, & sunt illi, qui ex Jurisdictione demandata in causa particulari cognoscunt, ut notatur in l. *A Judice*, C. *cod.* §. *Extraordinarium*, hoc tit. Legistæ in Rubr. ff. de *Off. ejus*; & Canonistæ in Rubr. de *Offic. delegat.* post Host. in sua *Summ. cod.* Secunda divisio est, ut alii dicantur Competentes, & sunt illi, qui propriè Judices existunt, & propriè Jurisdictionem habent; Alii verò dicuntur Incompetentes; & sunt illi, qui è contra Jurisdictionem inter litigantes non habent. Quidam adhuc dicuntur Judices à quibus; & sunt illi, qui cum sint minores Judices sententiam tulerunt, à qua est appellatum, qui nominantur etiam Judices primarii. Nonnulli verò dicuntur ad Quos; & sunt illi, qui in causa appellationis cognoscunt, & majores sunt, & appellationis Judices nuncupantur, l. 1. ff. *Quis, & à quo.* Accedat, alios dici Judices Criminales,

uales, qui de criminibus cognoscunt, quosdam Civiles, qui in causis pecuniariis jus dicunt. Ac tandem nonnulli appellantur *Judices Civiles*, quia causas ad Cives pertinentes decidunt; quidam verò *Militares* dicuntur, qui inter Milites cognoscunt; ut in *Rubr. C. Ut omni. Jud. tam Civil. quam Milit.*

Quò ad Septimum. Regula est Generalis affirmativa constituenda, Omnes posse Judices esse, nisi specialiter ratione aliquis prohibeatur. Verùm nonnulli moribus prohibentur, quidam natura, & quidam lege. Moribus ut Servi, & Mulieres, quia sic usus est receptum, l. 2. l. *Quod atinet, de Regul. Jur.* Natura, qui Judicio pleno manifestè carent, veluti Furiosus, pupillus, surdus, & mutus, quinimò & minor non habens decimum octavum annum prohibetur, nisi vel Partes illum eligant, vel Princeps det, l. *Cum Prætor. de Jud.* ubi Gloss. l. *Quidam de Re Jud.* Ille autem prohibetur lege, qui ob sui turpitudinem Senatu privatus est, l. *Cassius, ff. de Senat.* His exceptis omnes possunt esse Judices, licet ex speciali causa quis tanquam suspectus in causa particulari recusetur: notatur in l. *Aperitissimi* per illum tex. *C. de Jud.*

Quò ad Octavum. Dare Judices possunt illi, quibus hoc conceditur vel à Lege; vel Senatusconsulto. De Jure Canonico dant Judices illi, qui sunt Ordinarii, item etiam Delegatus à Principe (intellige de Principe non recognoscente superiore saltem in temporalibus, ut per Abb. in cap. *Pastoralis, de Offic. delegat.*) potest alteri subdelegare; nisi ipsius electa sit Industria.

S. Possunt autem, b. t. cap. Significasti, & c. fin. de Offic. delegat. l. Inter artifices, ff. de Solut. Attamen circa hoc distingue secundum Abbatem in d. c. *Significasti*. Aut Delegatus à Principe vult delegare ex causa, & non est dubium, c. *Si produbilitate, de Off. deleg.* Aut nulla iusta causa subest; & tunc, aut non facit in fraudem alicujus, sed non vult se implicare litigiis, & potest subdelegare, ac compellere subdelegatum ad acceptandam subdelegationem, cap. *Pastoralis, de Offic. deleg.* Aut malitiosè vult subdelegare, & in fraudem alicujus; & tunc licet valeat subdelegatio, tamen non potest compellere repentem, d. c. *Pastoralis*, secundum intellectum Abbatis. In dubio tamen non præsumitur in fraudem subdelegare, nisi saltem probetur ex conjecturis, ut notatur in d. c. *Pastoralis*. Verùm, quamvis tanta sit auctoritas Delegati à Principe, attamen non potest in Judiciali Judicio partem compellere, ut personaliter coram se compareat, nisi ad hoc speciale mandatum habeat; vel nisi pro veritate dicenda, vel pro Juramento calumniæ exhibendo velit compellere, vel alia Juris necessitas hoc requirat. *S. Non tamen, b. t. c. r. eod. in 6.* Item etiam non potest subdelegare, nisi certis personis, scilicet Dignitate præditis, atque Personarum obtinentibus, vel Ecclesiarum Cathedralium Canoniciis. *S. Sed nec, b. t. cap. Statutum. S. In nullo, de Rescript. in 6.*

Insuper nota, quòd non solum unus, sed etiam plures dari possunt Judices, qui in eadem causa judicent. *S. Item, b. t. c. Sciscitatus, de Rescript. c. Causam, & c. Cum causa, & cap.*

Et cap. Quamvis, de Off. deleg. Et quando causa sic pluribus est delegata, id hunc habet effectum, quod nisi sit appositae clausula, quod si omnes interesse nequiverint, vel noluerint, reliqui exequantur; tunc simul omnes conjunctim procedere debent; alias Processus non valebit, d. §. Item, d. c. Causam, de Offic. Delegat. Et talis clausula id operatur, quod impediatur subdelegationem; nec enim qui non sunt impediti, sunt cogendi admittere subdelegatos collegarum suorum; sed quod ipsi agunt probandum est: Quod secus est, quando hujusmodi clausula non est appositae. §. Planè, cum seq. b. t. d. c. Coram. Et ibi traditur per Doctores de Offic. Delegat. Verum tamen est, quod clausula operatur solummodo in casu, quando aliqui non possunt, vel legitime nolunt interesse. §. Hoc tamen, hoc tit. Et de hac re latè tractatur in c. Prudentiam, in princ. de Offic. Delegat. & in d. c. Sciscitatus. Et nota, quod quando pluribus sic negotium commissum est; tunc uno eorum inchoante, alii ulterius non poterunt se intromittere, nisi ex causa; ut puta si infirmitate, vel alio iusto motivo, illum, qui causam tractare coeperit, contingeret impediri, vel dolo malo in ea procedere recusaret. §. Porro, hoc tit. c. Gratium, c. Licet, & c. Quamvis, de Offic. Deleg. & cap. Si à Subdelegato, eodem tit. in 6. Et Jurisdictio perpetuata per unum vivo mandatore dicitur perpetuata quo ad omnes condelegatos. §. Jurisdictione, b. t. cap. Cum plures, de Off. deleg. in 6. Illud nihilominus generaliter notandum est, quod siue uni, siue pluribus, siue à Principe, siue ab alio

mandata fuerit Jurisdictio, mandati forma diligenter custodienda est; ita ut nihil contra quam sibi commissum est, delegatus tentare praesumat. §. Sed siue, hoc tit. cap. Venerabili, de Offic. Delegat. & cap. Cum dilecta, de Rescriptis. l. Si Procurator, C. de Procurator. l. Diligenter, ff. Mandati. Hoc tamen declaratur multis modis: Namque si quis impediatur Jurisdictionem delegati, vel noluerit in Judicium venire, hoc casu delegatus à Principe Ecclesiastica districtione poterit eum coercere, quamvis id litterarum commissionis non contineant: vel etiam pro delicti, & causae qualitate secundum Arbitrium suum multare, si certa poena non exprimitur: Cui enim commissae est Jurisdictio, eidem dicitur id omne commissum, sine quo ille suam Jurisdictionem exercere non potest. §. Planè, hoc tit. c. 1. de Offic. delegat. ubi de hoc: & facit cap. Praeterea, c. Significasti, c. Prudentiam, in fine, c. Suspicionis 1. resp. de Offic. delegat. c. Tam litteris, de Testib. Secundò poterit admittere honestas exceptiones, & à Juris aequitate non aberrantes, licet id expresse mandato non comprehendatur. §. Rationabiles, hoc tit. cap. Ex parte, il 2. de Offic. deleg. & Abb. ibi: & Legistae in l. Placuit, de Judic. Tertiò si rescriptum sit imperatum adversus aliquem, qui Judicii mutandi causa possessionem, super qua erat controversia, alienavit, Judex delegatus poterit cogere eum, in quem est facta alienatio, ut coram se Juris pareat aequitati, non obstante quod rescriptum sit imperatum adversus alium. §. Sed cisi, hoc tit. c. 1. de Alien. Judic. mut. causa fact.

In hoc tamen requiritur dolus ex parte alienantis, & etiam ex parte ejus, in quem est facta alienatio. Abb. in d. c. 1. Unde etiam ex hac littera aliud notare debes, quod hic specialiter fit prorogatio de persona ad personam contra cap. P. & G. de Offic. deleg. Et de hoc vide per Abb. in cap. Quia, cod. Quarto, & ultimò declaratur, ut non habeat locum, quod supra diximus, quando alicui mandatur Inquisitio, vel quid aliud expediri certo loco; nam si ob illius potentiam, contra quem inquiri, vel procedi mandatur, vel fautorum ejus, eo loco securè mandatum executioni mandari nequeat, locum securum, & idoneum eligere valet; quod etiam faciet, quoties id iusta, & rationalis causa suaserit. *f. Simili. hoc tit.* Quod habet locum in delegato à Sede Apostolica. c. Statutum, de Offic. deleg. in 6.

Quò ad Nonum. Regulariter omnes possunt esse in Judicio tam activè, quàm passivè, nisi quis speciali ratione prohibeatur, ut Servus, qui regulariter nec convenit, nec convenitur. *l. Servus. C. de Judiciis*; nonnullis exceptis Casibus favore libertaris, utilitatique publicæ. *l. Cum certis. ff. cod.* Deinde prohibentur Monachi. *Autb. Ingressi. C. de Sacrosanct. Eccles.* Pupillus, Furiosus, Prodigus, Mutus, Surdus sine Tutore, vel Curatore. *l. 1. & tot. tit. C. Qui legu. pers.* Accodatus Excommunicatus in Judicio esse non posse. c. Intelleximus. ext. cod. Non omittam, nec Magistratum posse conveniri, dum tempus Magistratus durat. *l. Pars litterarum. ff. cod.* Nec illegitimam personam posse per se comparere. *l.*

fin. C. de Procurat. exceptis quibusdam personis, de quibus in l. 1. in fine. *ff. de Postul.*

Quò ad Decimum. Duæ recententur Ordinis species, *Accidentalibus*, & *Substantialibus*; ita notatur in l. 1. *ff. de Appellat. & in l. Prolatoms. C. de Sent. & interloc. omn. Jud.* Prima potest omitti. Secunda haudquaquam. Ordinis autem substantialis erit, ut cognoscat Index competens, hinc Laicus inter Clericos non judicat. *f. Pari ratione. hoc tit. cap. Si diligenti. de Foro compet.* ubi latissimè de hoc cap. *Inlita. 11. q. 1.* Nec huic privilegio fori Clericus potest renunciare. *d. c. Si diligenti.* Si tamen Clericus reconvenitur, tunc Judex Laicus hoc casu potest esse Judex. c. Cuius in agendo. 3. q. 5. c. 1. & 2. de Mat. perit. Vel nisi de Feudo agatur. c. Verum. de Foro compet. Hujus occasione dubitatur, si caprus sit Clericus à Judice sæculari, qui incipietur illum Clericum esse, quæritur quis debeat de hoc cognoscere? Et responderetur, Judicem Ecclesiasticum debere super hoc decidere, vocato tamen Judice sæculari, vel alio, cujus interfit. *f. Dubitari. b. t. c. Si Judex. de Sentent. excommun. in 6.* Unde si notorium fuerit, vel fama publica extiterit, illum esse Clericum, debet Judici Ecclesiastico restitui. *f. Sed si. hoc tit. c. Cum olim. de Verb. signif. & not. in d. c. Si Judex. de Sent. excommun. in 6.* ex quo nota, quòd is Clericus debet esse talis, qui privilegio Fori gaudere debeat; Unde Clericus buffo, vel goliardus, qui artem ludricam per annum exerceat, & tertio admonitus non destitit; vel etiam Clericus uxoratus non incedens cum habitu; vel Bigamus.

gamus, vel Degradatus non remittitur: ita notatur in d. c. *Si Judex*. Hoc idem dicitur de eo, qui ante deprehensionem publicè pro Laico se gerebat, & quasi Laicus communiter habebatur; nam quamvis deprehensionis tempore in habitu Clericali repertus fuerit, non ante restituendus erit, quàm de Clericali titulo fidem fecerit. §. *Aliud*, b. tit. d. c. *Si Judex*, de *Sent. excommunic.* in 6. c. *Ut inquisitionis*. §. *penult.* de *Heret.* in 6. Unde si ante deprehensionem pro Clerico publicè se gerens, tonsuram, & Clericales vestes deferens deprehensus fuerit, pro Clerico præsumetur, donec contrarium constiterit. §. *Item*, b. tit. d. cap. *Si Judex*, & per Abb. in cap. *Ex parte*, il 3. & in c. *Contin.* de *Sent. excommunic.* Verùm sicut Clericus convenitur in suo foro, ita quoque Laicus debet conveniri coràm suo Iudice. §. *Quod si*, hoc tit. c. *Cum sit generale*, hoc tit. c. *Si Clericus*, de *Foro compet.* c. *Experientia*, cum seq. 11. q. 1. Et quia hoc fallit in aliquibus casibus; idè de his vide in Gloss. in d. §. *Quod si*, in verb. *sequatur*. Ad hoc autem ut cognoscatur, an quis sit Clericus, an Laicus? est inspiciendum, an habeat Ordines, vel habitum gerat: quod si in habitu incedit, & aliquos Ordines habet, Clericus iudicatur, nisi in fraudem fortè habitum suscepit; ita Bart. in l. 1. num. 3. ff. de *Penis*. Postquàm autem de Iudicis competentia constat, porrigitur libellus, datur copia parti, deliberat Reus, an velit cedere, an contendere? Probandur assertiones, exceptiones, contestatur lis, publicatur processus, concluditur in causa, ipsaque

instructa sententia fertur, daris semper legitimis dilationibus; ita tamen ut non protrahatur causa in longum plus, quàm æquum sit, ut dictum est suprà in c. 8. l. *Properandum*. C. de *Jud. cap. Jurgantium*, de *Sent. & Re Judic.* Ordinis Accidentaliter erit, ut cautiones præstentur, opponatur Testibus, Procuratori, & alia similia, sine quibus potest Judicium consistere, ut notatur in d. l. *Prolotam*.

Quò ad Undecimum. Judicium de his rebus constituitur, quæ sunt in obligatione, & debentur. Actio enim est Jus persequendi in Iudicio, quod debetur. §. 1. *Instit. Civil. de Action.* Ex his igitur iudicium constituitur. l. *Nam quemadmodum*, ff. *ead.* Id tamen est verum, quòd non omnis Judex est adeundus, sed ille tantum, qui cognoscere potest. l. *Ut fundus*, ff. *Communium dividunt.* l. *Solemus*, ff. *ead.*

Quò ad Postremum. Variis modis Judicium solvitur. Et primo loco finitur tempore; ut si incertum terminum causa decidenda committatur. §. *Sed & cum*, hoc tit. cap. *De causis*, ubi Abb. de *Off. deleg.* Et hoc in delegato. Generaliter autem in criminalibus, si transeat biennium, nec actor Judicium prosequatur, iudicium expirat. l. 1. & tot. tit. c. *Ut intra cert. temp. crim. quest. term.* Vel si tempus sit statutum à Iudice secundum distantiam locorum; nam transacto tempore expirat instantia. l. 1. c. de *Dilation.* Vel si causa civilis sit, post triennium. l. *Properandum*. C. de *Judic.* Secundò solvitur, Sententia lata; ipsa enim est, quæ propriè Judicium determinat. l. 1. & tot. tit. ff. de *Re Judic.* Tertiò solvitur

tur extincta Jurisdictione Judicis, qui judicare debet, veluti si re integram ille, qui dedit Judicem, jurisdictionem revocat expressè. *c. Quamvis. de Offic. deleg. in 6.* Res autem integra non dicitur, quando facta est citatio. *Bart. in l. Et quia. ff. de Jurisd. omn. Judic. c. Relatum. de Off. deleg.* Quamvis videatur ob stare. *c. Gratum. eod.* Sed de intellectu illorum textuum videndus Barbosa in *Collect. DD. ad n. trumque*, ubi eosdem ad concordiam optimè reducit. Vel etiam tacitè potest fieri revocatio; ut est, quando Delegans ad partis instantiam citat, vel alio modo cognoscit in causa. *Archid. & Joannes Andr. in d. c. Quamvis*; & per Doctores in *c. Intimasti. de Appellat.* Et hoc procedit, quando in totum Judex commisit vices suas, aliàs enim re etiam non integra delegans potest revocare. *l. Judicium solvitur. ff. de Jud. & per tex. in d. c. Quamvis. & in c. Judex. de Off. deleg. in 6.* Item & quartò Judicium solvitur morte delegantis, vel delegati. *§. Morte. hoc tit. c. Prelatum. & cap. Si delegatus. de Off. delegati.* Quod intellige esse verum in eo, cui per mandatum datur nova Jurisdictio; nam secùs id contingit, quando alicui habenti Jurisdictionem præcipitur; huic enim non datur nova potestas, sed potiùs antiqua excitatur; unde non possumus dicere, hunc fungi vice mandatoris. *c. Licet. & cap. penult. ext. de Offic. Ordin. Bart. & Legistæ in d. l. Et quia. de Jurisd. omn. Judic.* Canonistæ in *d. c. Prelatum.* Et hoc adeò verum est, quòd morte delegati &c. Ut si pluribus est delegata causa, & unus ex his moriatur, istius

mors efficit, ut quoad alios etiam Jurisdictio suspendatur. *d. c. Relatum. d. c. Si delegatus.* Est tamen casus, in quo mors non præjudicat, quando scilicet res non est integra, sed delegatus cognoscere cœpit. *d. c. Relatum.* Item finitur Judicium, quando delegatus impeditur impedimento Juris, vel Facti. Juris, ut si infamis sit factus: Facti, ut si infirmitate impediatur. *§. Sed etsi. hoc tit. cap. Sciscitatus. de Rescript. c. Præterea. de Testib. cogen.* Idem etiam dicendum est, si delegatus à Principe ipse, vel per alium sententiam executioni mandavit. *§. Idem Juris. hoc tit.* Semel enim functus est Officio suo. *c. In literis. de Offic. deleg.* Et hìc obiter nota, quòd delegatus ab alio, quàm à Principe, non potest suam sententiam executioni mandare. *cap. Pastoralis. de Offic. deleg.* Accedat Judicium solvi, si delegatus se incompetentem pronunciet. *§. Item. hoc tit. per Abb. in c. Significasti. & per Felin. in cap. Ex parte. de Offic. Deleg.* Et hoc adeò verum est, ut nec per consensum partium possit Jurisdictionem reassumere. *d. §. Item. arg. l. Privatorum. C. de Jurisd. omn. Jud. cap. Super eo. §. Pari ratione. & c. Si diligenti. de Foro comper.* Addamus tandem extinguì Jurisdictionem per recusationem Judicis. *§. Recusatione. hoc tit. cap. Causam. & cap. Insinuante. & c. Suspicionis. De Offic. delegat.* Quæ recusatio ex probabili causa procedere debet. *d. c. Suspicionis.* Veluti si Judex sit consanguineus, Advocatus, aut Familiaritatem non modicam cum altera parte contraxerit, aut alia sit similis causa. *d. §. Recusatione. d. c. Causam. & d. cap. Suspi-*

Suspicionis. In recusationis autem causa variè cognoscitur; nam si duo à Sede Apostolica sint delegati; & contra unum ex duobus causa suspicionis proponatur, si in delegatione sit appolita Clausula, quòd si ambo interesse non possint, alter in causa procedat, tunc coràm non recusato conjudice expedienda erit. *c. Si contra, de Offic. deleg. in 6.* Ubi verò non est appolita clausula, debet super hoc ad Arbitros recursus haberi. *d. c. Suspicionis*. Ex quo enim simpliciter dati sunt, unus sine altera cognoscere non potest. *d. cap. Causam. cap. Uno. de Offic. delegat.* Sed si recusatur delegatus Episcopi, causa coràm Episcopo tractatur. *d. c. Si contra*. Quod etiam procedit, quando Officialis Episcopi recusatur. *d. c. Si contra*; ubi vide. Hæc succinctè dicta sunt de Judiciis, quorum materia cùm sit amplissima, in controversiis contingentibus recurrendum est ad diffusos tractatus de Judiciis tum Sigismundi Scaccia, tum Pacis Jordani Episcopi Tragurienfis, qui nuper de eis scripserunt plenissimè.

TIT. II.

De Procuratoribus.

Cum de Generibus Judiciorum supra tractatum sit, nunc de Personis litigatorum est dicendum; & quia sæpè Judicia exercentur per Procuratores; idèò nunc de ipsis videamus; & pro expeditione tituli videbimus:

- 1 *Quis sit Procurator, & quomplex?*
- 2 *Qui possit esse Procurator?*

- 3 *Qui possit Procuratorem constituere?*
- 4 *In quibus causis possit Procurator constitui?*
- 5 *Quos modis Procurator revocetur?*
- 6 *Quæ actiones oriantur inter Dominum, & Procuratorem?*

Quò ad Primum. Procurator ille est, qui mandato Domini, vel quasi negotia aliena administranda suscipit. *l. 1. ff. cod. & hic in princ. & c. 1. cod.* Et quia Procuratores constituuntur ab Universitatibus, Collegiis, & à privatis; idèò sciendum est: Quòd illi appellantur Procuratores, qui à privatis constituuntur; qui autem ab Universitate, vel Collegio constituuntur, Syndicus appellatur, *ut hic in princ. cap. 1. de Synd. l. 1. §. 1. & per totum ff. Quod cujusque Univers. nom.* Et Procuratores fiunt vel ad negotia, vel ad Judicia. *§. Porro. hoc tit.* Si de Procuratore ad negotia agimus, quilibet potest esse Procurator, si habet annum decimum septimum, & non prohibeatur speciali ratione. *§. Potest. hoc tit. §. Juste, & ibi Glos. Instit. Quib. ex Caus. man. non licet. l. 1. §. Pueritia. ff. de Postul. c. Qui Generaliter. §. fin. cod. in 6. 3. q. 7. §. Verum.* In Judiciis autem Procurator constituitur, qui major annis 25. fuerit. *d. §. Potest. d. c. Qui Generaliter. l. Exigendi. c. cod.*

Quò ad Secundum. Ex superiori capite habemus, minorem annis 17. non posse ad negotia Procuratorem esse; & in Judiciis eum posse constitui, qui major est annis 25. Verùm in Spiritualibus negotiis natus annos quatuordecim potest esse in Judiciis per se, & per Procuratorem, non obstante pa-

P tria

tria potestate. *S. Aliud, hoc tit. Vel si mulier sit, duodecimum ætatis annum habere debet. c. Indemnitate. p. resp. de Elect. in 6. c. Continebatur, de despons. Impuber. cap. Ex parte, de Restit. spoliat. & notatur in c. fin. de Jud. in 6. Quod si minor sit quatuordecim annis, qui in Spiritualibus causis in judicio esse velit; tunc ei dandus est curator; vel si major est infante, idest in ætate septem annorum, potest cum auctoritate Episcopi, vel Officialis Procuratorem constituere. *S. Quod, hoc tit. c. fin. S. Si verò, de Just. in 6. Quæ omnia potest facere etiam Delegatus Sedis Apostolicæ. S. Quin etiam, hoc tit. d. c. fin. de Jud. in 6. Et notatur in c. penult. de Restit. in integ. c. Licet, de Offic. Vicar. in 6. In hoc capite constituas hanc Regulam, quod regulariter omnis potest esse Procurator, nisi speciali prohibeatur ratione. *S. Constituitur, hoc tit. c. 1. cod. in 6. cap. Duo. 12. q. 1. facit l. Mutus. S. 1. ff. cod. sicut dicimus in Testibus. l. 1. ff. de Testib. Et idem in Matrimonio. c. Cum apud de Sponsalib. Prohibentur autem in Judiciis Procuratoris officio fungi Fœminæ, & non habentes (in Judicio tamen) vigesimum quintum annum. l. Minor. ff. cod. De Fœminis est tex. in l. Neque. ff. cod. Nisi pro parentibus interveniant, nam tunc causa cognita id eis permittitur. l. Fœminis. ff. cod. Item Miles prohibetur. d. l. Neque. Quod procedit etiam in militie cœlestis militiæ; ut in Sacerdote, & Clerico quolibet in Sacris Ordinibus. *S. Deo autem. In Auth. de Sanct. Episc. S. Sed nec omnes, hoc tit. Quinimò nec tanquam principales possunt, vel debent inter-****

venire. 5. q. 3. cap. Quia Episcopus. Nisi pro miserabilibus personis, & urgente suæ Ecclesiæ necessitate. cap. 1. & fin. extr. de Postul. ubi Doctores hoc tractant; vel nisi propriam causam, vel conjunctorum prosequuti fuerint. *S. Postulandi, hoc tit. d. cap. 1. & c. fin. Et in his omnibus casibus possunt personæ Religiosæ pro aliis in Judicio intervenire; sed tamen debent hoc gratis facere, ut dicit Hostien. quem Abb. sequitur in cap. 1. Ne Cler. vel Monach. Quia hoc eis permittitur ex pietate; sed de hoc vide Abb. in cap. 1. in fin. de Postul. Idem procedit in Monachis. *S. Idem, hoc tit. c. 1. de Syndic. c. Qui verò, & cap. Monachi. 16. qu. 1. & de his videantur mæx Discordiæ Forenses de Regularib. Discord. 33. in qua pulchrè agitur de Monacho Procuratore non valente esse Procuratorem in Judicio, neque pro suis consanguineis, etsi pupillis. Item Excommunicati prohibentur esse Procuratores, quinimò nec proprio nomine possunt esse in Judicio, nisi agatur de sui defensione. *S. Hi verò, hoc tit. c. Intelleximus. De Judic. Ubi traditur cap. Excommunicamus. S. Credentes, de Hæret. cap. Inter priorem. & c. Venerabilem, de Except. Sed hic oritur dubitatio, an Procurator Universitatis, in qua extant excommunicati, possit repelli? Et constitutum est, quod non repellatur, nisi in tribus casibus. Primus est, quando illi, qui excommunicati sunt, in litteris sunt expressi. Secundus est, quando alias eorum auctoritate Procuratoris institutio facta fuisset. Tertius est quando ipsa Universitas excommunicationis conscia simul***

simul cum eis eundem Procuratorem constituisset. *§. Sed belle. hoc tit. cap. fin. extr. cod. de Procurat. c. A nobis*; ubi notat Abb. *de Simon. cap. fin. de Elect.* Item Furiosus prohibetur. *l. 2. §. Furiosus. ff. cod. Infamis etiam prohibetur. c. 1. 3. q. 7.* Sed dic plenè ut per Abbat. *in cap. Imperatorum, de Juramen. Calumn. in fin.* Item servus institui procurator non potest, quia iudicio interesse non valet. *l. Servus, C. de Judic.* Et tandem Procurator volens tantum, & expressè consentiens constituitur. *l. Filius. §. Inuitus. ff. cod. l. Inuitus, C. cod.* Nota tamen quòd non solum unus, sed etiam plures possunt constitui Procuratores, qui nisi in solidum constituantur, unus sine altero procedere non poterit. Quòd si non sint in solidum constituti, melior conditio est occupantis, nisi in mandato sit expressum contrarium. *§. Et tam unus, hoc tit. d. c. Si duo. cod. in 6.*

Quò ad Tertium. Quilibet potest Procuratorem constituere, nisi prohibeatur: Edictum enim de constituendo Procuratorem est prohibitorium certarum personarum. *l. Mutus. ff. cod. tit.* Undè in minoribus causis minor sine Procuratore Procuratorem constituere non potest. *l. Non eo minus. C. cod.* Et in Spiritualibus minor annis 14. sine auctoritate Episcopi, vel ejus Officialis, vel etiam Curatoris ad hoc constituti non potest sibi Procuratorem eligere, ut dictum est supra in secundo capite per *tex. in d. cap. fin. de Jud. in 6.* Sunt tamen personæ, quæ coguntur constituere sibi Procuratorem; ut Excommunicatus; ut *d. c. Intelleximus. extr. de Ju-*

dic. Illustri persona. l. Quicumq. C. cod. & Auth. Quod jus. §. in Auth. Ut ab illustr. & quæ super illustres ad princ. Item Episcopus. c. Qui Episcopus. 5. q. 3. Et hoc idem habet locum in Prælati majoribus, & etiam in minoribus; & in Collegiis, quorum singula singulos Syndicos habere debent. *c. Cumsumus. 9. q. 3.*

Quò ad Quartum. Regula est Generalis posse in omnibus causis constitui Procuratorem, criminalibus exceptis. *§. Non tamen. hoc tit. cap. Veniens. De Accusat. c. Tue. cod. cap. In criminalibus. 5. q. 3.* nisi in quinque sequentibus casibus: Primò ad propulsandam injuriam illustris. *§. Nisi. 3. q. 9. l. fin. C. de injur.* Secundò si rei contumacia sit excusanda. *d. cap. Veniens. c. Reos. 23. q. 6. c. Cum dilecti. de Dolo, & contumac.* Tertiò quando contra Accusatorem est excipiendum. *d. cap. Veniens, & inc. De bis. cod. de Accusat.* Quartò si tractetur de levi crimine. *l. Levia. ff. de Accusat.* Quæ tamen delicta levia dicantur? dic ut per Abb. *in cap. Tue, de Penis.* Qui distinguit inter levia, gravia, graviora, & gravissima. Quintò, & ultimò, quando etiam de gravi crimine tractatur, sed agitur civiliter. *c. Tue. ead. d. cap. Super bis, de Accusation.* Verùm ultra hos casus enumerantur alii, ut crimen suspecti Tutoris. *l. Non solum. §. fin. ff. cod.* Item si agatur de Ingratitudine. *l. Sed he persone. §. 1. ff. cod.* De quibus, & de aliis dic ut per Speculatorem *in Tit. de Procuratore*; & per Doctores *in d. cap. Veniens, de Accusat. in c. Si quando. 5. q. 3. & in l. penult. §. fin. de Publ. Jud.*

Sciendum tamen est, quod in

quibusdam negotiis requiritur speciale mandatum; ut cum agitur de suspicione. *d. l. Non solum. ff. de Procurat. §. ult.* Item in causa restitutionis in integrum. *l. Illud. §. Sitalis. ff. de Minor.* In interdicto de liberis deducendis, vel exhibendis. *l. Pomponius. ff. eod. tit.* Item in Juramento calumniæ, vel alio Juramento in animam alicujus præstando. Item cum petitur absolutio in forma Juris in personam alterius; aliàs autem secundum Regulam sufficit generale mandatum. *cap. Petitio. ext. eod. tit. l. Actione. §. Renunciare. ff. Pro soc.* Et de aliis casibus, in quibus speciale mandatum exigitur, vide per Speculat. in *tit. de Procuratore n. 4.* & per DD. in *cap. Qui ad agendum. eod. in 6.*

Nota tamen, quòd etsi unus sit generaliter constitutus, etiam ad ea, quæ speciale mandatum exigunt, per hanc generalitatem non potest procedere in aliquo ex his articulis speciale mandatum exigentibus, nisi quorundam eorum subsequatur expressio: Mandatum tamen non complectitur majora, quàm sint in Procuratorio expressa; undè contra electum, vel provisum crimina, vel defectum opponere non potest. *Clem. Non potest. eod.* Notatur in *d. cap. Qui ad agendum. eod. in 6. §. Crimina. hoc tit.* Sed in his requiritur aliud speciale mandatum, ut *ad. Jurib.* Et unum advertendum est, quòd Procurator datus ad negotia potest quemcumque alium Procuratorem constituere. *c. 1. §. fin. eod. in 6.* Judiciario tamen illud non conceditur, notat. in *l. Mandata, C. Mandati*, nisi aut lis fuerit contestata ab ipso; undè secus esset si à Domino

fuisse lis contestata. *d. cap. 1. §. penult. ubi notat. eod. in 6. concordat l. Nulla. §. l. Neque. §. l. Penult. §. l. In cause. ff. eod.* Vel nisi in rem suam datus sit; quod declarat Gloss. in *§. Sed illud. hoc tit. facit l. Illam. C. de Donat. & notat. in l. Plautius. ff. eod.* Vel nisi à Domino substituendi data fuerit potestas; hoc enim casu videtur datus ab ipso Domino. *l. Item eorum. §. Decuriones. ff. Quod cuiusque Univers. nom.* Et hoc casu etiam non expressam personam poterit eligere. *capit. 1. §. Ergo. eod. in 6.* & de his omnibus loquitur tex. in *d. §. Sed & illud.*

Quòd ad Quintum. Procuratores revocantur tacitè, & expressè. Expressè si constituens mandatum revocet. Tacitè si Principalis constituto Procuratore causam per se agat, vel alium Procuratorem constituat. *§. Tandem. hoc tit. c. Si quem. eod. in 6. l. Si quis. §. Julianus. ff. eod.* Hoc tamen non procedit, si Procurator fuerit constitutus à te sub hac forma, quoties te abesse contigerit; nam si postmodum per te ipsum causam tractes; non propterea tamen Procuratorem revocare videberis. *§. Sed si eundem. hoc tit. notatur in d. c. fin. eod. in 6.* Verùm hæc procedunt in Domino, qui Procuratorem constituit. Cæterum si Procurator in eo casu, in quo potest, alium Procuratorem substituatur, non potest illum revocare, nisi potestas ei data sit. *§. Hæc autem. b. t. c. Is qui. eod. in 6. & vide c. primum. eod. in 6.* Et nota, quòd si Procuratorem constituas vel ad unam, vel ad plures causas, vel generaliter ad omnes; & ipse in una, vel altera substituatur; in aliis Pro-

Procuratoris officium poterit exercere. *§. Sed sicum, hoc tit.* Et idem procedit in delegato ab alio, quam à Principe ad universitatem causam. *l. Cum Prætor. §. 1. de Jud.* Quatenus tamen supra dictum est, Procuratorem posse revocari, notare debes, quod si Procurator sive ante, sive post litis contestationem revocetur, donec ignoretur revocatio vel à Judice, vel ab Adversario, acta per hujusmodi Procuratorem tenent, & valent. *§. Ad hæc, hoc nostro tit. c. Mandato. eod.* Hoc nihilominus limitatur, quando Procurator specialiter est constitutus ad Matrimonium contrahendum; nam, si antequam contrahat, revocatus fuerit; contractum postea Matrimonium nullius momenti est, etiamsi nondum revocatio ad notitiam partium pervenerit: deficit enim consensus illius, sine quo Matrimonium firmitatem habere non potuit. *§. Non sit. b. 1. c. fin. eod. in 6.* Sed utrum Matrimonium contractum per Procuratorem sit etiam Sacramentum? Est dubium magnum inter Theologos, quorum rationes pro utraque opinione ego retuli in meis Decisionibus de Matrimonio. *Decis. 4. num. 33. & seqq.* ubi studiosus Lector videat. Demum in *§. fin.* nota secundum modum, quo quis Procurator esse definit: Morre enim constituentis definit quis esse Procurator. *Clem. fin. eod. tit.* Quod habet locum quandoque etiam re non integra, ut expresse dicitur in *dist. Clem. fin.* Item & ultimò revocatur Mandatum, quando re integra constituentem poenitet; nam si res non sit integra, sed Procurator mandatum accepit, illud implere tenetur. *cap.*

Licet. eod. in 6. Clem. 1. eod. ubi notatur *§. At litteris. b. 1.*

Quò ad Postremum. Duæ oriuntur Actiones, Directa, & Contraria. Directa quidem datur Constituenti, & ejus hæredibus. Contraria, è contra, Procuratori, & ejus Successoribus. *§. Igitur. Instit. Civil. de obl., que quasi ex contract. §. Is, qui exequitur. Inst. de Mandato, &c.* Qui plura scire desiderat de hac Procuratorum materia, legat novissimum, & eruditum Tractatum de Procuratoribus, Audore Fabio Golino, in quo omnia, quæ de illis dici possunt doctè, & diligenter evinceantur; prout etiam Pacem Jordanum *Tom. 3. lib. 14. tit. 2.* ubi plenè disserit de jisdem.

TIT. III.

De Pactis, & Transactionibus.

Cum visum sit de Judiciis, & de Personis in Judicio agentibus, quoniam meticolosa Res est ad Judicium ire propter dubium eventum litium, unde sæpè res deciduntur sine Judicio, Paciscendo, seu Transigendo; ob id nunc tractatur de Pactis, & Transactionibus; & ita in effectu continuatur hic in princ. Pro cujus tituli expeditione videbimus:

1. Quid sit Pactum?
2. Quid sit Transactio?
3. Quot sint Pactorum species?
4. De quibus Rebus possis transigi, paciscique?
5. Qui sint effectus Pactorum, seu Transactionum?

Quò ad Primum. Pactum describitur,

bitur, ut sit duorum, vel plurium in idem placuum, atque consensus. Ita Vulpianus in l. 1. §. Est autem pactio. ff. eod. Et dicitur Pactum à Pactione, unde & pacis nomen appellatum est. d. l. 1. §. Pactum autem.

Quò ad Secundum. Transactio describitur ab eodem Vulpiano in l. 1. ff. de Transact. Ut sit de Re dubia, & lite incerta non gratuito facta Pactio. Etenim Transactio de sui natura requirit, ut aliquid detur, seu promittatur, aut remittatur. l. Transactio nullo dato. C. de Transact.

Quò ad Tertium. Variæ sunt Pactorum species; sed istæ duæ præcipuæ sunt: Vel enim alia dicuntur Pacta legitima, quæ fiunt secundum Legis dispositionem; Alia illegitima, quæ à lege reprobantur, & inutilia sunt. l. Pacta, quæ contra. C. de Pact. Item pacta quædam in personam dicuntur, & sunt illa, quæ cum persona particulari sunt inita, nec personam egrediuntur. Quædam verò in rem nominantur, quæ fiunt rei consideratione. DD. in Rubric. ff. de Pact. Et quando pacta sint utilia, & quando inutilia, vide Goffr. in sua Sum. in Rubr. de Pactis.

Quò ad Quartum. De omnibus rebus pacisci possumus, vel transigere, nisi aliquæ sint, quæ prohibeantur: Unde etiam traditur pro Regula, quod regulariter pacta, inter quoscunque de re quacunque inita, sunt servanda. §. Et quidem. hoc tit. c. Qualiter. ext. cod. de Pactis. l. Jurisgentium. §. Ait Prætor. ff. eod. Excipiuntur tamen nonnullæ res: & Primò Pactum non valet, si imponatur super re, quæ non est in rerum natura. l. Domum. ff. de Com-

traben. empt. Item non valet pactum interpositum super aliqua re, quæ non sit in nostro commercio; unde liber homo, Res sacra, Religiosa, & Sancta non potest in pactum deduci. §. Idem Juris. Inst. de inut. stipul. l. Impossibile. ff. de Reg. Jur. l. Inter stipulantem. §. Sacram. de Verb. oblig. Item cessat Pactum in collatione Rerum Spiritualium. cap. Quam pia. 1. q. 1. cum concord. Item Pactum de futura successione in Ecclesia Dei reprobatur. c. Accepimus. extr. cod. Item Pactum turpe, vel rei turpis, aut impossibile de Jure, vel de facto nullum inducit obligationem. §. Quod si. hoc tit. cap. fin. ubi de hoc. extr. cod. Sed tamen quandoque Juramento firmatum valet, etiam si aliàs non valuisset, ut si filia, dum nuptui traditur, cum Patre paciscatur, ut dote contenta, ad bona paterna nullum habeat regressum, si Juramento vallatum sit, servari debet; quod aliàs de Jure Civili non valet. l. Pactum quod dotali. C. de Pactis. l. Pactum quod dotali. C. de Collat. Et §. eod. hoc tit. c. Quamvis. cod. lib. 6. Hoc fallit in casu. c. Si diligenti. de Foro compet. c. Tua; ile Jure juran. & l. Non dubium. C. de Legib. Item si agatur de eligendo sibi successorem per Pactum in beneficio Ecclesiastico, contra d. c. Accepimus, auctoritas Patris potest facere, ut tale pactum valeat. cap. Petisti. 7. q. 1. Et per Abb. in d. cap. Accepimus. Quamvis Papa non possit sibi Successorem eligere secundum Abb. in d. cap. Accepimus. Verùm quia præter supradictas causas aliæ quamplures sunt, in quibus pactum non valet, idè de his videndum est in c. 1. & d. c. fin. cod. Ad idem etiam viden-

dus

us est titulus in *Institut. Civil. de in-
uil. Stipul.* Porro, quæ pacta fieri
possint in permutatione beneficiorum
inter eosdem comperuntur;
& quæ non? plenè ostenditur
in meis *Discordiis Forensibus de
Beneficiis. Discord.* 51. nec non de *Ju-
risdictione. Discord.* 51. quas Juve-
nem studiosum legere non pigeat,
ut cognoscat, quæ Pacta sint vali-
da? & quæ Simoniaca?

Quod autem dictum est de Pa-
ctis, idem habet locum etiam in
Transactioibus; ita ut de omnibus
rebus regulariter transigatur, nisi
aliquæ prohibeantur. *S. Transactio-
nes. b. i. c. i. extr. de Transact.* Tran-
sactio autem non valet facta super
re spirituali. *c. Constitutus. c. Super
eo. & c. Præterea. extr. de Transact.*
quamvis amicabile composicio va-
leat etiam super re hujusmodi: ita
traditur in *d. c. Super eo. & ibi Abb.*
Nec super re litigiosa, nec super
causa Matrimonii licitum est tran-
sfigere. *cap. fin. de Transact.* Quos
enim Deus conjunxit, homo non
separet. *cap. Quos Deus. 33. q. 2.
c. Inter corporalia. de Translat. Prælat.
& c. fin. b. iiii.*

Quod ad Postremum. Effectus Pa-
ctorum est, ut obligationem indu-
cant: Nullus enim ea, quæ de la-
biis suis procedunt, debet facere ir-
rita. *S. Et quidem. b. iiii. cap. Jura-
mentis. 22. q. 5.* Et alibi studiosè a-
gendum est, ut ea, quæ promittun-
tur, opere compleantur. *c. Quali-
ter. extr. de Pactis.* Et hoc adeò ve-
rum est, ut etiam Indultis Aposto-
licis per Pacta potest derogari. *S.
Quod quidem. b. i. cap. i. de Pactis
in 6.* Quod habet locum non solum
in pacto, quod subsequitur Privi-
legium. *cap. Cum olim. de Præscript.*

Sed etiam de pacto antecedenti,
nisi in Indulto fiat mentio de pa-
cto. *cap. Ex multiplici. de Decimis.
Clem. Ductum. de Sepult.* Transa-
ctionis autem effectus est, ut finem
litibus imponat. *c. i. de Transact.*
Unde etiam Sententiæ æquipara-
tur. *l. Non minorem. C. de Transact.*

T I T. IV.

De Arbitris.

Quoniam, ut Judicia eviten-
tur, sæpè evenit, ut partes
communi consensu ad arbitros de-
clinent, *S. i. Supr. iiii. prox.* ob id
nunc de Arbitris tractatur; & pro
expeditione Tituli videbimus:

- 1 Qui sint Arbitri?
- 2 Qui possint esse Arbitri?
- 3 Qui rem in Arbitris committere
possint?
- 4 Quæ possint compromitti?
- 5 Quid sit Compromissum?
- 6 Quando expiret?

Quod ad Primum. Arbitri pro-
priè dicuntur, qui nullam potesta-
tem habentes consensu litigantium
in Judices eliguntur; in quos com-
promittitur, ut eorum sententiæ
stetur. *S. i. hoc tit. cap. A Judi-
bus. 2. q. 7. extat tit. de Arbitris.*

Quod ad Secundum. Regula est
generalis, omnes posse esse Arbi-
tros, nisi ratio specialis aliquos
prohibeat. *S. Ceteri. hoc tit. cap.
Inter corporalia. De Translat. Prælat.
l. 3. S. Tametsi. & l. Pedius. cum l.
seq. ff. eodem.* Prohibentur autem
primo loco Servi, & Monachi, &
Regulares: *d. l. Pedius. S. i. cap.
Monachi. & cap. De presentium. 16.
q. 1. Hæretici, Apostatæ, Schis-
ma-*

matici, Infideles, & Excommunicati propter proprium delictum. *§. Sed neque, hoc tit. Et quavis non sint Jura, quæ de his expressè loquantur, attamen ex mente Jurium ferè indubitata opinamur communiter, non posse hos Arbitros fieri, ut tradit Perus. in suo Tractat. de Arbitr. lib. 4. cap. 6. & cap. 9. Item Laici super re spirituali regulariter non assumuntur, nisi eis sit Clericus adjunctus; vel in eos Auctoritate Apostolica compromittatur. §. Sed nec, hoc tit. c. Cum contingit. c. Per tuas. eod. Et nota, quod Laicus prohibetur esse Arbiter in re spirituali ratione honestatis; unde tollitur contrarium in d. l. Pedius; ubi Servus non potest esse Arbiter, etiamsi alius habilis ei associetur: Cui contrario respondetur; id ex eo esse, quia Servus est merè incapax; ita Abb. in d. c. Pertuas. Huc accedat, quod neque Fœmina potest esse Arbiter, nisi hoc permittat regionis consuetudo. §. Famina. b. i. cap. Dilecti. ext. eod. Hoc autem, quod de consuetudine dicitur, intelligitur de Mulieribus præ excellentibus, & nuptis Viris Principibus, ita quod Principatus pertineat ad Virum: nam si Mulier haberet Principatum proprio Jure, tunc non indigeret consuetudine, sed esset Jure communi munita, ut per Abb. & Innoc. in d. cap. Dilecti. Et ex supradictis etiam adverte, quod Mulier non prohibetur judicare ratione incapacitatis, sed propter honestatem, quod patet ex eo, quia per consuetudinem potest id facere. arg. c. Quanto. de Foro compet. & cap. Causam. de Præscript. Et tandem observa, quod etiam in Judicem ordinarium, vel delegatum*

possumus compromittere. *§. Sed etsi, hoc t. cap. Olim. c. Immoit. eod. cap. Nisi. de Præbend.*

Quò ad Tertium. Regula itidem generalis est, posse omnes proprias causas in Arbitros compromittere, dummodo sint ætatis legitimæ, & plenum habeant Judicium; & possint de Re, seu Actione ad libitum disponere. Hinc Servus, Monachus, & similes compromittere non possunt. *d. cap. Monachi. d. c. De presenium. 16. q. 1. Et pleniùs, quæ personæ non possint compromittere, vide per D. Jo. Bapr. Perus. in suo egregio Tractatu de Arbitr. in 2. libr. per tot.*

Quò ad Quartum. Regulariter de omnibus causis potest fieri Compromissum, nisi speciali ratione aliquæ majores prohibeantur. Et primò prohibentur causæ liberales. *c. penult. eod. l. Non distinguemus. §. De liberali, eod. Matrimoniorum. c. Causa in fin. de Restit. in integr. §. Quod autem, hoc tit. Filiationum. l. Abdicatis. C. de Patr. por. Monachationum; ut per DD. in d. l. Non distinguemus. d. §. De liberali. Restitutionum. l. fin. C. Ubi, & apud quem. d. c. Causa. in princ. Criminales. d. c. Causa. d. l. Non distinguemus. §. Julianus. Et in quantum hic dicitur de Matrimonio, intelligendum est de Matrimonio carnali; nam de spirituali clarum est, quod potest compromitti. *cap. Quia propter. de Electi. d. §. Quod autem. Et de hac materia vide eundem Perus. in d. suo Tractat. lib. 3. per totum.**

Quò ad Quintum. Compromissum, quod est quædam species transactionis, & Judicium imitatur. *l. 1. ff. de Recept. Arbitr. nihil aliud est,*

est, quàm amicabile quædam conventio, qua difficultas arbitrio amici, vel amicorum communium decidenda committitur ex partium consensu, & voluntate. l. 3. ff. *cod.*

Quò ad Postremum. Solvitur Compromissum: Primò Sententia, quando scilicet de omnibus, de quibus compromissum fuerit, Arbitrè pronunciavit. §. *Finitur*. hoc tit. l. *Quid tamen*. ff. *cod.* Secundò Temporis lapsu, quando scilicet terminus compromisso comprehensus re infecta labitur. §. *Lapsu*. hoc tit. l. *Si cum dies*. ff. *cod.* Item finitur Morte tam compromittentium, quàm Arbitrorum, nisi specialiter in compromisso sit facta mentio hæredum ipsorum compromittentium. *cap. Ex parte*. *cod.* Et quod dicitur de Arbitris habet locum, etiam si unustantum mortuus sit, nisi aliud sit expressum in compromisso; nam expirat compromissum quò ad omnes. *c. Uno delegatorum*. ubi notatur de *Off. delegat.* Verùm quia multis aliis modis compromissum finitur; ideò de his plenissimè poteris videre apud eundem Peruinum in dict. suo *Tractat. de Arbitr.* lib. 13. per totum.

T I T. V.

De In jus vocando.

QUoniam, si partes neque Pactionibus, neque Transactionibus, aut Compromissis concordare reddi possint, ad Judicium veniendum est, cujus initium est in Jusvocatio, nempè Citatio. §. *Omni*. hoc tit. §. *fin. Instit. Civil. de Pæ-*

na tem. litig. Ob id de hac materia in præsentì titulo tractatur; circa cujus explicationem videbimus:

1 *Quid sit in Jus vocare?*

2 *Qui possint in Jus vocare?*

3 *Qui vocari?*

4 *Quibus ex causis vocatio nulla fiat?*

Quò ad Primum. In jus vocatio est Juris experiendi causa vocare. l. 1. ff. *cod.* Atque vocatio in jus est principium Judicii, ut jam dixi.

Quò ad Secundum. Illi omnes possunt in Jus vocare, qui possunt in Judicio esse, & reverentiam non debent; quoniam qui reverentiam præstare debent, si vocant, tenentur prius veniam impetrare; ut est Filius, Libertus, & similes personæ. l. 4. cum aliquibus sequentibus. ff. *cod.*

Quò ad Tertium. Possunt itidem in Jus vocari hi omnes, cum quibus Judicium esse potest, & qui legitimam habent personam standi in Judicio. l. 1. & tot. tit. C. *Qui legit. person. habent standi*, &c. Hinc pupillus, servus inutiliter vocatur. l. 1. C. *Qui legit. pers. l. Servus*. C. *de Judic.*

Quò ad Ultimum. Illud in primis est sciendum, necessariam esse vocationem in Jus, quia non potest aliquis non vocatus, & indefensus damnari. l. *Absentem*. ff. *de Pæn. l. De unoquoque*. ff. *de Re jud.* Attamen ista vocatio redditur nulla ex quatuor causis. Primò ex personæ qualitate, veluti si quis vocetur comparere coràm Judice non suo. §. *Fit aut. b. i. c. Ex litteris*. *De Offic. deleg.* Est tamen verum, quòd si quis fuerit citatus coràm Judice competente, licet efficiatur

Q

alce.

alterius Fori, tamen quasi præventus tenetur comparere coram eo Judice, à quo vocatus est. §. *Si tamen*. hoc tit. l. *Si quis postea*. ff. de *Judic.* l. *Cum quedam*. ff. de *Jurisd. omnium Jud.* c. *Proposuisti*. de *Foro compet.* Ex quo apparet per citationem perpetuari Jurisdictionem tam ordinarii, quàm delegati. c. *Gratum*. & c. *Licet*. de *Offic. delegat.* & c. *fin.* de *Off. legat.* facit c. *Ut debitur*. de *Appellat.* Sed de veritate hujusdicti videbimus tunc, quando exactius Judiciorum materiam pertractabimus. Quandoque etiam ratione personæ Rei citatio fit nulla, ut est quando quis ad instantiam spoliatoris, etiam coram suo Judice, citatur: namque non tenetur comparere, nisi prius ad omnia canonice restituatur. §. *Idem Juris*. hoc tit. c. 1. & cap. *Prius*. 3. qu. 2. Alia exempla similia vide in l. 2. & l. 3. ff. *cod.* Secundò citatio fit nulla ex loci conditione, veluti si quis vocetur extra territorium, aut in locum non tutum, vel pestilentem. §. *Locus*. hoc tit. cap. *De cetero*. de *Sent. excomm.* in l. *Finali*. ff. de *Jurisd. omni. Judic.* c. *Ex parte*. de *Appellat.* c. *Accedens*. *Ut lit. non comest.* Et nota, quòd aded verum est, aliquem non teneri comparere, si citetur extra suam Jurisdictionem, ut secundum quosdam citatio neque ex partium consensu possit convallescere: ita notatur in cap. *Statutum*. §. *In nullo*. de *Rescript.* in 6. Hoc tamen non habet locum in terminis. *Clem.* 1. de *Foro compet.* Sed quæritur an citatio ad locum incertum dicatur ipso Jure nulla? Et videtur quòd sic, cum tali casu perindè ut, ac si nullus locus constitutus fuisset. l. *De atate*. §.

Nihil. ff. de *Interrog. act.* Verùm dicas, hanc citationem non esse ipso Jure nullam, nisi omninò sit incertus locus; undè si citatus fuerit quis ad Villam; & sint plura nominis ejusdem loca, ut in c. *fin.* de *Rescript.* hoc casu citatio non est nulla, sed citatus tenetur comparere in locum, in quo consuevit. l. *Si locus*. ff. de *Judic.* l. *Si cum dies*. §. *Si arbitet*. ff. de *Arbitr.* & habetur in d. cap. *fin.* de *Rescript.* Tertiò fit vocatio nulla ex temporis ratione; veluti si quis vocetur Tempore feriato in honorem Dei, quia tunc Temporis Judicia debent silesce. Abb. in cap. *fin.* per illum text. de *Feriis*. §. *Sed est*. hoc tit. Aut si inter angusta nimis tempora quis fuerit vocatus c. 1. 5. q. 2. & cap. *Primates*, & per totam illam *quest.* Sed quæritur quid Juris sit in actibus extrajudicialibus, & Jurisdictionis voluntariæ; an possint expediri diebus feriatis? Et in hoc concludendum puto, quòd ad hoc ut teneant, possunt expediri etiam diebus feriatis. l. *Actus*. C. de *Feriis*, sed tamen, qui id faciunt, peccant mortaliter: ita dicit Abb. in c. *fin.* de *Fer.* n. 18. Gloss. in d. §. *Sed est*. hoc tit. in *Verb. quæstiones*; quæ etiam refert de Illustrissimo Flavio Ursino, qui postea fuit Cardinalis, qui in Collegio Perusino fuit præsentatus in die feriata, nempe in die S. Angeli, & etiam de Illustrissimo Andrea Matthæo Aquaviva Episcopo de Venafro, qui fuit Doctoratus in festo S. Augustini. Excipiuntur tamen quidam casus, qui etiam diebus feriatis possunt expediri: ut quando necessitas id expostulat; cujus rei plur a exempla habemus in l. 1. 2.

§. 3.

§ 3. ff. de Feriis. facit l. 1. ff. de Damn. infect. Vel pietas id requirat, ut quia causa sit miserabilium personarum; in operibus enim Misericordiae non est habenda distinctio dierum. arg. c. Utinam, d. 76. cap. Numquam, d. 5. Et alii etiam casus similes enumerantur ab Abb. in cap. fin. de Feriis; qui his versibus concluduntur:

Hæc faciunt causas Festis tractare diebus:

Pax: Scelus admissum: Mammissio: Res peritura:

Terminus expirans, Mora testis abesse volentis:

Cumque potestatis patrie Jus filius exit.

De quorum versuum declaratione, Abb. & alii in d. c. fin. & nota, quod neque consensu partium præter has causas, processus factus tempore feriato potest tenere. d. §. Sed et si, d. c. fin. Est tamen verum, quod si Feriæ fuerint introductæ in gratiam hominum, possunt partes jisdem feriis renunciare: hujusmodi sunt feriæ messium, & vindemiarum. §. Aliud. b. t. d. cap. fin. & ibi Abb. & alii. Item & operæ rurales ob necessitatem possunt exerceri. l. Omnes. C. eod. & Abb. in d. c. fin. Item nota, quod quædam sunt Feriæ repentinæ, quæ de repent inducuntur propter res prosperè gestas à Principe, vel propter natiuitatem filii ipsius Principis, vel quia duxit uxorem; & hæc quoque sunt observandæ, nec ipsis partes renunciare possunt. Gloss. in Clem. Sepè. de Verb. signif. in Verb. necessitates. l. Sed et si per Prætozem. §. Feriæ. ff. Quibus ex causis majores. Atque itæ Feriæ non possunt induci ab alio, quàm à Principe. l. A nulla

C. de Feriis. His tamen non obstantibus crederem, partes exercere posse actus omnes extrajudiciales, & voluntariæ Jurisdictionis; & ideo possent contrahere, manumittere, emancipare, & alia similia exercere sine peccato; nam quod ad hunc effectum aliud censendum est de Feriis, quæ ad honorem Dei sunt inductæ, & de illis, quæ respectu Hominis. Facit l. Actus. C. eod. de Feriis. Et de hac materia vide plenius per Abb. in d. c. fin. de Feriis.

Quartò vocatio fit nulla ex forma citationis, veluti si quis vocetur à Judice delegato, & in litteris non doceatur de delegatione; vel si Judex delegatus non habeat proprium auditorium, & in citatione locum, ubi citatus se exhibere debeat, non expresserit; vel si ultra duas dietas ipsum citaverit. Et nota, quod Dietæ potest capi, vel secundum computationem legalem, prout pro quaque die citato viginti milliaria computantur. l. Vicena. ff. Si quis cautionibus. Gloss. in c. Nonnulli. de Rescript. Vel etiam secundum consuetudinem loci, prout pro quaque die certus milliarium numerus computatur. Et Gloss. in d. c. Nonnulli, tenet, quod in casu nostro Dietæ capiantur secundum loci consuetudinem, per rationes ibi per eam allegatas, & per Jura, quæ assert. Et pro hac parte facit tex. in c. Præfenti. §. Loca. de Præbend. in 6. & vide Gloss. in cap. Statutum. §. In nullo. in verb. Dietam. de Rescript. in 6. Sed de hac materia vide per Speculat. in tit. de Citat. §. 1. Item etiam fit nulla citatio, si aliquid in ea sit prætermisum, quod debuerit ex-

primi; ut puta causa, quare sit citatus *c. ult. §. 2.* Circa quod Judex debet esse circumspectus, ad hoc ne Judicia fiant illusoria. *c. Causam, de Judic.* Bart. tamen post tractatum de Jurisdictione. ibi *Casus, in quibus citatio non valet*, præter supradictos casus, alios refert, in quibus citatio non valeat; ut est quando Judex, qui citat, evidenter non sit Judex. *c. Ex litteris, extr. de Off. deleg.* Si Rescriptum Apostolicum non servatur. *c. Infimante, de Off. delegat.* Si appareat Judicem esse inimicum. Si libertus citet Patronum. *3. q. 3. §. Libertii.* Ubicumque quis evidenti exceptione se tueri potest. *l. Non videtur, ff. de Jud.* Unde si dubium sit, debet comparere ad allegandum Privilegium. *c. Si duobus, extr. de Appellat. l. Ex quacunque.* Si quis in Jus vocat, non ierit. *l. Si quis ex aliena, ff. de Jud.* Scias tamen secundum Bartolum in dicto loco, quod si citatio nulla sit, & citatus non defendatur, proceditur ad ulteriora. *l. Si reus, ff. Judic. solvi.* Et hos omnes casus poteris videre in *c. Si Episcopus, 3. q. 2.* Quod si citatio sit facta rite, & iuste, debet citatus comparere, nisi fuerit legitime impeditus; ut si facto Adversarii fuerit impeditus, aut ad majus Tribunal vocatus; vel vinculis, aut infirmitate, vel aliis similibus causis detentus. *cap. Pastoralis, §. 1. de Off. deleg. l. Contra pupillum, §. i. ff. Si quis, caut. l. Succurritur, ff. Quibus ex causis major, c. Si Episcopus, d. 18. cum ibi not.* Et casus similes refert Speculator in *d. tit. de cit. d. §. 1.* & per Abb. in sua Practica *c. 17. Vers. & mult. & per Felin.*

& alios in *c. Cum dim. de Re Judic.* & de his loquitur tex. in *§. fin. hoc tit.* Est tamen verum, quod si hoc contigerit, debet citatus mittere ad Judicem ad faciendam Fidem de Impedimento, ut per Abb. & alios in *cap. Querelam, de Procurat.* Quo facto si sententia feratur à Judice, non valet; ut per Abb. dicta *lo. o.*, cessante autem impedimento debet comparere. *cap. Dilecti, de Dolo, & Contumac.*

Sed ne aliquam partem textus intactam relinquamus, ex *§. Item in delegato*; nota, quid agendum sit à Delegato, si Jurisdictio ejus expirat in peremptorio. Pone enim, quod Delegatus peremptoriè aliquem citaverit, & ille pro statuta die contumaciter se absentaverit, in hac specie, si post peremptorium durat Jurisdictio, in alteram diem æquitate suadente, Judex poterit expectare; nec tamen peremptorio elapso pars contumax citanda erit, nisi Judex gratiam facere voluerit; quod mirum videtur, tantum Judici concedi, ut in præjudicium alterius possit contumaci favere. *l. 1. C. Quomodo, & quando Judex, l. Si cum dies, §. Si quis ex litigatoribus, ff. de Arbitr.* Verum quamvis Judex possit favere in ferendo sententiam termino constituto, non tamen potest ei favere in expensis, & sumptibus, alioquin de suo restituet expensas. *l. Soncimus, C. de Jud.* Quod si cum peremptorio expiret Jurisdictio, tunc ne auctoritas ipsius Judicis frustra evanescat, si citatus non se præsentaverit hora, qua congruè procedi potest, ad executionem Judex liberè poterit procedere; concord. *tex. in cap. Consuluit, de Offic. deleg. & ibi*

& ibi Abb. Qui ex hoc infert, quod Canonicus citatus ad electionem faciendam certa die, debet comparere de manè, quia electio solet fieri illa hora propter Missam Spiritus Sancti; ut notat. in cap. Cum nobis, de Elect. Itaque in casu nostro citatus certa die; debet comparere hora, qua Judex non solum potest, sed etiam solet Judicare: facit l. Quod si nolit. §. Quia assidua. ff. de Edil. edict. & cap. Ex litteris, de Constit. l. penult. de Justit. & Jur.

TIT. VI.

De Dolo, & Contumacia, & in possessi. missione.

Quoniam illi, qui in Judicium vocati non comparent, contumaciam incurrunt, ob id nunc de Dolo, & Contumacia differitur: & pro tituli expeditione videbimus:

1. Quid sit Dolus?
2. Quid sit Contumacia?
3. Quis Contumax dicatur?
4. Quid Missio in possessionem sit?
5. Quomodo Contumacia puniatur?
6. Qui sint effectus Contumacie?

Quò ad Primum. Dolus est Machinatio quædam ex mente adhibita ad alium circumveniendum. l. 1. §. Dolum. ff. de Dolo.

Quò ad Secundum. Contumacia est inobedientia ex proposito commissæ contra Judicem, vel habentem Jurisdictionem; & interdum est crimen gravissimum. l. Oportet. §. Contumacia. ff. de Re milit. Et hæc definitio traditur hic in princ. & eam sequitur Aret. in Summa cod.

& Abb. in sua Practica cap. 18. Quis sit contumax?

Quò ad Tertium. Ille dicitur Contumax, qui cum fuerit vocatus Juridice ad Judicium, nullo existente legitimo impedimento, comparere negligit, aut si fortè comparuerit, non dimissus discedit, ut hic in princ. Abb. in cap. Consultuit. de Offic. deleg. Vers. & ideo. Et ad hoc ut contumacia incurratur, debet adversarius accusare. l. Properandum. §. Etsi quidem. C. de Judic. ubi Bald. l. Consentaneum. & ibi Bart. C. Quom. & quand. Judex.

Quò ad Quartum. Missio in possessionem est Judice auctore controversi fundi apprehensio quædam, cujus virtute fructus ab eo, qui in possessionem missus est, percipiuntur; qui si fortè ante annum malè consummuntur ab Actore, pecuntur apud sequestrum. cap. Dilectus. & c. Ab eo. ext. de Sequest. poss. & fruct. §. Sed si missus. hoc tit.

Quò ad Quintum. Variis modis contumacia punitur, ut in §. Hec autem, hoc tit. Abb. in c. Gravem. de Sent. excomm. Primò punitur litis damno, & causæ amissione. l. Contumacia. ff. de Re Judic. Interdum punitur multa quadam. l. 1. ff. Si quis Jus dic. non obtemp. l. 1. §. Si quis in Jus voc. non ierit, & hæc duæ poenæ non habent locum nisi in vero contumace, ut per DD. in dist. l. 1. §. fin. Si quis in Jus. Quis autem sit verus contumax, vel fictus? tractant Legistæ in l. fin. de Restit. in integr. & in d. l. Properandum. §. Si autem Reus. C. de Jud. Interdum verò punitur refectione impensarum. l. Sancimus. C. de Judic. Aliquando rei sequestratione. c. 2. de Dolo, & Contum. Interdum Actor mit-

mittitur in possessionem earum rerum, de quibus controversia est. *c. fin. de Eo, qui mittitur in possess.* *c. Quoniam frequenter. §. fin. Ut lit. non contest.* Et tandem aliquando Ecclesiastica Censuræ innodatione ob contumaciam Reus conventus afficitur. *d. c. Quoniam frequenter. c. 1. eod. in 6.* Hæc tamen hodie est correctum per Concil. Trident. sess. 25. in Decret. R. form. cap. 3. ubi statuitur, ad hanc pœnam tunc demùm veniendum esse, quando adversus Reos non potest nec realis, neque personalis executio fieri.

Quò ad Poitremum. Varii sunt effectus Contumaciæ præter pœnas, de quibus suprâ dictum est: Et in primis efficit, ut mittatur Actor in possessionem earum rerum, de quibus est controversia, ut dixi: Vel tot bonorum, quæ sint in patrimonio Rei, quot sufficiant ad debitum, si personalis instituat Actor; & hæc possessio fit custodiæ causa. *d. cap. fin. de Eo, qui mittit. in poss. d. c. Quoniam frequenter. §. Illud quoque. boc tit.* Et si fortè non compareat Reus post annum, Actor fit verus possessor. *d. c. Quoniam frequenter. in §. fin.* Et hoc in tantum est verum, ut etiamsi ob potentiam Adversarii non potuerit Actor possessionem ingredi, aut illam amiserit, nihilominus pro vero possessore habeatur. *§. Si tamen. boc tit. c. Coningit. eod.* Nisi reus dederit cautionem de stando Juri, nam tunc illicò erit restituendus. *c. Cum venissent. de Eo, qui mittit. in poss.* Et etiam post annum poterit recuperare possessionem. *§. Sed ne missus. boc tit. cap. Pastoralis. §. Præterea. de Off. Ord. & Abb. ibi.* Vel nisi steterit per ipsum Acto-

rem, quominus possessionem ingre diatur; quoniam paria sunt aliqua per me non fieri, atque per me stare, quò minus fiant. *§. Item Juris. boc tit. cap. Imputari. de Reg. Jur. in 6. cap. Quia diversitatem. De Concess. Præbend.* Alter effectus est, ut excommunicatus fortè propter contumaciam à delegato Principis non possit absolvi ab Ordinario. *§. Quæri. boc tit. d. c. Pastoralis. §. Præterea. de Off. Ordin.* quia Delegatus quò ad hoc est Ordinarius major. *c. Sanè. de Off. delegat. d. §. Præterea.* Nisi in mortis articulo; ut *dd. Jurib. c. Quod de bis. de Sent. excommunic. cap. Sanctum. de Consecr. d. 4.*

Norandum tamen est, quòd in causis beneficialibus non habet locum missio in possessionem; & idèd si quis super dignitate, personatu, vel beneficio Ecclesiastico obtinendo cum aliquo litigat, qui sit in possessione, ob partis adversæ contumaciam in possessionem mittendus non erit. *§. Sed ista. boc tit. c. Unic. de eo, qui mittit. in poss.* in 6. Hoc tamen restringitur, ut habeat locum in beneficialibus tantùm; unde si agatur de Rebus Ecclesiæ non tanquam de beneficio, sed tanquam de proprietate, habet locum hæc missio. *c. 1. Ut lit. non contest. cap. Dilecta. de Verb. signif. d. c. Unic. de Eo, qui mittitur in poss.* Ratio verò primi dicti est, ne hoc modo ad ea ingressus pateat vicius. *d. cap. Unico.* Non enim istius modi res possunt ex possessione haberi, sed solum ex canonica institutione. *c. Lezum. 2. q. 1. c. Ex frequentibus. de Instit. c. 1. de Regul. Jur. in 6.* Nihilominus in beneficialibus etiam lite non contestata contra contumacem potest procedi. *§. Licet.*

erbit. *b. t. d. cap. Unico. c. Quoniam frequenter. §. 1. Ut lit. non contest. c. 2. de Dolo, & contum. in 6.* Unde etiam videtur tradi pro regula, quod ubi de remedio missionis in possessionem non est provisum contra contumacem absentem, potest procedi lite non contestata ad Sententiam definitivam (Missio enim in possessionem est adinventum, ut reus convenitus, rædicio affectus, veniat aliquando responsurus. *d. §. Illud. cum concord. sup. allegat.*) ut per Barrol. in *Aurb. Qui semel. C. quom. & quand. Jud.* Atque hoc etiam quandoque habet locum etiam in profanis negotiis; cum hac distinctione tamen; nam aut Reus est contumax? & tunc requiritur litis contestatio; & etiam debet liquere de causa; aut verò Actor ipse contumaciam incurrit? & hoc casu etiam lite non contestata, instante Reo, Judex & testes recipere, & sententiam ferre debet. *§. Quod interdum. hoc tit. cap. Prout. extr. cod. ubi notatur de aliis remediis, quæ contra reum dantur; & de hoc tractat Barrol. in l. Consensaneum. C. Quom. & quand. Jud. cap. Causam; secundum communem intellectum, extr. cod.* Ratio autem hujus distinctionis inter Reum contumacem, & Actorem est, quia major est contumacia Actoris, quam Rei; & ad hoc reducuntur omnes rationes, quæ adducuntur à DD. & à Gloss. in *d. c. Causam*. Tandem contumacia id efficit; ut Actor si non venerit in termino, ad quem Reum fecerit citari; debet Reo reficere expensas, & cavere de comparando in posterum, alias non admittitur ad aliam citationem. *§. Idem q. neque. hoc tit. cap. 1. cod. in 6.* Atta-

men quamvis plures sint pœnæ introductæ adversus contumacem; una tantum infligenda est; & si contumacia excrescat, potest etiam ad alias procedi. *§. fin. hoc tit. c. Prodest. 24. q. 5. l. fin. C. de Mod. mult. & Abb. in cap. 1. de Panis.* Hodie tamen forma procedendi traditur per Concilium Tridentinum *d. sess. 25. in Decret. Reformat. cap. 3.* quod in Foro Ecclesiastico est omnino attendendum, & exactè observandum.

T I T. VII.

De Libelli conceptione, & oblatione.

QUoniam comparente Reo tenetur Actor libellum edere; ob id nunc de libelli conceptione, & oblatione tractatur; & pro tituli expeditione videbimus:

- 1 *Quid sit Libellus?*
- 2 *Quot sint Libellorum species?*
- 3 *Cui Libellus sit offerendus?*
- 4 *In quibus causis Libellus offerri debeat?*
- 5 *Quæ debeat Libellus continere?*

Quò ad Primum. Libellus nihil aliud est, quam brevis quedam scriptura, Actoris intentionem continens, & adversus Adversarium necessario concludens; ut *hic in princ. cap. Offeratur. 3. q. 3. Aurb. Offeratur. C. de Lit. contest. & per Abb. in c. 1. cod.*

Quò ad Secundum. Duæ sunt Libellorum species. *§. Porro. hoc tit.* Alii enim dicuntur Conventionales, alii dicuntur Accusatorii. Conventionalis Libellus est ille, qui in causis civilibus produciatur, & quo

& quo petitur, ut Reus conventus ad solvendum, vel dimittendum, vel faciendum condemnetur. Accusatorius Libellus est ille, qui in causis criminalibus porrigitur, & in quò petitur, ut quis tanquam alicujus criminis reus condemnetur. Gloss. in c. 1. extr. de Libell. obl. & ita distinguit Speculator de Libell. concept. in c. Quot sunt species Libellorum. De Libellis accusatorii non tractatur in nostro titulo, sed videbimus infra de Accusationibus; & de Jure Civili est textus in l. Libellorum. ff. de Accusat. & ibi latissimè per Bart. tractatur materia; & est tex. de Jure Canonico in c. Legim. 2. q. 1. & c. Libellorum. eod. Caus. q. 8. Itaque in titulo nostro debemus tantummodò verba facere de Libellis conventionalibus.

Quò ad Tertium. Libellus Reo offertur ad hoc, ut ex ipsius inspectione possit Reus deliberare, utrum cedere velit, an contendere? atque si contendendum sit, ut Judex valeat despicere, quemadmodum à se concipienda sit sententia. d. Aub. Offeratur. l. fin. C. de Fideicom. lib. DD. in l. Vinum. ff. Si cert. petat. l. Ut fundus. ff. Communi divid. e. Cum dilectus. de Ord. cogn. & est tex. hic in princ.

Quò ad Quartum. Regulariter in omnibus causis Libelli sunt offerendi; sed nonnulli sunt casus, in quibus Libelli solemnitas non est necessaria. Primus est in causis summariis, & in quibus proceditur sine strepitu Judicii. Clem. Sapè. de Verb. signif. Vel si causæ sint viles. Aub. Nisi breviores. C. de Sent. ex brevilogo recit. Tertio si ex consensu partium fuisset remissa hæc solemnitas, vel si hoc de Consuetudine

introducitur sit, ut non detur Libellus: Sunt & alii plures Casus similes, quos refert Speculator in tit. de Libelli concept. in cap. In quibus casib. vel causis sit offeren. Libell. vel non. in 3. par. sui Operis.

Quò ad Postremum. Libellus ab Actore edendus debet continere nomen Actoris, & Rei, qualitatem actionis, & petitæ rei, & etiam nomen Judicantis, quod non intelligas nomen proprium, sed nomen dignitatis, & officii; & si personali actione agendum erit, petendi quoque causa erit exprimenda; aliàs Reus respondere non tenetur. S. Exprimet. hoc tit. latè per Hostien. in Summa eod. S. Quod continere debeat. cap. Querelam. de Elect. Et si Libellus non contineat legitimam formam, eum poterit Judex concerpere, & destruere. cap. Sacerdotibus. & ibi Gloss. in verb. incendit. II. q. 1.

Formam autem Libelli potes legere expressam in his versibus sequentibus:

Quis, Quid, coràm Quo, quo Jure petatur, & à Quo?

Resse compositis quisque Libellus habet.

Vel clariùs;

Conventi nomen cum nomine Conventientis,

Judicis & nomen scribet, Causamque petendi,

Et quasvisque petet res, illas scribere debet.

Oblato tamen Libello, dandæ sunt Reo dilaciones, ut deliberet, cedendum sibi sit, an contendendum? Acceptandus, an recusandus Judex? & denique ut proponat, si quas habet, exceptiones. S. Oblato. hoc tit. d. Aub. Offeratur; & illæ

istæ Induciæ remittuntur arbitrio Judicis. Abb. in cap. Cum in veteri. Quins. not. de Elect. Hoc tamen intelligas de Induciis legitimis; quæ enim propter calumniam petuntur, & ad Judicium subterfugendum, non conceduntur; immò contra petentem præsumptionem faciunt. cap. Nullus. ext. de Præsumpt. & ibi not.

TIT. VIII.

De Exceptionibus, & Replicationibus.

QUONIAM ut supra diximus, oblato Libello, Reus potest excipere; quod fit vel ante litis contestationem, vel post litem contestatam; ideo ut instruamur circa hujusmodi exceptiones proponendas; ob id nunc de hac materia tractatur; & videbimus:

1 Quid sit Exceptio?

2 Quot ejus species?

3 Quando sint proponendæ Exceptiones?

4 Quid sit Replicatio?

Quò ad Primum, Exceptio nil aliud est, quàm actionis, seu intentionis exclusio; ut hic in princip. Quod declara secundum Abb. in Rubric. ext. cod. ut scilicet Exceptio dicatur actionis exclusio, quando in veritate competit actio, & eam per Exceptionem excludi oportet; ut cum promitto tibi, vel metu compulsus, vel dolo: nam hoc casu mero Jure Civili ex stipulatione oritur actio; sed adversus eam excipitur de dolo, vel metu; ut in princ. Instit. Civil. de Except. Dicitur etiam exceptio exclu-

sio Intentionis, quando actio in veritate non competit actori, agit tamen de facto; ut si petas à me decem, & ego excipio me solvisse; nam si hoc verum est, nulla tibi competit actio cum solutione ejus, quod debetur, omnino tollatur obligatio. In princ. Instit. Civil. Quib. mod. toll. obl. vide aliqua de hoc per Bart. in l. Julianus. ff. de Cond. indeb.

Quò ad Secundum. Exceptiones sunt vel Dilatorie, quæ rem, & Judicium differunt, ut hic in princ. §. Appellantur. Instit. Civil. cod. Aut sunt Peremptorie, vel Elisorie; quæ scilicet totum Jus agentis perimunt, & semper agentibus obstant. §. Peremptorie. b. i. §. Perpetue. Instit. cod. Et scias quòd istæ exceptiones ideo duplici nomine appellantur, quia inter se etiam differunt, ut per Abb. in sua Practica c. 16. Ubi Peremptorias putat eas appellari oportere, quæ funditus, vel in totum perimunt, & tollunt obligationem civilem, & naturalem; ut exceptio solutionis, & acceptilationis; quæ secundum eum ibidem defensiones potius, quàm exceptiones sunt appellandæ, quia actionis non sunt exclusivæ. Quædam verò sunt exceptiones, quæ non perimunt, sed elidunt, ut pacti conventi, doli, metus, & has putat melius dici posse elisorias, quàm peremptorias; ita distinguit Abb. in loco supra allegato.

Rursus dilatoriarum quædam respiciunt personam Judicis, quædam Agentis, quædam Rei conventi; quædam verò Actionis, & causæ qualitatem, ut hic in princ.

Personam Judicis respiciunt, quæ vel illius incompetentiam arguunt,

R

guunt,

guunt, vel de ipso suspicionem ingerunt. *S. Personam. hoc tit. cap. Si diligenti. & per tot. tit. de Foro compet.* Et de hoc dictum est supra in *tit. de Judic.* dum egimus de Judicis recusatione; & est *tex. incap. Cum spirituali. de Appellat. cap. Suspensionis. de Offic. delegat.* & hæc declinatoriæ etiam appellantur. *d. S. Personam.* Actoris partem illæ spectant, quæ ipsum non habere legitimam personam standi in Judicio demonstrant. *S. Actoris hoc tit. ut puta si quis per Monachum, vel Regularem, aut Clericum agere velit. cap. 1. de Syndic. c. Qui verè. 16. q. 1.* Item si quis tanquam Procurator, vel Syndicus, vel Tutor, vel Curator compareat; & illum Tutorem, aut Curatorem, Procuratoremve, sive Syndicum esse negetur. *Bart. in l. 3. S. Defendi. ff. Ex quib. caus. in possess. eat. Vel sua non interesse. Abb. in cap. Ex parte. de Testib.* Vel audiri non debere protestetur, ut per *Abb. in c. Quia frustra. de Usur. in fin.*

Personam autem Rei respiciunt, veluti si quis ab eo, qui alienam litem defendit, de Judicato solvendo cautionem postulet. *l. Qui proprio. S. Qui alium. ff. de Procurat. l. Exigendi. C. cod. tit.* Aut si ab Actore se spoliatum esse Reus conventus coram Judice queratur, & ideo restitutionis beneficium imploret. *cap. Cum dilectus; ubi Abb. de Ord. cognit. Vel si actorem ex legitima causa domum revocet. c. fin. de for. compet. l. 2. ff. de Judic.*

Actionem autem, & causam respiciunt; ut cum proponitur de ineptitudine, aut incertitudine Libelli, de litis pendentia. *Bald. in l. Peremptorias. in fin. C. sent. rescindi non*

posse. Felin. in c. Exceptionem eodem. Aut cum nondum diem solutionis venisse ostenditur. *l. 3. in fin. l. Non. in fin. ff. Quando dies usufruct. cedat.* Atque hæc dilatoriæ præter supradictas causas ducuntur ex loco, ut quia non sit tutus. *Clem. Pastoralis. de Re Judic.* Ex tempore; ut si nimis angustum tempus assignetur. *§. q. 2. c. 1. & c. Si primates; vel ex Fetiis, &c. ut supra diximus.*

Peremptorium autem exceptionum alia dicuntur peremptoriæ litis finitæ: quædam simpliciter Peremptoriæ.

Peremptoriæ litis finitæ sunt, quæ litis impediunt ingressum, ut Transactionis, Jurisjurandi, & Rei Judicatæ. *cap. 1. & ibi Abb. de Transact. & notatur in c. fin. extr. cod. in 6. Jurisjurandi, sive sit pactum Juratum de non petendo, sive de non agendo, sive simplex Juramentum de non petendo; namque omni casu hæc exceptio impedit litis contestationem; & hæc ad Rescriptum, & ad processum apponi potest. DD. communiter, quos refert Perusius in c. 1. de Lit. contest. in 6. Facit l. 2. de Jurejur. c. Etsi Christus. extr. cod. de Jurejur. c. Veniens. de Accus. Rei Judicatæ, ab eo scilicet, cui fuit Jus dicendi. l. 4. S. Condemnatum. ff. de Re Judic. l. Non putavit. S. Non quævis. ff. de Bon. poss. contr. tabul.* Ratio autem, quare hujusmodi exceptiones impediunt litis contestationem, ea est, quia absolum videretur de novo Judicium incipere, quod Transactione, Jurejurando, & Sententia semel finit decisum: ita dicit textus in *S. Harum. b. t. Facit l. Causas. & l. Fratris. C. de Transact.*

Cæteræ verò, quæ simpliciter perem-

peremptoriæ dicuntur, ut doli mali, metus, & pacti conventi, non impediunt litis contestationem. §. *Cetera*. b. 1. c. 1. & 2. de *Lit. contest.* in 6. Nisi notoriæ sint, & ut dici solet vulgò, manifestæ; ut per Abb. inc. 1. de *Oper. novi nuntiatione*.

Sunt etiam aliæ exceptiones, quæ mixtæ, sive anomalæ dicuntur secundum Hostiens. in *Summ. eod.* §. *Quæ sit exceptionum divisio?* Et has Abb. in *sua præct.* c. 62. Præjudiciales appellat. §. *Sunt etiam*. hoc tit. §. *Præjudiciales*. *Inst. Civil. de Actio.* Et de his not. per Abb. in c. 3. de *Ord. cognit.* Hujusmodi est exceptio consanguinitatis, causæ restitutionis in integrum, exceptio Natalium, & similes, de quibus inferius videbimus.

Rursus exceptionum aliæ Perpetuæ sunt, aliæ verò Temporales, ut ff. *eod.* l. 3. Item aliæ Personales, aliæ Reales. Personales non transgrediuntur personam, cui competunt. Reales verò dicuntur, quæ alicui competunt, & omnibus, qui ex persona illius conveniuntur. l. *Exceptiones*. la 2. in *princ.* ff. *eod.* tit. & §. *Rei*.

Exemplum Temporalium est, ut exceptio pacti conventi ad Tempus, vel etiam exceptio Procuratoris; & hujusmodi exceptiones temporales dicuntur, quia non semper locum habent, sed evitari possunt.

Exemplum Perpetuarum est, ut doli mali, Rei Judicatæ; & siquid contra leges, & Senatus consulta factum esse dicitur: & hæ dicuntur perpetuæ, quia semper habent locum; & in quacunque parte Judicii possunt apponi. d. l. 3. Sed hæ aut sunt dilatorię, aut perem-

ptoriæ, ut ibi videre est; quod etiam ex infra dicendis apparebit.

Exemplum Realium est, ut Rei Judicatæ, doli mali, Jurisjurandi, Quod metus causa; hæ liquidum ad fidejussorem transeunt. d. l. *Exceptiones*, la *secunda*. ff. *eod.* & hæ Peremptorię sunt.

Exemplum Personalium est, ut puta quod Socius, vel Maritus non teneatur ultra id quod facere possit. l. *Verum*. §. 1. ff. *pro Soc. l. Maritum*. ff. *Solutio Matrimonio*; & aliæ. l. *Sunt qui*. ff. *de Re Jud.* Hæ exceptio non competit fidejussori. d. l. *Exceptiones*. Sed hæ omnes dilatorię sunt, & Temporales.

Quò ad Tertium. Scire debes, quòd regulariter omnes dilatorię proponuntur antè litis contestationem. §. *Hæ vel*. hoc tit. Et dixi regulariter, quia quandoque etiam post litem contestatam opponuntur ut per Canonistas in d. c. *Exceptionem*. *eod.* & ex infra dicendis apparebit. Illæ autem, quas Declinatorias appellavimus, debent proponi antè omne dilatoriam exceptionem. §. *Exceptionem*. 3. q. 6. c. *Pastoralis*. *eod. cap. Inter Monasterium*, de *Re Judic.* In *cap. Quoniam contra*, de *Probat.* Undè si excipiens aliam exceptionem opponat; ut puta, quòd Adversarius sit excommunicatus; vel aliam proposuerit exceptionem; tunc non potest declinatoriam fori proponere; ut quia videtur, in Judicem consensisse. §. *Item si quas testibus*. 4. q. 3. c. *Cujus in agendo*. 3. q. 8. & latè tractatur in c. *Inter Monasterium*. de *Re Judic.*

Itaque Dilatorię ante litis contestationem debent proponi. d. c. *Inter Monasterium*. *cap. Pastoralis*.

R 2 ext.

ext. cod. Excipitur primò dilatoria solutionis, quæ quamvis debeat proponi ante litem contestatam, tamen probanda est, postquàm Actor fundavit intentionem suam. *l. Exceptionem. C. de Probat. d. 5. Exceptionem. 3. q. 6.* Et etiam quandoque potest proponi in causa appellationis. *c. Cum Joannes. de Fide Instrum. l. Siquidem. C. cod.* Et ne decipiatis, nota, quòd dilatoria solutionis dicitur, quæ solutionem differt; ut exceptio pacti conventi temporalis; item illæ exceptiones, quæ dantur quibuidam personis, ut non conveniantur, nisi in quantum facere possunt. *d. l. Sunt qui.* Secundo loco excipitur illa exceptio, quæ lite contestata Reo incœpit competere. *c. Insinuante. ubi DD. de Offic. deleg. d. c. Pastoralis:* vel quæ postmodum ad ejus pervenit notitiam; quo casu Jurejurando fidem facere debet, rem ita esse. *§. Sed & lite. hoc tit. c. Presentium. de Testib. & plenè habetur in d. cap. Pastoralis.* Et tandem excipiuntur illæ exceptiones, quæ judicium redderent nullum retro; cujusmodi sunt exceptio proveniens ex defectu mandati. *cap. In nostra. & ibi Abb. de Procurat. Vel illa, quæ defectum Jurisdictionis arguit, ut ibidem:* vel etiam exceptio incertitudinis Libelli, quæ licet sit dilatoria, poterit quandoque opponi post sententiam; videlicet cum talis est incertitudo, & ineptitudo Libelli, quæ non concludit Jus agendi, nec super eo sententia formari potest, ut per Abb. in *c. Cum ductus, de Empt. & vendit.* Excipitur etiam exceptio illa, quòd quis non conveniatur, nisi in quantum facere potest; nam potest proponi

post litem contestatam; & etiam post sententiam; ne plus extorqueatur, quàm condemnatus facere potest. *l. Inter eos. in fin. ff. de Re Judic. l. In condemnatione. De Verb. signific.*

Item excipitur exceptio excommunicationis, quæ in sui substantia dilatoria dicitur; quia ea probata Judicium, sive processus est nullus, sed actio remanet salva. *cap. Ad probandum. ext. de Re Judic.* Itaque hæc exceptio proponitur quodocunque, & ante liris contestationem, & etiam post sententiam. *c. Exceptionem. ext. cod. d. c. Ad probandum. c. 1. cod. in 6.* Et hoc est speciale in hac exceptione, ne quisquam in periculum animæ excommunicatio communicare compellatur, ut dictis Juribus. Et in hac exceptione proponenda certa forma est servanda. *§. Sed cum. hoc tit. dist. cap. 1. cod. in 6.* Ut scilicet, qui eam opponit, speciem illius, & nomen excommunicationis, exprimat, & intra octo dies eam probet. Quod ideò introductum est, quia malitiosè frequenter opponitur; ut *ibi. & in d. §. Sed cum.* Requiritur autem quòd speciem excommunicationis exprimat, quia minor excommunicatio non excludit quem à Judicio. *cap. Engeltrudam. 3. q. 4. c. Si quem. de Sens. excommun.*

Hoc tamen verum est, quòd si Actor appellavit à sententia, non potest excommunicationis oppositæ prætextu à prosecutione appellationis excludi. Abb. in *cap. Significavit. & in c. fin. cod. & in d. c. Pastoralis.* Et supradicta procedunt, quando Actori excommunicatio opponitur; cæterùm si Reo

oppo-

opponatur, licet reconvenire non possit, tamen admittitur ad proponendum suas legitimas defensiones. *G. Rens. hoc tit. c. Cum inter. cod. cap. Intelleximus. de Judic.* ubi de hoc. Absurdum enim esset, si Actore impugnante, defensionis copia Reo denegaretur; quia sic multoties condemnaretur absolvendus *arg. l. Absentem. ff. de Pannis.*

Peremptoriae autem litis finitae in ipso limine Iudicii proponuntur, utpote quae litis ingressum impediunt. *G. Harum. hoc tit. cap. 1. de Lit. contest. in 6. & ibi Gloss.* Quod procedit quando in vim declinatoriarum proponuntur. *Gloss. in d. c. 1.* Aliae vero Peremptoriae possunt proponi quodcumque ante sententiam, sive etiam antequam sit in causa conclusum; & possunt etiam protestari ante litis contestationem. *d. cap. Exceptionem. l. Exceptionem. C. cod. c. Auditis. de Praescript. c. De testibus. ext. de Testib. in fin. G. Cetera. b. t. Gloss. in d. c. Exceptionem. cod.*

Verum ab hac Regula excipiuntur quaedam exceptiones, quae etiam post sententiam proponuntur, ut exceptio Macedoniani, & Vellejani. *l. Tamen. ff. ad Maced. Item fallit in qualibet peremptoria à Milite per simplicitatem omissa, nam eam post sententiam opponere potest. l. 1. C. de Jur. & fact. Ignoran. Quod etiam procedit in Rusticis, si non potuerunt peritiores consulere; ut l. Regula. G. Sed Juris. ff. de Juris, & fact. ignor. Item Fidejussor condemnatus in solidum etiam post sententiam implorare potest mandari sibi actiones contra confidejssores alios. l. Si*

fidejssores. *G. Idem respondit. ff. de Fidejuss. Item exceptio falsi. c. Super eo. de crimine falsi. l. Si Praetor. G. Marcellus. ff. de Jud. Et si quae sunt hujusmodi. Et plures casus ponit Accursius in G. Appellatur. Instis. Civil. cod. & Speculator d. G. num. 14. cod.*

Quando autem tam Dilatoriae, quam Peremptoriae exceptiones probandae sint? dicas hoc modo. Quod dilatoriae declinatoriae sicut proponi debent in ipso litis exordio, ita quoque eo tempore probandae sunt: prius enim est, ut sciatur de Jurisdictione Iudicis, & deinde ad consequentia procedatur: Verumtamen si per ignorantiam exceptiones hujusmodi omitantur, etiam post sententiam latam locum habent. *l. Ad probandum. de Sen. & Re Judic.*

Dilatoriae vero proponendae sunt, & probandae ante litem contestatam. *d. cap. Inter Monasterium. de Sen. & Re Judic. d. c. Pastoralis. cod. tit. Limita in dilatoriis solutionis, ut supra dixi, quae probantur postquam Actor intentionem suam probavit. d. l. Exceptionem. C. cod. tit.*

Peremptoriae autem probantur, postquam Actor intentionem suam probavit. *dict. l. Siquidem. C. cod. l. Peremptorias. C. sent. rescindi non posse.*

Anomalae autem exceptiones sunt, quae proponuntur in eo casu, quando contendimus, Iudicium nullum retro fuisse; atque ideo dicuntur Anomala, quia non sequuntur Regulam, vel naturam aliarum exceptionum: nam locum habent ante litis contestationem, post litem contestatam, ante sententiam, & post;

& post; Ut sunt illæ, ne quis conveniatur, nisi in quantum facere potest, quæ Anomalæ dici possunt. Item exceptio non numeratæ pecuniæ, & exceptio non solutæ dotis. Istæ enim Anomalæ dici possunt; quia, cum alias exceptiones obijciens probare debeat, quod opponit. *l. In exceptionibus. ff. cod. tit. in prædictis duabus secus est, quia non is, qui excipit probare debet, sed qui perit. l. 3. C. de non numerata pecun. Quod verum est intra biennium. l. In contrahib. C. cod. tit. de non numerata pecun.* Et de exceptione non solutæ dotis est textus in *Ausb. de Temp. non solut. dotis. Col. lat. 7.* Et in his duabus exceptionibus illud mirabile est; quod per oppositionem ipsarum lis quoque contestatur, quod regulariter secus est in aliis peremptoriis; ut per *Goffred. in sua Summa. cod. de Except. n. 8.*

Similes sunt, quæ opponuntur adversus testes; ut puta si quis Mevium examinatum infamem, excommunicatum, vel aliàs criminolum esse dicat; namque hujusmodi exceptiones neque dilatorię, neque peremptorię sunt. Dilatorię non sunt, quia non differunt processum super principali, sicut faciunt dilatorię; nec necesse est eas proponere ante litem contestatam, sicut dilatorias. *d. c. Inter Monasterium. de Re Judic.* Non Peremptorię, quia non concernunt actionem, nec ejus exclusionem, quod faciunt Peremptorię. *l. 1. & 2. ff. de Exceptionib.* Verum istæ ante Sententiam proponendę erunt, cum ad naturam peremptoriarum videantur accedere. *§. Sunt & b. t. cum, nisi per directum, saltem per obliquum*

perimant actionem; sublata enim probatione, remanet Jus partis inutile. *cap. Sepè. de Restitut. Spoliat. argum. cap. Hermaphroditus. 4. q. 3.*

Et hic obiter nota, quod in hoc casu multum refert, an Testibus opponatur crimen, de quo nunquam aliàs fuerunt convicti; vel crimen, de quo fuerunt convicti. Primo enim casu exhibenda erit probatio; & probato crimine, ordinaria cessante pœna, convicti repelluntur à Testimonio perhibendo. In secundo verò casu testis, cui obijcitur, debet se probare innocentem, aliàs repellitur. *§. Multum. voc. tit. c. 1. ext. cod.*

Quorsum tandem Præjudiciales? Circa has dicas sic, quod Præjudiciales appellantur ex eo, quod alteri cognitioni præjudicium afferunt. Exempla habes in *§. Sunt etiam. voc. t.* ut si quæ mulier Titium in Virum petat, qui ad elidendam mulieris intentionem, consanguinitatis excipiat exceptionem, quæ probata, cum quæstio principalis perimatur, de ipsa est cognoscendum, antequam ad definitionem causæ principalis procedatur. Item si petenti hæreditatem objecta sit natalium exceptio. *cap. 1. de Ord. cogn. c. 3. cod. de Ord. cognit. & ibi per Gloss.* Item si spoliatus excipiat de spolio; nam hoc casu probationis super spolio primitus erunt audiendę, atque si fuerit probatum spoliium, reus non cogetur respondere Positionibus, donec integrè restitutus fuerit. *§. Sed et si. b. tit. c. Cum dictus. de Ordin. cognit. Ratio autem hujus Decisionis est, quia nec nudi contendere, nec inermes inimicos nos opponere debemus. cap. 1. de Restitut. Spoliat. in 6. Sunt tamen*

mem

men casus, in quibus hoc, quod hic dicitur, non habet locum, ut per Gloss. in d. §. Sed est. & per DD. in c. 2. de Ord. cognit. Unum tamen nota, quòd si in civilibus causis loquamur, hæc exceptio debet opponi hoc modo, ut spoliū dicatur factum ab Actore; & hoc introductum est, ne calumniosè proposita causas Ecclesiasticas contingat impedire. §. Sed quia. boc tit. c. 1. de Restit. spoliat. in 6. Alius enim Iudex non debet supersedere in causa principali. Quod secus est, si in criminalibus opponatur; quia in hoc casu si Reus excipiens fuerit privatus per violentiam ablativam, vel expulsiivam, vel tota substantia, vel majori parte ipsius, proposita hujusmodi exceptione, quod spoliū à tertio sit factum, processus differtur, propositis pœnis expensarum, vel etiam Arbitrariis, nisi intra dies quindecim obijciens exceptionem probaverit. §. In criminalibus. b. t. c. 1. & ibi not. de Restit. spoliat. in 6. Sed tamen verum est, quòd in hoc casu à Iudice potest etiam tempus indulgeri, infra quod restitutionem Reus imploret; quo tempore transacto, nisi petierit restitutionem, & causam ad finem perduxerit, non obstante exceptione, poterit accusari. §. Inter scholares. boc tit. d. c. 1. §. Solet. de Restit. spoliat. in 6. Et nota generaliter ad suprascripta, quòd si Reus opponat exceptionem, quæ adversus se ipsum possit opponi; nullatenus talis exceptio est admittenda. §. Cavebit. boc tit. c. Nihil. 32. q. 6. cum pluribus seqq. & c. fin. d. 26. c. Judicet. 3. q. 7. Unde, si quis habens plura beneficia, de eadem pluralitate adversus alium excipiat;

aut si perjurium, aut excommunicationem is obijciat, qui perjuravit, aut excommunicatus est, non est audiendus. d. §. Cavebit. c. Cum Ecclesiasticæ. boc tit. Quod tamen verum est, si quis proprio nomine conventus excipiat; secus verò est, cùm aliquis suam defendens Ecclesiam, excipiat. §. Hoc tamen. boc tit. c. Dilecti. eod.

Secundò nota, quòd quis potest proponere non solum unam, sed etiam plures exceptiones etiam contrarias. §. Possemò, boc tit. facit l. Nemo. ubi not. ff. eod. Quod intellige secundum Abb. in c. fin. in fine. De Relig. domib. Ut scilicet procedat, quando aliquis proponit plures exceptiones contrarias eodem tempore non purè, sed sub conditione; veluti si excipiens dicat, propono talem exceptionem; & si hæc non procedat propono talem; ita inquit Abb. loco suprà allegato; Et de alia declaratione vide Bart. in d. l. Nemo; quem refert Abb. in cap. Pastoralis. eod.

Quòd ad Postremum. Replicatio nihil aliud est, quàm exceptionis propositæ repulsio, vel exclusio quædam; sicut enim exceptio excludit actionem; ita & Replicatio excludit exceptionem. §. fin. boc tit. Unde sicut probata intentione Actoris, deinde probanda est exceptio peremptoria, ut suprà diximus; ita probata exceptione Replicatio probanda erit. c. Illud. de Prescript. & Gloss. in Summ. de Probat. n. 14.

Hucusque compendiosè dicta de Exceptionibus deservunt ad generalem earum cognitionem consequendam. Cæterum, ut specificam intelligentiam omnium, & singularum

rum Exceptionum studiosus Lector percipiat, legat ea, quæ traduntur ab Oinorimo, à Pichardo, & à Nicolio in *Lib. 3. Instit. Civil. tit. 8. de Exceptionibus*; & abundantius à Pace Jordano *Tom. 3. lib. 14. tit. 23.* & novissimè à Carolo de Grassis in suo eruditissimo Tractatu de Exceptionibus, in quo earum quadraginta tres species exponit, & declarat. At non bene discuntur, nisi Forus practiceatur.

T I T. IX.

De Mutuis Petitionibus.

QUoniam petitiones, quæ vicissim à Reis solent proponi, habent speciem quandam Exceptionis; ob id nunc de ista materia disseritur; & pro expeditione tituli, videbimus:

- 1 *Quid sit Mutua Petitio?*
- 2 *Quando Reconventio sit facienda?*
- 3 *Coram quibus Judicibus fieri possit?*
- 4 *In quibus causis locum habeat?*
- 5 *Qui possint reconvenire?*
- 6 *Qui sint Reconventionis effectus?*

Quò ad Primum. Mutua petitio, ut nomen ipsum significat, est petitio facta hinc inde; & ex parte Actoris dicitur *Conventio*; ex parte verò rei *Reconventio*; quoniam Reus conventus vicissim Actorem convenire videtur; ut notat Abbas in *Rubr. extr. cod.*

Quò ad Secundum. Proposita actione ab Actore, & oblato libello, si forrè Reus Jus habet conveniendi ipsummet Actorem; tunc potest ipsemet Reus suam reconventionem proponere, ut not. in cap.

Sapè. de Sent. excomm. Et debet reconventio proponi illico postquam fuerit Reus conventus. *c. 1. cod. §. Proposita. hoc tit.*

Quò ad Tertium. Reconventio potest fieri coram quocunque Judice Ordinario, vel Delegato. *d. cap. extr. cod. c. Dispensia. §. Reus, de Rescript. in 6. §. Nec solum. hoc tit.* Hinc fit postea, quòd ipsemet Reus interdum vocat coram Judice seculari personam Ecclesiasticam, quam aliàs vocare non posset. Glossa in *c. 1. extr. cod.* Cujus enim quis in agendo observat arbitrium, eundem habere contra se Judicem in eodem negotio dedignari non debet; ut hic in *princ. c. 1. §. Cujus, 3. q. 8.* & *l. Cum Papinianus, in fine. C. de Sent. & Interl. omn. Jud.* Unde etiam Actoris, & rei reconvenientis æqualis debet esse conditio in Judicio; & ideò si causa appellationis remota committatur, si reus Actorem reconveniret; uno, eodemque Jure circa appellationis remedium, uterque censendus erit. *§. Utriusque. b. tit. cap. fin. ubi Abb. cod.*

Verùm coram Arbitris non habet locum reconventio; Ratio est, quia isti non possunt judicare nisi de his tantum, super quibus in eos compromissum fuerit. *§. de Arbitris. hoc tit.* Nec habent Jurisdictionem à Jure, sed tantum notionem. *l. Praetor. ff. de Re Judic. Abbas in cap. Cum dilectus. de Arbitr. & in c. 1. cod.*

Quò ad Quartum. Reconventio habet locum in omnibus ferè causis, excepta causa Depositii, & exceptis causis criminalibus. *§. fin. hoc tit. c. fin. extr. cod. l. Si quis vel pecunias. C. Deposit.* Item excipiuntur cau-

causæ Spirituales, cum non possit Reus conventus coram Judice Laico in causâ Spirituali Actorem reconvenire; ut sunt causæ Jurispatronatus, Decimarum, Matrimonii, & hujusmodi. *§. Interdum. b. t. c. Ex tenore. & c. Si diligenti. De Fora compet. c. Quanto. de Judic. c. Tua. 1. & 2. De Decimis.*

Quò ad Quintum. Regula generalis est, omnes posse reconvenire, exceptis his, qui sunt excommunicati, licet possint excipere, ut vidimus titulo præterito. Ratio ea est, ne quod in defensionis remedium sustinetur, ad impugnationis materiam extendatur. *§. Idem Juris. b. t. Innoc. in c. Si verò. de Sent. excom. & per Abb. in c. Cum inter. de Except.*

Quò ad Postremum. Reconventionis effectus est, quòd hac via, atque ratione potest Reus conventus suum Jus consequi. Alter est effectus; ut virtute Reconventionis efficiatur Judex competens, qui non est Judex. *d. c. 1. & c. 2. extr. cod. d. l. Cum Papinianus. & Ausent. Consequenter. C. de Senten. & Interloc. omn. Judic.*

T I T. X.

De Restitutione Spoliatorum.

Sicut in illis casibus, quos supra titulo proximo exposuimus, non habet locum Reconventio; ita quoque non permittitur quoties quis conqueritur de Spolio; nam ab Adversario suo non potest conveniri. *§. 1. hoc nostro tit. & ideo de hac materia tractatur in titulo nostro, pro cuius expeditione videbimus:*

1 *Quid sit Spoliatio?*

2 *Quod remedium habeat Spoliatus?*

3 *Quando Restitutio facienda sit?*

4 *Quæ sint restituenda.*

Quò ad Primum. Spoliatio à possessione rei immobilis est violenta, & injuriosa dejectio, vel mobilis rei ablatio: diciturque violenta; quoniam si concurrat consensus, spoliatio locum non habet. *c. Accepta. extr. cod. & norat in c. In litteris. cod.*

Quò ad Secundum. Quotiescunque quis spoliatus est, habet remedium Restitutionis, ut in pristinum statum reducatur; quod in tantum verum est, ut debeat omnino restitutio fieri, & spoliatus possessionem recuperare. *c. 1. cap. 2. extr. cod. Et debet recuperare actu ipso; nec sententia sola sufficit, ut not. in cap. Cum aliquibus. de Sent. & Re Judic. c. Episcopi. §. 1. 3. q. 1. §. Nec restitutionis. cod.*

Quò ad Tertium. Est facienda Restitutio semper ante principalis causæ ingressum, cujuscunque generis sit ipsa causa, & quodcunque fuerit Judicium inentatum. *§. Sed etsi. hoc tit. c. Omnes. 2. q. 2. & c. Nullus. & per tot. 3. q. 1. cap. Reintegranda. & per tot. Et hæc restitutio fit ad omnia, non solum ad damna, & expensas passas post spoliū; sed etiam ad factas in conveniendis amicis, & parandis armis, ab eo, qui propulsavit vim incontinenti; & sic ab eo, qui nunquam perdidit possessionem. l. 1. §. Vim vi. l. 3. §. Cum igitur. ff. de vi, & vi armat. & ibi Bart. Dicitur ante ingressum ex ea ratione, quia si proponitur exceptio Spolii, non cogitur Reus respondere Actori, nisi fuerit restitu-*

S tus,

tus, ut habetur in *c. In his. & in c. Conquerente. cod. tit.* Et notandum est, quod quis dicitur etiam est spoliatus, cum fuerit possessione privatus à Judice, qui sententiam nullam tulit, vel non servavit Juris ordinem, vel est Judex incompetens. *§. Spoliatus. b. 1. DD. in d. cap. Conquerente. & in c. Causam Matrimonii, de Off. delegat.* Item etiam spoliassus intelligitur, qui mandavit spoliari; aut ratum habuerit spoliū suo nomine patratum; vel si in id vitium spoliatori succedit, ut quia rem indebitè occupatam scienter recipiat. *§. Is quoque. hoc tit. & in cap. Cum ad sedem. extr. cod. & in l. 1. §. Quoties. ff. de Vi, & vi armat.* Undè etiam is ad restitutionem obligabitur. Ita notatur in *d. c. Cum ad sedem.* Et hujus occasione nota, quod si quis spontè post spoliū renuntiaverit, non per hoc impediatur Restitutio; & hoc optima ratione, quia non est verisimile, quod spontè proprio Juri renuntiaverit, qui renunciat spoliatus. *§. Illud questum. hoc tit. cap. 2. extr. cod.* Quod secus est, si antè spoliū facta sit hujusmodi renunciatio. *§. Testes. hoc tit. c. Accepta. ext. cod.* Et hic est unus casus exceptus à regula.

Secundò excipitur casus, quando contra excipientem de spolio opponitur de alia spoliatione. *cap. fin. de ord. cogn.*

Tertiò si excipiens eodem tempore super spolio disceptari consenserit. *c. 1. cod.*

Quartò si spoliatus in petitorio antè restitutionis postulationem succubuerit, ut per Legistas in *l. Naturaliter. §. Nihil commune. ff. de Acquirenda possessione.*

Quintò excipitur, quando spoliator, non per contumaciam, vel per dolum abest; nam si eo absente voluerit Actor probare spoliū, & certus terminus sit ipsi spoliatori præfixus, intra quem spoliatus sit restituendus, hoc casu si Reus intra illud temporis spatium sese Judici exhibere non possit, nihilominus spoliatus non erit restituendus. *§. Item si. hoc tit. cap. Consultationibus. de Offic. deleg.*

Sextò excipitur casus, quando contra agentem spolio, opponitur exceptio, per quam concludatur, illum non possedisse; nam hoc casu differenda est restitutio, donec de tali exceptione cognoscatur. *§. Sed etsi. b. 1. Ubi traduntur exempla in Laico, qui spiritualia possidere non potest. c. Causam. de Præscript.* Et in Sacerdote, qui non potest habere uxorem; & hanc exceptionem possūmus opponere tam ad possessorium, quàm ad petitorium. *Abb. in cap. Ex parte. col. fin. extr. cod.* facit quod ad hoc notat Bald. in *tit. de Pace Constant. in vers. restituitur.* Et ex hoc inferunt DD. quod exceptio specialis reservationis beneficii impedit restitutionem, etiam si spoliatus justificare possit possessionem titulo colorato, quia reservatio Apostolica inficit titulum, & possessionem. *c. Si eo tempore de Elect. in 6. Rot. Roman. decis. 3. alias 16. hoc tit. in novis.* Et *Abb. inc. In litteris. mem. 28. cod.*

Septimò: Excipitur casus, quando pro Spoliatore militat Juris præsumptio, nam etiam hoc casu Spoliatus ante omnia non est restituendus: exemplum habetur in *§. Quinimò. hoc tit. c. fin. cod. in 6.* Quod intellige quando Præsumptio non solum

solum ostendit injustitiam possessionis ex parte spoliati, sed etiam justificat possessionem spoliatoris. *di. cap. fin.* De aliis intellectibus vide Glossi in *d. §. Quinimodo. in verb. militat.* Item in casu *cap. Significasti. de Divortio*, ubi notoria fornicatio uxoris. privat eam restitutione. Item spoliatus illico non restituitur, si hæretici labe pollutus deprehendatur. *cap. Quo iure. d. 8. §. 1. 13. qu. 1.* Ratio est quia hæreticus nihil potest possidere. *c. 1. & 2. 23. q. 7.* Vel, si facta restitutione, animæ periculum immineret, ut puta quia quis spoliatus est uxore, quæ excipit de consanguinitate in gradu prohibito, quia potest timeri de illicita copula, incestuosaque. *cap. Litteras. eod. Glossi. in c. primo. eod.* vel si scandalum timeri possit, quæ habentur in *§. Plures*: ita not. in *c. In primis. 2. q. 1. & in Summ. 3. qu. 1.* & per Felin. in *cap. Nihil. de Prescript.* Præter hos multi sunt etiam casus huiusmodi, de quibus tractant Legitiæ in *l. Naturaliter. §. Nihil commune. ff. de Acquir. possessione.*

Quo ad Postremum. Restituenda sunt omnia illa, quæ spoliatus habuisset, si non fuisset ejectus: & planè hoc intelligendum est, ut habeat spoliatus à die spoliationis omnes proventus, utilitates, commoditates, & demùm omne interesse, quod consecutus fuisset, nisi spoliatus esset. *l. 1. §. Ex die. & per totam legem ff. de Vi, & vi armat.* Et etiam supra tetigi. Et

Pro corollario hujus Rubricæ nota in *§. fin.* quod in odium spoliatoris introductum est, ut spoliatus suspenso petitorio, possit intentare possessorium, si tamen nondum sit

renunciatum, vel conclusum in causa. *d. §. fin. b. 1. c. Pastoralis. extr. de Caus. poss. & propr.* Quod si conclusum sit in causa, vel renunciatum, qui intentavit petitorium, non poterit possessorio uti, nisi causa decisa. *arg. cap. Querelam. de Elect.* Et hic nota differentiam inter petitorium, & possessorium: etenim qui intentat petitorium, dicit se dominum, & dominium petit; qui verò intentat possessorium, per illud interdicitur possessionem petiri. Sed in hoc non insisto, quia est materia ampla, & eam pertractant Doctores in *d. l. Naturaliter. §. Nihil commune. ff. de Acquir. possess.*

Sed quæret aliquis: Quid proderit redire ad possessorium, cum Sententia super proprietate trahat ad se: Sententiam super possessione? *c. Cum dilectus. de Causa poss. & propriet.* Sed responde, quod potest prodesse quod ad fructus, quos recuperat à tempore dejectionis. *d. §. Ex die.* Item quia ex quo habuit possessionem, habebit commodum retentionis, nisi adversarius proprietatem probaverit. *l. Res alienas. ff. de Rei Vindic.* Et quia si spoliator rem petat, potest ei objici, quod amisit jus, quod habebat; per *l. Si quis in tantum. C. Unde Vi.* Et quia hic fit mentio conclusionis in causa, & renunciationis, scias, quod secundum Innocentium, & Abbatem in *d. cap. Pastoralis*, tunc dicitur quis renunciare, cum renunciat probationibus facti; concludit autem, cum renunciat probationibus tam facti, quàm allegationibus Juris: & de hoc videndus est Felin. in *c. Cum dilectus. de Probat. & per Dec. inc. 1. de Jud. de S. 2. hac.*

hac materia qui plura scire desiderat, legat Pacem Jordanum Episc. Tragurien. in *Tom. 3. lib. 14. tit. 12.* ubi eam examinat, & declarat; & quidquid in Praxi occurrere potest, juribus, & auctoritatibus demonstrat. Sed pro perfecta intelligentia Praxis est necessaria.

TIT. XI.

De Litis contestatione.

Hucusque dictum est de ils, quæ Præparatoria Judicio sunt; nunc perveniamus ad ea, quibus ipsum Judicium constituitur; & quia Judicia constituuntur per Litis contestationem, merito de ea tractatur in titulo nostro: pro cujus explicatione tituli, videmus:

- 1 *Quid sit Litis contestatio?*
- 2 *Qualiter fiat?*
- 3 *A quo fiat?*
- 4 *Qui sint eius effectus?*

Quò ad Primum. Litis contestatio est Judiciorum quasi fundamentum quoddam, quod prætermitti non potest, ut hic in *priv. cap. Ex parte. 2. de Verb. signif. c. Relatum de Offic. delegat.* Et potest dici, quòd sit *Hinc inde opud. Judicem negotii principalis facta narratio.* ut notat Goffr. de *Lit. contest.* Quamvis à quibusdam impugnetur, ut apud Marant. in *Specul. Parte 6. de Lit. contest. n. 5.*

Quò ad Secundum. Litis contestatio fit per Petitionem in Judicio propositam, & congruam Responsum sequentem, animo contestandi litem factam, cum Judex per narrationem negotii causam au-

dire cœperit. §. *Ea verò. hoc t. c. Unico. cod. cap. Dudum. de Elect. l. 1. c. cod.* Et nota, quòd debet fieri Judice pro tribunali sedente; ut per Abb. in *d. c. Unico. in ult. notab. & in c. Cum causam. de Appell. in princ.* Undè inferitur, quòd si quis positionibus simpliciter respondeat; aut peremptoriam exceptionem proponat, per hoc nequaquam est facta Litis contestatio. *d. c. Unico.* ubi redditur ratio, quia qui ponit aliquod dictum, vel factum, nihil petit ab Adversario, nec etiam ostendit per hoc velle agere; & ita per hoc non posset fieri sententia condemnationis, vel absolutionis, cum nihil petitum sit per positionem, sed ostendat aliquid esse factum, vel dictum, vel promissum; & sententia est ferenda secundum modum agendi. *c. Qualiter. de Accusat.* alias rationes vide per Abb. in *d. cap. Unico. in princ.*

Quò ad Tertium. Litis contestatio fit per principales personas, vel etiam per Procuratorem, Tutorem, Syndicum, aut personam similem. §. *Fili autem. hoc tit. c. Cum ad Sedem. De Rest. Spoliat. c. Cum causam. de Juram. calum.* Item per Advocatos, nisi enim illorum responsio fuerit statim revocata, per eam lis contestata dicitur. §. *Ad Advocati. hoc tit. c. Cum causam. de Appellat.* Hæc autem Litis contestatio habet locum non solum, quando per actionem Judicium instituitur, sed ubicunque Judicis officium pro actione proponitur. §. *Nec solum. b. t. c. fin. de Off. Jud.* Quod tamen secundum Abb. in *d. c. fin.* intelligi procedere, quando principaliter imploratur Officium Judicis, cum.

cum distinctione tamen: Nam aut fit super jam liquido, ita quod non est necessaria causæ cognitio; & tunc non debet fieri Litis contestatio. Exemplum cum filius petit alimenta à patre, vel contra, debet enim de plano procedi. *l. Nequaquam. §. De plano. ff. de Off. Procons.* Vel cum petitur executio sententiæ à Judice, qui judicavit: Aut petitur super non liquido; & tunc aut Adversarius, & certus est, & præsens, & procedit, quod dicitur in *d. §. Nec solum. & in d. cap. fin.* Ubi datur exemplum, quando petitur restitutio in integrum adversus contractum: aut Adversarius est absens, & certus, & tunc si aliquid petitur dari, vel in præjudicium partis, & tunc à parte debet fieri contestatio, ita not. in *d. cap. fin.* Aut non petitur aliquid dari, vel fieri: Exemplum cum minor vult abstinere ab hæreditate adita, & hoc casu potest procedi lite non contestata. *Autb. Si omnes. C. Si minor ab hæredit. se abstin.* Quod procedit etiam si adversarius sit incertus.

Quò ad Postremum. Multi sunt effectus litis contestationis: Et Primus ut ea sequuta litigantes subiciantur Judicis potestati. *d. c. Relatum. cap. Inter Monasterium. de Sent. & re Jud.* Secundus est, quòd via præcluditur exceptionibus dilatoriis. *d. c. Inter Monasterium. l. Pomponius. §. Rati de Procurat.* Tertius est, ut actiones perpetuentur. *l. Ordinata. de Lib. caus. l. Si cum. §. Qui injuriar. ff. Si quis caus.* Quartus, ut præscriptio interrumpatur. *l. More. C. de Rei vindicat. l. Sicus. ubi Baldus. de Præscript. 30. vel 49. amor.* Quintus est, ut conti-

tuatur Adversarius in mora, itaut teneatur ad fructus. *l. Certum. d. l. Mora. C. de Rei vindic. l. Litigator. C. de Fruit. & lit. expens.* Sextus, ut non possit revocari mandatum Procuratorium, postquam lis est contestata, nisi certis de causis. *l. Post liem. ff. de Procurat.* Septimus, Testes possunt recipi, qui aliàs examinari non valent. *§. r. hoc nostro tit. Ut lit. non contest. per totum.* Nisi cum civiliter agitur, & timeretur probabiliter de morte testium, vel diuturna absentia, nam etiam lite non contestata possunt testes examinari. *§. Admonendi. hoc tit.* Ita Doctores in *c. Quoniam frequenter. Ut lit. non contest.* Undè nota, quòd quando criminaliter agitur, quia tractatur de magno præjudicio, nunquam recipiuntur testes ante litem contestatam. *cap. Epiphanius. §. qu. 6. & l. fin. C. de Probat.* Sunt & alii effectus, de quibus tractatur in *d. cap. Quoniam frequenter.* Et per Speculat. in tit. de Testib. *§. Nunc tractemus.* Et adverte in materia testium, quòd quando quis examinat testes ad perpetuam Rei memoriam, debet intra annum convenire adversarium, vel examen denunciare; alioquin attestaciones sic receptæ non valent. *§. Debet tamen. inf. hoc tit. c. Plerumque. de Rescript. c. Pastoralis. de Off. Ordin.* Et generaliter scias, quòd ubicunque Libellus non exigitur, aut jus agendi contra certam personam non dirigitur, litis contestatio non est necessaria, quod ex supradictis pater. *§. Finali. hoc nostro titulo. Quemadmodum etiam haud obscure notatur in d. cap. Quoniam frequenter. Ut lit. non. contestat.* De hac eadem
mate.

materia plenè differit præcitatus.
Pax Jordanus in d. tom. 3. lib. 14. Tit.
5. & 6. ubi studiosus recurrat.

T I T. XII.

De Juramento, Calumnie.

Quoniam, publicè interesse videtur, ut lites non instituantur: injustæ, idcirco statutum est, ut teneantur litigatores jurare, quòd justam credunt habere causam litigandi; ob id nunc de hac materia tractatur. Et pro tituli expositione videbimus:

1. Quid sit: Juramentum Calumnie?
2. Qui Jurare debeam?
3. Quando sit præstandum tale Juramentum?
4. In quibus causis?
5. Qui sint effectus?

Quòd ad Primum. Juramentum calumniæ est affirmatio cum Religione, qua quis se justam habere causam litigandi confirmat. l. 2. §. 1. C. cod. arque in se continet quinque capitula. Quòd jurans credit, se justam causam habere. Quòd interrogatus non negabit, quòd verum credit. Quòd non utetur scienter falsa probatione. Quòd dilationem non petet in fraudem. Quòd nec dedit, nec dabit, nec promissit, nec promittet, aliquid pro causa, nisi quibus leges dari permittunt; l. 2. circa princ. & Authen. Principales. C. cod. & notat Gloss. in cap. 1. extr. eodem. Speculator tamen in §. Nunc videmus. cod. consuluit, quòd omittatur illud capitulum de dilatoriis frustratoriis non petendis; aliàs enim, raro eveniet, quòd litigantes non sint perjuri, quod

Abb. probat: in cap. 1. eodem.

Quòd ad Secundum. Juramentum hoc præstat, regulariter à principalibus personis, nempe à Actore, & Reo. d. Auth. Principales. c. ult. extr. hoc eodem tit. Jurant etiam Procuratores, & Syndici. cap. Cum causam. cod. c. 2. §. 1. cod. in 6. Et hoc Juramentum à Procuratore, vel Sindico emittitur in animam propriam, non in animam Domini; Procurator enim non debet causam injustam suscipere. l. Rem non novam. C. de Judic. de quo habetur in c. 1. cod. in 6. Rota Romana decis. 1. aliàs 37. incipien. Quidam Procurator; & decis. 2. hoc tit. in novis, quæ ita interpretatur d. cap. ult. Et quodcumque à Judice potest exigi, secundum quod magis expedire viderit. §. Et non tantum. hoc tit. d. cap. 1. cod. in 6. Item Tutores, & Curatores tale Juramentum exhibent: l. 2. §. Quod observari. C. cod. tit. Et idem dicitur de his, qui præsumunt Municipiis; nam etiam ipsi, vel major pars ipsorum jurare debent. d. l. 2. §. Hoc. l. Municipibus. ff. de Cond. & demon. facit. tex. in c. Imperatorem. cod. Item Economi. cap. In pertrahendis. extr. cod. Jurant Actores, & defensores Universitatum. c. Cum causam. extr. cod. Jurat Episcopus etiam in causa Ecclesiæ, si per se ipsum agat propositus, sed non tactis Scripturis. cap. Ult. extr. cod. Auth. Sed Judex. C. de Episc. & Cleric. Est tamen tex. in c. 1. extr. cod. ubi dicitur, quòd nullus Clericus in consilio suo Prælato potest jurare de calumnia, nisi agatur de causa sua propria, quo casu non gaudet hujusmodi Privilegio; quod etiam extenditur ad Episcopum, vel alium Prælatum inferiorem, ut

ut colligitur ex *d. cap. 1.* Unde videtur dicendum, quod Episcopus non possit jurare irrequisito Romano Pontifice; attamen de consuetudine potest procedere contrarium, ita ut, sicut Episcopus inconsulto Romano Pontifice; ita inferiores Prælati, & Clerici non consulto Episcopo, poterunt jurare: ita traditur in *d. cap. 1. & Abb. ibi.*

Quod ad Tertium. Ut habetur *hic in princ.* proponitur tale Juramentum in ipsolitis exordio; tunc enim verè lis incipit. *not. in l. 1. §. 1. ff. Si quis iudicem non obtemper. cap. Ex parte. il 2. de Verb. signif.* Verùm frequentius receptum est, ut post litis contestationem proponatur tale Juramentum. *§. Et non tantum. hoc tit. cap. 1. eod. in 6. c. Cum causam. extr. eod.* Et semel tantum præstatur in tota lite. *Auth. Hoc Sacramentum. C. eod.* Quamvis Juramentum malitiæ pluries possit exigi, ut per Goffr. in *sua Summa. eod.* Qui ponit quatuor differentias inter hæc duo Juramenta.

Quod ad Quartum. Hoc Juramentum licet antiquitus non præstaretur in causis spiritualibus, ut in Ecclesiis, & Decimis, & similib. *c. 2. eod.* Attamen hodie super quasunque causas præstatur. *d. c. 1. §. fin. eod. in 6. §. in causis. hoc tit.* Quod etiam procedit in criminalibus. *l. 1. C. eod. tit.* quamvis sint, qui contrarium teneant. Sed de hoc vide Goffr. in *sua Summa. eod.* & Doctores in *l. 1. C. eod. & in cap. 1. eod.* Attamen quamvis in causis spiritualibus non præstetur tale Juramentum, tamen in his Juramentum decisorium habet locum, quod desertur Actore non probante propter periculum animæ. *c. Continebatur. & c.*

Attestationes. de Despons. Impub. Quod etiam procedit in causis non spiritualibus. *l. Admonendi. ff. de Jurejur. ubi de Materia.* In causis autem Ecclesiasticis frequentatur Juramentum, quod vocatur de veritate dicenda, quod etiam habet locum in spiritualibus. *c. Dudum. de Elect.* Et in hoc respondetur de veritate. *§. Præterea, & ibi Gloss. hoc tit.* Sed in Juramento calumniæ respondetur de credulitate. *§. Penult. & ult. Auth. De iis, qui ingred. ad appell.* Et hoc Juramentum præstatur etiam in causa appellationis. *d. §. Præterea. cap. Ex ratione. de Appellat.*

Quod ad Postremum. Effectus hujus Juramenti est, ut qui illud recusat, cadat à causa, seu ab actione, & Reus pro confesso habeatur, ut *hic in princ. c. Ult. eod. l. Ult. C. eod. tit. §. Ult.* Attamen verum est, quod si omittatur, non vitatur processus. *§. fin. hoc tit. d. c. 1. eod. in 6.* quemadmodum etiam hoc colligitur ex *l. 2. C. eod.* Alia multa congerit de hoc Juramento calumniæ Pax Jordanus *d. tom. 3. lib. 14. tit. 7. ubi num. 46.* ostendit, quomodo juret Judæus, qui litigat cum Christiano. Sciat tamen studiosus Lector, quod hodie tale Juramentum calumniæ neque in Ecclesiastico, neque in Laico Foro exigitur; forsan quia experientia docuit, esse animabus perniciosum; dum homines ita sagittant rerum temporalium, ut æternæ salutis penitus obliviscantur.

TIT. XIII.

Ut lite pendente nihil innovetur.

Quoniam instituta lite, & præstitis satisfactionibus, & calumniæ Juramento exhibito, ad probationes, & merita causæ deveniendum est, quo tempore cum lis pendeat, nihil est innovandum: ob id de hac materia tractatur, & videbimus:

1. *Lis quando pendere dicatur?*
2. *Qui sint effectus litis pendentiæ?*

Quò ad Primum. Lis tunc pendere dicitur, respectu Innovationis non faciendæ, non solum quando lis est contestata, verum etiam quando citatio ad notitiam partis pervenerit, vel si non pervenerit, per eam steterit; dummodò tamen in citatione fuerit expressa causa, propter quam emanarit citatio. *Clem. 2. cod. §. Lis autem. hoc tit.* Et dicitur lis pendere, quotiescumque Judicium agitur, & causa expeditur *c. 1. eod.*

Quò ad Secundum. Effectus litis pendentiæ est, ut usquequò lis pendet, nihil possit innovari, quod sit in alicujus præjudicium. *c. 1. & 2. ext. cod.* Excipiuntur tamen Casus. Primus est, quando actorum communium, attestationum scilicet, & confessionum editio denegatur, vel Pronunciationis, Interlocutoriaræ scilicet, vel fortè etiam Definitivæ illius Judicis, à quo est appellatum. *l. 2. C. cod. concordat c. Cum. G. perpetuus. de Fid. Instr. & Gloss. in cap. Quoniam contra. in verb. tempora. de Probat.* Namque his duobus casibus licet supplicare apud

Judicem. Tertiò licet supplicare, ut procedat Judex. Quarto ut alius associetur, cum fortè ille suspectus sit. *In Auth. in medio litis. §. Super hoc. coll. 8.* Quintò excipitur casus, quando is, qui appellavit, fructus dissipat, nam non obstante litis pendentiæ, possunt sequestrari. *§. Planè. hoc tit. c. fin. de Sequest. poss. & fruct. l. Ab exccutore. C. Quorum appellat. non recipian.* Item quoque si super Matrimonio lis pendeat, & in ipsa litis pendentiæ secundum Matrimonium sit factum; si primum non tenuisse declaratum fuerit, secundum non poterit irritari pendentiæ litis obtentu. *§. fin. hoc tit. cap. Cum in Apostolica. de Sponsal.* Verum ei, qui ex contemptu contraxit, pœnitentia imponenda erit. *d. c. Cum in Apostolica.* Est & alius effectus, quia interim res litigiosa non potest alienari. *c. Ecclesia. 1. & 2. ext. hoc tit.* Alius effectus est, quia neque privilegium lite pendente impetratum prodest. *c. fin. hoc tit.* De hac Rubrica scribit copiosè Pax Jordanus *d. tom. 3. lib. 14. tit. 14.* ubi præcipuè agit de Attentatis, quæ essent commissa lite pendente, in contemptum Judicis, ostendens quomodo, & quando sint prius revocanda. Et de iisdem integrum Volumen scripsit Robertus Lancellotus, cujus inscriptio est *de Attentatis.*

TIT. XIV.

De Probationibus.

Postquàm ea fuerunt explicata, quæ causæ cognitionem præcedunt, nunc de ipsa causæ cognitione

tionem est agendum; & quia hæc ex probationibus habetur; idcirco de Probationibus tractatur: & pro tituli expeditione videbimus:

1 Quid sit Probatio?

2 Quibus modis fiat?

3 Qui possint esse Testes?

4 Quibus Testibus credatur?

5 Quando sint Testes examinandi?

Quò ad Primum. Probatio est rei dubiæ per argumenta ostensio, siue idoneis, & legitimis modis facta demonstratio. *tex. hic in princ. & refert Goffr. in Sum. cod. num. 1. & dicitur probatio à Probo verbo, quod probè facit, qui ostendit, quod asserit: onus verò probandi ad asserentem pertinet. l. Ei. ff. cod. l. Actor. C. cod. Et fit probatio iudici. l. Quinquaginta in fin. ff. cod. Sciaturamen studiosus Juvenis, quòd etiam Neganti incumbit onus probandi suam Negativam, quando ipsa est fundamentum suæ intentionis, siue agendo, siue excipiendo, ut docent omnes DD. quos longa serie congerunt Matcard. de Prob. conclus. 1092. Pacian. cod. tract. cap. 51. n. 28. & Gabriel Commun. Conclus. in Tit. de Prob. concl. 6. Quorum Auctoritate Doctorum Ven. Congregatio Parochorum Paduæ obtinuit sententiam favorabilem contra Nobil. Antonium Mariam Bagarottum, quinegabat, Dorem spiritualem Filiae Marci Antonii Bagarotti Avi sui paterni fuisse solutam cum pecunia ejusdem Ven. Congregationis, quam ab ea Avus receperat ad livellum ad hunc finem. Et ideo quia dictus Antonius Maria non probavit suam Negativam; Nob. Dom. Franciscus Gerardinus Judex ad Officium Aquilæ Anno 1711. eum conde-*

mnavit ad solutionem dicti livelli: & causa per appellationem devoluta coram Nob. Dom. Hieronymo Belgrado Vicario Prætorio, fuit ab eodem prædicta sententia confirmata: quia tanquam Judices integerrimi, & eruditissimi cognoverunt, non sufficere Negare, sed Negativam esse probandam ab illo, qui te fundat in ipsa.

Quò ad Secundum. Probatio fit variis modis, ut *hic in §. 2. Primò Partium confessione, quando scilicet Reus Positionibus respondendo, vel aliàs in Iudicio de Intentione confitetur Actoris. §. Partium. hoc tit. Et per Doctores in Rubric. cod. Positiones autem sunt quædam breves narrationes, facti feriem continentes, ad eliciendam veritatem conceptæ, super quibus quis petit ab Adversario responderi; quas ad facilitorem expeditionem litium propter partium confessiones, & probationum defectum, usus longævus in causis admittit, & juris probavit auctoritas. c. 1. de Confessis in 6. cap. Ductum. 2. de Elect. Et differunt ab articulis, quia isti fiunt per verbum Ponit; articulus fit per verbum probare intendit, & respicit probationes faciendas per testes, vel scripturas, casu quo positiones negentur; & de aliis etiam differentiis dic, ut per Speculatorem in tit. de Testib. §. Nunc videndum. col. 1. Vers. Sciendum est igitur. Et habetur in c. Præsentium. de Test. in 6. & vide Gloss. *hic in §. 2. in Verb. Positionib.* Igitur si quis Positionibus sibi factis respondere requisitus reculaverit, vel ne responderet, se per contumaciam subtraxerit, pro confesso habetur. §. Si quis igitur. hoc tit. cap. fin. de Confess. in 6. & notat.*

T

notat. in c. Nullus. de Præsumpt. Et quod dicitur de contumacia, declarata, quod hoc habeat locum, postquam à Judice respondere jussus est. §. Tamen. hoc tit. & not. in d. cap. fin. de Confess. in 6. Si antea se absentaverit, non habetur pro confesso, sed contra eum tanquam contumacem procedendum erit. c. Prox. de Dolo, & contumac. Et supra diximus in tit. de Dol. & contum. Id tamen verum est, quod confessio per errorem facta, veritati non præjudicat. §. Plane. hoc tit. c. fin. de Confess. & ibi Abb. Secundo fit Probatio depositione partium. d. §. 2. hoc tit. quod patet ex supradictis. Tertiò fit testium examine, quando testes examinantur super assertionibus Actoris: & hoc casu semper Reus est citandus, ut videat testes jurare, & deponere. §. Debet. hoc tit. c. 2. de Test. Undè nota, quod Testi non jurato non creditur. §. Sed & hoc tit. c. Nuper de Testib. Undè si testes à Judice moniti sese vel odio, vel gratia, vel timore à ferendo testimonio subtraxerint, sub pœna excommunicationis erunt compellendi. §. Quod si. hoc tit. c. Super bis. de Testib. cogend. & c. fin. eod. tit. Nec in hoc casu valeret Juramentum de non testificando. c. Intimavit. & c. Constituit. de Testib. & c. Quia plerique. de Off. Ordin. in 6. Igitur quando agitur de testibus examinandis, Judex debet esse diligens examinando illos super omnibus qualitatibus totius causæ. §. Interrogabit. hoc tit. Itaque inquiret de causis, personis, loco, tempore, Visu, Auditu, scientia, credulitate, fama, & certitudine. l. 3. ff. de Testib. & §. Si testes. 4. qu. 3. Insuper

animadvertet, Quo vultu, qua constantia, quavè animi trepidatione testes deponent. §. Illud. hoc tit. d. l. 3. Undè Versius:

Hec quàm difficile, crimen non prode vultu?

Et ea, super quibus examinari debent testes, clauduntur his versibus:

Auditus, Visus, Persona, Scientia, Causa,

Fama, Locus, Tempus, ac Certum, Credulitasque.

Dum testes recipit, Judex hæc cuncta notabit.

Verùm tamen nota, quod quandoque mittitur domum ad suscipiendas testium attestaciones, ut si sint valetudinarii, vel senes, vel debilitate confecti, vel etiam depressi paupertate. cap. Si qui. de Test. §. Si qui tamen. hoc tit. Clem. unic. de Off. deleg. Et idem procedit in personis egregiis. l. Ad egregias. de Jure Juran. Ubi de materia, & de hoc tractat Abb. in c. Quoniam frequenter. Ut lit. non contest. & in d. c. Si qui. Quartò fit Probatio per Instrumenta, quando scilicet illa exhibentur, quæ intentionem Actoris demonstrant; & hæc sunt ab Actore exhibenda, non autem à Reo, nisi illa sint communia cum Actore. §. Non tamen. hoc tit. l. 1. C. de Edendo. l. Nimir. C. de Testib. c. 1. ubi de materia, extr. cod. Fit etiam probatio aliis adminiculis, ut notorietate rei, suspitione vehemente, atque aliis conjecturis; de quibus vide Goffredum in Rubr. eod. & communiter DD. ibi. Et de iis aliquid nos dicemus.

Quò ad Tertium. Regula traditur, omnes Testes esse posse, nisi fortè quis speciali ratione prohibeatur.

tur. l. 1. ff. de Testib. §. In Sum. boc tit. cap. 1. de Testib. Testes autem reputantur Conditione, Natura, & Vita. Conditione, si liber sit testis, non servus; Servus enim persæpè meru dominantis testimonium supprimit veritatis. c. Forus. §. Testes. de Verb. signif. c. Si testes. §. Item in criminali. in verb. liberi. 4. q. 3. l. Quem liberi. C. de Testib. Natura reputatur testis, si vir sit, non fœmina. c. Mulierem. 33. q. 5. Et hoc procedit de jure Canonico in criminalibus, quod seculis est secundum leges, ut notatur in d. cap. Forus. Sunt tamen casus criminales, in quibus etiam mulieres admittuntur, etiamsi sint malæ famæ. cap. Tanta. de Simon. Et qui sint isti casus, vide Felin. in c. Quam. ext. de Testib. Ratio autem hujus dicti est, quia mulieris testimonium varium, & mutabile semper est. Ita Virgil. lib. 4. Æneid. & notatur in d. c. Forus. Ubi habentur versus isti:

*Quid levius fumo? Flamen. Quid
flamine? Ventus.*

*Quid vemo? Mulier. Quid mulie-
re? nihil.*

In his autem casibus, in quibus mulieres admittuntur ad testimonium, notandum est; quod propter honestatem, & naturalem ipsarum pudorem, debet mitri domum ad testimonium earum recipiendum. §. Cujus tamen. boc. tit. c. 2. de Jud. in 6. Vita reputatur Testis, si innocens sit, & integer; ut si sit immunis à crimine enormi, ut per Abb. in cap. Testimonium. de Testib. Secundo, ut sit procul ab infamia. Abb. ibid. Tertiò suspicione careat, ut scilicet non sit inimicus. cap. Accusatores. 2. q. 5.

Quartò, debet esse liber criminis suspicione, quia non debet in aliquo vacillare. c. Tantis. d. 81. Et declarat Abb. in c. 1. de Except. in 3. notab. Si enim vita bona defuerit, fide carebit testis. §. Vita. boc tit. d. c. Testimonium. c. 1. de Accusat. d. cap. Forus. in fine. Item infidelis contra fidelem non admittitur. §. Christianorum. boc tit. cap. Judai. de Testib. c. Si hereticus. 2. q. 7. cap. Ipsa pietas. 23. q. 4. Verum quod dictum est de criminoso, quod non possit esse testis, recipit distinctionem, quia si perseverat in crimine tam in civili, quam in criminali causa à testimonio ferendo procul repellitur; qui si fuerit emendatus, in causa civili admittitur. §. Planè. boc tit. d. cap. Testimon. de Testib. Et ibi tractatur materia. Item repelluntur à testimonio domesticus testes, & similem habentes causam. §. domesticus. b. 1. l. penult. ff. cod. c. In litteris. ext. de Testib. c. Personas. cod. de Testib. Item in causa appellationis non potest esse testis is, qui fuit Procurator, vel Advocatus in prima Instantia. §. Is quoque. boc tit. c. Insuper. de Testib. Et notatur in cap. fin. de Testib. in 6. Item Clerici in causa Ecclesiæ suæ; & alii singulares personæ in causa suæ universitatis repelluntur, si constituti sint principaliter ad agendum, respondendumve. §. In Summa. boc tit. d. c. Insuper. cap. Cum nunciis. §. c. In tuis. cod. de Testib. In criminalibus tamen repelluntur. cap. Super prudentia. 14. q. 2. Item Monachi, & quicunque sub alterius obedientia vivit, non admittuntur ad testimonium ferendum, nisi de licentia sui Præfulis. §. Monachi. b. 1. c. Monachi. 16. q. 1.

Si tamen non interveniat Superioris licentia, horum testimonium valebit. Ita tenet Speculator in tit. de Teste. §. 1. Vers. Item excipitur, facit cap. Nuper, de Testib. c. Etsi Christus, de Jurejur. Item nemo admittitur ad testimonium in causa sua principaliter, vel secundario. l. Omnib. C. eod. tit.

Quod ad Quartum. Testibus illis creditur, qui probatae sunt virae, & juraverunt, ut patet ex supradictis. Testificum non Juratorum non creditur, nisi fortassis renitatur Juramentum à partibus. §. Sed & testib. b. t. c. Tuis. extr. de Testib.

Quod ad Postremum. Testes sunt examinandi postquam Actor declaravit intentionem suam, antequam tamen sit publicatus processus; concordat c. Causam. il 2. & c. Constitutus & c. Cum venisset. extr. de Testib. Clem. 2. de Testib. Quod amplius, ut habeat locum etiam in causa appellationis. d. Clem. 2. Hoc limitatur, nisi nova emergant capitula; hoc enim casu recepto solemnini Juramento testium, non obstante publicatione facta, nec in primo, nec in secundo Judicio rejiciendi erunt. §. Quod si nova. hoc tit. cap. Cum Joannes. de Fid. Instrum. c. Ex tenore; & ibi notatur de Test. Clem. 2. de Testib. Alios casus enumerat Abbas in d. c. Causam. c. Constitutus. & in d. c. Cum venisset. & alii in dictis Jurib.

Verum sicut post publicationem super jisdem articulis non admittuntur testes; ita quoque post eam, non potest testibus objici. §. Sed interdum. hoc tit. c. Nulli de Elest. in 6. Nisi is, qui vult objicere, sit paratus ostendere illud, quod vult objicere, post publica-

tionem didicisse. c. Pastoralis. de Exceptionib. §. Sed etsi. hoc tit. & notatur in c. Praesentium. de Testib. d. cap. Nulli. Vel nisi sit protestatus. §. Idem Juris. b. t. Abb. in d. cap. Praesentium.

Unum tamen nota, quod non solum testes probatorios, sed & reprobatorios probatoriorum reprobare licet, quamvis quarti testes contra tertios non admittantur, ne contingat negotium in infinitum protrahi. §. Illud. cum seq. hoc n. t. c. Licet. 3. de Testib. Et licet Judici quodocunque usque ad sententiam interrogare testes super facto. §. Quod si circa. hoc tit. c. Cum clamor. de Testib. Quos etiam repetet super omittis. §. Repetere. hoc tit. cap. Per mas. de Testib.

Modò, quia probationes sunt non solum per testes, verum etiam & per Instrumenta, ut supra diximus; & rex. est in §. At si partes; ideo secundum quod supra promissimus, auquid de hac materia videamus.

Et in primis sciendum est, quod Instrumentorum appellatione etiam testes continentur. c. Pervenit. il primo. de Testib. cogend. l. 1. ff. de Fid. Instrum. Tamen secundum strictam significationem, appellatione instrumentorum, veniunt solummodo scripturae, quae in Judicio exhibentur. d. §. At si partes. c. Cum Joannes. de Fid. Instrum. & c. Fortè. in fine. 24. q. 4.

Itaque Instrumenta possunt in Jure exhiberi non solum ante attestatorum publicationem, sed & postea usque ad definitivam sententiae calculum, ante conclusionem in causa. §. Exhiberi. hoc t. cap. Cum dilectus. de Fid. Instrum. Scripturae.

re autem, vel Instrumenta, quæ fidem faciunt, debent esse publica. Publica autem Scriptura dicitur, quæ per manum publicam scripta fuerit, aut sigillo authentico munita. §. *Non tamen.* hoc tit. c. 2. de *Fid. Instrum.* Hoc idem habet locum in exemplis ab originalibus solemniter sumptis, cum scilicet originalia Ordinario, vel alteri, ab eo specialiter ad hoc Delegato, præsentantur, qui ex iis per publicam personam exempla sumi præcipit. §. *Idem.* hoc tit. c. 1. de *Fid. Instrumentor.* Quod extenditur ad ea exemplaria, quæ Notarius morte præventus non perfecit, sed in notis tantum reliquerit. §. *Eandem.* hoc tit. c. Cum *P. Tabellio.* de *Fide Instrum.* Et quamvis ista Instrumenta non debeant esse cancellata, aut abolita, neque ulla parte sui vitata; attamen error unius litteræ haud præjudicat, quo minus Instrumentis sic excerptis fides habeatur. §. *Exhibentur.* hoc tit. cap. *Ex parte.* de *Fid. Instrum.* c. *Ad audientiam.* de *Rescriptis.*

Huic probationi accedit ea, quæ fit per Jusjurandum; quæ probatio tunc demum locum habet, si Actor nec testibus, nec instrumentis intentionem suam probaverit; namque hoc casu permittente Judice suppletur per Jusjurandum. §. *Quod fit.* hoc tit. c. *Ex litteris.* & cap. *fin.* de *Jurejur.* Et hic nota, quod Juramentum in hac materia duplex est: aliud *Necessarium*, aliud *Voluntarium*. Necessarium est, quod ad supplendas probationes à Judice parti deferretur. d. c. *Ex litteris.* c. *Etsi Christus.* & c. *fin.* de *Jurejurand.* Et dicitur necessarium, quia & necessario à Judice partibus deferri

debet, neque à partibus aliquo modo potest recusari, si ritè delatum sit. §. *Sed cum.* hoc tit. l. *In bonæ fidei.* C. de *Reb. cred.* Tradunt DD. in l. *Admonendi.* ff. de *Jurejur.* Et Canonistæ in cap. *fin.* de *Jurejur.* Recusari autem potest hujusmodi Juramentum, ut si Actor plenè probavit, quando scilicet Judex ex his, quæ sibi offensa sunt, est adductus ad fidem, & credulitatem ejus, quod intenditur. l. *Ad fidem.* ff. de *Testib.* l. *Quinquaginta.* ff. de *Probation.* Vel si rem non plenè cognitam sibi esse asserat, super qua debet jurare; ita noratur in d. l. *Admonendi.* Et ideo hæredi non defertur, quia verisimiliter ignorat veritatem negotii. De aliis causis hujusmodi per Legistas videbis in l. *Manifestè.* de *Jurejur.* & per Canonistas in cap. *fin.* de *Probation.* Defertur autem Reo, si pro eo fuerint præsumptiones, nisi inspectis personarum, & causæ qualitatibus, illud Actori deferendum censeat Judex. §. *Sed etsi.* b. 1. d. cap. *fin.* Unde nota duo. Primum, quod non cuilibet defertur hoc Juramentum, sed tali, qui reputetur persona honesta, & bonæ vitæ; quia vili, & suspectæ de perjurio non defertur. cap. *fin.* §. *Planè.* de *Jurejurand.* Secundum, quod hoc Juramentum in causa ardua, & criminali non defertur, sed solummodò in causa, quæ non sit magna, sed modica, ut traditur in l. *Admonendi.* de *Jurejur.* in l. *In bonæ fidei.* C. de *Reb. creditis.* Et hæc sufficiant de Juramento necessario: Modò

Voluntarium est, quod à parte parti in judicio defertur, & hoc etiam decisorium dici potest, quia
litum.

litem terminat; & Voluntarium dicitur, quia pars non nisi volens defert, & ab eo, cui defertur, licet recusari, & referri poterit. *S. Voluntarium. b. t. d. c. fin. l. Generaliter. S. Sin autem. C. de Jurejur. & Hostien. in d. cap. fin. de Jurejur.* Verum, quod dictum est, Juramentum posse referri, id non semper locum habet, etenim in famosis actionibus, ut furti, injuriarum, & hujusmodi, non refertur Juramentum; ratio est, quia non Actor, sed ipse, qui convenitur, facti proprii conscius esse debet. *S. Planè. hoc tit. not. Abb. in d. cap. fin.*

Accedit Probatio, quæ fit inspectione Judicis, ut puta si pro terminanda lite, propriis oculis loca Judex subjicit, aut ex aspectu corporis ætatem colligit, aut cum ex litteris Ordinarii, vel Apostolicis excommunicatus, aut honestatus quisprehenditur; vel cum ad probandam virginitatem ab honestis, & prudentibus Matronis vice sua Judex inspicere mulierem jubet. *S. Judicis. hoc tit. cap. Ex litteris. & cap. Causam. de Probation. l. Minor 25. annis adito Præsidente. ff. de Minorib. c. 1. eod. tit.*

Facti etiam notorietate contingit probatio; ubi enim res notoria est, nulla aut testium, aut Instrumentorum probatio requiritur. *S. Sed etsi quid. b. t. cap. Super eo. de Testib. cogend.* Nota nihilominus, quod quamvis notorium relevet ab onere probandi, non tamen relevat ab onere proponendi, & allegandi, ut not. in *Clem. Appellanti. in verb. Alias. de Appellat.* Est Gloss. in c. 2. la prima. extr. *Ubi lite non context.* Notorium autem triplex est; Fa-

cti, Juris, & Præsumptionis. Facti Notorium dicitur, quod ita se exhibet hominum conspectui, ut nulla tergiversatione possit celari. *c. Tua. & cap. fin. de Cobabit. Cleric. & Mulier.* Juris dicitur Notorium illud, de quo aliquis condemnatur, vel est in Jure confessus. *c. Vestra. & d. cap. fin.* Notorium præsumptum est paternitas, filiatio. *l. Quia semper. ff. de In Jus voc.* Est autem differentia inter notorium, famosum, & publicum. Notorium enim ex scientia, & certo Auctore est; probarique potest. Famosum est, quod communiter circumfertur; sed ex evidentia facti, aut certo Auctore non procedit. Publicum est commune notorium, & famoso. *c. Tua nos. de Cobabit. Cler. & Mulier.* Ad faciendum autem Notorium necessarium est, ut constet, aut populo, aut majori parte vicinæ, vel vici, dummodò non sint pauciores decem. *Abb. in d. c. Tua.*

Notorio proxima est vehementes suspicio; ut si quæzatur de carnali copula, & sint qui deponant, se vidisse solum cum sola, nudum cum nuda in eo lecto jacentem, locis secretis, & ad hoc commodis, & horis electis; namque ex his suspicionibus tam vehementibus sequutam copulam pronunciari poterit. *S. Ad notorium. b. t. cap. Ex litteris. cum seq. de Præsumpt. c. Præterea. de Testib.* Omnibus autem his probationibus fama præstat adminiculum. *S. fin. hoc tit. c. Illud. & ibi plenè notatur de Præsumpt.* Ut si agatur de Matrimonio, & dicerentur Vir, & mulier simul diu habitasse; & se conjuges nominasse, & annulos detulisse; hæc dicitur fama, quæ potest prodesse aliis pro-

probationibus. *d. c. Illud.* Et quoniam hæc materia est vastissima, in Praxi recurrendum est ad ampla Volumina tum Mascardi, tum Paci-
iani, qui scripserunt latissimè de Probationibus.

T I T. XV.

De Sententia, & Re judicata.

Cum duo sint præcipuè actus Judicii, Cognitio causæ, & ipsius Decisio, quæ fit per sententiam; ob id nunc post Titulum de Probationibus, in quo est tractatum de cognitione, subnectitur iste titulus, in quo agitur de causæ decisione, idest de Sententia; & pro expeditione rituli videbimus:

- 1 Quid sit Sententia?
- 2 Quot sint ejus species?
- 3 Quomodo sit ferenda?
- 4 A quibus?
- 5 Qui sint effectus?

Quò ad Primum. Sententia est *Controversiæ propositæ à Judice ritè facta definitio: ut hic in princ. DD. in Rubrica. extr. eod. Dicitur autem ritè facta, & non retè, quia verbum Retè respicit Justitiam ex causa; Ritè verò Justitiam ex ordine. l. Non putavit. §. Non quevis. ff. de Bon. poss. contr. tab. Omissio autem Justitiæ ex causa non reddit sententiam nullam. l. i. C. de Appellat. Sed omissio, vel defectus Justitiæ ex Ordine ita officit, ut pronunciarum non sit validum. l. 4. §. Condemnatum. ff. de Re Jud. & per Bartol. in l. Prolatam. C. de Sent. & interloc.*

Quò ad Secundum. Duæ sunt

Sententiarum species. Alia est *Interlocutoria*; Alia *Definitiva*. §. Sententiarum. *boc tit. & in c. fin. de Jud.* ubi ponuntur etiam aliæ Sententiarum species, sed hæ duæ sunt principales. *Interlocutoria* est illa, quæ inter principium, & finem causæ fertur, super his, quæ incident, vel emergunt. *Gloss. in Clem. 1. de Sequestr. poss. & fruct. & sequitur Abbas, Hostiens. & Gossr. in Rubr. eod. Exemplum, ut si Judex ad dandam, vel negandam dilationem ad examinandos testes, vel exhibenda instrumenta interlocuitur: vel super exceptionibus dilatoriis, sive peremptoriis pronunciat, ut not. in Clem. fin. de Appellat. Et Sententia interlocutoria non fertur in scriptis, & eam Judex ante definitivam sententiam revocare poterit. l. Quod jussit. ubi Bart. ff. de Re Judic. & per Canonistas in cap. Cum cessante. de Appellat.*

Definitiva autem Sententia est definitio Judicialis, quæ condemnando, vel absolvendo, principali controversiæ finem imponit. Quam Judex postquam tulerit, non potest retractare; sive æqua, sive injusta sit. §. Definitiva. *boc tit. facit cap. Jurgantium. ext. eod. & est tex. in l. Judex postquam. ff. eod. Nota nihilominus, quòd etsi Sententia non contineat verbum condemnandi, vel absolvendi, attamen valet, si verbum æquipollens contineat. §. Non tamen. boc tit. Non enim tam verba considerata sunt, quàm voluntas; cum non intentio verbis, sed verba inserviant intentioni. c. Intelligentia. & c. Præterea. de Verb. signif. Abb. in cap. In bis. de Verb. signif.*

Quò ad Tertium. Definitiva ferri

ri debet citatis partibus; aliàs enim nisi citatio præcedat, Sententia est ipso Jure nulla. *c. Cum olim. de Testib. Clem. Pastoralis. de Re Judic. Loco, & tempore congruis. Locus autem congruus Judicis est is, in quo Prædecessores sui sunt soliti Jus reddere. l. Penult. ff. de Justitia, & Jure. & ibi DD. Quod intelligitur de Judice Ordinario, vel etiam de Delegato ad Universitatem causarum; quod secus est in Delegato ad causam particularem, quia is, ex quo non habet certum locum, potest ubicunque vult, etiam in Camera locum deligere; ut retigi supra *De In Jus vocan.* Tempus autem congruum dicitur, si tunc Jus dicatur, aliàs non valeret Sententia. *l. fin. C. de Feriis. & l. 2. ff. Si quis in Jus voc. non ierit.* Item consideratur tempus, ut feratur Sententia non perempta instantia, ut per DD. *in l. Properandum. C. de Judic. & idem est in Arbitro. l. Si cum dies. §. Si intra. & l. Non distinguemus. §. Compromisso. & §. fin. ff. de Arbitr.* Item ut feratur de die, non de nocte; ut habetur *in l. Mox Romano. ff. de Feriis. & in cap. Consultuit. de Offic. Delegat.* Item, quod non feratur pendente dilatione. *l. Si vè pars. Cod. de Dilat.* Ac tandem requiritur, ut feratur à Judice sedente pro Tribunali; Anima enim sedendo, & quiescendo sit prudentior. *l. Quisquis. C. de Postul. in fin. §. 1. in Auth. Ut ab Illustri. l. 2. §. Dies. ff. Quis ordo in bon. poss. servetur.* Et vide Gloss. *in l. 1. C. de Sent. ex periculo, (vel breviloq.) recit.* Quæ inquit, An Judex sedendo in curru, vel equo possit judicare? Et tenet quod sic; & quod in Scriptura redacta à Judice recitetur; *argum. l. p. Cod. de**

Sent. ex breviloq. recit. 2. q. 1. c. In primis, in fine. cap. fin. cod. in 6. cum ibi notatis. Et hæc omnia habes in *§. Vocatis. hoc tit.* Episcopus tamen, cujus dignitas in Ecclesia magna est, ad instar personarum illustrium potest per alium Sententiam recitare. *§. Episcopus. hoc tit. l. 2. C. de Sent. ex breviloq. recitandis. in d. Auth. Ut ab illustr. §. Sancimus.* Quod si plures sint Judices, sufficit, quod unus reciter Sententiam usus numero plurali. *c. Penult. hoc tit. in 6.* Quod secus est in Electione; in ea enim, ut censeatur unica, & communis, est ab uno, vice omnium, sive per compromissum, sive per scrutinium procedatur, Electionis pronuntiatio per verba singularis numeri facienda. *d. cap. Penult.* In collationibus autem contrarium responde; ut notatur *in d. c. Penult.*

Sed quæritur: duo sunt Judices, qui diversas proferunt Sententias, utra erit potior? In qua quæstione distinguendum est; aut Judices sunt Ordinarii, & jurisdictione ordinaria processerunt, & tenet illa sententia, quæ est favorabilis Reo, nisi Actoris sit favorabilis causa, ut Libertatis, Dotis, Matrimonii. *c. fin. ext. cod.* Et hoc intelligitur, si pares sint; quod si impares sint, valet sententia plurium. *l. Pomponius. ff. de Re Judic. & l. Duo ex trib. ff. cod.* Si verò Judices sunt delegati, & tunc etiam sententia plurium tenet, dummodò omnes judicent. *l. Item si unus. §. fin. & l. fin. ff. de Arbitr.* Sed si pares sint; sententia stat in pendenti quousque delegatus approbaverit. *d. c. fin. l. Duo Judices. ff. de Re Judic.* Vide Gloss. *in l. Cum Magistratus. C. Quando provocare non est necesse.* Quod si compromissarii sint,

sint, nulla sententia debet valere. *d. c. fin. est tex. in §. Ex facto. boc tit.* Et hoc obtinet in compromissariis voluntariis, non autem in necessariis, & compromissariis Juris, ut per Abb. in *d. c. fin.* ubi etiam reddit rationem dicti. Et si plures Judices dari sint, & unus tantum pronunciaverit, sententia est nulla. *§. Quod si. hoc tit. §. Item si plures. 2. q. 6.* Et ibi plenè de hoc. Item ad hoc, ut sententia valeat, debet ferri secundum Leges, & Canones, aliàs nulla est. *§. Sed si. boc tit. c. 1. ext. cod.* Quod in tantum verum est, ut neque etiam Summus Pontifex possit recedere à Juris Ordine, nisi aliquid causa necessitatis, aut utilitatis dispensativè duxerit statuendum. *§. In causis. boc tit. c. In causis. extr. cod.* ubi de hoc. Quamvis autem sententia lata contra jus Constitutionis nulla sit, attamen secus est, si feratur contra jus partis. *§. Si tamen. boc tit. cap. Cum inter. cod.* Et contra jus Constitutionis dicitur lata sententia, ut puta cum defunctus, & minor quatuordecim annis fuisse asseritur, & testamentum jure fecisse pronunciatur. *§. Item si Sententia. 2. qu. 6.* Contra jus verò litigatoris fertur, quando minor quatuordecim annis, annum quatuordecimum complevisse decernitur, & per hoc Testamentum jure fecisse dicitur. *§. Dicitur. boc tit.* Ratio autem diversitatis ea est, quia quando sententia fertur contra jus partis, nihil videtur expressum contra jus commune, quæ expressio requiritur ad inducendam nullitatem. *c. Cum inter. cod.* Sed quando nihil exprimitur contra jus commune, præsumitur pro sen-

tentia, maxime cum pars videatur acquiescere non appellando. *d. c. Causam. cum sequenti. cod.* Quando verò exprimit causam contra jus commune, tollitur omnis præsumptio sententiæ; Ergo meritò tantum notoriè injusta dicitur nulla.

Quò ad Quartum. Sententia fertur ab eo, qui causæ cognitionem habuit, & est Judex competens, ut vidimus supra de *Judiciis*.

Quò ad Postremum. Effectus Sententiæ definitivæ est, ut si intra decem dies appellatio non interponatur, transeat in rem judicatam, nec amplius possit ipsa Sententia retractari. *§. Lata. b. t. In Aub. de Apellat. §. 1. coll. 8.* Hoc tamen non adfert præjudicium aliis, præterquam illis, inter quos res est acta. *§. fin. boc tit. c. Quamvis. cod. l. Sæpè. ff. de Re Judic.*

Excipiuntur tamen casus, in quibus favore animæ Sententia non transit in rem judicatam, ut in causa Matrimonii; Item in causa beneficii respectu Superioris: Abb. in *c. Cum Bertoldus. cod.* Item Sententia censuræ Ecclesiasticæ. Abb. in *c. Ad reprimendam. de Offic. Ordin.* Et viginquatuor casus similes enumerantur à Venufino in suo *Specul. Aitore in princ. 3. p. principalis*. Scias tamen, quòd etiam in his omnibus casibus intra decem dies debet appellari, aliàs nisi per viam quærelæ poterunt tales Sententiæ revocari. Ita not. in *d. c. Ad reprimendam*. & per Abb. in *c. Confanguinei*. & in *c. Ex parte. de Restit. spoliat.* Et hæc sufficiant pro hujus tituli explicatione. Si plura studiosus Lector desiderat, recurat ad Pacem Jordanum, qui novissimè collegit quidquid ab antiquis DD.

scriptum fuit; & innumeras resolvit difficultates in d. tom. 3. lib. 14. tit. 25. de Sententia.

TIT. XVI.

De Executione Rei judicate.

Quoniam lata Sententia, si non interponatur appellatio, executioni mandatur, igitur de executione Sententiæ hic tractatur. Pro cujus Tituli expeditione videbimus:

1. Quid sit Res Judicata?
2. Quomodo mittatur executioni?
3. A quo?
4. Quæ executionem impediant?

Quò ad Primum. Res judicata dicitur, quando sententia lata, ab ea non est appellatum, itaut executio illius haberi possit. cap. 1. & per totum ext. de Re Judic. l. 1. & tot. tit. C. de Execut. Rei Judic. & hic in princ.

Quò ad Secundum. Postquam sententia transivit in rem judicatam, tunc si actum est reali actione, potest illicò sententia mitti executioni. c. Præsenti. de Off. deleg. §. Sed multum. hoc tit. Si verò actum est personali, tunc quatuor mensium spatium solet concedi, quod tempus potest ex causa prorogari, & restringi. Quinimò non attenditur, quando condemnatus sua voluntate breviorum terminum receperit, nam hoc casu ipsi est imputandum, quòd breviorum terminum maluerit sibi eligere. Ita inquit tex. in §. Item. hoc tit. Et est tex. in l. 1. C. de Confess. c. Cum apud. 1. q. 3. c. Quoad con-

sultationem. ext. cod. Hic tamen nota, quòd si modus executionis legitimus, vel canonicus excedatur, tunc ratione excessus potest adhuc interponi appellatio, quæ aliàs ab executione non datur. l. Ab executione. C. Quorum appellationes non recipiuntur. cap. Super questionibus. de Off. & potest. Jud. deleg.

Quò ad Tertium. Ordinarii Judices sunt illi, qui possunt executioni mandare suam sententiam; item mandant executioni sententias etiam latas à delegato. Item delegatus Principis, vel Summi Pontificis potest infra annum executioni mandare suam sententiam; ita text. in §. Sed si Ordinarius. b. t. n. c. Querenti. ext. de offic. & potest. Jud. deleg. & ibi notatur.

Quò ad ultimum. Sciendum est, quòd postquam Sententia lata est, non potest suspendi, nisi fortè fuerit postulata restitutio in integrum, & Princeps cognitionem commiserit; tunc enim executio suspenditur, ita inquit tex. in §. fin. hoc t. nostro. l. unica. C. Si sæpius restit. in integr. postulat. Item est alius casus, quando Papa commisit appellationem interpositam à suo Delegato cum clausula appellatione remota, & hoc facit scienter, nam hoc casu Jurisdictio primi Judicis dicitur suspensa quòd ad executionem. §. Sed quod. primo. b. t. & c. Pastoralis. §. Præterea. de Off. deleg. ubi de materia. Et alios casus videas in citato c. Quoad consultationem. ext. cod.

TIT. XVII.

De Appellationibus.

Quia Appellatio impedit effectum Sententiæ, ne transeat in rem judicaram, idè post titulum præcedentem de materia Appellationis subnectit Auctor. In cujus tituli explicatione videmus:

- 1 Quid sit Appellatio?
- 2 Cur sit inventa?
- 3 Quot sint ejus species?
- 4 Quot modis fiat?
- 5 Intra quod tempus sit appellandum?
- 6 A quibus Judicibus?
- 7 Ad quos Judices?
- 8 Quæ Sententiæ accipiant Appellationem?
- 9 Ad quid teneatur Appellans?
- 10 Quando Appellatio rejiciatur?
- 11 Qui sint Appellationis effectus?

Quò ad Primum. Appellatio, ut inquit textus hic in princ. est Jurisdictionis prioris Judicis per Superioris Magistratus invocationem legitime facta suspensio. Et hanc definitionem tradit Hostiens. in sua Summa. eod. tit. in §. Quid sit. Vel dicamus secundo loco, quòd sit Provocatio ad Judicem majorem ratione gravaminis illati, vel inferendi. c. Bona. & c. Suggestio. ext. eod. ubi de hoc.

Quò ad Secundum. Inventam fuit Appellatio ad corrigendam iniquitatem Judicis; ita inquit text. hic in princ. & est text. in l. i. ff. de Appellat. Iniquitas autem hic capitur etiam pro imperitia sine dolo. l. i. C. eod. §. i. Instit. de Injur. Cum enim facile sit errare, neque sit quisquam adeò prudens, ut læpè non impingat; ob id, ut inju-

stitia Sententiæ per errorem fortè à Judice priori latæ, tollatur; & ut corrigatur Injustitia hujus sententiæ, fuit inventum Appellationis remedium. cap. Cum sit Romana. & notatur in c. De Appellationibus. extr. eod. de Appellat. Undè etiam Abbas in Rubric. ejusdem tituli dicit, quòd Appellatio est quædam defensio appellantis. Ibi vide per eundem.

Quò ad Tertium. Duæ sunt species Appellationis, Alia extra judicium; Alia verò in Judicio: Ita inquit text. in §. Appellationum. hoc tit. cap. i. eod. in 6. & c. Super. ext. eod. Appellatio Extra judicium est, quando quis ante litis ingressum ab aliquo gravamine appellat; ut puta ab Electionibus, Postulationibus, & similibus actibus extrajudicialibus. Et huiusmodi Appellationes de Jure Civili regulariter non admittuntur. Et de his est text. in cap. i. §. Ante. 2. q. 6. d. cap. Super eo. ext. eod. cap. Ad Romanam. Ut lit. non contest. Et istæ propriè vocantur Provocationes, non autem Appellationes. d. §. Appellationum. Judicialis autem Appellatio illa dicitur, quæ fit jam capto Judicio, quæ rursus subdividitur; alia enim fit ante Sententiam definitivam, quando ab interlocutoria Sententia provocatur; Alia verò à Sententia definitiva interponitur. Et hæc distinctio procedit de Jure Canonico, secus verò est de Jure Civili, secundum quod Jus Appellatio ab interlocutoria non datur. l. penult. C. Quando Appellat. non recipiam. Nota tamen, quòd circa Appellationem; quæ interponitur ab interlocutoria. Concilium Tridentinum in V. 2. Sess. 13.

Seff. 13. in primo Decreto Reform. determinat, hanc Appellationem indistinctè non permitti; namque in causis Visitationis, correctionis, habilitatis, sive inhabilitatis, nec non etiam in criminalibus, ab Episcopo, sive ejus Vicario Generali in Spiritualibus ante definitivam Sententiam ab interlocutoria, vel alio quocunque gravamine non appellatur: neque Episcopus, aut ejus Vicarius huic Appellationi tantquam frivolæ tenetur deferre, nullo obstante stylo, vel consuetudine; nisi gravamen hujusmodi per definitivam sententiam reparari, vel ab ipsa definitiva appellari non possit. Per quod Decretum sunt correctæ multa jura, quæ de Appellatione, quæ à gravamine interponitur, loquuntur.

Quò ad Quartum. Appellatio potest fieri, & *Facto*, & *Verbis*. Appellare enim non solum is dicitur, qui verbum appellationis emisit; sed etiam qui aliquo facto indubitato animum suum declaraverit, cum plus sit facto, quam verbis provocare. *c. Dilecti. extr. cod.* Et hinc est, quòd si fuerit excommunicatus ille, qui iter ad Sedem Apostolicam arripuit, excommunicatio nullius est momenti, quasi lata Appellatione pendente. *c. Dilecti Filii. il primo. ext. de Appellat.* Et sufficit, si fuerit quoquo modo animus ipse declaratus. Quocirca si ex simplicitate dum debet appellare, se & Ecclesiam suam quis Romano Pontifici subjecerit, appellasse intelligitur. *c. Ad audientiam. ext. cod. de Appellat.*

Quò ad Quintum. Appellatio debet interponi intra decem dies, quod tempus currit à die scientiæ,

& dicitur esse utile, licet antiquitus in propria causa biduum tantum esset statutum ad appellationem interponendam, & triduum in causa aliena. *l. 1. ff. Triduum. & ff. Dies. ff. Quando appell. c. Biduum. 2. q. 6.* Et hinc est, quòd si pronunciarum sit altera parte absente, non currit tempus ad appellandum, ita notatur in *d. c. Biduum*.

Quò ad Sextum. Appellatio fit à Judice minori ad Judicem majorem, & regulariter fit à quocunque Judice, excepto Papa, vel Principe. Papa enim de omnibus judicat, neque ipse judicatur. *cap. Cuncta per mundum. 9. q. 3.* Item non appellatur à Senatu, neque à Sententia Præfecti Prætorii. *l. 1. ff. A quibus appell. non licet.* Insuper non appellatur ab executione sententiæ, nisi executor modum in exequendo excesserit. *l. Ab executione. C. Quorum appell. non recip.* Item à correctione non appellatur. *cap. Ad nostram. ext. cod.* Nisi in correctione Superior modum excedat. *cap. Reprehensibilis in ult. responso. cap. Cum specialis. in fine. & d. c. Ad nostram. cod.*

Quò ad Septimum. Appellatio fit ad Judicem Superiorem. *l. 1. ff. Quis, & à quo?* Hinc in causa Ecclesiastica appellatur ad Judicem Ecclesiasticum, non autem ad Sæcularem; Sæcularis enim Judex in hujusmodi causis non potest esse Superior. *c. Ecclesie Sanctæ Mariæ. extr. de Constitut.* Neque è converso regulariter Sæcularis judicatur ab Ecclesiastico, quoniam jurisdictiones sunt distinctæ, neque debet alter ponere manus in alterius jurisdictionem. *cap. Novus. ext. de Jud. c. Cum ad verum. 96. d. At de hoc*

hoc plenè tractavimus supra de Ecclesiast. Constitut. & DD. ponunt in d. c. Ecclesia S. Marie. Fiet igitur Appellatio in Ecclesiasticis ad majorem Ecclesiasticum; in Sæcularibus verò ad majorem Judicem Sæcularem. c. Si duobus. §. 1. extr. cod. tit.

Quò ad Octavum. Appellatio secundùm Jus Canonicum potest fieri à quacunque Sententia, sive sit definitiva, sive interlocutoria, ut jam dictum est supra. Nisi fortasse causa fuerit commissa Appellatione remota; tunc enim Sententia lata à Judice appellationem non recipit. c. Cum contra. de Testib. cog. d. c. Cum sit Romana.

Quò ad Nonum. Ille, qui appellat, debet in scriptis libellum Appellationis afferre; præsertim si ab Interlocutoria appellet. §. Multum autem. hoc nostro tit. cap. 1. cod. in 6. Et debet Appellationem ex aliqua justa causa interponere; quæ causa debet exprimi. Et deindè debet petere intra tres dies litteras à Judice A quo ad Judicem Superiorem, deinde Judex Superior in causa procedet, & Appellationem prosequetur. c. Ab eo. de Appel. in 6. d. c. 1. & d. §. Multum. In Appellatione verò à definitiva secundùm aliquos non est necessarium causam inferre. d. c. 1. §. Post hoc. cod. in 6. c. Romana. cum ibi notatis. cod. in §. Cum autem. & in §. In appellationibus. hoc nostro tit. Quòd si appellans hæc non observaverit, dicitur Appellatio deserta, & potest Judex à Quo Sententiam executioni mandare: ut dictis Juribus. Quemadmodum dicitur etiam deserta, si intra annum, vel biennium Appellans appellationem non

prosequatur. c. Ei qui. 2. q. 6. cap. Oblata. ext. cod. d. cap. Cum sit Romana.

Illud tamen verum est, quòd iste terminus anni, vel biennii potest per Judicem ex causa abbreviari, vel prorogari. d. c. Oblata. c. Ad aures. c. Ad hæc. ext. cod. Quinimò ad prosequendam appellationem pars potest sibi ipsi hunc terminum abbreviare. §. Pars quoque. b. tit. c. Personas. ext. cod. Sicuti etiam hoc tempus ad prosequendum non currit, si partium consensu id actum sit. Clem. Quamdiù. cod. tit. de Appellat.

Quò ad Decimum. Appellatio tunc rejicitur, quotiescunque est nimis generalis, vel notoriè constat, eam esse injustam, veluti si pro notorio crimine interponatur. c. 2. c. Consuluit. cap. Dilecti. 2. ext. cod. Fuit enim Appellatio inventa ad præsidium Innocentiæ, non ad iniquitatem defendendam. c. Cum sit speciale. §. Porro. c. Suggestum. c. Ad nostram. ext. cod.

Quò ad Ultimum. Effectus interpositæ Appellationis ille in primis est, ut ea interposita Judex, qui tulit sententiam, non possit ampliùs quicquam efficere; quinimò interim dicitur suspensa Jurisdic-tio Judicis A quo: & si pendente appellatione aliquid innovetur, illud revocatur, dummodò de veritate constiterit. c. Non solum. cod. in 6. d. c. Romana. §. Si verò. cum sequenti. §. cod. in 6. Si verò apparuerit, Appellationem injustè fuisse interpositam, tunc ille, qui appellavit, præterquam quod condemnatur in expensis, remittitur etiam ad Judicem A quo, & tenetur ejus mandatis obtemperare. cap. Ut debi.

debitus, ext. cod. Plura, & quidem utilia differit Pax Jordanus d. tom. 3. lib. 14. tit. 26. de Appellationibus; necnon Sigismundus Scaccia, qui integrum Volumen edidit de hoc titulo; in quo tanquam in mari vastissimo piscari possunt Advocati necessarias defensiones causarum.

TIT. XVIII.

De Restitutione in integrum.

QUONIAM interdum evenit, ut non solum illud, quod est gestum, possit per Appellationem rescindi, ut dictum est, sed extra ordinem possit etiam, per beneficium restitutionis in integrum emendari; idcirco de hac materia disferitur; Et pro tituli expeditione videbimus:

- 1 Quid sit Restitutio in integrum?
- 2 Quibus concedatur?
- 3 Adversus Quos?
- 4 Qui restituantur?
- 5 Intra quod tempus peti debeat?
- 6 Qui sint effectus Restitutionis in integrum?

Quò ad Primum. Restitutio in integrum. Est prioris status, vel Juris reintegratio, per quam alicui subvenitur, præcipuè autem minoribus, Ecclesiæ, & similibus personis privilegiatis; ita Goffr. in Rubr. cod. n. 12. & hic in princ. c. Constitutus, c. Tam ex litteris. cod. l. Restituere. ff. de Verb. signif.

Quò ad Secundum. Restitutio in integrum datur Minoribus Ecclesiis, & cæteris personis, quæ ex aliqua causa non habent integram, & legitimam personam standi in judicio, si se graviter dicant læsas:

pro modica enim læsione non datur Restitutio in integrum. l. Scio. ff. cod. l. Ex causa prima. ff. de Minorib. c. penult. de Reb. Eccles. non alienan. Et ad eò verum est in his casibus locum habere restitutionem in integrum, ut procedat etiam si à Summo Pontifice Sententia sit lata: non enim negatur, Romanæ Sedis sententiam posse in melius emendari. §. Quod quidem. hoc tit. cap. Sententiam. 35. q. 9. d. cap. Tum ex litteris. extr. cod. Item quoque Ecclesia adversus aliam Ecclesiam in integrum restituitur. c. Auditis. extr. cod. §. Sed etsi. hoc tit. Neque in hoc habet locum illa regula, Quò Privilegiatus non potest uti privilegio adversus pariter Privilegiatum. l. Sed & milites. ff. de Excusat. tutor.

Quò ad Tertium. Restitutio conceditur adversus quemlibet, qui cum personis suprarelatis contraxit, seu contrahenti consenserit, & datur contra alterum minorem, & ut dixi, contra aliam Ecclesiam, quotiescunque quis restituì petit, & se læsum probat; si læsio, (ut dictum est) sit alicujus momenti. d. l. Scio.

Quò ad Quartum. Restituere possunt Judices Ordinarii; Item delegati à Principe, Papa, vel etiam ab Ordinariis. §. Hujusmodi. inf. cod. cap. penult. ext. cod. & novissimè explicat Pax Jord. d. Tom. 3. lib. 14. tit. 29. ubi agit de duplici Signatura, Gratiæ scilicet, & Justitiæ; ad quam in Curia Romana recurritur pro habenda restitutione in integrum adversus Sententias. Et ante illum latè scripsit Sfortia Oddus in suo celebri tractatu de Restitut.

Quò ad Quintum. Restitutio in inte-

integrum, quæ locum habet quoties aliud non competit remedium. *l. In causæ. secunda. ff. de Minorib. solet*, quotiescunque intentatur, peti intra quadriennii spatium, nisi fortè aliqua subsit causa, propter quam huiusmodi tempus prorogetur; & hoc tempus est continuum, loco unius anni, qui antiquitus compete-
bat, & erat utilis. l. fin. C. de In tempor. in integ. restit. §. Sed sine, hoc tit. cap. 1. eod. in 6. Plem. 1. eod.

Quò ad Postremum. Effectus Restitutionis est, ut omnia in statum priorem reponantur, itaut si est contractus celebratus, irritus fiat; si sententia lata est, ea non obstante, de causa cognoscatur; & possit ille, qui ex ipsa Sententia est

læsus, de suis iuribus adducere. *l. Quod si minor. ff. de Minorib. in §. Restitutio.* Nota tamen, quòd etiam per supplicationem potest rescindi Sententia, quæ supplicatio infra decem dies debet proponi post Sententiam; text. est in *Autb. Quæ supplicatio. C. de Prac. Imperat. offer.* Hac enim supplicatione proposita, non aliter Sententia executioni mandabitur, quàm si altera pars fidejussionem idoneam dederit tantumdem restituendi cum legitimis augmentis, quantum fuerit in condemnatione, si legitima retractione Sententia retractetur. *d. Autb. Quæ supplicatio.* Et cum his sit absolutus titulus iste, & cum eo Liber Tertius hujus Voluminis.

Institutionum Juris Canonici Libri Tertii
F I N I S.



INSTITUTIONUM JURIS CANONICI. LIBER QUARTUS.

TIT. I.

De Accusationibus, Denunciationibus, & Inquisitionibus.



Actum est in titulis præcedentibus, & in superioribus Libris de Civilibus Judiciis; nunc de Criminalibus agendum est, quæ cum instituuntur per Accusationem, Denunciationem, vel Inquisitionem, ut hic in principio, ob id nunc de his tractatur. Et pro Tituli expeditione videbimus:

- 1 Quid sit Accusatio?
- 2 Qui possint accusare?
- 3 Qui possint accusari?
- 4 Quid sit Inquisitio?
- 5 Ubi, & quomodo sit facienda?
- 6 Quid sit Denunciatio?
- 7 Qui sint effectus Accusationis, Denunciationis, & Inquisitionis?

Quò ad Primum. Accusatio est alicujus criminis delatio, quæ solet fieri cum solemnī præcedente inscriptione. §. 1. hoc tit. c. Qualiter. & cap. Licet Hely. de Simon. Solemnis autem inscriptio tunc dicitur fieri, quando Accusator se obligat ad eandem pœnam, si non probaverit, quam Reus debuit pati ipso Accu-

satore probante. cap. Quisquis. 2. q. 8. & cap. Qui crimen. ead. caus. c. Tue. de Procurat. & Gloss. in c. Super bis. extr. cod.

Quò ad Secundum. Regula generalis constituitur, omnes posse accusare, nisi quis speciali ratione prohibeatur, sicut idem de Teste, & Procuratore dicitur. l. 1. de Testib. l. Minus. ff. de Procurat. Itaque quidam prohibentur propter ætatem. c. Prohibentur. 2. qu. 1. l. Qui accusare. ff. cod. & l. 2. §. Pupillus. ff. cod. Alii propter sexum, ut fœminæ, nisi in quibusdam casibus, d. cap. Prohibentur. d. l. 2. ff. cod. tit. l. In questionibus. ff. ad leg. Jul. majest. §. Consequens. Civil. Instituit. de Suspect. tutor. Item alii propter Magistratum, ut Consules. d. c. Prohibentur. d. l. Qui accusare; quia nec ipsi possunt in jus vocari. l. Si maritus. ff. ad l. Jul. de Adult. Hoc tamen intelligendum de illis Magistratibus, qui merum habent Imperium, secus in modicis. l. Nec Magistratibus. ff. de Injuris. Alii propter Sacramentum, ut Milites, qui jurant, se non evituros mortem propter Rempubicam. d. c. Prohibentur. Nisi suam, vel suorum injuriam prosequantur. l. Non prohibentur. l. Si crimen. C. Qui accusare non poterunt. Alii propter delictum, ut Criminosi, & infames.

mes. c. *In primis*. 2. qu. 1. circa fin. Nisi contra infames in exceptis criminibus, ut *ibi*. Alii propter suspensionem turpis quæstus, ut qui duos reos in diversis Judiciis accusavit; judicio nondum finito. l. *Cum rationibus*. C. qui accus. non poterunt. Nam is tertium accusare non potest, nisi suam, vel suorum injuriam prosequatur. l. *Inter liberos*. ff. ad l. Jul. de Adult. §. ult. l. *Nos accusare*. ff. cod. tit. §. *Lego Julia*. Item Qui propter accusandum, vel non accusandum nummos accepit, qui incidit in legem Juliam Reperundarum. l. *Eadem*. §. ult. ff. ad Leg. Jul. repetund. Et in legem Corneliam. c. *Concessionis*. 1. qu. 1. Alii propter conditionem suam, ut Liberti contra Patronos. Alii propter paupertatem, ut qui minus, quam quinquaginta anreos habent in bonis. d. c. *Prohibentur*. d. l. *Qui accusare*. & l. *Alii*. & l. *Nonnulli*. ff. cod. Item illi non admittuntur, qui ad sortilegos, magosque concurrunt. c. *Quisquis*. 2. q. 8. Hi autem omnes, si suam, vel suorum injuriam prosequantur, admittuntur, ut l. *Hi tamen*. ff. cod. c. *Omnibus*. 4. q. ult. Item in criminibus exceptis, ut est crimen Majestatis læsæ, Hæresis, Simoniz, fraudati census, fraudatæ annonæ, dilapidationis. c. *Sanct.* 15. q. 3. extr. de Simon. c. *Nemini*. Item sunt alii, qui propter reverentiam non possunt accusare eos, quibus reverentiam debent, ut liberi, liberti, beneficiarii, familiares, servi; quibus, si hoc fecerint, imponuntur variæ poenæ. d. l. *Qui accusare*. in fin. l. *Hi tamen*. §. prima. C. cod. l. *Iniquum*. & l. *Si quis ex familiaribus*. & l. *Contra Ecclesiam*.

c. *Liberti*. & cap. *Ostava*. 12. qu. 1. Idem procedit in Clerico beneficiato. c. ult. de Posul. Item socii, & participes criminum non possunt accusare. cap. *Veniens*. de Testibus. l. *Si filium*. C. de Liberali caus. Item ab alio delatus alium accusare non potest. d. c. *Prohibentur*. c. ult. extr. de Testib. Itaut non possit nec etiam suum accusatorem accusare, nisi de majori crimine agatur. c. *Neganda*. 2. qu. 11. Quod procedit multò magis in condemnato, cum sit infamis, nisi suam injuriam prosequatur. l. *Qui judicio*. ff. cod. Verùm non denegatur ei accusare suum accusatorem, nisi per sententiam amiserit libertatem, & Civilitatem. l. *Is qui*. ff. de Publ. judic.

Quò ad Tertium. Hic itidem Regula generalis est constituenda, Omnes scilicet posse accusari, quibusdam exceptis propter excellentiam dignitatis, ut Papa, & Imperator; ipsi enim supra Jus sunt, legibusque soluti. c. *Proposuit*. supra. de Præbend. l. *Digna vox*. C. de Legib. Papa enim Superiorem non habet, nisi Deum. cap. *Nemo aliorum*. 9. q. 3. Excipitur crimen hæresis; ut in d. cap. *Si Papa*. In hoc enim habetur pro minori quolibet Christiano. Item Magistratus non accusatur, intellige de supremo, ut supra dictum est.

Quò ad Quartum. Inquisitio nil aliud est, quam *Investigatio à JUDGE facta ex officio*; cum præcedente diffamatione, ac quali fama denunciante JUDex ad aliquod crimen investigandum procedit. §. *Per inquisitionem*. hoc tit. d. cap. *Qualiter*, & quando. de Accusat. Inquisitionis autem plures sunt species. Generalissima, ut cum Prælatus inquir

rit super statu totius Provinciæ; de qua in *c. Sicut. eod.* & in *c. Romana. de Cenfib.* Et per Abb. in *c. Qualiter. il secundo. eod.* Et in hac non est necesse infamiam præcedere; quinimò Prælati tenetur quolibet Anno hanc inquisitionem facere. *cap. Cum venerabilis. de Cenfib.* Quædam Generalis; ut cum inquiritur super statu Civitatis, Castellri, vel alterius particularis loci; & in hoc etiam casu non exigitur, ut diffamatio præcedat. *c. 1. de Offic. ordin. l. Congruit. ff. de Offic. Præsid.* Quædam est Specialis contra certam personam; Et hæc interdum fit non ad pœnam imponendam, sed ex debito officii; ut puta ne carnale Matrimonium, stante legitimo impedimento, contrahatur, vel non confirmetur Electus; & nec etiam hoc casu exigitur infamia, quia non agitur ad pœnam, ex quo fit ex debito officii. *c. Postquam. & c. Cum dilecti. & c. Nihil. cum similibus. de Elect. & c. fin. de Clandest. despons. Innoc. in cap. 1. de Excess. Prælat. Host. in c. Unico. Ut Eccles. Benefic. & Abb. in d. c. Qualiter. & cap. penult. eod.* Quandoque autem ista specialis Inquisitio fit ad pœnam imponendam, & tunc si fit ad Denunciationem publici officialis, non est necessarium, ut fama præcedat. *l. Et quidem. C. eod. c. Præterea. de Testib. cogendis.* Quamquam dici possit, quod hoc casu præcedat fama, quia non denunciantur nisi notoria, alioquin denunciationi non creditur secundum Abb. in *d. cap. Qualiter.* Et notatur in *§. Aliquando. 4. q. 4.* Quandoque fit speciali fama deferente; & tunc habet locum, quod hic dicitur. Quod tamen recipit aliquas distin-

ctiones, & limitationes, de quibus habetur in *d. cap. Qualiter. & in l. 2. §. Si publico. ff. de Adult.* de quibus aliique multis videndus est Farinacius in *tract. de Inquisitione. d. qu. 2. & seqq.*

Et quantum spectat ad Inquisitionem scito, quod quamvis in ea præcedere debeat diffamatio; attamen si quis coram Inquisitore crimen aliquod fuerit confessus, non poterit iste suam confessionem revocare, eo prætextu, quod fama non præcesserit Inquisitionem. *§. Si quis. hoc tit.* Etenim hoc casu crimen factum est notorium per confessionem. *cap. fin. de Cobabit. Clericor. & mulier.* Alius casus est, quando Inquisitor præsenre inquisito, nec excipiente de non diffamatione procedit. *§. Item. b. t.* Quod intellige si sit præsens, & sciens; aliàs enim si ignoret testes deponere super causa principali, ommissa Inquisitione infamiæ, sibi non præjudicat. *c. Inquisitionis. §. Quinimò. ext. eod.* Alios casus vide in *c. Unico. Ut Eccles. Benefic. sine dim. conferant. d. §. Si publico. facit cap. 1. ext. eod. in 6.*

Quod ad Quintum. Inquisitio, si de speciali tractetur, est facienda in eo loco, ubi crimen patratum dicitur; & si sit respectu particularis personæ, fit in eo loco, ubi illa persona, de qua inquirendum est, convertatur. *c. Paratus. 22. q. 1. c. Pudentia. 24. q. 1. c. Postquam. supr. de Elect. c. Quosdam. de Presumpt.* Et citatur is, contra quem inquiritur, & significantur ei crimina, de quibus est inquirendum. *c. Si primates. 5. q. 2. d. c. Qualiter. §. Debet. extr. eod.* Qui poterit opponere contra Inquisitorem de suspecto. *c.*

Ad petitionem . ext. eod. Et quòd sit criminosus . c. Judicet . 2. q. 7. Et etiam poterit opponere contra Testes . extr. eod. c. Cum oporteat . & c. Qualiter . de Simon. c. Licet Hely . & c. Per tuas .

Quò ad Sextum . Denunciatio nihil aliud est , quàm *Delatio criminis* , ad *Judicem facta* , nulla præcedente inscriptione , sed tantum charitativa admonitione . *d. §. 1. hoc tit. d. c. Qualiter . §. fin. c. Cum dilectus . hoc eod.* Atque idè in Denunciatione non est necessaria Inscriptio , quia est facienda ad correctionem ; Accusatio verò ad depositionem instituitur . *§. Ideo . hoc tit. c. Super his . extr. eod.*

Quò ad Postremum . Effectus Accusationis est *Depositio* . Effectus Inquisitionis est *Remotio ab administratione* . Effectus verò Denunciationis est *Pœnitentia* , seu *Correctio* ; quod ex jam dictis apparet ; & ita tradit Goffred. in sua *Summ. eod. nom. 11* Quandoque tamen etiam ex Denunciatione sequitur amotio , ut per Goffr. *ibidem* . Et est notandum , quòd si Accusator defecerit in probatione , eam pœnam incurrit , quam si probasset , Reus sustinere debebat , quæ pœna *talionis* dicitur . *§. Accusator . hoc tit. cap. 1. & 2. §. q. 6.* Et de hoc traditur *2. q. 3. per tot.* Denuncians verò si non probet , suspendendus erit ab officio , & beneficio , donec suam purgaverit pœnitentiam . *c. fin. de Calumn. d. §. Accusator.* Plura qui cupit scire de Accusatione , Denunciatione , & Inquisitione , legat Julium Clarum in sua *Practica Criminali libr. 5. §. fin. qu. 7. q. 11. & quest. 12.* Necnon Ant. Concium in suis *Resolutionibus Crimi-*

nalibus, verb. Accusatio, & verb. Inquisitio.

T I T. II.

De duplici Purgatione .

Quoniam sæpissimè interveniet , ut accusati propter aliquam suspicionem contra eos existentem , debeant se purgare ; idcirco nunc de hac materia tractatur ; & videbimus :

- 1 *Quid sit Purgatio?*
- 2 *Quot sint ejus species?*
- 3 *In quibus casibus inducatur?*
- 4 *Cui?*
- 5 *Quomodo?*
- 6 *Qui sint effectus?*

Quò ad Primum . Purgatio est *Demonstratio Innocentie* super objecto crimine , ut *hic in princip.* & ita dicit Goffr. in sua *Summ. de Purgat. Canonica.*

Quò ad Secundum . Duæ sunt species Purgationis ; *Vulgaris* scilicet , & *Canonica* . *Vulgaris* est , quam vulgus , vel invenit , vel sequitur ; ut cum aquæ frigidæ , vel candentis ferri , vel duelli , & singularis certaminis , quis subijt iudicium . *cap. Ex tuar. de Purgat. Canon. c. fin. de Purgat. vulg. c. 1. eod. c. Monomachiam . 2. q. 4.* Sed hæc reprobatur à Jure Canonico , ut *c. 1. de Purgat. vulg. d. c. Monomachiam.* Et est *Decretum Concilii Tridentini in sess. 25. de Reformat. cap. 19.* Ubi non solum volentibus Duelum facere , verum & Principibus , Patrinis , Advocatis magnæ pœnæ apponuntur ; item & spectatoribus . Ideò sciendum , quòd usque ad undecimum sæculum erat in

in usu hæc Purgatio vulgaris, quæ ad probandam innocentiam infamari ex delicto, cogebat illum vel pugnare in Duello, vel ferum igneum manibus ittingere, vel super vomeres ignitos ambulare, vel aquam ferventem bibere, ut scribunt DD. quos cumulant Barbosa, & Emanuel Gonzalez in *Comment. ad cap. 1. & seqq. de Purgat. vulgari*. Ubi referuntur multa miracula personarum innocentium; quibus addendum est illud Sanctæ Chunegundis Augustæ, Uxoris Sancti Henrici Imperatoris, quæ licet Virginitatem illibatam servaret, calumniosè accusata de incontinentia super arduos vomeres nudis pedibus illæsa ambulavit; ut scribit Surius in ejus Vita die 3. Martii. Canonica purgatio est illa, quæ fit per Juramentum, ut puta si is, qui est crimine infamatus, jurat, se non esse tali crimine, vel macula inquinatum: & hæc Sacris Canonibus comprobatur. *§. Canonica. hoc tit. de Purgat. Canon. per tot. tit. & 2. q. 4. per tot. & 15. q. 5. Vulgari penitus prohibita.*

Quò ad Tertium. Purgatio inducitur in his casibus, in quibus non adsunt Testes, qui possint convincere suspectum de crimine; quando enim crimen est notorium, non inducitur purgatio. *cap. Cum dilectus. de Purgat. Canon. c. Evidentia. de Accusat. §. Planè. hoc tit.* Et tunc inducenda est, quando infamatus est apud bonos, & graves; & infamia non habuerit ortum ab inimicis. *extr. de Purg. canon. c. Cum in Juventute.* Et quamvis generaliter ratione criminis purgatio inducatur; aliquando tamen inducitur

ratione defectus. *c. Accedens. extr. eod.* Aliquando propter surreptionem. *c. Ex parte. extr. de Offic. Ordin.* Aliquando in merè civilibus Purgatio inducitur. *cap. Quod ad Consultationem, secundum unam lectionem, extr. de Sent. & re Jud.*

Quò ad Quartum. Ex jam dictis patet, Purgationem illi indici, qui de crimine est infamatus, sed non convictus; ut in nostro tit. in princip. Et docet Goffr. in sua Summa. *de Purgat. Canon. cap. De hoc autem. de Simon. & cap. Nos inter. De Purgat. Canon.*

Quò ad Quintum. Purgatio fit hoc modo: Ille, qui est suspectus aliquo modo ob famam de crimine; jurat, se innocentem, & sine aliqua culpa de crimine objecto; & adducit purgatores, qui jurejurando affirmant, se verè credere, ab eo, qui se purgat, verum esse Juratum. *c. Constitutus. de Purgat. Canon. c. Cum dilectus. c. Cum P. Manconella. eod. tit. d. §. Canonica.* Et isti compurgatores debent esse bonæ famæ, & opinionis, nec de aliquo crimine condemnati, & ab Ecclesia approbati; nec debent esse Vicini, aut habere conversationem cum purgando, ut in dictis Juribus.

Quò ad Postremum. Effectus Purgationis est, ut sequuta Purgatione, legitimè facta, pro Innocente habeatur qui se purgavit. Qui si fortasse in Purgatione defecerit; tunc habetur pro convicto, sen confesso, nisi aliud judicantis discernet æquitas. *§. Quicumque. hoc tit.* Ita notatur in *c. Ex tuarum. extr. de Purgat. Canon. d. c. Cum P. Manconella.*

T I T. III.

De Simonia.

Delictorum alia offendunt Deum principaliter : Quædam verò hominibus damnum inferunt. Deum offendunt Simonia, Apostasia, Sortilegium, Maledicentia, Sacrilegium. Hominibus verò læsionem inferunt Homicidium, Adulterium, Stuprum, Rapina, Furtum, Usura, Falsum, Injuriz. Itaque de his omnibus distinctè intendit tractare Auctor : Et primo loco de Simonia ; videbimus igitur :

- 1 Quid sit Simonia?
- 2 Unde dicta?
- 3 Quot species?
- 4 Quomodo committatur?
- 5 Quis possit hoc crimen deferre?
- 6 Qui sint effectus hujus. Accusationis?

Quo ad Primum. Simonia nihil aliud est, quàm *Studiosa voluntas, seu cupiditas emendi, aut vendendi spiritualia, vel spiritualibus annexa* ; ut *bic in princ.* Et not. in *c. Consultare. ext. cod.* Et per Host. in *sua Summ. cod. tit. §. 1.* Spiritualibus autem annexa sunt, ut Jus percipiendi fructus perpetuò, secundùm Host. in *Summ. cod. d. §. 1.* Vel Jus Patronatus. *c. Quanto. de Jud. & c. Quia Clerici. de Jure Patron.* Et de hac definitione notat Abbas in *c. Nemo. ext. cod.* Alia autem definitio traditur *bic in princ.* ut per te videre poteris.

Quo ad Secundum. Simonia dicta fuit à Simone Mago, qui fuit primus hujus sceleris Inventor : ut *bic in princ.* & apparet in *Actis Apostolorum cap. 8. c. Qui studet. 1. q. 1.*

Quò ad Tertium. Simoniæ duæ sunt species *Conventionalis*, & *Mentalis*. *Conventionalis* est, cum aut aliquid datum est, vel de dando in posterum tractatus intercesserit, & conventio. *§. Simoniæ. inf. hoc tit. c. Sunt nonnulli. 2. q. 1.* Mentalis est, cum nullum quidem intercessit pactum, sed sola prava dantis, & recipientis mens, & intentio concurrat. *d. §. Simoniæ.* Et de hac dist. vide Abb. in *d. cap. Nemo. Vers. Sed oppon. & in c. Consultare. ext. cod.* Moralistæ tamen, & commuiter omnes DD. addunt tertiam speciem, & est Simonia *Realis*, quando scilicet pactiones Simoniacæ sunt effectuatæ. *Reginald. lib. 10. cap. 27. n. 419.* & ego dixi in meis Decisionibus *Miscellaneous Decis. 22. per totam.*

Quò ad Quartum. Simonia committitur quotiescunque pro Re spirituali, vel spirituali annexa, pecunia, vel aliud recipitur ; ut suprà in definitione patet ; Vel si quis favor promittatur. *§. Contrahitur. b. t. d. cap. Sunt nonnulli. 1. q. 1.* Vel obsequium humanum præstetur. *d. c. Sunt nonnulli. & cap. Crim essent. cod.* Quod intellige si principaliter id præstetur propter beneficium Ecclesiasticum. Secundariò tamen bene potest sperari, & concedi beneficium hoc modo ; ita notatur in *c. Consultare. d. 74. & in cap. Quid proderit. d. 61.* & per Innoc. in *c. Venerabilem. de Elect. in fin. in Verb. Fiducia.* Unde inferitur, quòd Episcopus pro manuum impositione ; ita nec Minister, nec Notarius pro Ordinatione potest aliquid recipere. *§. Et sicut. b. t. cap. Totum. 1. q. 3.* & est tex. in *Extravag. Urban. Pontif. Sanè in vincula in communibus.* Et iam si

iam si spontè oblatum sit, per Concil. Trid. sess. 21. cap. 1. de Reform. Hinc etiam Simonia committitur si quis pro personis Ecclesiasticis deducendis in Sedem, vel Sacerdotibus instituendis, vel sepeliendis moriis, seu pro nubentium benedictionibus aliquid accipiat. *§. Sed tunc quoque. hoc tit. cap. Cum Ecclesiæ. eod. & 1. q. 3. c. Si quis obsecrerit. c. Suam. ext. eod. nisi aliquid gratis concedatur; ita notatur in d. cap. Suam. & ibi Abbas, §. Sciendum. b. 1. Alius casus est, quando aliquid datur pro liberando se à molestia, quæ indèbitè inferitur. §. Idem. hoc tit.*

Quò ad Postremum. Varii sunt effectus hujus criminis. In primis autem Episcopus non potest dispensare cum electo simoniacè, etiamsi ignorante electo sit commissa Simonia: unde si eo reclamante aliquid datum sit non committitur Simonia. *§. Planè; hoc tit. cum simil. §. Sed videamus. hoc tit. c. penult. de Elect.* Cum eo autem, qui simoniacè simplex beneficium obtinuit, potest Episcopus dispensare, tribus tamen intervenientibus. Primò, quòd Simonia sit commissa ignoranter ab eo, cum quo dispensatur. Secundò, quòd beneficium sit simplex. Terriò, quòd præcedat libera Resignatio. *d. §. Sed videamus. d. cap. penult. & in cap. de Simoniacè. eod.* Secundus effectus est, quòd simoniacè ordinans cum suo ordinato, & Clerico mediatore est deponendus; quòd si mediator Laicus fuerit, excommunicatur. *§. Ac veluti. hoc tit. cap. Si quis Episcopus. & c. Si qui à Simoniacis. & cap. De cetero. 1. q. 1. c. Cum satis. ubi Abb. eod. & c. Per inquisitionem. de Elect.* Si quis verò beneficium simo-

niacè fuerit consequutus, si per accusationem fuerit convictus, privatur beneficio, & deponitur: Si verò per inquisitionem, tunc privatur quidem beneficio, sed tamen post peractam pœnitentiam permittitur in suo ordine ministrare. *§. Quod si non. b. 1. cap. Presbyter. 1. quest. 1.* Secundus casus probatur in d. cap. Generaliter. il 2. de Accusar. & est text. in cap. Dilectus. 2. eod. Et quod dicitur de beneficio sic obtento, habet locum etiam in dignitate simoniacè impetrata; ut per Goffr. in sua Summ. eod. n. 20. argum. c. Dudum Roibomag. extr. de Elect. Unum tamen hic à nobis notandum venit, quòd si quis parvulus propter parentum cupiditatem per pecuniam Ecclesiam sit consequutus, post liberam resignationem, cum eo poterit dispensari. Cætera videri possunt apud Goffred. in sua Summa. eod. Et quoniam sæpè sæpius Beneficiati in suorum permutatione Beneficiorum faciunt ad invicem pacta Simoniaca; ad ea cognoscenda, legantur meæ Discordiæ Forenses, rum de Beneficiis. Discord. 51. tum de Jurisdictione. Discord. 51. in quibus planè, & plenè ostenditur, quæ Pacta sint licita? & quæ sint Simoniæ vitio infecta?

TIT. IV.

De Hæreticis, Schismaticis,
& Apostatis.

VIdimus de uno crimine, quod continet Dei læsionem, ut in §. fin. supr. de Dupl. pergit. sequitur nunc de aliis videre; & in hoc titulo videbimus:

- 1 Qui dicantur Heretici?
- 2 Qui dicantur Schismatici?
- 3 Qui dicantur Apostat e?
- 4 Quid sit Apostasia, & quotuplex?
- 5 Qu e sint horum delictorum p n e?

Qu  ad Primum. Heretici sunt, qui van  glori , principatusque sui causa, vel alterius temporalis commoditatis, falsas opiniones gignunt, aut sequuntur; ut *bic in princ. & in cap. Hereticus, 24. q. 3.* Et horum sex species enumerantur   Goffredo in sua *Summ. in tit. de Heretic.* Prim , novas opiniones sequendo, & tunc dicitur *Heresiarcha*, sicut Arrius; Sabellius, & Macedo, quorum Sectatores & ipsi heretici dicuntur vel Arriani, vel Sabelliani, vel Macedoniani. *cap. Quid. S. Sabelliani, & S. Arriani. & S. Macedoniani, 24. q. 3.* Secund , Scripturam aliter interpretando, qu m sensus Spiritus sancti flagitat. *cap. Heresis. d. 24. q. 3.* Tercio loco dicitur hereticus; qui   Sacramentis Ecclesi , & communione fidelium est divisus. *cap. Quod autem. 4. q. 1.* Quart , hereticus dicitur Sacramentorum perversor, ut Simoniacus. *c. Patet. 1. q. ult.* Quinto loco dicitur hereticus, qui dubius est in fide. *c. 1. extr. de Heret.* Sexto modo dicitur hereticus, qui Roman  Ecclesi  privilegium, ab ipso Summo Ecclesiatum capite traditum, auferre conatur. *cap. 1. 22. d.*

Qu  ad Secundum. Schismatici sunt illi, qui se ab unitate Ecclesi  per inobedientiam separant, ut *bic in princ. & Abb. in c. Tua. de Schismat.* Schisma enim est illicita discessio totum, inter quas unitas esse debet. *c. Schisma. 24. q. 1.* Et differt Schisma ab heresi, quia heresis in principio habet perversum

dogma, quod non habet Schisma, sed in fine contingit aliqua heresis. *c. Inter heresim. 24. q. 3.* ita ut ex his possimus etiam concludere, qu d idem sit heresis, & schisma, quia nullum schisma est, quod sibi aliquam tandem heresim non confin-gat; ut *bic in princ. & per Abb. in Rubr. cod. & per Host. in Summ. cod. de Schismat. & per Archid. in d. cap. Inter. & notatur in cap. Quia diligentia. de Elect.*

Qu  ad Tertium. Apostat  sunt illi, qui   statu Fidei, Obedienti , vel Religionis, quam se tenere professi sunt, temerari  recedunt. *S. Apostat . inf. hoc tit.* Et hinc etiam dicitur Apostasia, quasi post status, idest retrogradus status: & Apostata, quasi retr  stans, vel retr  abiens. *c. Non observetis. 26. q. 7. & c. fin.*

Qu  ad Quartum. Tres sunt Apostasi  species, ut in *d. S. Apostat e*; & per Hostiens. in *Summ. cod. S. Quod species.* Et per Glossam, & DD. in *cap. 1. de Apostat.* Prima est perfidi , c m quis scilicet   fide recedit. *c. Non potest. 2. q. 7. & cap. Quidam. de Apost.* Et in *cap. Contra Christianos. de Heret. in 6.* Alia est inobedienti , c m scilicet quis pr ceptum sui Superioris spont  transgreditur; sive Patrum regulis, vel Constitutionibus non obtemperat. *c. Alieni. 3. q. 4. & c. Alieni. 2. q. 7. & cap. Si quis. & cap. Illud. de Majorit. & obed.* Tertia, Irregularitatis, & ea est, c m quis ab ordine suo, sive assumpt  Religionis recedit. *cap. fin. dist. 50. & cap. Legi. 16. q. 1.*

Qu  ad Postremum. Heretici, si Clerici sint, deponuntur, & traduntur iudicio s cularis iudicis puniendi; & intellige, qu d Ecclesia tradit

tradit hæreticum clericum sæculari Judici, cum relinquendo. *cap. Ad abolendam. extr. cod. de Hæret. §. 1. & c. Cum non ab Homine. ext. de Jud. dictis. cap. Novimus. de Verb. signif. cap. Ad falsarium. ext. de Crimin. fals. Ecclesia enim pro damnandis corporaliter supplicat. c. Reor. 23. q. 5. l. Adjector. C. de Episc. audit. Et privantur officio, & beneficio. §. In hæresi. hoc tit. d. c. Ad abolendam.*

Laici verò puniuntur ad arbitrium Judicis sæcularis ad requisitionem Episcopi. *cap. Cum secundum cod. in 6. & cap. Ad abolendam. cod. Primò enim bona hæreticorum post sententiam publicantur. §. Bona. hoc tit. c. Negantis. & c. Excomm. cod. d. c. Cum secundum. Quod extenditur etiam ad dotem uxoris ipsius hæretici, si scienter cum hæretico contraxerit. §. Sed &. hoc cod. cap. Accusatus. §. penult. cod. in 6. l. Quisquis. Ad l. Jud. majest. §. Interdum. Instit. de Hæred. quæ ab Intest. defer. Et propter criminis enormitatem etiam post mortem hæretici, ipsius bona confiscantur. §. Post mortem. inf. hoc tit. d. cap. Accusatus. §. penult. Secundò privantur Sepultura Ecclesiastica. §. Ecclesiastica. b. t. Et tumulantes eos scienter excommunicantur, nec ante absolvantur, quam propriis manibus eos exhumaverint; & locus, ubi hæreticus est positus, perpetuò caret sepultura. d. §. Ecclesiastica. Et de hoc notatur in *cap. Potest. de Re Judic. in 6. c. Quibusdam. de Pœnis. & c. Ubipericulum. §. Civitas. de Elect. in 6. cum similibus. Tertiò descendentes ab hæretico usque ad secundum gradum, & descendentes ab hæretica usque ad primum**

beneficio Ecclesiastico, & officio publico privantur. §. Sed & eorundem. hoc tit. d. c. Ad abolendam. *cap. Filius. §. Quod si quis. de Pœnis. in 6. c. Statutum. 2. cod. in 6. Hoc tamen non habet locum in filiis, & descendentibus eorum, qui emendati sunt, & unitati Ecclesiæ reincorporati; idest qui ab Ecclesia receperunt poenitentiam; vel saltem eam recipere sunt parati. §. Hoc tamen. cum seq. hoc tit. d. c. Statutum. & facit *cap. Ex tenore. de Temp. ordin. & c. fin. de Furt. Et nota, quòd suspecti de hæresi, nisi se purgent, sunt excommunicandi, & si in excommunicatione infortuerint, condemnantur tanquam hæretici. §. Si verò. b. t. c. Excommunicamus. §. Qui verò. & d. cap. Ad abolendam. cod. Et si quis postquam hæresim abjuraverit, iterum in eam incidit, sæculari Curie puniendus traditur, non tamen ei poenitentia denegatur. §. Quod si. hoc tit. d. c. Ad abolendam. & cap. Super eo. cod. tit. in 6.**

Pœna autem Schismaticis est, ut excommunicetur, deponatur, bona ei confiscentur, & quæ ab eo gesta sunt, nulla declarentur. §. Utrumque. hoc tit. c. Quoniam in fine. de Off. Ord. c. 1. de Schismat. in 6. Et quomodo gesta per schismaticum nulla sint, vide per Abb. in c. 1. de Schism. in fine.

Apostatæ autem puniuntur, quia efficiuntur infames, & excommunicantur; & etiam aliis plectuntur pœnis secundum diversitatem Apostatiæ. §. fin. hoc tit. Ita Abb. magistraliter in *cap. 1. de Apostat. & per Host. in sua Summ. de Apostat. §. Qualiter. & per Goffr. in summ. cod. num. 3.*

Y TIT.

T I T. V.

De Sortilegis, Maledicis, & Sacrilegis.

Absolutis antedictis speciebus delictorum, nunc ad alias species fit transitus, & agitur de delictis, quæ secundum Canones possunt etiam puniri respectu Laicorum in foro sæculari: Et pro tituli expeditione videbimus:

1. *Qui dicantur Sortilegi?*
2. *Qui Maledici?*
3. *Qui Sacrilegi?*
4. *Quæ pæne sint contra hos delinquentes statuta?*

Quò ad Primum. Sortilegi illi appellantur, qui prætextu Religionis per quasdam sortes divinationis scientiam profitentur, aut quarumcunque scripturarum inspectione facta, futura promittunt, ut sunt Arioli, Aruspices, Incantatores, & similes personæ, quæ quasi inito pacto cum Demone inter homines fidem aucupari contendunt. *§. Sunt autem. hoc tit. c. Sortilegi. 26. qu. 1. & qu. 5. c. Aliquantum.*

Quò ad Secundum. Maledici illi appellantur, qui impura lingua in Deum, vel in ejus Sanctos blasphemias inferre non erubescunt. *§. Diversa. hoc tit. Abb. incap. 2. de Maled.*

Quò ad Tertium. Sacrilegi illi appellantur, qui vel circa personas, vel circa res, aut loca sacra delinquant, ut sunt illi, qui res furantur sacras, Ecclesias incendunt, vel simili modo delinquant. Committitur enim sacrilegium vel ratione rerum, vel ratione perso-

narum. Ratione rerum, veluti cum quis sacrum de non sacro, vel sacrum de sacro, vel non sacrum de sacro aufert. Glossi. est in l. Divus. ff. ad l. Juliam peculati. & cap. Quisquis. 17. q. 2. Vel etiam si intra certos passus aliquid furatur. d. c. Quisquis. §. Sacrilegium. hoc tit. Immo committitur sacrilegium per turbationem solum rerum Ecclesiasticarum. c. Conquestus, ubi Abb. de Foro compet. Contrahitur etiam per invasionem rerum patrimonialium ipsius Clerici, ut notat Abb. in c. Ceterum. vers. nota ergo ex omnib. de Jud. Ratione personarum sacrilegium perpetratur, cum quis in Clericum, vel Monachum violentas, & impias manus injicit. c. Si quis suadente. 17. quest. 4. Vel cum personæ Deo dicatæ appetantur per coitum. cap. Impudicas. 27. qu. 1. §. Personarum. inf. hoc tit. Sed de hoc cap. infra dicitur in §. Penult. de Adult. & in §. Si quis igitur. cum plurib. seqq. inf. de Sent. excomm.

Quò ad Postremum. In primis scias, quòd Sortilegium semper saltem hæresis suspicionem inducit, si vè committatur sortilegium circa aras Idolorum, si thura, nefariæ preces emittantur, sacrificia offerantur, dæmones consulantur, & si eorum responsa accipiantur. cap. 11. q. 26. q. 2. Item si quis associet sibi ad sortes exercendas hæreticos, vel facit prædicta cum Corpore, & Sanguine Christi; vel si, ut in sortibus possint habere responsa, puerum rebaptizant, ut refert Paulus Ghirlaudus in suo Tractatu, quem de hac materia facit; si vè si quis pro sortibus habendis non adoret dæmones, sed solum
ad

ad tentandam mulieris pudicitiam invocet, vel poculum amatorium misceat: quamobrem contra sortilegos antedictos Inquisitores hæreticæ pravitatis cognoscunt; ut *hic in princ. facit tex. in d. §. Sanè.* Et tradit Abb. in c. cum sit. *Verf. item & addo. d. For. compet.* Ad rem nostram, Sortilegi, & Incantatores deiciuntur ab Ecclesia, & nisi resipiscant, perpetuo anathemate feriuntur. *§. Ariolorum. hoc nostr. tit. §. Ex præmissis. 26. qu. 2. c. Illud sanè. in fin. 26. qu. 2.* Et si Clerici existant, degradantur. *d. cap. Aliquant. 26. qu. 5. & cap. Si quis ariolos; & cap. Admoncant. 26. q. 7. & per Host. in Summ. eod. §. Quæ sit pœna.* Et de eorum punitione extrat Constitutio 46. Gregor. XV. quæ incipit: *Omnipotentis Dei, &c.* edita Die 20. Martii 1623. Illis autem, qui sunt maledici, debet pœnitentia injungi, quam si facere recusent, ab Ecclesia arceantur, & post mortem careant Ecclesiastica sepultura*. *§. Diversa. hoc tit. c. 2. de Maled. c. de Vi-ro. 12. qu. 2. cap. Frater. 17. qu. 4.* Blasphemare autem est attribuere aliquid Deo, quod illi non convenit; vel negare de eo, quod ipsi convenit; vel attribuere creaturæ, quod convenit soli Deo. Ita D. Thomas 2.2. *qu. 13. art. 1.* ubi etiam Cajet. in *Verb. Blasphemus.* Et eadem pœna puniuntur etiam sacrilegi. Sed tamen advertendum est, quod Sacrilegus quandoque pro modo delicti gravius punitur; interdum enim ultimo damnatur supplicio; ut per Host. in *Summa. eod. in fin.* Nunc Sacrilego pœnitentiæ beneficium penitus denegatur, quod intellige in illo tantum

crimine, super quo non vul. satisfacere; namque in aliis imponitur Pœnitentia, quæ licet non sit infinituosa quod ad vitam æternam; tamen valebit ad mirius supplicium subeundum. *c. Ult. §. Ult. de Pœnit. d. 4. & notat. in cap. 2. de Raptor.* Quandoque anathemate vincitur. *cap. Conquestus. de For. compet. d. cap. Quisquis. 17. q. 4. cap. Nulli 12. q. 2. & c. Prædia.* Nunc perpetua infamia damnatus carceri traditur. *cap. Attendendum. 17. quæst. 4. c. In primis. 2. q. 1.* Nunc exilium ei imponitur, aut depositione coeretur. *cap. Si quis deinceps. 17. q. 4.* Aliquando etiam pecuniaria pœna multabitur: *d. c. Quisquis. cap. In litteris. de Rapt.* Sed non modò delinquentes his pœnis puniuntur, sed etiam consentientes, & cooperantes. Item Sacerdotes ipsis Pœnitentiæ dantes, vel sepulturæ eorum intervenientes pari pœna puniuntur; vel & si ab jis eleemosynam recipiant. *§. Non solum. hoc tit. cap. Omnes. 17. q. 4. & ibi not. & vide notata in c. Ex transmissa. de Decim. facit. cap. Super eo. de Rapt.*

TIT. VI.

De Furtis.

Postquam supra in *§. fin.* tractatum est de quadam specie Furti, nempe de Sacrilegio, nunc in genere de Furtis tractatur, & circa tituli expeditionem videbimus:

- 1 Quid sit Furtum?
- 2 In quibus Rebus consistat?
- 3 Quæ sit pœna Canonum in Fures?
- 4 Qui hac pœna reucentur?

Y 2

Quod

Quò ad Primum . Furti nomine quæcumque illicita Rei alienæ usurpatio continetur; sed nunc de his agitur Furtis, quæ speciali nomine destituta, generali Furti appellatione continentur, ut *hic in princip. §. Item obijciuntur. & c. Pœnalis. 14. q. 5.* Furtum verò est contrectatio Rei alienæ, quæ fit animo lucrandi, invito Domino; & dicitur à Furo, idest nigro; eò quòd clam, & obscurè, & plerumque de nocte fit; vel à fraude, vel à ferendo, idest auferendo. *l. 1. ff. cod. & refert Goffr. in Rubr. ext. cod.*

Quò ad Secundum . Furtum committitur in rebus mobilibus, & corporalibus, non autem in immobilibus, vel incorporalibus, quæ nec tradi, nec contrectari possunt. *§. Quod autem. Instit. Civil. de Usu. capien.*

Quò ad Tertium . Præter Leges Civiles, de Jure Canonico est constituta pœna in Fures, ut si fuerint hac infamia notati ad Ordines sacros promoveri non possint, quin immò si sint promoti, ab iisdem deijciendi sunt, & si depositi fiunt incorrigibiles, excommunicantur, & demum potestati seculari tradi debent. *§. Fures. hoc tit. cap. Cum non ab homine. de Judic. cap. Tue. de Pœnis.* Et si Fures in prædando, vel furando occidantur, non est pro eis orandum. *cap. Fures. ext. cod. §. Et si dum. hoc tit.* Et ratio est, quia, præsumitur, quòd decedant in peccato mortali. *cap. Placuit. 23. qu. 5. cap. Neque. 88. dist. cap. Proobventibus. 13. q. 2.* Qui si vulnerati, confessi fuerint, communio eis non est deneganda. *d. §. Et si dum. cap. Penitentes. 50. dist.* Et illis etiam sepul-

tura conceditur. *cap. fin. 13. q. ult. & not. in cap. 2. eod.* Et dictum est suprà de Sepulchris. Et hoc procedit non solum si confessi sint Sacerdoti, verum etiam si Diacono, immò etiam Laico. *cap. Sanctum est. de Consecrat. dist. 4. cap. Quem panitet. circa finem. de Penit. dist. 1. cap. 1. in princ. dist. 6.* Sed advertas, quòd hoc casu Laicus non potest absolvere, quia non habet potestatem clavium, sed Deus remittit peccatum per contritionem; ut per Abb. in *cap. 2. eod.* Nec Papa posset dare talem potestatem non Sacerdoti, de quo notatur in *cap. Pervenit. dist. 95.* Verum à pœna excusatur, qui propter necessitatem cibaria, vellem, vel pecus furatus fuerit. *§. Sed hæc. hoc tit. cap. Si quis propter. eod.* Etenim propter necessitatem omnia fiunt communia. *cap. Discipulos. de Consecrat. d. 5. & cap. 1. dist. 42. & 12. q. 1. cap. 2. & c. Quod autem. 23. q. 8. & c. Sicur. d. 47.* Qui tamen tali casu furatur, debet credere Dominum permissurum. *§. Furtum. Instit. Civil. de obl. quæ ex del. nasc.*

Quò ad Postremum . Non solum tenetur furti is, qui ipsum committit, sed etiam ille, qui consilium ad furtum, aut auxilium dederit. *§. fin. hoc tit. & not. in c. 1. de Offic. delegat. facit. §. Si verò opem. Instit. Civil. de Obligat. quæ ex delict. cap. Penult. eod.* Et nota secundum Goffr. in *sua Summ. cod. n. 8.* Quòd consilium dat, qui persuadet, impellit, & instruit aliquem ad furtum faciendum: opem verò fert, qui ministerium, & auxilium præbet ad surripiendas res. *Instit. Civil. §. Interdum. eod. l. In furti actio.*

*act. one. §. Reſid. ff. cod. Et tene-
tur furti non manifeſti. l. Is qui
opem. ff. cod. tit. Non tamen de
conſilio quis tenetur; niſi furtum
ſecutum ſit. d. l. Is qui. §. Si tu.
Item nota ex ſupradicto §. ſin.
quod ille quoque reus eſt, qui
furti conſcius domino quaerenti
non indicat. cap. Qui cum ſure.
ext. cod.*

T I T. VII.

De Uſuris.

Superiori titulo de Furtis dictum
eſt, ſed quoniam Furtum quo-
dammodò committit, qui uſuram
exercet. c. Si quis uſuram. 14. q. 4.
ideo de Uſuris hic tractatur, & vi-
debimus:

- 1 Quid ſit Uſura?
- 2 Undè dicatur?
- 3 Quot ſint ejus ſpecies?
- 4 In quibus rebus committatur?
- 5 Que pœne ſtatuantur contra Uſu-
rarios?
- 6 Qui teneantur pœnis iſtis?

Quò ad Primum. Uſura eſt quid-
quid ultra ſortem mutuam percipitur;
ut hic in princ. c. Plerique. & cap.
Uſura. 14. q. 3. Cui deſcriptioni
adde, ſive paſſo, ſive intentione ali-
quid ſorti accedat. cap. 1. ext. cod.
& c. Conſuluit. cap. Si ſœneraveris.
14. q. 3.

Quò ad Secundum. Uſura dici-
tur abuſu, quia ſcilicet pro uſu pec-
uniæ recipitur, ut hic in princ. &
per Abb. & Goſſr. in Rubric. ext. cod.
vel ab uſu aris, nam principaliter
in uſu pecuniæ committitur.

Quò ad Tertium. Duæ ſunt ſpe-
cies Uſuræ. Alia eſt corporalis, &

iniqua, quæ committitur inter ho-
mines, dum contractus exercent;
& hæc ſubdividitur; Alia enim
eſt ſœnus ſortis; Alia eſt ſœnus ſœno-
ris. Qui hanc ſecundam ſpeciem
exercent, etiam ſecundum leges
infamia notantur. l. Improbum ſœ-
nus. c. Ex quibus cauſis infam. c. In-
fames. §. Tri. 3. q. 7. Sed ſecun-
dum Jura Canonica in utraque ſpe-
cie ipſo Jure infamia irrogatur,
cùm in utraque committatur pec-
catum mortale. 6. q. 1. c. Infames.
Altera ſpecies eſt ſpiritualis, &
æqua: ut quando aliquid miſeri-
corditer tribuimus, ut à Domino
multipliceter, & in perpetuum tri-
butam menſuram recipere valea-
mus. c. Sicut non ſuo. 46. diſt. arg.
c. In ſingulis. 76. diſt.

Quò ad Quartum. Uſura in ſo-
lo mutuo propriè committitur, ut
dicit Goſſr. in tit. præcit. n. 5. Mu-
tuum autem conſiſtit in iſis rebus,
quæ pondere, numero, vel men-
ſura continentur, ut æs, argen-
tum, & aurum; vel quæ ad men-
ſuram dantur, ut frumentum, vi-
num, & oleum: Sed nihilominus
præter has res committitur etiam
Uſura, ut ſi ego mutuem tibi ali-
quid ex his, quæ conſiſtunt in pon-
dere, numero, vel menſura, &
tu pro uſura promittas mihi equum,
veſtem, prædium, vel quid aliud;
hoc enim caſu Uſura dicitur. d. c.
Plerique. 14. q. 3.

Quò ad Quintum: Variæ ſunt
pœnæ à ſacris Canonibus in uſura-
rios ſtatutæ, nempe infamia, ex-
communicatio, amiſſio Beneficio-
rum, & officiorum, & Eccleſiaſti-
cæ ſepulturæ privatio. §. Multipli-
cibus. b. t. c. Quia in omnibus. eodem
c. Quamquam. cod. in 6. Immo nec
domus.

domus debent locari exercentibus usuris. *cap. primò. eod. in 6. cap. Si verò. de Sent. Excomm.* Accedat, quòd testamenta istorum non valent, etiamsi disponant in pias causas. *§. Testamenta. cum sequenti. b. t. d. c. Quamquam. eod. in 6.* Sed postquam usuræ sunt extortæ debent restitui, vel ab his, qui receperunt, vel ab hæredibus, etiamsi non adsint personæ, quibus sit facienda restitutio, tunc enim in pauperes usuræ erogantur; quinimò de necessitate debet fieri hujusmodi erogatio in pauperes; nisi paupertas evidenter excuset eum, qui debet facere restitutionem. *§. Plane, hoc tit. cap. Cum tu, ubi Abb. extr. eod.* Et nota, quòd in quantum dicimus, paupertatem excusare, suppleas, quòd si venerit ad pinguiorem fortunam, tenetur, ut antea tenebatur. *c. Odoardus. de Solution. arg. l. Si debitoris. ff. de cessione bonor. & c. Si quis de corpore. 26. q. 6. & notatur in c. Cum tu.* Illud etiam advertendum est, quòd Judex censura Ecclesiastica potest præcipere, ne scelerator usuras conventas exigat, & ut exactas restituat, quamvis fuerit Juramentum interpositum de non repetendis usuris. *§. Sed & si quis hoc tit.* Et regula generalis est apud Theologos, & Canonistas, quòd Usurarius in Sacramento Pœnitentiæ absolvi non potest, nisi facta Usurarum restitutione, ut videre est apud Leotard. *de Usuris. quest. 96. num. 19. & apud Maltrium in Theolog. Mor. disp. 5. num. 93.* Siquidem Usura est gravissimum peccatum, obligans ad restitutionem; & qui aliter asserit, hæreticus est. *Clem. unic. §. fin. de Usuris.* Idèò Usura-

rius non est capax Sacramentalis absolutionis ante factam restitutionem, vel idoneam cautionem præstitam de illa facienda. *cap. Quia in omnibus. De Usur. c. Quamquam. eod. tit. in 6.* ubi etiam statuitur, ne tradatur Ecclesiasticæ Sepulturæ, et si pœnitens decesserit, ante factam ipsam Usurarum restitutionem. *Concord. Clem. 1. Verb. Manifestos. De Sepultur.* Quinimò etiam Judæi publici sceleratores sunt puniendi, & excommunicatione mulcandi; scilicet eis interdicens commercium cum Christianis. *§. Judæi quoque. hoc tit. cap. Post miserabilem. & c. Quanto. de Usuris.* non enim licitum est Judæis exercere Usuram cum Christianis, ut probat Leotardus *de Usur. qu. 100. num. 32. & tenet Rota Romana par. 5. recentior. Decis. 301. à num. 31. & seqq. & notant mea Erotemata cap. 79. n. 48. usque in fin.*

Quòd aut Ultimum. Omnes tenentur pœnis supradictis, qui in mutuo recipiunt aliquid supra sortem, tribus casibus exceptis; videlicet, Damni emergentis, vel lucri cessantis, vel periculi rei mutuatæ in se suscepti. Primus casus est *Damni emergentis*, idest, quòd qui mutuo dat suam pecuniam alteri, hac de causa sentiat aliquod damnum; sunt tamen necessariæ tres conditiones, ne Usura committatur; *Una*, quòd nihil exigatur ultra damnum; *Alterà*, quòd damnum sit verum, non autem fictum; & *Tertià* quod Mutuatarius ab initio sit monitus de hoc damno, & consentiat illud compensare. *Card. Toletus in Summa. lib. 5. cap. 32. & 33. & alii, quos ego allegavi in meis Decisionibus Miscellan.*

TIT. VIII.

De Adulteriis, & aliis Conjunctionibus illicitis.

lan. decis. 33. num. 1. & 2. Secundus casus est *Lucri cessantis*; illud scilicet, quod Mutuans lucratus esset cum ea pecunia, quam mutuò dedit; & in hoc pariter tres concurrere debent conditiones; *Una*, quòd illa pecunia verè esset destinata ad negotiationem; *Alter*a, quòd Mutuans non habeat aliam pecuniam otiosam; & *Tertia*, quod non exigatur, nisi tantum, quantum verè lucratus fuisset ipse mutuans, detractis expensis solitis fieri in negotiatione, & hoc post annum, & volente, ac consentiente mutuuario, ut latius in d. *Decis. Miscellan.* 33. num. 3. & 4. ubi DD. Tertius casus est, si mutuans post datam pecuniam mutuò suscipiat in se periculum ejusdem pecuniæ, vel mercium, quas mutuarius cum eadem pecunia emeret ad negotiandum, nam ratione *Periculi* potest licitè lucrum recipere; sed hæc una conditio necessaria est, ut non detur pecunia Mutuuario cum hac obligatione, persolvendi aliquid plus, ratione *Periculi*; sed relinquatur in sua libertate ineundi contractum *Assecurationis Periculi*, ut bene advertit *Leotardus de Usur.* q. 23. n. 5. ubi DD. cumulat; quibus addendi sunt *Emanuel Gonzalez in cap. Naviganti.* n. 8. & *ibid.* *Fagnanus n. 19. de Usuris*; & alii à me allegati in meis *Discordiis Forensibus de Jurisdictione. Discord.* 31. in qua plenè differui de fœnore Nautico, de Cambiis maritimis, & de Contractibus *Assecurationis*, ostendens, quando sint liciti? & quando non? sed *Usurarii*.

Quemadmodum in Vitiis capitalibus post Avaritiam sequitur Luxuria, ita hic post tractatum de Usuris, quod est magnum Avaritiæ scelus, subnectitur Adulterium, tanquam præcipuum Luxuriæ flagitium, & agitur de aliis illicitis conjunctionibus; & pro Tituli declaratione videbimus:

- 1 *Quid sit Adulterium?*
- 2 *Quotuplex?*
- 3 *Quo jure puniatur?*
- 4 *Quibus poenis?*
- 5 *Quot sint species illicitarum conjunctionum?*
- 6 *Quibus poenis earum singule mulcentur?*

Quò ad Primum. *Adulterium est alieni thori violatio.* Vel ut scribit S. Thom. 2. 2. q. 154. art. 8. *Est illicitus concubitus conjugati, vel conjugatæ; & dicitur Adulterium, quasi ad alieni thori accessus. cap. Lex illa. S. Quam ergò. 39. q. 1. & cap. Non macchaberis. 32. q. 5.*

Quò ad Secundum. Duplex est Adulterium, *Spirituale, & Carnale.* Adulterium Spirituale est quodlibet mortale peccatum hominis Christiani; quoniam quælibet Anima Christiana est desponsata Christo, juxta illud *Osæ 2. 20. Et sponsabo te mihi in fide.* Adulterium carnale est illud supra definitum, quod subdividitur in *Simplex, & Duplex.* Primum est, quando unus tantum ex Adulteris est conjugatus. Alterum, quando uterque habet conjugem; & hoc gravius est; potissimum

num si adultera est conjugata. *Matrius in Theol. Moral. disp. 11. num. 125.* & gravitas consistit, quia offenditur *Lex Divina*; nempe Matrimonium, quod est Sacramentum Ecclesiæ. *Leditur Lex Naturalis*, quæ præcipit, *Quod tibi non vis, alteri ne feceris.* Peccat in *Legen Canonica*, quæ aded detestatur hoc scelus, ut in primitiva Ecclesia Adulteros non admittebat ad Sacram Communionem, nisi post Pœnitentiam Annor. 15. ut testatur *S. Basilii Epist. 3. ad Amphib. locb.* & facit *cap. Quid in omnibus. 32. q. 7.*

Quò ad Tertium. Sciendum est ex communi DD. consensu, Adulterium esse delictum mixti Fori; & ided puniri posse tam à Judice Ecclesiastico, quam à Judice Sæculari. *cap. fin. 32. q. 5. cap. Tue. de Procurator. cap. 1. ubi Gloss. Verb. Canones. Abb. num. 3. & Alciatus num. 18. De Offic. Ordinar.* Quod tamen est intelligendum, ut Sæcularis Judex procedere possit, quando agitur ad puniendum delictum Adulterii tantummodò; Judex autem Ecclesiasticus tum ad dictam punitionem; tum ad sententian- dum super thori separatione, in qua Laicus Judex non potest judicare. *d. cap. Tue. de Procurator. cap. Plerumque. De Donat. Abb. in d. cap. 1. n. 3. & in c. Cum sis. n. 23. de Offic. Ordinar.*

Quò ad Quartum. Variis pœnis Adulterium punitur, tum de Jure Divino, tum ex Legibus humanis. De Jure Divino punitur Adulter in anima, quæ cœlesti privatur beatitudine, juxta illud *Prov. 6. 3. Qui adulter est, perdet animam suam.* Ex Legibus humanis gravif-

simis pœnis castigantur Adulteri; nam ex *Lege Mosayca* hi lapidabantur, ut legitur *Levit. 20. 10.* ubi ita: *Si Mæchus quis fuerit cum Uxore alterius, & adulterium perpetraverit cum Conjuge proximi sui, morte moriantur Mæchus, & Adultera.* Hinc *Sufanna* ducebatur, ut lapidaretur, ob impactum à Senibus Adulterium. *Dan. 13. 62.* & Mulierem deprehensam in Adulterio Judæi duxerunt pro hac pœna ad Salvatorem. *Joan. 8. 5.* Ex Jure Canonico Adulteri excommunicantur. *cap. Intelleximus. de Adulter.* Decernitur Divortium ad instantiam Conjugis innocentis. *cap. Significasti. & cap. Ex Litteris. De Divort.* Et Uxor adultera, si Maritus ita petat recluditur in Monasterio toto tempore Vitæ suæ. *cap. Gaudemus. de Convers. Conjugat.* Item amittit Dotem. *cap. Plerumque. de Donat. inter Vir. & Uxor.* Ac si inter ipsos Adulteros facta sit promissio de futuro Matrimonio post mortem Conjugum suorum, insurgit Impedimentum Criminis dirimens, quo stante iidem non possunt inter se Matrimonium contrahere. *cap. 1. & 2. De eo, qui duxit in Matrimon. quam polluit per Adulter. Summa Diana Verb. Impedimenta Matrimon. num. 9.* Si verò Clericus committat Adulterium, deponitur ab officio, & beneficio; & detruditur in Monasterium ad agendam Pœnitentiam. *Gloss. in cap. Lator. 7. q. 7. cap. Si quis Clericus, & cap. Romanus. 81. dist. Decian. lib. 6. cap. 23. numer. 18. & Menoch. De Arbitr. Jud. cas. 419. num. 60.* Hodie tamen hæc pœna non est in usu; sed arbitrio Episcopi Clericus Adulter est puniendus. *cap. At si Clerici. 5.*

De

De Adulteriis. extr. de Judiciis. & notat Antonellus de Regimine Milit. Eccl. lib. 6. cap. 32. num. 9. ubi DD. Illud etiam sciendum est, quod si maritus aggreditur Clericum repertum in Adulterio, & Clericus pro suæ vitæ defensione occidat Maritum, remanet irregularis. c. Petrus. & ibi Abb. & DD. de Homicid. Sylvester Verb. Homicidium 3. q. 4. Bellettus Disquis. Clerical. part. 1. §. 5. n. 40. de Disciplin. Cleric. Ex Jure autem Civili Adulteri puniuntur poena mortis. l. Quamvis. in fin. C. de Adulter. Auth. Sed bodie. C. cod. tit. Hæc tamen poena non est in usu; sed secundum qualitatem adulterantium, eos Judex punit vel fustigatione, vel carcere, vel exilio, aut poena pecuniaria. Julius Clarus in §. Adulterium. n. 7. Et tandem non ignorandum, quod Adulterii delictum quinquennio præscribitur, adeo ut transactis annis quinque de eo non recipitur accusatio. l. Mariti. §. Quinquennium. ff. de Adulter. l. Adulter. ubi Glossa. C. cod.

Quò ad Quintum. Præter Adulterium sunt aliæ novem species illicitarum Conjunctionum carnalium; videlicet Fornicatio, quæ est conjunctio soluti cum soluta; sed vaga; idest modò cum una, modò cum altera fœmina. Concubinatus, dum retinetur domi, vel extra domum Mulier soluta ad effectum cocundi cum illa, tanquam si esset Uxor. Stuprum; & est defloratio Virginis ipsa invita; quamvis largo modo stuprum dicatur etiam copula carnalis per vim habita cum Vidua, vel alia Muliere honestè vivente. Raptus, & est violenta abductio fœminæ ex ejus

domo; causa libidinis. Incestus; quando quis se carnaliter conjungit cum Consanguinea, vel Affine usque ad quartum gradum inclusivè. Sacrilegium, dum quis exercet carnalem copulam vel cum persona, Voto solemniter Deo consecrata; vel cum quacunque alia, sed in loco Sacro. Pollutio, seu Molities voluntaria; quæ est emissio seminis, delectationis causa manibus, vel alio modo, spontè facta. Sodomia; & est congressus libidinosus duorum ejusdem sexus; vel maris cum fœmina, sed extra istius vas naturale. Et Bestialitas, quæ est coitus hominis cum animalibus irrationabilibus. Hæ tres ultimæ species dicuntur conjunctiones carnales contra naturam; primæ sex, etsi illicitæ, secundum naturam. Ita omnes Theologi, & Canonistæ, quos allegant mea Erotemata Ecclesiastica De Sexto Præcepto Decalogi. cap. 66. & seqq.

Quò ad Ultimum. Omnes supradictæ illicitæ Conjunctiones carnales, tanquam enormia delicta, gravissimis pœnis in utroque foro puniuntur. Siquidem, licet simplex Fornicatio de Jure Civili nec prohibita, nec punibilis sit. Julius Clar. in §. Fornicatio. num. 1. & Farinacius de Delictis Carnis. qu. 137. num. 41. ipsa tamen prohibetur tum Jure Divino, ut Exod. 20. Deuter. 5. Numer. 25. & exclamat Apostolus Paulus ad Thessalon. 4. ad Ephes. 5. & 1. ad Corinb. 5. & 6. tum Jure Canonico. cap. Nemo. 32. q. 4. cap. Audire. 34. dist. cap. Nubendi. in fin. 27. q. 1. & in cap. Fornicari. 80. dist. ea ratione, quia ipsa est peccatum mortale,

privans Fornicarios Regno Dei ; quod ad eò verum est , ut asserentes contrarium sint hæretici . *Clem. Ad nostram . de Hæretic.* & habetur in Propositionibus damnatis ab Innocentio Papa XI. *Proposit. 48. de qua Cardenas in Crisi Theolog. Dissert. 29. cap. 1.* Neque obstat , quòd in Foro externo Fornicatores simplices , & Meretrices non puniantur ; quia permittuntur ad nefandas libidines avertendas , ut ajunt DD. quos citat Barbosa in *Collect. ad cap. Omnis , dist. 4. n. 4.* Clerici tamen , ob simplicem Fornicationem , in Foro Ecclesiastico ad arbitrium Judicis puniuntur , etiam depositione , & beneficiorum privatione , ut probat Farinacius d. *quest. 137. à num. 14. & seqq.* & Belletus de *Pœnis Clericor. §. 2. num. 4.* Porro Laici Concubinarii quamvis de Jure Civili non castigentur . *to tit. ff. & Cod. de Concubin.* De Jure tamen Canonico olim puniebantur arbitrio Episcopi . Antonellus de *Regim. Milit. Eccles. lib. 8. cap. 29. num. 3.* Hodie ex Concilio Trident. *sess. 24. de Ref. Matrim. cap. 8.* si post trinam monitionem Concubinas non ejiciant , debent ab Episcopis excommunicari ; & mulieres etiam exilio possunt multari , prævia invocatione Brachii sæcularis , vel aliis juris remediis juxta usum Regionis , ut plenè probat Pignarellus *tom. 9. Consult. 139.* Clerici verò Concubinarii olim de Jure Canonico censebantur ipso Jure suspensi . *cap. Quæsitum . de Cobabit. Clericor. & Mulier.* & celebrando fiebant Irregulares . *Gloss. in cap. Cum dilectus . de Accusat.* Sed nunc servandum est Concilium Trid. *sess. 25. cap. 14. de Reform.* ubi est sancitum ,

quòd ab Episcopo moneantur , ut Concubinas dimittant : qui si post primam monitionem non paruerint , tertia parte fructuum beneficiorum , & Pensionum multentur ; & si contumaces erunt etiam post secundam monitionem , fructus omnes amittant , & sint ab administratione beneficiorum suspensi . Quòd si inemendati persistant , post tertiam monitionem priventur in perpetuum Beneficiis , ac Pensionibus . Si verò Concubinas dimittant , at earum consortium repetant , excommunicentur . Antonell. d. *libr. 6. cap. 29. num. 3.* Thesaur. de *Pœnis Eccles. part. 2. Verb. Concubinatus . cap. 1. & Pignarell. d. tom. 9. Consult. 139.* Ubi autem Clerici tenentes Concubinas non habuerint Beneficia , vel Pensiones , puniendi sunt carcere , & aliis pœnis ad arbitrium Episcopi , ut in Concil. Trid. d. *sess. 25. c. 14. de Ref.* & notat Pignarell. ubi *suprà* ; & mea Erotemata Ecclesiastica d. *cap. 68. à num. 9. & seqq.* ubi plura de hac materia , & præcipue quòd in foro conscientie Concubinarii non sunt absolvendi , nisi priùs ejiciant Concubinas ; & ad eas ejectas non revertantur sub quovis prætextu , non solum ad effugiendum periculum incontinentie ; sed etiam ad scandalum evitandum .

Laicus , qui Stuprum commisit cum violentia , punitur pœna mortis , si sit completum . *l. 1. §. fin. ff. de Extraord. Crimin. Gloss. in c. 2. Verb. plectendus . de Adulter. & Stupr.* At si completum non sit , infligitur pœna extraordinaria arbitrio Judicis . Barbosa in *cap. 2. num. 6. de Adulter.* Et hæc de Jure Civili ;

At

At de Jure Canonico Stuprator tenetur Virginem stupratam vi, aut dolo in Uxorem ducere, vel dotare. *cap. 1. & 2. de Adult. & Stupr. Navar. in Manual. cap. 16. n. 16.* Si verò stuprum commissum sit à Clerico, punitur poena depositionis, remanet infamis, & irregularis, tenetur dotare puellam, ac aliis pœnis corporalibus punitur arbitrio Judicis. *Abb. in cap. 1. & 3. de Adult. Farinac. de Delictis Carnis. q. 147. n. 108. & Diaz in Praxi cap. 85. n. 2.*

Contra Raptorem honestarum Mulierum, & eas per vim carnaliter cognoscentes infligitur de Jure Civili poena mortis. Clarus in §. Raptus. Boherius de Raptu Mulier. n. 7. De Jure autem Canonico, jidem Raptores sunt ipso Jure excommunicati, tenentur raptam Mulierem dotare; & invalidum est eorum Matrimonium cum rapta, quamdiù ipsa in potestate Raptoris steterit; ex Concilio Trid. sess. 24. de Matr. cap. 6. Antonell. d. libr. 6. c. 30. num. 7. Quòd si jidem Raptores sint Clerici privantur beneficiis, & usu Ordinum, remanent infames, & irregulares. Thesaur. de Pœnis Eccl. part. 2. Verb. Raptus Mulieris. cap. 2.

Incestuosi de Jure Civili privantur dignitate, & puniuntur ad arbitrium Judicis. Riccius in Collect. part. 1. Decis. 151. & part. 5. Decis. 1869. De Jure Canonico sunt infames. *cap. Consanguineorum. 3. q. 4. c. Infames. 6. q. 1.* Sunt excommunicandi. *cap. Incestuosi. 35. q. 8.* & privantur facultate contrahendi Matrimonium. *cap. In Lectum. & cap. seq. 34. quest. 2.* Quòd si de facto contrahant Nuptias incestuo-

fas, idest in gradibus prohibitis. sunt ipso facto excommunicati. *c. Non debet. de Consanguin. & Affinit. Clem. Unica. & ibi Gloss. eod. tit.* Filii sunt illegitimi, nec parentibus succedunt. *cap. 1. 35. q. 7. & Jus non habent Conjuges incestuosi petendi debitum, nam semper committunt peccatum. Si autem in hoc delictum Incestus incidant Clerici, vacant ipso Jure eorum beneficia, & ab Ordinibus depununtur, remanent infames, ac Irregulares. Guid. Papa decis. 239. Farinac. qu. 149. à num. 1. & seqq. de Delict. Carn.*

Sacrilegium committens per copulam carnalem cum Moniali, si laicus est, poena mortis est puniendus. *Farinac. d. qu. 146. §. Sacrilegium. Si verò Clericus, est omnino deponendus, & gravi poena ad arbitrium Episcopici castigandus; remanet infamis, & irregularis. Farinac. ibid. num. 26. Menoch. de Arbitrar. Judic. lib. 2. casu 360. num. 58.* Qui verò copulam carnalem exercent in Loco sacro, poena arbitria tam Jure Civili, quàm Jure Canonico puniuntur. *Antonell. d. libr. 6. cap. 36. n. 4.* Confessarii autem, qui in Sacramento Pœnitentiæ sollicitant Mulieres ad turpia, sunt Sacro Inquisitionis Officio denunciandi, & ibi graviter puniendi, ut probant mea Erotemata Ecclesiastica per tot. *cap. 72. ubi DD.*

Tandem committentes illicitas Conjunctiones contra naturam, de Jure Civili feriuntur poena mortis. *l. Cum Vir nubis. C. Ad leg. Jul. de Adult. & de consuetudine igne comburuntur, & eorum bona confiscantur. Clarus in §. Sodomia. vers. Sed quero. Et eadem poena*
Z 2 ple-

plectuntur Jure Canonico. Quarent. in *Summ. Bullar. d. verb. Sodomia*. adeo ut si Clerici sint, degradentur, & tradantur Judici seculari morte puniendi, ut latè notant Criminalistæ agentes de delictis contra naturam; & novissimè Conciosus in *Resoluit. criminal. d. Verb. Sodomia. resol. 1. 2. & 3.* Notant tamen Criminalistæ, quòd delicta voluntariæ pollutionis, vel mollitiæ, pœna extraordinaria puniuntur, quavis & ipsa sint enormia, & contra naturam. Ita Caball. in *Resol. Crimin. casu 16. num. 6.* ubi tales impudicos vocat *Masturbatores*. Farinacius de *Delictis Carnis*, qu. 148. num. 39. & Menoch. de *Arbitrar. casu 286. num. 47.* In tremendo autem Dei judicio severissimè corripiuntur, tum privatione æternæ Beatitudinis, quia teste Apostolo. 1. *Cor. 6. 9.* Neque adulteri, neque molles, neque masculorum concubitores Regnum Dei possidebunt. tum celerimorte temporali, ut legitur de duobus Filiis Judæ, maritis Thamar, quos Dominus juvenes Vita privavit, eò quòd rem detestabilem facerent, semen effundentes super terram. *Genes. 38.*

TIT. IX.

De Crimine Falsi.

Homo ditatus est à Deo in hac vita thesauris tribus, videlicet Honore, ac bona fama; Bonis temporalibus; ac ipsa Vita; in Superiori titulo actum est de Delictis carnis, quæ proximorum honorem, & bonam famam prædantur; in præsentem agendum est de Crimine

Falsi, quod committunt illi, qui bona temporalia proximi sui sibi satagunt usurpare. Et pro expeditione Tituli videbimus:

- 1 *Quid sit Falsitas?*
- 2 *Quotuplex?*
- 3 *Quot modis committatur Falsum in contractibus, & in Judiciis?*
- 4 *Quibus pœnis puniantur Falsarii de Jure Civili?*
- 5 *Quibus de Jure Canonico?*
- 6 *An detur Falsitas impunita?*

Quòd Primum. Falsitas est actus dolosus, veritatis mutande gratia, ad alterum decipiendum factus. 1. Nec exemplum. 20. C. *Ad legem Corneliæ de Falsis*. Nicolius *Instit. Civil. lib. 4. tit. 18. num. 80.* Ex qua definitione colligitur, tria esse necessaria in falsitate, ut sit punibilis. Primum, quòd commissæ sit ex dolo, scilicet, & ex prava voluntate; secus enim est, si committatur ex ignorantia, vel ex inadvertentia. Secundò, quòd ipsa Falsitas noceat alicui; si enim ex ea nullum nocuumtum resularet, nulla infligeretur pœna. Et tertio, quòd immutata sit Veritas; siquidem absque veritatis immutatione, falsum non intrat. DD. quos cumulat Anton. Conciosus in suis *Resoluit. Criminal. Verb. Falsum. resol. 2. n. 1.*

Quò ad Secundum. Duplex est Falsitas; Una, quæ committitur in contractibus, seu commerciis; & Alia, quæ patrat in judiciis; & de utraque in sequenti Quæsito.

Quò ad Tertium. In contractibus, & in commerciis Falsitas committitur, ut plurimum, in numerando, in ponderando, in mensurando; & rem vitiosam scienter tanquam rem bonam, & perfectam tradendo. In omnibus casibus, qui dolo

dolosè Falsitatem committit, peccat mortaliter; & tenetur ad restitutionem; reſciendo ſcilicet proximum ſuum pro damno, quod ex tali fraude, & falſitate paſſus eſt, ut docet S. Thomas 2. 2. q. 62. art. 6. & Rebellus de Oblig. Juſt. part. 1. libr. 2. queſt. 13. In iudicio autem committit falſitatem, qui utitur ſcripturis falſis; vel in publicis Inſtrumentis, aut litteris Apoſtolicis, vel aliis authenticis Chartis aliquas litteras radit, vel mutat ad occultandum earum verum tenorem, & ſenſum Veritati contrarium indicandum. l. Majorem. c. de Falſis. cap. 1. & tot. tit. extr. de Crimin. Falſ. Item qui utitur falſis teſtibus in comprobanda ſua intentione in iudicio; ut laſè docent Criminaliſtæ; & noviffimè Antonell. de Regim. Milit. Eccleſ. lib. 6. cap. 26. atque Nicolius Inſtit. Civil. d. lib. 4. tit. 18. à num. 80. & ſeqq. ubi ſub numero. 85. explicat plures modos, quibus Litteræ Apoſtolicæ dicuntur falſificari, non ſolum per raſuram; ſed etiam per appoſitionem alterius canapis, chordulæ, vel plumbi, ut ibi per eum; & per Theſaur. de Penis Eccleſiaſtic. part. 2. Verb. Falſum. cap. 4.

Quò ad Quartum. Cùm crimen Falſi ſit mixti Fori, ſive committatur in re Eccleſiaſtica, ſive in re prophana, ut notant DD. in cap. Cum ſit generale. de Foro compet. Pena falſi de Jure Civili in hominelibero eſt deportatio, & bonorum publicatio; in Servo autem eſt ultimum ſupplicium. l. 1. §. Pena falſi. ff. ad Leg. Cornel. de falſis. Sed quia hodiè tales poenæ non ſunt in uſu; ſunt illæ intelligendæ, quæ per ſtatuta loci decernuntur; ſeu ad

Judicis arbitrium, id eſt Fuſtigatio, ſeu condemnatio ad triremes, atenta gravitate, vel levitate falſitatis. l. Sæcularii. §. Sunt quædam. ff. de Extraord. crimin. l. Hodiè. ff. de Penis. Antonell. d. libr. 6. cap. 26. ubi num. 2. ſcribit, quòd pars ipſa, falſitatem in cauſa committens, cauſam perdit. l. In fraudem. §. Quoties. ubi Gloſſa Verb. cadat. ff. de Jure Fiſci. & num. 8. ſubdit varias poenas, quibus plectuntur Teſtes falſum deponentes tum in cauſa criminali, tum in cauſa civili; ac etiam eos ſubornantes ſecundum gravitatem cauſæ, prout DD. ibi per eum allegati.

Quò ad Quintum. De Jure Canonico, præter ſupradictas poenas de Jure Civili ſtatutas, Falſarii ſi ſint Clerici deponuntur. cap. Ad Audientiam. de Crim. falſi. cap. Ad falſariorum. eod. tit. Gloſſa in c. Cum non ab homine. Verſ. poſtmodum. De Judic. Falſificantes verò Litteras Apoſtolicas incurrunt in Excommunicationem Papæ reſervatam per Bullam in Cœna Domini can. 6. Fautores verò, conſulentes, aut mandantes falſificationem, ligantur excommunicatione contenta in d. c. Falſariorum. de Crim. falſi; quæ tamen non eſt Papæ reſervata, ut tradunt Theologi, ac Canoniſtæ apud eundem Antonellum d. lib. 6. cap. 26. num. 2. & Theſaur. de Pen. Eccleſ. d. Verb. Falſum. cap. 4. ubi n. 4. innuit novam Conſtitutionem Innocentii Papæ X. diei 8. Aprilis 1653. quæ confirmat prædictas Cenſuras, & addit alias graviffimas poenas contra falſificantes Litteras Apoſtolicas tam datas ſub plumbo, quàm in forma Brevis ſub Annulo Piſcatoris. Tandem qui falſificant Litteras

Litteras Ordinariorum, aut Dimissorias, & cum eis promoventur ad Ordines, sunt ipso Jure suspensi; cumque de hoc crimine fuerint convicti, & condemnati, fiunt infames, ac irregulares. Thesaur. *ibid.* c. 5. & in Verb. Ordo. cap. 16.

Quò ad Sextum, & ultimum. Falsitas non punitur in duobus casibus. Primus est, quando non est dolosa, idest quando fuit commissæ ex ignorantia, vel inadvertentia, absque culpa. cap. Inter dilectos. de Excessibus Prælat. Gloss. in d. c. Ad falsariorum. Verb. dixerunt. De Crim. fals. ut si quis uteretur Scripturis apud suos majores repertis, quæ non continerent veritatem; & ipse crederet, eas esse veras; vel si quis expenderit monetam falsam, ab alio habitam tanquam bonam; adeò ut, deficiente dolo semper falsitas sit impunitibilis, tam pœna ordinaria, quam extraordinaria. Jul. Clar. in §. Falsum. n. 33. Farinacius de Falsitate. qu. 150. n. 273. & numer. 278. Menochius cas. 309. n. 2. & alii plurimi adducti per Conciol. Verb. Falsum. resol. 2. n. 2. & 3. Secundus casus est, quando Falsitas non est nocibilis; & nullum damnum alicui causare potest; ad hoc enim ut sit punibilis, debet esse non solum Dolosa, sed etiam Damnosa; ut si quis scriberet in proprio Libro se esse creditorem Titii Ducatorum centum; quia Scriptura non probat pro scribente; vel si quis in Testamento nullo, & invalido per alium facto, adjiceret legatum ad sui favorem; in his enim, & similibus casibus, quia Falsitas non nocet, remanet impunitibilis. Castrenf. conf. 130. per tot. lib. 1. Natta conf. 588. per tot. part. 4.

Farinac. d. quest. 150. num. 320. Conciol. ubi supr. Resol. 4. & Antonell. de Regim. Milit. Eccl. d. lib. 6. cap. 26. n. 12. Sed utrum sint punibiles, qui fabricant Aurum Chemicum, seu Alchemicum, & illud pro vero auro expendunt? disputant DD. quos allegat Thesaur. de Pœnis Eccl. d. part. 2. Verb. Falsum. cap. 2. ubi plurimi pro utraque opinione; sed affirmativa est probabilior, quia Alchimia prohibita est per Extrav. Unic. de Crimin. falsi. Vide mea E-rotemata cap. 22.

T I T. X.

De Homicidio.

TRia sunt bona temporalia, quibus homo à Deo in hac vita datur, videlicet Facultates, Honor, & Vita; cumque supra actum sit de delictis, quibus primus læditur in facultatibus, nempe Furtis, & Usuris; necnon in honore, scilicet adulteriis, & falsitatibus; in præsentia agitur de crimine, quo offenditur in vita; quod est Homicidium; pro cuius criminis explicatione videbimus:

- 1 Quid sit Homicidium?
- 2 Quotuplex?
- 3 Quale sit Homicidium necessarium?
- 4 Quale sit Casuale?
- 5 Quale sit Culpabile, & quos modis committatur?
- 6 Quibus pœnis Homicidium puniatur?
- 7 An in aliquo casu licitum sit Homicidium sui ipsius?

Quò ad Primum. Homicidium communiter diffinitur à Canonistis,

fit, & Theologis, quòd sit *iniusta Hominis occisio*. Ita Card. Toletus *libr. 5. cap. 6. num. 1.* Dicitur *Iniusta*, ad denotandum, quòd mors, quæ inferitur per ministros Iustitiæ malefactoribus, pro executione sententiæ à competentibus Iudicibus contra eorum vitam servatis servandis, & juxta leges prolatae, non dicitur Homicidium; Principes enim, & Iudices ab eis delegati in suis Regnis ad regendos populos habent à Deo facultatem inferendi mortem committentibus delicta; contra quos leges hanc legem mortis decernunt; prout præcepit Deus per Moysen *Exod. 22.* in illis verbis: *Maleficos ne patiaris vivere*.

Quò ad Secundum. Sciendum est, plures à DD. assignari Homicidii divisiones. Prima est, quod aliud est ex Publica, & aliud ex privata potestate. Ex Publica est mors illata malefactoribus per sententiam Iudicis ritè, ac rectè, & secundum leges prolatam, ut dictum est supra. Item quando Reges, & Principes coacti sunt ad Jura suorum Regnorum defendenda committere bellum; omnes enim qui moriuntur, ex publica Auctoritate necati dicuntur. Ita Thesaur. *de Pænis Eccles. part. 2. Verb. Homicidium. cap. 1.* Homicidium ex privata potestate est illud, quod ab Homine privato committitur; & hoc subdividitur; nam aliud vocatur inculpabile; nempe si sit casuale, vel necessarium; & aliud dicitur culpabile; quando ex odio, seu privata vindicta in proximum committitur vel perse, vel per alios, vel ex manifesta violentia, vel proditoriè. Thesaurus *ubi sup. d. c. 1.*

Quò ad Tertium. Homicidium necessarium, & inculpabile est illud, quod quis committit ad defensionem propriæ Vitæ, vel Honoris, seu bonorum magni momenti, cum moderamine tamen inculpatæ tutelæ; videlicet cum tribus requisitis; Uno, quòd sit æqualitas armorum, quia non licet pugione ferire illum, à quo quis pugnis fuit impetitus. Altero, quòd repercussio fiat incontinenti; si enim intercesserit aliquod temporis spatium, erit vindicta; non necessaria defensio. Tertiò, quòd aggressus non possit aliter salvare suam vitam, vel suum honorem, aut bona magni valoris; si enim aliter potest sibi, honori suo, vel bonis prospicere, si occidat aggressorem, reus erit Homicidii. Bordonus *Decis. Miscellan. 81. & ibi text. & DD. & mea Erotemata Eccles. cap. 58. à num. 6. & seqq. ubi plura, & curiosa quælitæ circa Homicidium necessarium commissum cum moderamine inculpatæ tutelæ.*

Quò ad Quartum. Homicidium Casuale est illud, quod casu, & præter intentionem agentis committitur, quia ut ait Aristoteles *lib. 7. Physicor. Casus est causa agens præter intentionem*. Et de hoc casuali Homicidio loquitur *l. 1. §. Divus. ff. Ad Leg. Corn. de Sicar. & l. Si putator. ff. Ad Leg. Aquil. ac de eodem habentur text. in cap. Prefbyterum. cap. Continebatur. cap. Significasti. extr. de Homicidio. Nec non in cap. De bis. cap. Clerico. c. Eo verò. cap. Si quis voluntate. cap. Is, qui arbore. & cap. Sapè. 50. dist. Circa quod Casuale Homicidium, ut sit punibile, quamvis alii distinguant, an illud committens dabat ope-*

operam rei licitæ, vel rei illicitæ? Verior tamen opinio est, quod in utroque casu non mereatur pœnam; quando adhibuit sufficientem diligentiam; & tunc solum sit punibile, quando agens fuit in lata culpa, vel levi, aut levissima, ut innuunt *texx. in cap. Quæsitum. cap. Quantum. 50. dist. 8. in cap. Lator. cap. Ex litteris. cap. Significasti. & cap. Exhibita. de Homicidio.* prout etiam in *cap. fin. De bis, qui filios occiderunt.* Quod latè demonstrat Emanuel Gonzalez in *Comment. ad cap. De cætero. num. 8. De Homicid.* ubi plurima dat exempla Homicidiorum Casualium, quæ cum culpa, vel sine culpa committuntur, ibi à Studiosis videnda.

Quò ad Quintum. Homicidium culpabile est illud, quod ex voluntate directâ committitur ab habente animum occidendi, vel causam dante actioni voluntariæ, ex qua sequitur homicidium. l. 1. & l. Divus. ff. *Ad Leg. Cornel. de Sicar. l. Cum autem. ff. de Edict. Edicto. cap. Sicut dignum. De Homicid. c. 1. §. Si quis hominem. De pace tenenda in usib. Feudor.* Idcirco requiritur ad homicidium voluntarium, quod dolo malo, animoque occidendi perpetretur; & sequatur actus occlusionis. Unde inferitur, quod sæviens in cadaver inimici, aut illud obruncans, etiam eo animo, ut si vivum reperisset, occideret, non dicitur committere homicidium, ut notant DD. quos citat, & sequitur Eman. Gonzalez in *d. cap. De cætero. n. 5. De Homicid.* Duobus autem modis hoc Homicidium culpabile, & injustum solet committi. Primò manifestè in rixa, motu cholæræ, & apertæ, ac vio-

lentæ aggressionis ob vindictam in manifestum inimicum. Secundò proditoriè, clam, seu per occultas insidias. Quare sciendum est, illum dici proditorem, qui occidit aliquem, cui tanquam socium, seu amicum se adjunxerat in via; nulla rixæ causa interveniente; & habetur pro regula, quod Homicidium commissum sine præcedentibus inimicitis, dicatur proditorium. Nicol. in *Instit. Civil. lib. 1. tit. 8. num. 31.* ubi id ampliat, etiam si non occidat ferro, sed veneno, vel quolibet alio modo; & non solum per se, sed per assassinos. Dicuntur autem Assassini, qui pecunia, vel alio pretio accepto, seu promisso, occidunt homines incautos, nihil tale ab eis præcogitantes. Maschard. *Conclus. 138. num. 1. & alii DD. apud Farinacium Consil. 96.* talesque dicuntur non tantum exequentes, sed etiam mandantes. *cap. 1. de Homicid. libr. 6. Conciolus in Resolut. Criminal. Verb. Homicidium. resol. 5.*

Quò ad Sextum. Homicidium commissum ex necessaria defensione aut vitæ, aut honoris, aut bonorum nulla pœna punitur. Clem. *Si furiosus. de Homicid. Farinac. quæst. 125. num. 27. & num. 130. ubi text. & DD.* Sed utrum in tali homicidio incurratur saltem Irregularitas ex defectu lenitatis? Sunt discordes DD. alii enim negant, sed alii affirmant, ut ostendit Thefaur. *de Pœnis Eccles. Verb. Homicidium. cap. 1.* ubi notat in principio, quod dictam Irregularitatem ex defectu lenitatis incurrunt Judices condemnantes Malefactores ad mortem; & Milites in bello justo pugnantes; quod latius idem Thefaur.

faut. probat in *Verb. Bellum. cap. 1. & in Verb. Judicis laici. numus.* Homicidium autem privatum voluntarium commissum ex odio, seu vindicta punitur poena mortis. *tot. tit. ff. & Cod. Ad Leg. Cornel. de Siccariis.* Et de Jure Canonico causat Irregularitatem; itaut homicida promoveri non possit ad Ordines. *cap. fin. ubi DD. De Tempor. ordin. cap. 1. & seqq. De Homicid. Concil. Trid. sess. 14. de Ref. cap. 7. & sess. 24. de Ref. cap. 6.* etiam si homicidium fuerit occultum, & super eo publicata non sit sententia. *Glossa incis. cap. fin. de Tempor. Ordin. Farinac. quest. 119. num. 56.* Et si homicida sit Clericus, ipso facto incurrit privationem beneficiorum Ecclesiasticorum, quæ possidet; & fit incapax ad alia beneficia consequenda *ex d. cap. 7. sess. 14. Conc. Trid. de Ref. & ostendit Theaur. de Pœnis Eccles. d. part. 2. Verb. Homicidium, cap. 1. num. 4.* Quod si Homicidium commissum sit in personam Clerici, seu Sacerdotis, homicida incurrit excommunicationem Papæ reservatam, prout etiam si tantum vulneraverit, vel percusserit. *cap. Si quis suadente. 17. q. 4. & si sit Patronus Ecclesiæ amittit Jus patronatus. cap. in quibusdam. De Pœnis. Theaur. ubi supra cap. 4.*

Homicidium autem Casuale, commissum sine dolo, & sine culpa, nulla poena punitur de Jure Civili, ut tradunt omnes Criminalistæ, quos allegat Farinacius *quest. 126. num. 57.* novissimè Conciolus *d. Verb. Homicidium. Resol. 4. num. 1.* Neque de Jure Canonico, quia neque ex eo incurritur Irregularitas. *cap. Lator. cap. Ex litteris. cum seq. cap. Significasti. cap. Exhibita.*

& *cap. Joannes. De Homicid.* Qui tamen rexx. intelligendi sunt, quando Homicidium accidit absque aliqua committentis culpa, & dummodò dabit operam rei licitæ; quia si rei illicitæ vacabat, DD. sunt discordes, alii enim tenent adhuc non incurri in Irregularitatem; sed alii docent, Irregularitatem incurri; & idè in facti contingentia videndi sunt DD. quos congerunt Theaur. *de Pœnis d. part. 2. Verb. Homicidium. cap. 1. num. 1. in fin. Emanuel Gonzalez. in Comment. ad d. cap. De cætero. num. 8. de Homicid. & Fagnanus in cap. Ad Audientiam. a num. 1. & seqq. De Homicid. tom. 6.*

Quò ad Ultimum. Dicendum est, nunquam esse licitum occidere seipsum. *Farinac. quest. 128. num. 25. Menoch. de Arbitr. casu 284. num. 5.* & idè qui sibi ipsi mortem infert, privatur Ecclesiastica sepultura, oblationibus, & suffragiis Ecclesiæ. *cap. Placuit. & ibi DD. 23. q. 5.* & si sit Clericus, incurrit excommunicationem Papæ reservatam, ut demonstrat Theaur. *de Pœnis Eccl. d. part. 2. Verb. Manus. cap. 1. num. 1. ubi sub num. 5.* limitat prædictas pœnas, ut non procedant contra eum, qui ex furore, vel dementia sibi manus violentas infulit; & idem dicendum est de infirmo, qui recusat sumere medicinas à Medico præscriptas; vel nimia inedia, vel immoderatis corporis afflictionibus sibi accelerat mortem, si ob finem mortificationis, & ob acquisitionem virtutum id agat: ut dicunt mea Erotemata *Eccles. cap. 11. quest. 7. & cap. 58. quest. 2.*

TIT. XI.

De Injuriis, & Damno
dato.

Quoniam proximus offenditur non solum per homicidia, vulnera, & mutilationem membrorum, de quibus supra disseruimus; sed etiam per injurias, & illationem damnorum; idcirco de his in præsentis breviter est agendum; & videbimus:

1. Quid sit Injuria?
2. Quot modis committatur?
3. Quæ actio competat pro injuriis?
4. Quibus competat?
5. Quibus poenis puniantur injuriantes?
6. Damna illata quomodo resarciantur?

Quò ad Primum. Injuria est verbum genericum, significans omne id, quod contra Jus committitur, ut notant DD. in l. 1. ff. de Injur. propriè tamen est Contumelia illata contra bonorem, vel bonam famam alicujus, ad eum contemptibilem reddendum. Bart. in l. Eum, qui, eod. tit. Picardus in Instit. Civil. lib. 4. tit. 4. num. 17. cap. Quid dicam. 14. q. 4.

Quò ad Secundum. Tribus modis infertur contumelia, & committitur injuria in aliquem, videlicet Verbis, Calamo, & Factis. Injuriatur Verbis ille, cui impropèratur aliquid, quod ejus famam gravat apud bonos, & reddit eum contemptibilem, etiamsi impropèrium illud non sit criminofum; ut si quis appelleret aliquem spurium, vel bastardum; aut confimili injurioso titulo nominet. l. 3. ff.

de Liber. & posthum. l. Turpia legata. ff. de Leg. 1. Abb. & Felinus in c. Cumte. De Jurejurand. etiamsi quod obijcitur, verum sit; quando per modum contumeliæ profertur. l. 2. C. de Offic. Reclor. Provincie. Et Hostien. in tit. de Injur. num. 6. Exemplum habemus in Scriptura Sacra de Semei injuriante Regem David fugientem à seditione populi, excitata per Absalonem filium ejus; ita enim impropèrabat Regi: Egredere, egredere Vir sanguinum, & Vir Belial. Reddidit tibi Dominus universum sanguinem Domus Sais; quoniam invasisti Regnum pro eo. 2. Reg. 16. 8. Præcipuè autem quis injuriatur, cum ab alio ei datur Mentita; & ei dicit, Tu mentiris; hæc enim verba sunt valdè injuriosa, & contumeliosa; significant enim, & inferunt, Tu es homo fallus, mendax, tristis, ac impius. Clar. in §. Injuria. post princ. & ibi Bajard. num. 20. Farinac. quæst. 105. num. 310. ubi DD. & Menochius cons. 41. num. 8. & 9. Novissimè Conciol. in Resolus. crimin. Verb. Injuria, resol. 2.

Secundò, quis injuriatur Calamo, quando alter contra eum scribit libellum famosum; vel componit carmina, aut cantilenas, historias, vel alias scripturas infamatorias. l. 5. §. fin. ff. de Injur. Item si quis in judicio vel agendo, vel excipiendo, obijcerit Adversario rem aliquam, quæ ejus lædat æstimationem; & non probaverit, eam esse veram. l. Item apud. §. An Prætor. & ibi Glossa. ff. hoc eod. tit. Prout etiam mittens Litteras ad Superiorem sine subscriptione, ac nomine scribentis, in quibus narrentur defectus alicujus personæ, qui probari

bari non possint; ideoque his literis, quæ vulgò dicuntur *Lettere Orbe*, nulla fides est præstanda. *cap. Inquisitionis. De Accusationib. Nicol. Instur. Civil. lib. 4. tit. 4. num. 4.* Quamvis Superior non malè agat, si steter attentus super contentis in illis; & secretas informationes summat extrajudicialiter pro veritate scienda, pro bono regimine populi; ut pluries respondisse Sacram Congregationem notat Nicolius *d. lib. 4. tit. 4. n. 5.*

Facto autem infertur injuria; si quis alteri det alapam in faciem; vel pileo, aut birretto alterius faciem percutiat; vel pedem injiciat in ventrem; aut lapides in alium mittat, ut contra Regem Psalmistam faciebat præciturus Semei, qui *2. Reg. 16. 6. Mithat lapides contra David, & contra universos Servos Regis David.* Ulterius Injuria dicitur facta inferri etiam per nutus, & signa, ut si quis contra Uxoratum erigat duos digitos, indicem scilicet, & auricularem in forma duorum cornuum; vel ad ostium ejus domus appendat cornua; tunc enim committit in eum atrocem injuriam, ac majorem, quàm si eidixisset cornutum, vel adulteræ maritum. Nicol. *ubi sup. sub num. 6. Vers. 4.* Qui simul *Vers. 4.* subdit, quòd injuriam facit ille, qui honestam mulierem tacitus infrequitur, & cum ea adambulat quocumque vadat; assidua namque frequentia præbet, quasi nonnullam infamiam; prout etiam illi, qui tempore bacchanalium utuntur cappa Eremitarum, vel veste aliorum Religiosorum; quasi in eorum contemptu; & ideo jidem agere possunt contra ipsos actione injuriarum.

d. l. Item apud. §. Ait Prætor. Vers. Generaliter. ff. de Injuriis.

Quò ad Tertium. Pro injuria competit duplex actio; nempe Civilis, & Criminalis. Hæc datur ad pœnam; illa verò ad æstimationem damni; ut tradunt Jul. Clarus in *§. Injuria. num. 5. Vers. Scire debes. Farinacius quest. 105. num. 28. & Conciol. d. Verb. Injuria. Resol. 1. ubi num. 2.* declarat hanc conclusionem, dicens, quòd si in judicio priùs sit intentata per injuriarum actio Civilis ad injuriæ æstimationem; non potest postea per eundem intentari actio Criminalis ad pœnam Fisco applicandam; quia per unam censetur alteri prejudicatum, cum utrumque judicium tendat ad vindictam ad text. in *l. Prætor edixit. §. Si dicatur. & §. seq. ubi Glossa ff. hoc tit. & notat Abb. in cap. Cum te num. 24. de sentent. & re judic. Hoc tamen limitant DD. ut habeat locum, quando fuit intentata actio Civilis ad injuriæ æstimationem; secùs tamen est, si illa sit intentata ad damna, & interesse tantum; tunc enim potest adhuc intentari actio Criminalis ad pœnam. *d. l. Prætor edixit. §. Quid ergò. & ibi Gloss. ff. de Injur. Farinac. d. q. 105. num. 30. ubi DD. & Thesaur. decis. 18. num. 11.* Porro omnis altercatio cessat, quando qui intentat actionem Civilem, protestatur id facere sine præjudicio actionis Criminalis; & è contra; tunc enim post intentatam unam actionem potest deveniri ad aliam. Conciol. *d. Resol. 1. in fin.**

Quò ad Quartum. Actio injuriarum non solum competit ei, cui facta est injuria; sed etiam illis,

in cujus potestate est ipse injuriatus. Hinc si injuria illata sit Filiofamilias, agere potest actione injuriarum non solum ipse Filius, sed etiam illius Pater, vel Avus; prout etiam, si injuriata fuisset Filia: habens Patrem, Maritum, & Socerum, quatuor sunt personæ, quæ possunt uti actione injuriarum contra injuriantem; nempe ipsa Filia, ejus Pater, ejus Maritus, & ejus Socer. l. *Cum qui*. §. *fin.* & l. *Sed si unius*. ff. b. r. Nicolius *Instit.* Civil. d. lib. 4. tit. 4. d. n. 9. & seqq. ubi n. 15. infert, quod sicut olim Dominus exercebat hanc actionem pro injuria facta Servo suo. l. *Item apud*. §. *Aut Prætor*. ff. de *Injur.* ita nunc Herus agere potest pro injuria illata famulo suo; dummodò ipse gerebat officium, vel negotium ejusdem Heri sui. d. l. *Item apud*. §. *Si quis Virgines*. Vers. *Comitem*. & l. *Quisquis*. ff. *Ad Leg. Jul. Majest.* Et ex his inferunt DD. quod pro injuria facta Clerico, Monacho, Doctore Collegiato, vel Discipulo, agere potest ad vindictam, & ad æstimationem Episcopus, Abbas, Collegium, atque Magister. Nicolius *ubi supra*. num. 16. in *fin.* Guido Pap. *de c.* 464. Graff. *part.* 1. *lib.* 2. c. 62. n. 32. & Antonellus *de Regim. Mil.* *Ecd.* lib. 6. *cap.* 13. n. 2. ubi alios cumulat.

Quò ad Quintum. Injuriam aliqui inferentes puniuntur de Jure Civili pœna arbitraria, secundum majorem, vel minorem injuriæ gravitatem. §. *Pœna autem*. *Instit. Civil. de Injuriis*; itaut aliquando qui injuriam fecit, mulctetur exilio, vel carcere, vel pœna pecuniaria, Fisco applicanda, vel ad petendam

veniam ab injuriato, seu ad compensandam alio modo injuriam illatam. Julius Clarus in d. §. *Injuria*. Vers. *Sed quero*. Riccius in *Collect. decis.* 1841. *part.* 5. Gratian. *Decis.* 199. & Surd. *Decis.* 89. n. 9. De Jure autem Canonico variæ sunt pœnæ secundum varietatem personarum, quibus facta est injuria. Siquidem generaliter statutum est, ut qui condemnati sunt actione injuriarum sive civiliter, sive criminaliter, incurrant infamiam Juris. *cap. Cum te*. De *Sent. & re judic.* ubi Abbas num. 1. quod est conforme etiam dispositioni Juris Civilis. l. 1. ff. de *His, qui notant, infam.* & per consequens remaneant Irregulares; dummodò injuria non fuerit levis, sed pertingat ad peccatum mortale. Innocent. Hostien. & Felin. in d. c. *Cum te*. In ea tamen Episcopus potest dispensare. *cap. At si Clerici*. §. *De Adulteriis*. De *Judic.* Thesaur. de Pœnis Eccles. d. *part.* 2. in *Verb. Injuria*. c. 1. per tot. Si verò injuria illata sit non solum verbis, sed facto in Ecclesiasticas personas; si injuriatus fuerit Clericus, aut Monachus, aut Religiosus, tunc qui injuriam intulit, remanet excommunicatus. per text. in *cap. Si quis suadente diabolo*. 17. q. 4. non tam percutiendoclericum vivum, sed etiam mortuum. Felin. in *cap. A nobis*. il 2. n. 4. & Barbosa *ibid.* n. 47. de *Sent. Excommunicat.* Ac eandem Excommunicationem incurrunt non solum injuriosè percutientes, sed etiam mandantes, consulentes, incitantes, consentientes, & percussionem ratam habentes, si eorum nomine sit facta. c. *Cum quis*. De *Sent. Excommun.* in 6. Thesaur. d. *Verba Injin*

Injuria. c. 2. Ampliat. 6. ubi notat, absolutionem esse reservatam Papæ, nisi percussio, & injuria esset levis; ab hac enim Episcopus posset absolvere. *c. Pervenit.* ubi Abb. & DD. de *Sent. Excommum.* Quod si injuria facta sit in personam Episcopi, non solum qui eam iniecit, est excommunicatione Papæ reservata illigatus per *Clem. 1. de Pœnis.* & per *cap. 11. Bullæ in Cœna Domini*, sed etiam remanet privatus Feudis, locationibus, officiis, & beneficiis spiritualibus, ac temporalibus, quæ obtinet ab Ecclesia, cui Episcopus offensus præest; & ejus filii, per lineam masculinam descendentes, usque ad secundam generationem redduntur ipso facto inhabiles ad Ecclesiastica beneficia in Civitate, & Diocesi ejusdem Episcopi obtinenda, omni spe dispensationis adempta, ut latè demonstrat idem Thesaur. *d. part. 2. Verb. Injuria. cap. 3.* Eisdem pœnas multò magis incurrunt, qui injuriam gravem inferunt in personas Nunciorum Apostolicorum, seu S. R. E. Cardinalium; & (quod nunquam eveniat) in personam Summi Pontificis; *cap. Felicis. de Pœnis in 6. d. can. 11. in Bulla Cœna Domini*; & tradit Thesaur. *ubi sup. cap. 4.* & Antonell. *de Regimin. Milit. Eccl. d. lib. 6. cap. 13. §. 2.* ubi *n. 21.* notat, quòd licet Clerici Laicos injuriantes debeant eis competenter satisfacere; non tamen decet, quòd ipsi Clerici genua flectant, vel aliud faciant, quod tendat in opprobrium Cleri. *cap. Quando. 86. dist. Graff. part. 2. lib. 2. c. 17. n. 38.*

Demum, si injuria illata sit calamo, idest per libellum famosum,

carmina, aut alias scripturas infamatorias, de Jure Civili Auctores earum veniunt plectendi pœna capitis per *text. in l. Unic. C. de Famos. libell.* quamvis Julius Clarus in *Pract. Crimin. §. fin. quest. 68. Vers. Libelli famosi* notet, quòd tam rigorosa pœna non sit in usu: sed prædictos Auctores puniri pœna extraordinaria, videlicet vel fustigationis, vel iclum funis, vel ad summum pœna triremium juxta facti; & personarum qualitatem. De Jure autem Canonico tales excommunicantur, ac verberibus corpiuntur. *c. Qui in alterius. 5. qu. 1.* Et si Clerici sint, deponuntur. *Sylvest. in Verb. Libellus. n. 5.* Quòd si Libelli famosi compositi sint contra statum Ordinis Prædicatorum, vel Minorum, aut aliarum Religionum habentium communicationem Privilegiorum, Auctores eorundem Libellorum sunt ipso Jure excommunicati ex Constitutione Alexandri Papæ IV. Incipien. *Ex alto*; quam refert Bonacina, relatus ab Antonello *de Regimin. d. lib. 6. cap. 14. num. 4.* ubi alias ampliaciones, ac limitationes ponit circa hanc pœnam.

Quò ad Sextum. Si quærimus, quomodo resarciantur damna illata? advertendum est, nos loqui de damnis, non dolo, fraude, aut injuriosè commissis, sed de illatis ex mera negligetia, vel ex culpa levi tantum; ut si quis negligat custodire sua animalia; & hæc damnum inferant in campis alienis, vel aliquis nesciens frangere equum ferocem, super quem ascendit, ab eo aliquis in via impetu, vel calcibus impetatur, aut murator reficiens tegetes domus projiciat

ciat faxa, vel ligna, non appositio signo, quibus Viatores offendantur; aut alius è fenestra projiciat in viam publicam aquam maculosam, vel brodium, quo transeuntis vestes maculentur; sive dominus canis rabidi non teneat illum bene alligatum, adeò ut insiliat in transeuntis, eosque mordeat, aut feriat. In his omnibus, & similibus casibus datur actio tam Civilis, quam Criminalis contra auctorem damni; in quem Judex pro suo arbitrio profert Sententiam ad resarciendum damnum, attenta quantitate ejus, & qualitate personæ, cui damnum fuit illatum. *l. Si Servum meum. ff. Ad Leg. Aquil. l. Interdum. ff. de Public. judic. l. Prætor. edixit. ff. de Injur. l. Qui Edes. & l. penult. ff. de Incend. ruina, & naufrag. l. 1. §. Sed & si canis. & l. 2. ff. Si quadrupes pauper. soc. dic. Nicolius, & DD. in libr. 4. Institut. Civil. tit. 3. De Lege Aquilia, ubi latè agunt de damnis ex mera negligentia, & sola levi culpa illatis.*

TIT. XII.

De Ecclesiasticis Censuris.

QUONIAM de Jure Canonico delicta, de quibus hucusque egimus, ut plurimum Ecclesiasticis Censuris plectuntur, & castigantur, ideò de his in præsentia est agendum; & pro intelligentia earumdem videbimus:

1. Quid significet hoc Vocabulum Censura?
2. Quid sit Censura Ecclesiastica?
3. Quotuplex sit?

4. Qui possint fulminare Ecclesiasticas Censuras?

5. Contra quos possint fulminari?

6. Quæ sint necessaria pro validitate Censuræ?

7. Quæ causæ excusent ab incurrendis Censuris?

8. Quis possit absolvere ab Ecclesiasticis Censuris?

Quò ad Primum. Hoc Verbum *Censura*, generaliter sumptum, judicium innuit de aliqua re, digna laude, vel vituperatione; hinc Revisores librorum vocantur Censores; & hoc nomine appellabantur apud Romanos illi, ad quos spectabat indagare mores populorum; ne indigni admitterentur ad honores. Sic etiam in Serenissima Republica Veneta creantur Censores, quorum officium est observare, ne Leges, quibus ipsa regitur, ab aliquo offendantur. Specialiter autem sumpta hæc Vox *Censura* significat aliquam poenam correctivam, & medicinalem alicujus transgressionis, ut notat Navarr. in *Summa. cap. 27.* & olim etiam vocabatur *Pressura*; ut eam nominat Rabanus in *cap. Non in perpetuum. 24. q. 3.* & etiam *Clausura*; ut in *Regula S. Benedicti c. 6.* Magrius in *Hierolex. jisdem Vocibus.*

Quò ad Secundum. Censura Ecclesiastica est Pœna Spiritualis, & medicinalis, privans usu aliquorum bonorum spiritualium, imposita per Ecclesiam potestatem, à Deo sibi concessam, ut fidelis baptizatus. ut comunionis discedas, & à culpa, propter quam infligitur, emendetur. Dicitur Pœna, idest puniatio Spiritualis, ad differentiam punitionum corporalium. Medicinalis, quia intentio Ecclesiæ est mederi animabus per Censuras.

Suras. cap. 1. De Sent. Excomm. in 6. Dicitur privans usu aliquorum Spiritualium bonorum, qualia sunt Sacramenta, Sacrificia, Orationes; non autem supernaturalium; utpotè Fides, Spes, Charitas, Character, quæ omnia retinere potest, qui aliqua censura est irretitus. Dicitur *imposita per Ecclesie potestatem, à Deo sibi concessam*, ut legitur *Mat. 18.* in illis verbis Christi: *Si peccaverit in te frater tuus &c. dic Ecclesie: Si Ecclesiam non audierit, sit tibi sicut Etbicus, & Publicanus. Amen dico vobis, quæcumque alligaveritis super terram, erunt ligata & in Cælo.* Quæ verba intelliguntur de foro externo per Censuras. *cap. Solita. de Major. & Obed. S. Thomas 3. part. quæst. 1. art. 2. & Scotus in 4. dist. 19. §. De quinto.* quod demonstrat Matrius in *Theolog. Moral. disp. 13. num. 4. & 5.* ubi probat etiam ab Apostolis fuisse fulminatas Censuras; & auctoritatem eas fulminandi esse de Jure Divino. *cap. Nemo. 11. q. 3. & in Extravag. Unam Sanctam. De Major. & Obed.* Hanc autem potestatem censuras fulminandi in toto orbe, & contra quoscunque habet eminenter Pontifex Romanus, tanquam Christi Vicarius; alii autem Episcopi, & inferiores Prælati in eorum Diæcesibus tantum, ac dependentes à Papa, ut ego ostendi in *meis Decisionibus de Pœnitent. decis. 19. à n. 22. & seqq.* Dicitur in definitione, *Ut fidelis baptizatus à contumacia discedat*; quia non baptizati non possunt censuris puniri; sed tantum qui sunt fideles, ac in Ecclesia, ad hoc ut à propriis excessibus emendentur. Subditur, *& à culpa, propter quam Censura infligi-*

tur. Siquidem non est fulminanda Censura contra aliquem nisi ob culpam, & culpam gravem. *c. Nullus. 15. qu. 3. cap. Sacro. De Sent. Excommunic.*

Quò ad Tertium. Quintuplex datur divisio Censuræ à Doctoribus, tum Theologis, tum Canonistis. Una est, quòd Censura est triplicis generis, nam alia vocatur *Excommunicatio*, alia *Suspenso à Divinis*, & alia *Interdictum*; ut legitur in *cap. Quarenti. de Verb. Signific. in cap. 1. & in cap. Statum. de Sent. Excomm. in 6.* Altera, quòd Censura alia est à Jure, quæ scilicet statuta est in Canonibus Sacris, & alia est ab homine; videlicet quam fulminant Judices Ecclesiastici juxta factorum contingentiam. Tertia, quòd alia Censura est comminatoria, & alia latæ Sententiæ: illa non incurritur, nisi Judex proferat suum Decretum, quo declararet reum illigatum censura; hæc verò afficit ipso Jure, vel ipso facto, cujus causa est fulminata. Quarta divisio est, quòd alia Censura dicitur justa; & alia injusta; & hæc talis est, si Judex eam infligat non servato Juris ordine. Quinta tandem; quòd alia est valida, & alia invalida; & hæc ita dicitur, Si Judex non habeat legitimam auctoritatem; vel procedat absque justa causa, aut nulla præmissa monitione, ut latè demonstrant DD. quos citat, & sequitur Matrius in *cit. disp. 13. n. 8.*

Quò ad Quartum. Omnes sequentes possunt fulminare Ecclesiasticas Censuras, videlicet; Primò Papa, ut dictum est, per totum orbem, & contra quoscunque. *c. Unam Sanctam. de Major. & Obed. c. De.*

c. *Decreto*. 2. qu. 3. cap. *Multum*. 3. q. 6. Secundò, Concilia generalia, & Provincialia. cap. *Grave nimis*. de *Præbendis*. Illa in universos; hæc in sibi Subditos. Tertiò, Cardinales in Ecclesiis suorum titulorum. cap. *Unic. de Majorit.* & *Obed.* in 6. Quartò, Legati à Latere per Summum Pontificem creati. cap. *Legatus*. de *Offic. Leg.* in 6. Quintò, Archiepiscopi, Patriarchæ, & Episcopi, ac alii Prælati, habentes territorium cum quasi Episcopali Jurisdictione, respectu suorum subditorum. cap. *Ad reprimendam*. cap. *Cum Episcopus*. de *Offic. Ordin.* in 6. Concil. Trident. sess. 6. cap. 3. & sess. 14. cap. 4. de *Reform.* Sextò, eorundem Vicarii Generales. cap. *Licet*. de *Offic. Vicar.* Septimò, Capitulum Sede Episcopali vacante, sive ejus Vicarius Capitularis. d. cap. *unic. de Majorit.* in 6. Concilio Trident. sess. 24. cap. 16. de *Reform.* Et Octavò, omnes Superiores Religionum inhabitantes intra eorum Monasteria. cap. *Cum in Ecclesia*. de *Præbend.* Ex his sequitur, Parochos non posse fulminare Censuras in suos Parochianos, quia non habent Jurisdictionem in foro exteriori, sed tantùm in interno, ac pœnitentia. Gloss. in cap. *Nemo*. 2. qu. 1. Nisi consuetudò; eam illis contulisset. Abb. in cap. 3. n. 10. de *Offic. Ordin.* Maftrius d. disp. 13. num. 11. Vel nisi specialiter talis facultas eis committatur; siquidem omnes supradicti Pontifices, ac Prælati possunt delegare eorum auctoritatem ferendi censuras, dummodò eam delegent homini baptizato, & Clerico non conjugato; nam non baptizati, laici, Clerici conjugati, & scæminæ non sunt

capaces talis delegationis. cap. 1. & cap. 3. de *Presbyt.* non baptiz. c. *Dilecta*. de *Major.* & *obed.* cap. de *Monialib.* de *Sent. Excomm.* cap. *Innova*. 16. q. 7. & cap. *Sanct.* de *Cleric. Conjug.* Nisi à Papa eis talis facultas demandaretur. Maftrius d. disp. 13. n. 12. ubi DD.

Quò ad Quintum. Tam Theologi, quàm Canonistæ firmanthanc Regulam, quòd soli homines vivi, baptizati, rationis, ac delicapaces, & subdit illius, à quo fertur Censura, possunt Censuris ligari. DD. apud Maftrium d. disp. 13. num. 16. Hinc bruta, homines mortui, non baptizati, pueri, amentes, & non subditi, non possunt censuris ferri. Et quamvis aliquando locustæ dicantur excommunicari, id improprie dicitur, nam propriè maledictioni submittuntur, ut scripsi in meis Decisionibus de *Sacrific. Missæ*. decis. 42. num. 39. quemadmodum mortui, qui in vita incurrerunt censuram, possunt declarari incurssi in eam; prout etiam post mortem, si prius dedissent signa pœnitentiæ, possunt ab ea absolvi, & absolutos declarari, ut tradantur Ecclesiasticæ Sepultura; cap. *A nobis*. & cap. *Sacris*. de *Sent. Excomm.* Sed utrum Communitas, vel Collegium possit Censuris irretiri? Distinguant DD. dicentes, quòd Suspensione, vel Interdicto irretiri possunt. cap. de *Sede Vacante*. de *Sent. Excomm.* Secùs autem Excommunicatione. cap. *Romana*. cod. tit. in 6. & dicunt mea Erotemata c. 147. à n. 16. & seqq. ubi alii Casus excepti ponuntur, ibi à Studiosis videndi.

Quò ad Sextum. Ad validitatem Censuræ necesse est, ut ea infligatur

tur ob peccatum mortale, & ideo ubi non committitur culpa mortalis, ibi Censura infligi non potest. *cap. Nemo Episcoporum. cap. Nullus Sacerdotum. 11. q. 3. Concil. Trid. sess. 23. cap. 3. de Ref. Maffrius d. disp. 13. n. 23.* ubi notat, quod ipsum peccatum debet esse exterius, nam propter merè internum Censura ferri non potest; quia Ecclesia non iudicat de occultis. *cap. Erubescat. & c. Sicut tuis. de Simon. c. Christiana. 32. q. 5.* Est tamen verum, quod minor Excommunicatio, & levis Suspendio potest infligi ob culpam venialem. Toletus, Bonacina, & alii apud Maffrium *d. disp. 13. n. 23. & 24.* ubi subdit, quod neque pro delicto præterito, vel non completo Censura ferri potest, quia debet præcedere monitio, & subsequi contumacia, ac inobedientia.

Quò ad Septimum. Quatuor sunt causæ principales, quæ excusant ab incurso Censurarum. Prima est ignorantia invincibilis tum Juris, tum facti habentis annexam Censuram. *cap. Si verò. de Sent. Excomm. cap. 2. eodem tit. in 6.* Secunda est impotentia faciendi id, quod sub pœna censuræ faciendum præcipitur, sive illa sit physica, sive moralis tantum. Maffrius *d. disp. 13. num. 27.* Tertia est appellatio legitime interposita à comminatione Censuræ ad Superiorem. *cap. Si à Iudice. de Appellat. in 6.* Quarta est remissio, quam facit Creditor in favorem debitoris; quapropter si Clericus suspendatur à Divinis, nisi intra mensem debitum solvat; si Creditor prorogaverit ei dictum terminum, Clericus non erit suspensus. DD. apud Maffrium *d. disp. 13. num. 29.*

Quò ad Ultimum. Distinguere oportet, An Censura sit lata à Jure, vel ab homine? Primo casu, si nulli sit reservata; in foro exteriori ab ea absolvit Superior censurati; in foro interiori omnis Confessarius. *cap. Nuper. de Sent. Excomm.* Si verò sit reservata Papæ, tunc si delictum est publicum, solus Papa absolvere potest; at si sit occultum ex concessione Concilii Tridentini *sess. 24. de Ref. cap. 6.* Episcopo licitum est absolvere; exceptis tamen Censuris fulminatis in Bulla Cœnæ Domini, & inflictis ob hæresim, ob Duellum, ob Simoniam realem, ob violatam Clausuram Monialium ob malum finem, & ob violationem Ecclesiasticæ Immunitatis; quia etsi hæc delicta sint occulta, Episcopi non valent ab eis absolvere, nisi irretitus Censura non possit ob senium, vel morbum, aut paupertatem accedere ad Papam, ut probavi in meis Decisionibus *de Pœnitent. decis. 45. à num. 5. & seq.*

Secundo casu; Si Censura lata sit ab homine, nullus ab ea absolvere potest, nisi qui eam fulminavit, vel ejus Superior; aut ejus Successor, vel Delegatus; excepto semper articulo mortis, in quo omnis Confessarius potest absolvere pœnitentes à quibuscumque Censuris Concil. Trid. *sess. 14. de Ref. cap. 7.* sub conditione tamen, ut sic absolutus, si periculum mortis evadat, teneatur comparere coram Superiore, & facere quod sibi præscripserit; aliàs reincadat in Censuram. *cap. Eos. de Sentent. Excomm. in 6.* Corollarii loco notandum est, quod qui pluribus est alligatus Censuris potest absolvi ab

Bb una,

una, & non ab alia; ad differentiam peccatorum, quorum absolutio non potest dimidiari; sed vel à nullo, vel ab omnibus eadem vice est concedenda. *Maſtrius d. diſp. 13. num. 31.* ubi quod abſolvendus à Cenſuris debet prius præſtare debitam ſatiſfactionem; & aliquando jurare de eodem delicto non ampliùs committendo. *c. Ex tenore. de Sent. Excommunic.*

TIT. XIII.

De Sententia Excommunicationis.

DICTUM est ſupra circa diviſionem Cenſurarum, quòd tres ſunt, nempe Excommunicatio, Suſpenſio à Divinis, & interdictum; idcirco in præſenti titulo agendum eſt de Excommunicatione, ac pro hujus Tituli explicatione videbimus:

- 1 *Quid ſit Excommunicatio?*
- 2 *Quotuplex ſit?*
- 3 *Quæ requirantur pro validitate Excommunicationis?*
- 4 *Qui ſint effectus tum maioris, tum minoris Excommunicationis?*
- 5 *An aliquando liceat communicare cum Excommunicato, etiam non tolerato?*
- 6 *Quis poſſit abſolvere ab Excommunicatione?*
- 7 *Quæ cauſæ excuſent ab incurſu Excommunicationis?*

Quò ad Primum. Duæ ſunt definitiones Excommunicationis apud Theologos. Una eſt, quòd *Excommunicatio eſt Eccleſiaſtica Cenſura, qua homo Chriſtianus bonis fidelium*

communibus privatur. Ita Eminentiff. Card. Toletus in *Sum. lib. 1. cap. 4. num. 1.* ubi declarat, tria eſſe bona communia fidelium, quibus per Eccleſiæ poteſtatem Chriſtianus privari poteſt; nempe exterior converſatio; Sacramentorum participatio; ac Orationes, Suffragiaque Eccleſiæ *cap. Omnis Chriſtianus. 11. q. 3.* Alia eſt, quam ponit Scotus in *4. diſt. 19. §. De quinto.* Videlicet: *Excommunicatio eſt Cenſura, qua quis ab Eccleſiaſtica Communione fidelium ſeparatur.* Dicitur *Cenſura*, tanquam genus; quia ſub hac voce comprehenduntur etiam ſuſpenſio à Divinis, & Interdictum. Dicitur, *qua quis ſeparatur ab Eccleſiaſtica communionem fidelium*, ad differentiam prædictæ Suſpenſionis, ac Interdicti; quæ privant exercitio vel activo, vel paſſivo Divinorum Officiorum; non autem exteriori converſatione. Dicitur *Eccleſiaſtica*; non autem Spirituali; quia privatio comprehendit illa tria bona à Cardinale Toletio explicita; non autem Fidem, ac alias Chriſtianas virtutes, ut latè demonſtrat Maſtrius in ſua *Theolog. Mor. diſp. 13. num. 33.*

Quò ad Secundum. Duplex datur diviſio Excommunicationis. Una, quòd alia eſt major, alia eſt minor. Altera, quòd alia eſt à Jure, & alia ab Homine. Circa primam diviſionem; Major Excommunicatio eſt illa, quæ inſigitur ob grave peccatum, vel ob contumaciam, & inobedientiam; & hæc privat antedictis tribus bonis, quæ continentur in hoc carmine: *Or, Orare, Vale, Communitio, Menſa negatur.* Minor illa eſt, quæ contrahitur per converſationem cum Ex-

com-

communicatis majori Excommunicatione non toleratis. *cap. Nuper. de Sent. Excommunicat.* & privat sola passiva participatione Sacramentorum. *cap. Si celebrat. de Cleric. excomm. ministr.* & *cap. penult. de Sent. excommunic.* Porro Excommunicati non tolerati sunt duo tantum, nempe Notorii percussores Clericorum; & illi, qui nominatim denunciati sunt excommunicati à Superiore. Ideò ex Decreto Concilii Constantiæ, cui præfuit Martinus Papa V. & quod legitur apud Card. Toletum in *Summ. libr. 1. cap. 12. num. 2.* prædicti duo sunt tantummodò vitandi; non autem alii; etsi sciamus, eos incurrisse in aliquam majorem excommunicationem, ut tenent DD. apud Maffrium *d. disp. 13. num. 34.* quamvis contrarium scribat Fagnanus in *c. Quod à Prædecessore. n. 55. de Schismatic. tom. 6.* ubi ait, omnes notorios esse vitandos. Igitur minori excommunicatione affectus validè minuitur aliis Sacramenta; etsi venialiter peccet. *cap. ult. de Clerico excomm. ministran.* & celebrando non fit irregularis; at Pœnitentiæ Sacramentum recipere non potest; nisi priùs ab eadem minori excommunicatione à Confessario absolvatur. Maffrium *d. disp. 13. num. 36.* ubi quòd omnis Confessarius approbatus potest ab ea absolvere. Circa secundam divisionem Excommunicationis sciendum est; quòd illa dicitur à Jure, quæ infligitur per Canonem, aut per Ecclesiasticam Constitutionem; quæ durat etiam post mortem Legislatoris. Illa verò vocatur ab Homine, quæ per Judicem ex legitima causa promulgatur contra reos; & hæc expirat

per mortem Judicis, aut per ejus remotionem ab Officio, ut docet Maffrius, alios DD. cumulans *d. disp. 13. num. 37.*

Quò ad Tertium. Ut valida sit Excommunicatio, tria sunt necessaria, nempe Auctoritas in Superiore Excommunicante; Peccatum grave, seu contumacia, & inobedientia scandalosa in Excommunicando: atque Solemnitates à Jure præscriptæ in ferenda Excommunicatione; scilicet præcedens monitio, ac citatio, ut tradunt DD. apud eundem Maffrium *d. disp. 13. num. 38. & 67.* Est tamen verum, quòd aliquando major Excommunicatio infligi potest ob levem culpam; si ex hac scandalum solet generari; ut notat Volpi in *suis Resolut. Moralib. resol. 14. num. 4. & 5.*

Quò ad Quartum. Effectus majoris Excommunicationis sunt sequentes. 1. Quòd Clericus Excommunicatus exercens aliquem Ordinem fit irregularis. 2. Quòd si per annum in Excommunicatione inforDESCAT, fit suspectus de hæresi. Glossa in *cap. Contingit. de Dolo, & contum. Concil. Trid. sess. 25. de Ref. cap. 3. in fin.* 3. Quòd venit privandus Ecclesiasticis beneficiis. *11. q. 3. cap. Rursus. & cap. Cum bonæ. de Etate, & qual.* 4. Ut sit incapax suffragiis Ecclesiæ, nempe Sacrificiis, Orationibus, & Indulgentiis. *cap. A nobis. & cap. Sacris. de Sent. Excomm.,* excepta Feria 6. in Parasceve, in qua ob mortem Redemptoris nostri, & ex nimia pietate Ecclesiæ, ipsa orat etiam pro Hæreticis, ac Schismaticis, qui sunt Excommunicati. Maffrium *d. disp. 13. num. 41. 43. & 44.* notans, Orationes publicas non

esse faciendas pro Excommunicatis non toleratis; privatas autem pro eorum conversione non esse prohibitas. *cap. Alma Mater. ubi DD. de Sent. Excomm. 5.* Sacerdos excommunicatus, etsi toleratus, ministrans, aut recipiens Sacramenta, peccat mortaliter. *cap. Cum illorum. cap. Si quem. de Sent. Excomm. cap. Si celebrat. de Cleric. excomm. ministr. & 3. quest. 4. cap. Engeltruda. 6.* Ministrans fit etiam irregularis. *cap. Licet. & cap. ult. de Clerico excomm. ministr. ac 11. q. 3. cap. Si quis. necnon cap. Is, qui. & cap. Is, cui. de Sent. Excomm.* Nisi excusetur ignorantia invincibili, aut metu mortis, infamiae, iacturae bonorum, vel periculo alicujus gravis damni. *cap. Apostolica. de Clerico excomm. ministr. & DD. quos cumulat. Mastrius d. disp. 13. n. 45. & 46.* 7. Si verò ipse accedat ad Sacramentum Pœnitentiæ, invalidè illud suscipit; ut ego ostendi in meis Decisionibus de Pœnitent. decis. 31. num. 9. & 10. 8. Similiter si Excommunicatus sit Sacerdos, & audiat Confessiones, invalidè absolvit, quia privatus est omni Jurisdictione. *c. Ad probandum. de Sent. & rejudic. c. Romana. de Offic. Vicar. in 6. & 24. q. 1. cap. Audivimus.* At id est intelligendum de Excommunicato non tolerato, vel publico Clerici percussore: nam ceteri ob Extravag. Ad evitanda. Concilii Constant. validè absolvunt. Mastrius d. disp. 13. num. 50. & 51. Ego in Decisionibus meis de Pœnitentia. decis. 45. num. 2. 9. Si Excommunicatus non toleratus, vel publicus Clerici percussor se immisceat in Divinis Officiis cum aliis Clericis, est ab eis expellendus; nam prædi-

ctus non est admittendus in Ecclesia; nisi ad audiendas Conciones. *cap. Si quis Episcopus. 4. q. 3. c. Is, qui. de Sent. Excomm. in 6. c. 1. de Sentent. & Rejudic. in 6. 10.* Moriens Excommunicatus non toleratus, vel Clerici publicus percussor absque pœnitentia privatur Ecclesiastica sepultura. *cap. Sacris. de Sepult. & Clem. 1. eod. tit. 11.* Quilibet excommunicatus majori excommunicatione ad beneficia, seu Ecclesiasticas Dignitates non potest validè promoveri. *cap. Pastoralis. ubi DD. de Clerico excomm.* Circa autem obtenta antè Excommunicationem non est eis privatus, antequàm publicetur à Judice privationis Sententia. *cap. Pastoralis. §. Verum. de Appellat.* At tenetur restituere fructus. *ibid. §. fin. & c. Quod autem. 23. q. 7. & cap. Præter. 22. dist. 12.* Si à non tolerato conferantur beneficia, collatio est invalida; & provisor censetur intrusus, ac ea dimittere debet, & fructus restituere. *c. Quia diversitatem. de Concess. Præbend. cap. Tanta. De Excessib. Prælat. & cap. 1. Ne Sc. de Vacante in 6. 13.* Tandem Excommunicati non tolerati non possunt stare in Judicio. *cap. Præfidentes. de Hæretic. cap. Decernimus. de Sent. excomm. cap. 1. de Except. in 6. cap. Veniens. de Testib. cap. Intelloximus. de Judic.* Si tamen de facto Matrimonium contrahunt; aut Professionem religiosam faciant; validè agunt. *cap. Significasti. & cap. Cum illorum. de Sent. excomm. c. ratione,* quia nullo canone illa irritantur. Mastr. d. disp. 13. num. 56. ubi idem tenendum sentit de validitate privatorum contractuum, ac activæ, & passivæ factionis testamenti.

flamenti, nisi insequutus fuisset hostiliter Cardinales, aut protector hæreticorum. *cap. Felicis. de Pœnis in 6. c. Excommunicamus. de Hæreticis in 6.*

Effectus autem Minoris Excommunicationis est peccatum mortale, si communicatio cum Excommunicato non tolerato, vel publico percussore Clerici fiat in rebus divinis; venialis verò culpa, si communicatio fiat in rebus humanistan- tium; & absque contemptu Clavium Ecclesiæ. *cap. Si celebrat. De Clerico excom. ministr. Mastrius ubi sup. num. 58.*

Quò ad Quintum. Licitum est communicare cum excommunicatis etiam non toleratis, quando communicatio prædicta sit vel ex ignorantia, vel ex utilitate, aut ex necessitate, juxta casus contentos in hoc carmine, videlicet:

Utile, Lex, Humile, Res ignorata, Necessè

Quorum verborum sensus talis est. *Utile*, idest monendo, & hortando Excommunicatum ad poenitentiam. *Lex*, ut in Uxore, vel in debitore. *Humile*, ut in Filiis, ac Servis. *Res ignorata*, quando verè quis nescit, illum esse excommunicatione majori irretitum. *Necessè*; si verè urgeat gravis aliqua necessitas spiritalis, vel temporalis, tum in ipso communicante, tum in eodem excommunicato. *c. Quoniam multos. 11. q. 3. cap. Inter alia. §. Ilud. de Sent. Excomm. Mastrius d. disp. 13. n. 60.*

Quò ad Sextum. Ad sciendum, quis possit absolvere ab Excommunicatione, quatuor sunt Regulæ observandæ. Una est, quòd si Excommunicatio sit reservata Papæ,

solus Papa potest ab ea absolvere. Si sit reservata ab Episcopo, solus ipse Episcopus. Si sit lata à Judice, solus ille Judex, vel ejus Superior in causa appellationis. Quæ autem Excommunicationes sint reservatæ Papæ? vel Episcopi? notant Card. Toletus *lib. 1. cap. 18. & seqq. Busembaum lib. 7. cap. 2. Abelly cap. 6. de Censuris sect. 2. & Mastrius d. disp. 13. à n. 69. & seqq. Altera Regula est, quòd in articulo mortis omnes Confessarii possunt absolvere à quacunque Excommunicatione cuicumque reservata. Mastrins d. disp. 3. num. 61. & seqq. Tertia Regula est, quòd Episcopi possunt absolvere etiam ab Excommunicationibus Papæ reservatis, si delictum sit occultum. Exceptis tamen illis contentis in Bulla Cœnæ Domini; ac illis inflictis ob Hæresim, ob Duellum, ob Simoniam realem, ob violatam Monialium clausuram ad malum finem; & ob læsam Ecclesiasticam Immunitatem; ut dictum est supra in *Tit. præced.* Quarta Regula est; quòd publicus percussor Clerici absolvi potest ab Episcopo, si sit Impubes, vel Senex, vel Mulier, vel Filiusfamilias, vel Regularis, vel si ob grave impedimentum accedere non possit ad Apostolicam Sedem; ut docent DD. quos citat Mastrius *d. disp. 13. n. 63. & alii, quos allegavi in meis Decisionibus de Poenitentia. decis. 45. à n. 5. & seqq. ubi hæc tertia, & quarta Regula sunt conclusentissime comprobata.**

Quòd ad Ultimum. Quatuor sunt causæ, quæ excusant ab incurrenda Excommunicatione, quas retuli supra in *Tit. anteced. in responsion. Ad Septimum*, videlicet ignorantia

rantia invincibilis, Impotentia vera, Appellatio legitima, & Renusio ejus, quam faceret ille, ad cuius instantiam esset inflicta excommunicatio; & ideo ad dicta ibidem studiosus Lector recurat.

TIT. XIV.

De excommunicatione contra pugnantes in Duello.

INter præcipuas Excommunicationes à Jure latas, satis conspicua, ac frequens reputatur illa, qua plectuntur pugnantes in Duello; idcirco post explicitam materiam Excommunicationis in genere, agendum est in specie de hac Excommunicatione ob Duellum; & pro ejus intelligentia videbimus:

- 1 Quid, & Quotuplex sit Duellum?
- 2 Quo Jure prohibitum sit Duellum?
- 3 Quæ pæne sint statutæ contra pugnantes in Duello?
- 4 An aliquando sit licitum pugnare in Duello?
- 5 Quis possit absolvere ab Excommunicatione incurſa ob Duellum?

Quò ad Primum. Duellum est duorum, vel etiam plurium singulare certamen, quod ex condicto, uno indicente, & altero acceptante, suscipitur, prævia designatione loci, temporis, & armorum. Ita Bonacina tom. 1. de Censuris. disp. 2. qu. 6. punct. 1. & Maltrius in Theol. Moral. disp. 10. num. 12. Dicitur duorum, vel plurium singulare certamen, ad differentiam belli; quod consistit in multitudine Militum; & in pugna univer-

sali. Dicitur ex condicto, idest ex provocatione ad pugnandum in Duello per unum facta, & per alterum suscepta; & ideo si ex calore iracundiæ aliqui se invitent ad pugnandum, & statim pugnent, non dicuntur committere Duellum, neque incurrunt pœnas contra pugnantes in Duello inflictas; quia hi pugnant non præmeditate, neque prævia conventionione, sed ex furore animi irati. Antonellus de Regimin. Milit. Eccles. lib. 6. cap. 16. num. 4. Marcellus Vulpes in Praxi. c. 1. num. 49. Dicitur prævia designatione loci, temporis, & armorum, quia hæc tria necessaria sunt ad quidditatem Duelli; quapropter si quis dixerit suo Adversario, pugnabis mecum, cum te invenero in tali loco; etiamsi postea eum ibi inveniat, & secum pugnet, non censetur committere Duellum. Antonellus d. c. 16. n. 5. Lezana in Summa. tom. 3. Verb. Duellum. n. 3. Collegium Salmanticen. tom. 12. tr. 10. de Censur. c. 4. num. 33. Similiter qui ex condicto pugnant non armis, sed pugnis, non videntur Duellum facere, nec pœnas incurrere contra Duellistas latas. Salmanticen. ibid. num. 34. & Naldus Verb. Duellum. num. 2.

Duplex autem est Duellum secundum Theologos, & Moralistas. Unum Solemne; & est illud, quod fit in aliquibus locis ex publica auctoritate; & Principe permittente. Alterum Minus solemne, seu Privatum; quando duæ personæ privatæ, aut tres, vel quatuor ex condicto conveniunt ad pugnandum simul, loco, tempore, & armis inter se conventis. Thesaur. de Pœnis Eccles. part. 2. Verb. Duellum. cap. 1. & San-

Sanchez in Decalog. lib. 2. c. 39. n. 22. Utrumque tamen est illicitum, & damnatum.

Quò ad Secundum. Duellum est prohibitum. *Primò* de Jure Divino; nam ab eo vitum est hominibus exponere propriam vitam periculo mortis absque urgentissima causa. *Mastrius d. disp. 10. n. 112.* ubi DD. *Secundò* de Jure Civili per text. in l. *Unica. Cod. de Gladiator. Tertio* de Jure Canonico in cap. *Monomachiam. 2. qu. 5. in cap. 1. & 2. de Clericis pugnans. in Duello.* Ex Bulla Pii Quarti Incipieu. *Ea, quæ à Prædecessoribus, &c.* & est in Bullario Const. XXI. Ex Concilio Tridentino sess. 25. de Ref. cap. 19. Ex Bulla Gregor. XIII. Incipien. *Ad tollendum &c.* & est inter ejus Constitution. 78. Et ex Bulla Clementis VIII. quæ incipit, *Illius vices &c.* ac est Const. XI. inter illas ejusdem Pontificis, de quibus omnibus latè disserunt Thesaur. d. part. 2. Verb. *Duellum. à cap. 1. usque ad c. 5.* & Novarius in Summa Bullarii part. 1. *Commentar. 51. & p. 2. Comment. 62.* ubi plures DD. allegantur.

Quò ad Tertium. Pugnanter in Duello, *Primò* committunt peccatum mortale gravissimum. *Secundò* incurrunt infamiam, & proscriptionem bonorum; ac alias pœnas contra Homicidas statutas; & *Tertio* ex supra citatis Pontificiis Constitutionibus tum ipsi pugnantes in Duello, tum eorum Fautores, Consultores, Parrini, atque Spectatores incurrunt in excommunicationem latæ Sententiæ; & morientes ex vulnere in Duello infligto carent Ecclesiastica Sepultura.

Quartò ulterius si prædicti pugnantes, vel consulentes, aut coadjuvantes Duellum, sint Clerici, remanent infames, irregulares, & privati Beneficiis, ac Pensionibus ultra pœnas supradictas, ut latè ostendunt Novarius, & Thesaur. ubi sup. ac Antonellus de Regim. Milit. Eccl. d. lib. 6. cap. 16. nec non Mastrius d. disp. 10. n. 114.

Quò ad Quartum. Si quærimus, An aliquandò liceat acceptare Duellum, & in eo pugnare? Firmanda est Regula negativa; ita ut neque Vir Nobilis provocatus ad Duellum sub pœna infamiæ, possit illud acceptare; quia cum sit actus prohibitus tum Jure Divino, tum Constitutionibus Ecclesiasticis, ac Legibus Civilibus, debet respondere provocanti: *Te non formido; & si in aliquo loco me invaseris, me defendam. Tuum autem Duellum non accepto, quia Deum timeo, & Ecclesiæ obedio; ac Legibus Divinis, Ecclesiasticis, & Humanis contraire non debeo.* Idcirco hîc notanda est Propositio damnata ab Alexand. VII. Anno 1665. la 2. quæ asserbat; quòd *Vir Equestris ad Duellum provocatus, potest illud acceptare; nè timiditatis notam apud alios incurrat.* Ita Colleg. Salmanticen. d. cap. 4. num. 38. ubi DD. qui tamen ab hac Regula tres casus excipiunt. *Primus* est, si quis provocetur ad Duellum ab inimico associato à Sicariis, à quibus statim sit confodiendus, nisi acceptet Duellum; talis enim acceptatio esset ad necessariam suæ vitæ defensionem. *Secundus* est, si quis innocens sententiaretur à Judice ad acceptandum Duellum; aliàs à carnifice occideretur. *Tertius* est, si ad finien-

dum bellum, & ad parcendum toti exercitui, proponatur Duellum inter duos, vel aliquos particulares Milites habendum; ut legitur in Vita Sancti Wenceslai Ducis Boemiæ die 28. Septembris in Breviario Romano. Diana *part. 3. tract. 6. resol. 1.* Et Colleg. Salmanticen. *d. tom. 12. tract. 10. de Censuris. cap. 4. n. 39.*

Quò ad Quintum, & Ultimum requirens, *Quis possit absolvere ab excommunicatione incursa ob Duellum?* Regula est pariter firmanda, quòd solus Papa potest ab ea absolvere, quia per Constitutiones Pontificias supra relatas, ei soli est absolutio reservata. Nihilominus Moralistæ dant duas exceptiones huic regulæ: Una est, si Duellum fuisset occultum; tunc enim Episcopus vigore Concilii Tridentini *sess. 24. de Reformat. cap. 6.* possit absolvere. At ego hanc exceptionem confutavi in meis Decisionibus *de Penitentia. decis. 45. num. 6.* ubi Studiosus Lector videat. Altera est, si Duellista ex legitimo impedimento non possit recurrere ad Papam, nam tunc eum absolvit Episcopus. Lezana *d. Tom. 3. Verb. Duellum. n. 13.* & Pellegrinus in *tract. de Duello. qu. 37.*

T I T. XV.

De Excommunicatione contra violentantes Clausuram Monialium, & Virorum Regularium.

Actum est de Excommunicatione inflicta ad retrahendos Laicos ab interitu corporis, & animæ per Duellum; restat agen-

dum de alia Excommunicatione lata pro corporali, & spiritali salute Virginum, quæ se dedicaverunt Deo per Vota solemnia Paupertatis, Castitatis, ac Obedientiæ, cum obligatione vivendi in perpetua Clausura; pro cujus intelligentia videbimus:

- 1 *Quid, & Quotuplex sit Monialium Clausura?*
- 2 *Quo tempore, & quo Jure sit introducta?*
- 3 *Quot modis violatur Monialium Clausura?*
- 4 *Quæ pæne sint inflictæ contra violentantes Monialium Clausuram?*
- 5 *An sint casus, in quibus liceat Monialibus exire de Clausura.*
- 6 *Qui possint absolvere ab Excommunicatione incursa ob violatam Monialium Clausuram?*

Quò ad Primum. Duplex est Clausura Monialium, *Materialis* scilicet, & *Formalis*. Clausura Materialis est locus clausus, ac muris septus, & ostiis oclusus, in quo habitant Virgines Deo consecratæ, & in quem hominibus non est liber ingressus. *l. 3. §. Subvenitur. ff. Ad Senat. Consult. Syllan. Giballinus de Clausura Regular. disquis. 1. in princip.* Formalis Clausura est Lex prohibens Monialibus egressum de Monasterio; ingressum in illud, & accessum ad colloquendum cum Monialibus absque necessaria causa, & legitima licentia cuicumque personæ. *cap. Perniciosam. 18. q. 12. cap. 1. de Statu Regular. in 6. Bonacina de Clausura Monial. q. 3. punct. 1. & 2.*

Quò ad Secundum. Clausura Monialium Deo consecratarum est antiquissima; tum quia erat in usu etiam in Lege Moysayca, in qua Mulie-

Mulieres servitio Divino mancipatæ, morabantur in exedris Templi, ut legitur 2. *Machab.* 3. 19. & de Anna Prophetissa filia Phanuel; quæ, ut scribit S. Lucas 2. 36. non discedebat de Templo, jejuniis, & obsecrationibus serviens nocte, ac die; tum etiam quia ab initio Ecclesiæ fuerunt in usu Monasteria Virginum, Deo addictarum; quas salutat S. Ignatius Martyr *Epist.* 10. 12. & 15. & de eis meminit S. Clemens Papa apud S. *Epiphan.* *Hæres.* 30. ac de illis testantur S. Ambrosius *lib.* 3. de *Virginib.* S. Hieronymus *lib.* 1. *advers. Jovinian.* & S. Augustin. *Epist.* 109. Quamvis tunc clausura non esset omnino absoluta; quia ex urgenti causa, & cum debita licentia, ac convenienti comitatu poterant Moniales aliqua vice de Monasterio exire. S. Antonin. in *Summ.* 3. p. tit. 20. cap. 2. §. 3. *Verf. Egressum autem Monialium.* & Giballin. de *Clausur.* d. *disquis.* 1. cap. 1. §. 2. Absoluta verò, & de necessitate imposita est Clausura Monialibus Deo professis per Legem Ecclesiasticam; *Primò*, per Constitutionem Bonifacii Octavi Summi Pontificis circa finem tertii decimi sæculi, quæ habetur in cap. *Periculoso.* De *Statu Regular.* cum enim eo tempore vel ob excedentem malitiam hominum, vel ob nimiam calamitatem temporum, Synodalia Decreta, & Prælatorum inferiorum Leges pro custodia Virginalis innocentie non sufficerent, prædictus Bonifacius Octavus Papa indixit omnibus, & quibuscumque Monialibus perpetuam Clausuram; itaut jisdem non liceret amplius egredi de Monasteriis, nisi ex causa morbi contagiosi; neque ad eas dare-

tur Virorum accessus, vel ingressus, nisi ex rationabili causa, & cum legitima Episcopi licentia. *Secundò*, hanc Constitutionem Bonifacii VIII. confirmavit Concilium Tridentin. *sess.* 25. de *Regular.* cap. 5. addita pœna Excommunicationis ipso facto incurrendæ ab inobedientibus. *Tertiò*, easdem clausuræ Monialium Leges innovavit Sanctus Pius V. Papa Anno 1566. per *Bullam Incipien. Circa Pastoralis.* & per aliam Anno 1570., quæ incipit, *Decoris, & honestati*; addita pariter pœna excommunicationis Sedi Apostolicæ reservata contra transgredientes. *Quartò* tandem ad majorem firmitatem prædictæ Monialium Clausuræ emanarunt aliæ Constitutiones Gregorii XIII. Gregorii XV. & Pauli V. qui etiam revocaverunt quascunque licentias sublimibus personis ab Apostolica Sede concessas ingrediendi Monasteria Monialium; quas omnes Constitutiones referunt Barbosa in *Collect. DD. ad d. cap. Periculoso.* de *Statu Regular.* in 6. & Tamburin. de *Jure Abbatissar.* disp. 16. *ques.* 2. & 3.

Quò ad Tertium. Tribus modis violatur Monialium clausura: per *egressum* earundem de Monasterio; per *ingressum* Virorum in Monasteria ipsarum; & per *accessum* ad ostia, vel Crates Monasteriorum ad colloquendum cum ipsis Monialibus; deficiente tamen rationabili causa, & legitima licentia in omnibus tribus modis supradictis; ut notat Barbosa in *d. cap. Periculoso.* De *Statu Regular.* & DD. ibi per eum collecti, ac citati.

Quò ad Quartum, in quo quæritur, Quæ pœnæ sint inflictæ con-

Cc

contra violantes Monialium clausuram? Respondetur *Primò*, quòd si violatio sit per egressum à Moniali factum (exceptis casibus à Jure permisiss, de quibus infra) ipsa incurrit duas pœnas; *Una* est Excommunicatio latæ sententiæ, cujus absolutio est Papæ reservata, per Bullam Incipien. *Decori*. la 8. Sancti Pii Quinti; ut notant Barbofa in d. cap. Periculoso. num. 20. De Statu Regular. in 6. Thesaurus de Pœnis Ecclesiast. part. 2. Verb. Clausuram violans. cap. 8. Sanchez in Decalogum. lib. 6. cap. 15. à num. 63. & Donatus de Regularib. tom. 4. tract. 4. q. 8. Altera pœna est privatio omnium Dignitatum, si quas habebat; necnon amissio suæ Dotis, tum de Jure Civili. l. Deo nobis. 54. §. Hujus autem. C. de Episc. & Cler. & in Auth. Si qua mulier. C. de Sacrosanct. Eccl. tum de Jure Canonico, ut per cap. Abbates. 18. q. 2. cap. Verum. De Conditionib. apposit. & docent, tum Moralistæ Lezana in Sum. tom. 3. Verb. Dos Monialium. num. 6. Donatus tom. 1. part. 2. tract. 5. q. 58. & tom. 4. tract. 4. q. 19. tum Canonistæ Navarr. Commentar. 4. de Regularib. num. 24. Vers. Undecimo. & Surdus de Alimentis. in. 9. quæst. 27. tum etiam Criminalistæ Decian. lib. 5. cap. 73. num. 16. atque Farinacius de Hæresi. quæst. 183. §. 8. n. 114. quorum omnium verba ego retuli in meis Discordiis Forensibus part. 4. de Regularib. Discord. 44. à num. 5. & seqq. Et non solum incurrun prædictas pœnas ipse Moniales è clausura egredientes; sed etiam illas comitantes, ac receptantes. Thesaur. d. part. 2. Verb. Clausuram Monialium. c. 8. Vers. Aliter. & Barbofa in Collect. DD. ad d. cap. 1. de

Statu Regular. num. 20. *Secundò*, si violatio clausuræ Monialium fiat per ingressum, omnes ingredientiæ, & eos introducentes, ac recipientes, (extra casus licitos, ac necessarios, & cum debita licentia) pariter incurrun excommunicationem Summo Pontifici reservatam, tum ex Concil. Trid. d. sess. 25. de Regular. cap. 5. tum ex Constitutionibus Gregorii XIII. incipien. Ubi gratiæ, ac Pauli V. quæ incipit Monialium status; ut demonstrat Donatus d. to. 4. tract. 5. quæst. 1. & 2. & declaravit Sacra Congregatio Episc. & Regular. apud Pignatellum tom. 6. consult. 85. n. 251. & 252. & tantò magis si ingressus sit ad malum finem, ut ego ostendi in meis Decisionibus de Eucharistia. decis. 18. num. 30. & 31. ubi quòd neque Superioribus licitum est intrare Monasteria Monialium absque legitima causa, aliàs incurrun easdem pœnas. *Tertiò*, si violetur Monialium clausura per accessum ad crates, & collocutoria Monasterii à personis prohibitis, hæ ultra peccatum mortale incurrun pœnas, ac Censuras per Ordinarios locorum inflictas, etiamsi accedentes, & colloquentes cum Monialibus sint Regulares.

Quò ad Quintum. Circa casus, in quibus licitum sit Monialibus exire de Clausura; quamvis Sanctus Pius V. in præcitatis suis Constitutionibus expresserit tantum tres Casus, scilicet *Magnum incendium*, *morbum Lepre*, & *morbum Epidimie*; & dispurent Doctores, an hi tres Casus expressi sint taxativè, vel exemplificativè, ut scribit Barbofa alleg. 102. num. 16. & Giballin. Disquis. 1. cap. 6. n. 33. verior

rior tamen opinio est, quòd dicti tres casus stent exemplificativè, ut probant Sanchez in *Decal. lib. 6. c. 15. num. 37.* Novarius in *Summ. Bullar. part. 1. Comment. 41. num. 14.* Ventriglia *tom. 1. Annot. 5. §. 2. n. 25.* & Zacchias in *22. Medicoleg. libr. 3. tit. 3. quæst. 6. n. 10.* necnon in *Consil. 64. per tot.* Idcirco communiter DD. addunt alios casus licitos pro egressu Monialium de clausura, nempe Alluvio fluminis, vel procellæ, ac Sæviens Bellum, ex quibus immineret ruina Monasterii, vel direptio Monialium. Giballin. d. *Disquis. 1. c. 6. num. 33.* & quodcunque aliud periculum influens in totam Monialium communitatem. Ex qua doctrina colligitur, quod si morbus, vel periculum imminet alicui particulari ex Monialibus, ei non licet è clausura exire; quòd si morbus esset pestilentialis petenda esset licentia à Sacra Congregatione, & non sufficeret permissio Episcopi; nisi temporis angustia aliud suaderet. Ventriglia d. *tom. 1. Annot. 5. punct. 2. n. 29.* Prout etiam ejusdem Sacræ Congregationis licentia est necessaria, si agatur de egressu Sanctimonialis pro fundendo alibi Monasterio; vel pro corrigenda aliqua Moniali contumaci, quæ ibi ob factiones corripì non posset. Giballin. d. *c. 6. à n. 37. & seqq.*

Pro ingressu autem Virorum in Clausuram Monialium casus liciti sunt tum illi, qui concernunt bonum commune totius Monasterii, in rebus necessariis pro alimentis, ac sustentatione totius Communitatis; & sic ingrediuntur, prævia licentia Episcopi, bajuli, rustici, vectores curruum cum bladis, &

uvis, ac alii operarii, & artifices. Gloss. in *cit. cap. 1. de Statu Regular. in 6.* tum illi casus, qui respiciunt bonum particulare alicujus Monialis; & hac de causa sialiqua sit infirma, intrant in clausuram Confessarius, Medicus, Chirurgus, & aliquando ancillæ, ac mulieres laicæ, quæ ministeriis vilioribus, & operosioribus inserviant; aut Moniali morbo diuturno, ac periculoso affectu assistant, ad tradita per Barbosam d. *Allegat. 102. n. 60.* Bonacinum de *Clausura. q. 4. punct. 4. n. 10.* & Crispinum de *Visit. Pastor. part. 2. §. 42. n. 99.* Ulterius etiam ob bonum consanguineorum conceditur ingressus puellarum educandarum; etsi & hoc concernat bonum Monasterii ad propagandam successionem Sanctimonialium; imò permitti solet ingressus alicujus Mulieris nobilis Uxoratæ, ad evitanda scandala ob dissidia cum marito; circa quæ pollet arbitrium Episcopi in concedenda licentia, ut tradunt Giballin. de *Clausura. d. disp. 1.* Tamburin. de *Jure Abbatissar. disp. 24. quæst. 1.* & Donatus d. *tom. 4. tract. 5. q. 19.*

Pro accessu tandem ad Crates pro colloctione cum Monialibus requiritur bonum nomen accedentium, & eorum parentela in primo, & secundo gradu; dummodò non sint Regulares; his enim interdictum est ab Apostolica Sede accedere ad colloquendum cum Monialibus, nisi quater in anno, & cum consanguineis in primo, vel secundo gradu tantùm, & cum licentia Episcopi; cui propterea data est facultas puniendi Regulares transgressores etiam Cenfuris, & etiam in Monasteriis exemptis, ut ex

Bulla Gregorii XV. *Inscrutabili, &c.* Ex Decreto Urbani VIII. de Anno 1623. & ex alio Decreto Clementis Noni de Anno 1669. quæ leguntur apud Pignatellum tom. 6. *Consult.* 85. num. 165.

Quod ad Ultimum. Absolvere ab excommunicatione incurfa tam per egressum, quam per ingressum illicitum in Clausuram Monialium, cum sit reservata Papæ, spectat tantummodò ad ipsum. Disputant nihilominus DD. an absolutio obtineri possit vel ab Episcopo, vel à Confessariis Regularibus? Et affirmant de Episcopo, si egressus, vel ingressus sit occultus, & hoc vigore Concilii Tridentini sess. 24. de Ref. cap. 6. Ita Bonacina de Censur. disp. 1. q. 22. punct. 2. num. 2. & de Clausura. quest. 1. punct. 5. num. 2. Thesaurus d. part. 2. Verb. Clausuram. cap. 8. Vers. Absolvere. & alii, quos ego citavi de Eucharist. decis. 18. num. 22. De Confessariis verò Regularibus negant ob Decretum Clementis VIII. in quo noluit, eosdem posse absolvere à septem casibus Papæ reservatis; & inter eos est violatio clausuræ Monialium; & dictum Decretum legitur apud Donatum tom. 2. part. 3. tract. 11. quest. 17. & apud Pignatellum d. tom. 6. *Consult.* 85. n. 165. & 166.

Corollarii loco notandum est, aliam pariter Excommunicationem Papæ reservatam latam esse contra Mulieres violentes Clausuram Regularium. Virorum per ingressum in eorum Monasteria, non solum ad malum finem, sed etiam ex mera curiositate; ut in Bulla Sancti Pii V. diei 24. Octobris 1566. Incipien. Regularium Personarum &c.

quæ in Bullario Cherubini habetur tom. 2. *Constit.* 20. de quâ agunt Fagnanus in cap. Nuper. num. 35. de Sent. Excommuni. tom. 7. Antonell. de Loco Legalib. l. cap. 10. num. 57. Novarius in Summa Bullarii part. 2. Comment. 39. num. 6. & alii, quos ego allegavi in meis Discordiis Forens. de Regular. Discord. 27. n. 4. ubi n. 15. & 16. ostendi, Confessarios Regulares ab hac Excommunicatione absolvere non posse.

TIT. XVI

De Ecclesiastico Interdicto.

Quoniam Ecclesiasticum Interdictum valde fraternizat cum Excommunicatione, quia & istud solet insligi tam contra Clericos, quam contra laicos; ideò statim post illam agitur de ipso; pro cuius intelligentia videbimus:

1. Quid sit Interdictum Ecclesiasticum?
2. Quosuplex sit?
3. Qui possint insligere Ecclesiasticum Interdictum?
4. Ob quas causas?
5. Qui teneantur observare Ecclesiasticum Interdictum?
6. Qui sint effectus huius Interdicti?
7. Quas penas incurrant violentes Interdictum?
8. Quis possit tollere Interdictum?

Quod ad Primum. Interdictum est Ecclesiastica Censura, per quam fidelibus prohibetur participatio Sacramentorum; Divinorum Officiorum; & Ecclesiasticæ Sepulture. Hæc definitio colligitur ex cap. Non est nobis. De Sponsalibus. & ex cap. Quod in te, de Penitent. & remissis. Aliam definitio-

nitiq-

nitionem tradit Scotus in 4. dist. 25. qu. 1. G; ita dicens: *Interdictum est prohibitio, vel arrestatio à quibusdam actibus Ecclesiasticis exercendis, vel ab assistendo quibusdam talibus.* Videatur Maftrius in Theol. Mor. disp. 13. num. 106. ubi alias definitiones ponit.

Quò ad Secundum. Ecclesiasticum Interdictum est triplex, *Locale, Personale, & Mixtum.* Interdictum *Locale* est, quando prohibetur, ne in tali loco divina Officia celebrentur. *Personale*, quando prohibetur aliquibus personis assistere activè, vel passivè divinis Officiis in quocunque loco. *Mixtum* Interdictum est, quando locus simul, & personæ interdicuntur. c. *Præsenti. de Sentent. Excommuni.* in 6. c. *Sententia.* eod. tit. & Maftrius d. disp. 13. n. 107. & 108. ubi duas aliàs dat divisiones. Una, quòd aliud est Interdictum generale, quando totum Regnum, vel Provincia interdicuntur. Et aliud est particulare, quando aliquod Templum, vel Ecclesia tantum interdicuntur. *Altera* divisio est, quòd aliud Interdictum est à Jure, & aliud ab homine. Ex his resultat hæc differentia inter Interdictum locale generale; & Interdictum generale personale: quòd scilicet in Interdicto generali locali poterit populus illius Regni audire Divina in Ecclesiis extra illud Regnum: At in Interdicto generali personali eadem personæ nec extra Regnum poterunt audire Divina; advenæ verò advenientes in loco personalis Interdicti poterunt Divina audire; quia eos hoc Interdictum non afficit. d. c. *Si Sententia.* de *Sentent. Excommuni.* Maftrius d. disp. 13. n. 109. & n. 110. subdens,

quòd in Interdicto generali Mixto comprehenduntur tam nocentes, quam innocentes; ita tamen, ut si hi discedant à loco Interdicto, poterunt alibi Divina audire; non etiam culpabiles, & nocentes. d. c. *Si Sententia;* & ibi Glossa de *Sent. Excommuni.* in 6. Illud etiam notandum, quòd Interdicto populo non censetur interdictus Clerus. c. *Quia periculosum.* de *Sent. Excommuni.* in 6. Et interdicto Clero non comprehenduntur Regulares, & Moniales. Maftrius d. disp. 13. n. 111.

Quò ad Tertium. Potestas Ecclesiastici Interdicti indicendi residet apud Ecclesiasticos Superiores; idèdque apud Papam in universo Orbe, Regnis, & Provinciis; apud Legatos Apostolicos in locis eorum Legationis; & apud Episcopos in suis Diocælibus. c. *Episcoporum.* de *Privil.* in 6. c. *Sanè.* de *Offic. Deleg.* c. *Cum inter.* de *Consuetud.* Maftrius d. disp. 13. n. 110. ubi limitat circa Interdictum inflictum generaliter ab Episcopo, quod non afficiat Hospites, & Scholares, qui in ejus Diocæsi reperiuntur.

Quò ad Quartum. Regula est certa, & nullam patiens limitationem; quòd Ecclesiasticum Interdictum fulminari non potest, nisi ob peccata gravia; quæ annexam habeant contumaciam, ac inobedientiam in delinquentibus, sive omnibus de Communitate, sive Principalibus tantum ejusdem; ut in circ. cap. *Si Sententia.* de *Sentent. excommuni.* in 6.

Quò ad Quintum. Pariter datur Regula generalis, quòd si Interdictum locale sit universale, ac illimitatum totius Regni, Provincie, vel Diocæsis; omnes habitantes

tes.

tes ibi tenentur illud observare, tam culpabiles, quàm innocentes; necnon tam præsentēs, quàm post latum Interdictum supervenientes. *d. c. Si Sententia*, & ibi Glossa de *Sent. Excomm.* in 6. Et idem habet locum si Interdictum sit personale; ita tamen, ut hoc non afficiat nisi illos, qui sunt culpabiles, & contumaces, ut latè explicat Mastrius *d. disp. 13. n. 110.*

Quò ad Sextum. Effectus Interdicti defumendi sunt ab intentione Superioris illud infligentis, expressa in verbis, quibus fuerit ab ipso inflictum. Quòd si sit generaliter fulminatum absque ulla restrictione, tunc tres sunt ejus effectus; nempe privatio Sacramentorum, Divinorum Officiorum, & Ecclesiasticæ Sepulturæ. Bonacin. de *Interdicto*, *disp. 5. punct. 3.* & Mastrius *d. disp. 13. n. 112.* Porro circa Sacramenta, non omnia censentur prohibita; sed tantum Eucharistia; excepto articulo mortis, per Viaticum. *c. Quod in te. de Pœnitent. & remiss. cap. Permittimus. de Sent. Excomm.* Item prohibita est Extrema Unctio, Confirmatio, Collatio Ordinum, & celebratio Matrimonii cum solemnī benedictione, non autem ea omīssa. Idcirco Baptismus, & Pœnitentia nunquā sunt prohibita; tanquam prorsus necessaria ad salutem; & quādoquēque possunt jisdem Interdicto affectis ministrari. *c. Quoniam. & cap. Alma Mater. de Sentent. Excomm.* in 6. Mastrius in *cir. disp. 13. n. 113.* Quò verò ad Divina Officia; si Interdictum sit merè locale: Tunc si est particulare, ea celebrari non possunt ullo tempore in Ecclesiis particulariter interdi-

ctis, sed utique in aliis. Si sit locale generale; nullibi officia Divina celebrantur, exceptis diebus festis Natalis Domini, Paschæ, Pentecostes, Assumptionis, & Conceptionis B. M. Virginis. Mastrius *d. disp. 13. n. 115.* suadens, quòd Clerici januis clausis, & absque pulsatione campanarum possunt ea recitare. At si Interdictum sit Personale, seu Mixtum sive in genere, sive in specie, nulla die possunt Officia Divina in Ecclesiis celebrari. *c. Si civitas. & c. Si Sententia. de Sent. Excomm.* in 6. Non est tamen prohibitum tempore generalis Interdicti pulsare, & recitare Angelicam Salutationem, benedicere Mensam, adorare Crucem in die Parasceves, commendare animam moribundis, prædicare Verbum Dei, docere pueros Doctrinam Christianam; & actus spiritualis, ac temporalis Jurisdictionis exerce-
re, ut docent DD. quos citat, ac sequitur Mastrius *eod. disp. 13. n. 117.* Tandem quò ad Sepulturam; ad eam non admittuntur, qui sunt personali Interdicto percussi. *d. c. Si Civitas. de Sent. Excomm.* in 6. Nisi habeant speciale Privilegium. *cap. Quod in te. de Pœnit. & Remiss.* At si Interdictum sit locale tantum, illa nulli morienti denegatur, nisi dederit causam Interdicto. Mastrius *ubi sup. n. 116.*

Quò ad Septimum. Pœnæ, quas incurrunt violantes Interdictum, sunt sequentes. Primo, ministrantes, ac suscipientes Sacramenta prohibita peccant mortaliter. Secundo, committunt Sacrilégium. Tertiò, Clerici illa ministrantes fiunt Irregulares. *cap. Is, cui. de Sent. Excomm.* in 6. Quarò, qui reci-
cant

rant publicè, & audiunt Divina, & ipsi mortaliter peccant. *Quintò*, Laici cogentes Clericos ad celebrandum in loco, vel tempore interdicto, incurrunt in Excommunicationem. *Clem. 2. de Sent. Excommun.* Et *Sextò* sepelientes defunctos in Loco Sacro interdicto pariter excommunicationem incurrunt. *Clem. 1. de Sepult.* *Mastrius d. disp. 13. num. 118.*

Quò ad Ultimum; in quo quæritur, Quis possit tollere Interdictum? DD. distinguunt: Vel Interdictum est ab Homine, & absque præfinitione temporis; & ab eodem est tollendum vel per relaxationem, vel per absolutionem. Vel est à Jure? Et tunc subdividunt: Vel est locale reservatum Papæ? Et à solo Papa tollitur. Vel non est alicui reservatum? Et à solo Episcopo tolli potest. Vel est Interdictum personale nulli reservatum? Et hoc quilibet Confessarius tollere potest per absolutionem, data satisfactione; vel præstita cautione de satisfaciendo, si necesse sit. Ita DD. apud *Mastrium ead. disp. 13. num. 121.* qui *num. 125.* advertit, quòd per Appellationem ab Interdicto, ejus effectus non suspenditur, quia debet plenè observari, donec Superior servatis servandis, & causa cognita illud revocet. c. *Ad hec quantiam. de Appellat.*

Corollarii loco notandum est, ultra Interdictum dari Cessationem à Divinis, quæ est quædam prohibitio ob mœrorem facta, ne in aliquo loco Divina officia celebrentur; & habet analogiam cum Suspensione, & Interdicto, sed verè non est Censura Ecclesiastica; idèdque inobedientes non sunt Irregula-

res, etsi incurrant Excommunicationem, de qua in *Clem. 1. de Sentent. Excommun.* ac ea durante, non est prohibitum sepelire fideles in loco Sacro, dummodò in eis sepeliendis non fiat recitatio Divinorum Officiorum. *Mastrius ibid. n. 124. & num. 125.*

TIT. XVII.

De Suspensione à Divinis.

Cum tres esse Ecclesiasticas Censuras supra notatum sit; & de duabus egerimus, scilicet de Excommunicatione, & de Interdicto; remanet, ut de tertia verba faciamus, nempe de Suspensione à Divinis; pro cujus explicatione videbimus:

- 1 *Quid sit Suspendio à Divinis?*
- 2 *Quotuplex sit?*
- 3 *Quis possit eam infligere?*
- 4 *Qui sint ejus effectus?*
- 5 *Quas penas incurrat, qui illam non servat?*
- 6 *Quæ, & quot sint Suspensiones à Jure institutæ ob malam Ordinum suspensionem?*
- 7 *Quæ sint causæ excusantes ab incursu Suspensionis?*
- 8 *Quis possit ab ea absolvere?*

Quò ad Primum. Duæ dantur à Theologis definitiones. Una est; quòd *Suspendio à Divinis* est Ecclesiastica Censura, qua Minister Ecclesiæ arcetur ab aliquo actu Ecclesiastico, aliàs sibi conveniente; & hoc ad tempus. Ita *Scotus in 4. dist. 25. q. 1. H.* Dicitur Censura Ecclesiastica tanquam genus; cum, ut dictum est, existant aliæ duæ Censuræ. Dicitur Minister Ecclesiæ ad differentiam alia-

aliarum duarum; quæ possunt infligi tam in Clericos, quàm in Laicos; hæc autem fulminatur tantum contra Ecclesiæ Ministros; videlicet Clericos; tam post susceptos Ordines, quàm in eorum susceptione; ut in eo, qui, etiam ignoranter ordinatur ante legitimam ætatem. *c. Vel non est compos. de Temp. ordinat.* Dicitur ab aliquo actu Ecclesiastico, aliàs sibi conveniente; quæ verba comprehendunt tam Sacrificia, quàm Divina Officia; tam universaliter, seu in Choro; quàm particulariter extra Chorum; siquidem ad differentiam Excommunicationis, suspendi potest à Divinis totum Capitulum Canonorum, etsi illud excommunicari non possit. Maius in Theol. Moral. disp. 13. num. 91. ubi DD. docentes, tunc illos de Capitulo esse suspensos solummodo in iis, quæ spectant ad Capitulum in commune; secus in illis, quæ propria sunt uniuscujusque particularis personæ; nisi forte omnes essent in culpa. Altera definitio Suspensionis à Divinis est, quam ponit Maius ibid. n. 86. nempe *cam esse Censuram, qua Clericus impeditur, ne functiones exerceat sui Officii, vel beneficii.* & coincidit cum illa Scoti jam explicata.

Quò ad Secundum. Plures dantur Suspensionis à Divinis divisiones. Una est, quòd alia dicitur à Jure, & alia ab Homine. Illa est à Jure, quæ infligita legitur in Sacris Canonibus, vel in Constitutione Ecclesiastica; seu generali Edicto. Ista est, quæ per Sententiam à Superiore profertur. Maius ubi sup. num. 87. Altera divisio est, quòd Suspendio à Divinis vel est ab

Officio tantum, vel à Beneficio tantum; vel simul ab Officio, & Beneficio. Prima prohibet administrationem Sacramentorum. Secunda vetat exactionem fructuum beneficii. Tertia privat potestate tam Sacramenta ministrandi, quàm in fructibus prædictis se ingerendi; quod idem est, ac reddere suspensum inhabilem ad gerenda spiritualia, ac temporalia sui officii, & beneficii. DD. apud Maius d. disp. 13. num. 87. Tertia divisio est, quòd Suspendio à Divinis alia est illimitata; alia verò ad limitatum tempus; puta ad sex Menses, seu ad Annum. Illa eget absolutione; hæc autem absolutione non indiget, siquidem transacto tempore, ad quod erat limitata, statim Clericus, qui ipsa erat ligatus, potest officium sui Ordinis exercere. Glossa in cap. Sacro. de Sent. Excomm. Maius d. disp. 13. n. 94. & n. 101.

Quò ad Tertium. Breviter est dicendum, quòd solus Superior Ecclesiasticus potest infligere in suum subditum Suspensionem à Divinis, legitima aliqua præcedente causa: quæ proveniat vel à culpa gravi; ut si Clericus sit criminolus; vel etiam à culpa levi, velut si esset negligens, vel desidiosus in aliquo suo officio; imò etiam nulla subsistente culpa, sed sola ignorantia; ut dictum est de eo, qui suscipit ordines ante legitimam ætatem inscietur. *d. cap. Vel non est compos. de Tempor. Ordin.* Maius d. disp. 13. num. 90. & 100. ubi alii DD.

Quò ad Quartum. Effectus Suspensionis à Divinis sunt sequentes. Primo, Suspendus si celebret, aut

aut actum Ordinis exerceat, peccat mortaliter. *Secundò* fit Irregularis. *Tertiò* actus Jurisdictionis, sunt nulli in utroque Foro, interiori scilicet, & exteriori. *Quartò*, si eligatur ad aliquod beneficium, electio est irrita, ac invalida. *Quintò*, non est admittendus in Choro ad recitandas divinas laudes. *Sextò*, si suspensus sit à beneficio, & fructus exigar, peccat mortaliter, quamvis non incurrat Irregularitatem. Et *Septimò*, si suspensio Sacerdotis à Divinis sit generica, neque Evangelium, neque Epistolam poterit cantare in Missa absque peccato, & incursu in Irregularitatem. Ita DD. quos citat, & sequitur Mastrius d. disp. 13. à num. 92. & seqq. ubi num. 96. notat, quòd Suspensus ab Officio potest exercere actus Jurisdictionis, & quòd Episcopus suspensus à Pontificalibus non est prohibitus celebrare Missam privatam.

Quò ad Quintum. Clericus suspensus à Divinis, si suspensionem non servet, sed actus Ordinis exerceat, peccat mortaliter, ut dictum est, atque incurrit in Irregularitatem. cap. 1. & cap. 15, cui. de Sent. Excomm. in 6. Antonell. de Regim. Eccl. Milit. libr. 2. cap. 10. num. 1. ubi num. 3. addit; quòd fit incursus in supradictas pœnas, quando exercetur actus Ordinis Sacri secundum communem Doctorem sententiam; secùs si tempore Suspensionis exerceatur actus Ordinis minoris; quia tunc Irregularitas non incurritur; nam de consuetudine actus minorum ordinum à Laicis etiam cum solemnitate exercentur; ut post Tolet. Avilam, & alios observat Bonacina de Censur. disp. 7. q. 3. junct. 5. num. 1. Diana part. 4. tract. 2.

resol. 56. & 92. quæ in opere ejus Coordinato habetur tom. 5. tract. 5. resol. 25. in §. 4. & alii recentiores communiter: quamvis contrarium teneant Navarr. in Manuali. cap. 25. num. 76. & cap. 27. num. 163. Quaranta in Verb. Ordo. Vers. Secundò limita. Et Bellettus Disquis. Clerical. Tit. de Discipl. Cleric. §. 5. num. 62. Sed utrùm Canonicus, qui est suspensus à Divinis, possit stare in Capitulo, in quo agitur de eligendis Canonicis, & dare Votum suum? Respondetur, Affirmativè; quia non est actus Ordinis electio Canonici activa. cap. Cum Vincomiensis. de Elect. Mastrius d. disp. 13. num. 98.

Quò ad Sextum. Suspensiones à Divinis de Jure infliguntur contra Clericos, qui suscipiunt Ordines, non servatis de Jure servandis, sunt duodecim sequentes; videlicet. 1. Si recipiant Ordines ab Episcopo, qui renunciavit Episcopatu. 2. Si ab alieno sine licentia proprii Ordinarii. 3. Si ipsos Ordines recipiant à proprio Episcopo; sed in aliena Diœcesi absque licentia Diœcesani. 4. Si illos recipiant ab Episcopo Excommunicato, vel Suspenso. 5. Si non habeant legitimam ætatem. 6. Si ordinentur extra tempora sine dispensatione. 7. Vel interstitiis non servatis. 8. Vel sine Titulo in Sacris. 9. Si ordinentur per saltum. 10. Si post contractum Matrimonium, etsi non consummatum. 11. Si ipsi Clerici sint Excommunicati, vel Suspensi, aut Interdicti. 12. Si ordinentur cum Litteris Vicarii Capitularis intra annum à Sede vacante. cap. Neminem. & cap. Sanctorum. 70. dist. cap. Cum secundum de Præben. D d & no-

& novissimè Constitutio Urbani VIII. Incipien. *Secretis æternæ Providentiæ*. de qua Barbosa *De Offic. & potest. Episc. part. 2. alleg. 20. num. 33. & 34.*

Quò ad Septimum. Causæ excusantes ab incurso Suspensionis à Divinis sunt duæ. Prima est ignorantia invincibilis sivè Juris, sivè facti; cujus causa lata sit hæc censura Suspensionis. *cap. 2. de Constitutionibus. & cap. 2. ubi DD. cod. tit. in 6. Thesaur. de Pœnis Eccles. part. 1. cap. 15. num. 1.* Secunda est metus gravis alicujus mali, sive in corpore, sive in fama, & honore, sive etiam in bonis temporalibus, quando opus, cui est annexa Suspendio, non est aliàs prohibitum jure naturali. *cap. Discretionem. de Eo, qui cognovit. c. Sacris. ubi Abb. & Barbosa, de His, quæ vi, metusve caus. Thesaur. d. part. 1. cap. 18. & Mastrius d. disp. 13. num. 101.*

Quò ad Ultimum. Ad sciendum, quis possit absolvere ab hac Censura Suspensionis à Divinis? oportet distinguere: nam vel lata est ab homine per Sententiam? Et tunc ipse solus absolvit, nisi lata sit ad præfinitum tempus, vel sub conditione; nam expleto tempore, vel conditione adimpleta, cessat Suspendio; & non est opus alia absolutione secundum magis communem opinionem. *Mastrius d. disp. 13. num. 103. & 104.* Vel Suspendio inflicta est à Jure? & in hoc casu si est reservata Papæ, vel Episcopo? ab ipsis tantum potest absolutio impertiri. Vel nulli est reservata? Et in hoc casu altercatio est inter DD. Alii enim dicunt, omnem Confessarium posse ab ea absolvere: Alii verò tenent à solo Episco-

po absolutionem esse clargiendam, ut videre est apud Dianam *part. 5. tract. 10. resol. 23.* quæ in ejus Opere Coordinato habetur *tom. 5. tract. 3. resol. 9.* & secundam opinionem esse veriozem ait Antonellus *de Regim. Eccl. d. libr. 2. cap. 10. num. 26.* quia Suspendio non impedit absolutionem à peccatis, sicut impedit Excommunicatio; undè ab Excommunicatione nemini reservata omnis Confessarius potest absolvere. *cap. Nuper. de Sent. Excomm.* Tum etiam quia Suspendio pertinet ad forum contentiosum; & ideo est auferenda ab habente Jurisdictionem in foro exteriori. *Sylvest. in Verb. Suspendio. num. 8. & Bonacina de Censur. disp. 3. quæst. 5. punct. ult. num. 6.*

TIT. XVIII.

De Irregularitate.

Quoniam illi, qui Suspendionem à Divinis non observant, & quamvis illa affecti, & illigati audent Ministeria Sacra celebrare, inter alias pœnas incurrunt in gravissimam illam, quæ vocatur Irregularitas, quæ etiam contrahitur ob aliarum violationem Censurarum; idcirco pro hujus operis complemento, & pro explanatione hujus materiæ videbimus:

- 1 Quid, & quomplex sit Irregularitas?
- 2 Quot, & quæ sint Irregularitates ex defectu?
- 3 Quot, & quæ sint Irregularitates ex delicto?
- 4 Quot, & quibus modis tollatur Irregularitas?

5 Qui

5 *Qui possint dispensare super Irregularitate?*

Quò ad Primum. Irregularitas communiter definitur tam à Theologis, quàm à Canonistis, quòd sit *Impedimentum Canonicum impediens Ordinum suspensionem, vel eorumdem susceptorum administrationem*. DD. apud *Mastrium in Theol. Mor. disp. 13. n. 127.* Ex qua definitione colligitur, Irregularitatem non esse Censuram Ecclesiasticam, sed solam inhabilitatem, ob decentiam servandam tum in suscipiendis, tum in exercendis Sacris Ordinibus. Porro duplex est Irregularitas; alia ex Defectu, & alia ex Delicto. *Mastrius ibid. n. 130. ubi DD.*

Quò ad Secundum. Irregularitates ex Defectu sunt decem. *Prima* est ex defectu Animæ, & comprehendit Lunaticos, Epilepticos, perpetuò Amentes; ac Neophitos in ætate adulta baptizatos; hi enim omnes prohibentur ad Ordines promoveri. *c. Neophitus. dist. 61. Mastrius d. disp. 13. n. 168. Secunda* est ex defectu scientiæ, ac illiteraturæ. *c. Illiteratos. 36. Concil. Trid. sess. 25. de Reform. cap. 4. Tertia* est ex defectu Corporis, vel ob deformitatem, ut in nanis, claudis, & gibbosis; vel ob debilitatem in aliquo membro principali. *cap. 1. & seqq. dist. 25. & toto titulo xiv. de Corpore vitiat. necnon ob notabilem aliquam infirmitatem, qualis est lepra, morbus gallicus, apoplezia, & aliæ similes, circa quas Jus se remittit prudentiæ, ac arbitrio Episcopi. cap. Tu nos. de Cleric. aegros. His accedunt Hermaphroditi; de quibus videndus est *Mastrius ubi supr. num. 170. & meæ Decisiones de Penitentia. decis. 43.**

Quarta est ex defectu Natalium, ut in spuris, ac illegitimis, extra Matrimonium natis, nisi sint dispensati, vel per subsequens Matrimonium legitimari. *cap. 1. & 2. & cap. Is, qui. de Filiis Presbyteror. aut nisi sint in Religione professi; tunc enim possunt ad Ordines promoveri; non autem ad Prælaturas. cap. ult. ubi Glossa, & DD. eod. tit. de Filiis Presbyter. Infantes verò expositi, nisi probentur naturales, præsumuntur legitimi. cap. 1. de Infantib. expos. Mastrius ubi supr. n. 172. & ibi Bulla Gregorii XIV. in praxi observanda. Quinta* est ex defectu Ætatis. *cap. ult. de Tempor. Ordination. Clem. unic. de Ætate, & qualis. & Conc. Trid. sess. 23. de Refor. cap. 12.* In quibus juribus præfigitur ætas necessaria ad Ordines suscipiendos. Quòd si quis ordinetur ante debitam ætatem, non incurrit novam Irregularitatem, sed solam suspensionem; quæ cessat debita ætate adveniente, dummodò antea non exercuerit Ordinem. *Gloss. in d. Clem. unic. de Ætate, & qualis. Sexta* est ex defectu Libertatis, quæ urgebat antiquistemporibus, quando homines erant in servitute; Servi enim erant Irregulares, & ordinari prohibebantur, nisi ab eorum Dominis manumitterentur. *cap. Servorum. & seqq. dist. 54.* Nunc ea sunt affecti, qui reperiuntur obligati ad publica ratiocinia; ut sunt Thesaurarii, seu Deposarii æris publici, nec non Tutores, & Curatores divitum pupillorum; hi enim, nisi redditis rationibus, ordinari non debent. *c. Unis. de Oblig. ad ratiocin. Septima* est ex defectu lenitatis, completens omnes, qui cooperantur ad

Sententiam Sanguinis, & iustum homicidium; ut sunt Judices, Notarii, Accusatores, ac Testes. *cap. 1. dist. 51. cap. 3. Ne Clerici, vel Monachi, cap. 3. de Homicid. in 6.* Necnon omnes pugnantes in bello aggressivo, etsi iusto: nam si esset iniustum, insurgeret Irregularitas, ex delicto Homicidii, de qua dicemus infra. In bello autem iusto defensivo pugnantes nullam contrahunt Irregularitatem, etsi feriant, vel occidant; quia ex absoluta necessitate, & ad necessariam defensionem contentur ferire, & occidere. *Matthius d. disp. 13. num. 163. & 164.* Item comprehenduntur sub hac Irregularitate Chirurghi, qui abscedunt, vel urunt membra; non etiam Medici Physici, qui debita diligentia curant infirmos. *cap. Ad aures. de Etate, & qual. Matthius ubi antè num. 167.* *Oitava* Irregularitas est ex defectu Sacramenti, & est illa, quæ provenit ex Bigamia; idest ex multiplici contractu Sacramenti Matrimonii. *cap. 1. & seqq. de Bigam. non ordin.* Sive si quis viduam duxisset in Uxorem; non enim potest representare Christum unicum Sponsum unius Virginis Ecclesiæ. *cap. Si quis Viduam. dist. 50.* & procedit etiam in Bigamia, quæ contracta esset ante Baptismum. *Matthius d. disp. 13. num. 179.* *Nona* Irregularitas nascitur ex defectu bonæ famæ; & afficit Histriones, Mimos, Comedos, ac filios publicæ Meretricis. *Matthius ibid. num. 180.* *Decima* tandem provenit ex Publica Pœnitentia imposita ob grave peccatum. *cap. Placuit. & c. Quicumque. dist. 50. c. Pœnitentes dist. 59.* sed nunc cessat hæc

Irregularitas, quia publicæ Pœnitentiæ non sunt amplius in usu, ut ostendi in meis Decisionibus de *Eu-charistia. decis. 62. num. 9.* nec non de *Pœnitentia. decis. 38. num. 32.*

Quò ad Tertium. Irregularitates provenientes ex delicto pariter sunt decem. *Prima* est ob iteratum Baptismum serio, & scienter; & hæc afficit tam rebaptizantem, quàm rebaptizatum. *cap. Ex litterarum. de Apostatis, & de reit. Baptism.* *Secunda* est ob violatam Censuram in susceptione, vel exercitio Ordinum; & ideo Clericus Excommunicatus, vel Suspendus, aut Interdictus si Ordines exerceat, sit Irregularis. *cap. Si quis Episcopus. 1. q. 3. cap. Is qui. de Sent. Excommuni. cap. Illorum eod. tit. in 6.* Et idem est, si ad altiores Ordines ascendat, cum sit Excommunicatus; secus autem si sit Suspendus, vel Interdictus, quia de his duabus Censuris nullus Canon infligit Irregularitatem in Clericum eis irretitum. Ordines suscipientem. *Matthius d. disp. 13. num. 146.* *Tertia* est, si quis ordinetur ab Episcopo excommunicato, vel suspendo, vel hæretico denunciato; & non tolerato. *cap. Daibertum. 1. q. 7. cap. 1. & 2. de Schismat.* *Quarta* est, si quis ordinetur per Simoniam. *Extra. vag. 2. de Simon.* *Quinta*, si recipiat Ordines furtivè. *cap. 1. & 2. ubi Glossa, De eo, qui furtivè ordin. suscepit.* idest se intrudendo inter Ordinandos, licet ab Episcopo non fuerit examinatus, & approbatus. *Sexta* est, si Clericus solemniter exerceat actum Ordinis, quem non habet. *cap. 1. & 2. de Cleric. non Ordin.* ut si Diaconus Missam celebret, vel Sacerdos Ordines conferat;

ferat ; & multò magis si Laicus hæc facere præsumat . Non autem oritur hæc Irregularitas ex exercitio Jurisdictionis , quam quis non habet ; ut si Confessiones quis audiat . *Mastrius dist. disp. 13. n. 150. in fin. Septima* est ex delicto Hæresis , vel Apostasiæ ; quia omnes Hæretici , & Apostatæ à fide sunt Irregulares , sive sint Clerici , sive sint Laici . *cap. Qui in aliquod. cap. Presbyteros . dist. 5.* quibus addendi sunt fautores , receptatores , consilium , aut favorem dantes , ac omnium prædictorum filii , & nepotes . *cap. 2. de Hæretic. Octava* est per Apostasiam à Religione ; & ideo Regularis fugitivus non potest ad Ordines promoveri . *cap. fin. de Apost. Nona* est ob infamiam commissorum delictorum , quæ sunt Adulterium , Incestus , Raptus Virginum , Sodomia , Veneficium , Duellum , Sacrilegium , Simonia , & Perjurium ; dummodo sint notoria vel de facto , vel per Judicis sententiam . *cap. Infames . 16. quest. 1. Decima* Irregularitas est , ob homicidium , vel mutilationem membrorum , sive voluntariè factum , sive casualiter , quando non fuit adhibita debita diligentia , præcipuè si dabatur opera rei illicitæ . *cap. ult. de Homicid. in 6. Clem. Sifuriosus . eod. tit. Quod* si homicidium sit omninò involuntarium , & fuit adhibita diligentia , ne fieret ; tunc nulla incurritur Irregularitas ; secus autem si debita diligentia adhibita non fuit . *cap. Dilectus . cap. Significasti . cap. Ad audientiam . & cap. fin. de Homicid.* At si quis dabat operam rei illicitæ , quamvis adhibuerit diligentiam , si homicidium sequatur ,

fit Irregularis . *cap. Suscepimus . cap. de Catero . de Homicid.* Hoc tamen plures DD. intelligunt , si opus illicitum aptum erat de per se , causare homicidium ; ut verberare aliquem , ludere cum armis bellicis . Secus autem si aliam rem illicitam committeret , ut adulterium . Horum tamen opinio respicitur à doctissimo Mastro *d. disp. 13. num. 158.* ubi fusè de hac materia , & *num. 159.* addens , quòd irreiritur hac Irregularitate non solum homicida ; sed quivis alius secum cooperans quovis modo , juxta sequentes versus :

Jussio , Consilium , Consensus , Palpo , Recursus ;

Participans , Mutus , Non obstants , Non manifestans .

Et ratio fundamentalis est , illa Jurisregula , quæ dicit , facientem , & consentientem par pœna constringit . *cap. Notum sit . 2. quest. 1.* De supradictis autem casibus Irregularitatis ex Homicidio provenientibus videndus est idem *Mastrius ead. disp. 13. à n. 143.* usque ad *n. 167.* ubi doctè differit , & plures casus examinat , qui in praxi solent occurrere .

Quò ad Quartum . Irregularitas tollitur quatuor modis . *Primus* est per Baptismum ; intelligendo de Irregularitatibus provenientibus ex delicto ; nam illud Sacramentum delet omnem culpam , & omnem pœnam . Concil. Trident. *sess. 14. capit. 2.* Idcirco Irregularitates , quæ sunt ex defectu ; durant etiam post Baptismum , donec tollatur ille defectus ; prout etiam illa , quæ provenit ex Bigamia . *Secundus* modus est per Professionem religiosam , quæ tollit omnes Irregu-

regularitates quò ad ordines; sed non ad Dignitates, & Prælaturas. *Tertius* est per remotionem causæ, ut in defectu ætatis cum debita ætas advenerit, & in ignaro si Litteratus studendo evaserit. *Quartus* est per legitimam Dispensationem concessam ab eo, qui habet potestatem dispensandi super Irregularitatibus; cujus dispensationis forma solet esse in his verbis: *Dispensamus te super Irregularitate, quam ob talem, vel talem causam incurristi* &c. *Matthius d. disp. 13. n. 181.*

Quò ad Ultimum: Quinque sunt personæ, quæ possunt ab Irregularitatibus dispensare; videlicet Summus Pontifex, Metropolitanus, Episcopus, Prælati Regularis, & Confessarii Regulares. *Primò* Summus Pontifex dispensat in omnibus Irregularitatibus, quia omnes sunt pænæ à Jure Canonico statutæ; Papa verò est supra omne Jus Canonicum. *Concil. Trident. sess. 14. de Sacrament. Pœnitent. cap. 7. & sess. 25. de Reform. c. 21. Matthius d. disp. 13. num. 188. Secundò* Metropolitanus dispensat cum subditis omnium suorum Suffraganeorum, sed tantùm in Visitatione; vel in gradu appellationis. *Matthius ibid. num. 182. & ibi Bonacina, Suarez, & alii DD. Tertiò*, Episcopus potest dispensare cum ejus subditis super Irregularitatibus in casibus sibi permissis, qui sunt sequentes. *Primò* in Irregularitate ex defectu Natalium quò ad ordines minores, & beneficium simplex tantùm. *cap. 1. de Fil. Presbyter. in 6. Secundò* in illa, quæ provenit ex Bigamia similitudinaria tantùm, etiam pro Sacris Ordinibus. *cap. Sanè. de Cleric. Conjug. &*

cap. 1. Qui Clerici, vel voven. Est autem Similitudinaria, quando Subdiaconus de facto contrahit Matrimonium; aut Laicus Uxoratus aliam Uxorem ducit. *Card. Tolet. lib. 1. c. 67. n. 1. & 2. Fagnan. in c. Nuper à Nobis. de Bigam. à n. 40. usque in finem. Rota decif. 1. de Bigam. in novis. Tertiò* in defectibus ex corpore, vel ex scientia, quando dubium est, an sint graves, vel leves? tunc enim Episcopus potest arbitrari, & pronunciare, eos esse leves, & sic tacitè dispensare tum ad ordines suscipiendos, tum ad beneficia simplicia obtinenda. *Pax Jordan. tom. 1. lib. 3. tit. 6. de Sacram. Ordin. n. 228. & tom. 2. libr. 9. tit. 1. de Dispensat. n. 201. Quartò* Episcopus dispensat vigore Concilii Trident. *sess. 24. de Ref. c. 6. in omnibus Irregularitatibus provenientibus ex delicto occulto, ea excepta, quæ provenit ex homicidio voluntario; & aliis delictis, quæ pervenerunt ad forum contentiosum. Matthius d. disp. 13. n. 182. Porro*, delictum si sit ad forum deductum, sed in eo non fuit probatum, vel ex defectu testium, vel ex eorum taciturnitate, Episcopus dispensare potest. *Matthius ibid. n. 184. Quintò* dispensare potest Episcopus super Irregularitate orta ex homicidio casuali; vel commisso ad defensionem propriæ vitæ non servato moderamine inculpatae tutelæ; in his enim casibus homicidium propriè non est voluntarium. Idem *Matthius ibid. n. 184. ubi DD. Et Sextò* dispensat Episcopus super Irregularitate ob occultam mutilationem alicujus membri; quia & hæc non est homicidium voluntarium. *Matthius n. 186. ubi*

ubi sic declaratum refert à Sacra Card. Congregat. Ex his colligere debemus, quòd Episcopus viceversa dispensare non potest ab Irregularitate, quæ provenit ex Hæresi, quamvis occulta; quia ubi non potest absolvere à culpa, neque à pœna valet dispensare. *r. Cum illorum, de Sent. Excomm.* At à peccato Hæresis quamvis occultæ Episcopus non absolvit, quia est Papæ reservatum. DD. quos cumulat Barbosa ad Concil. Trident. sess. 24. de Reform. cap. 6. num. 52. & ego dixi in meis Decisionibus de Pœnitentia, decis. 45. n. 6. *Quartò* Prælati Regulares absolvunt suos subditos, & cum eis dispensant ab omnibus Irregularitatibus, (exceptis ortis ob homicidium voluntarium, etsi occultum, & mutilationem membrorum, ac bigamiam.) vigore Privilegiorum Clementis IV. Bonifacii IX. & Eugenii IV. de quibus videndus Mairius *ubi supr. disput. 13. n. 186.* & Lezana in *Sum-*

ma tom. 1. cap. 18. num. 4. necnon *tom. 3. Verb. Abortus. n. 14. & Verb. Irregularitas. n. 72.* Imò Bordonus tener, eos dispensare posse etiam super Irregularitatibus ex homicidio voluntario, si sit occultum; & ex casuali, quamvis publico, ut latè scribit in suis Resolutionibus *part. 1. Resol. 13. num. 15.* ad quem Lectorem remittimus; & ad ea, quæ ego de hoc dixi in meis Decisionibus de Pœnitentia. *Decis. 46. numer. 15.* *Quintò*, & ultimò, etiam Confessarii Regulares virtute suorum Privilegiorum dispensant Pœnitentes, qui ad eos accedunt, ab omnibus Irregularitatibus provenientes ex delicto, in foro tamen conscientie; & exceptis illis, quæ sunt ex homicidio voluntario, quamvis occulto, mutilatione membrorum, & bigamia, ut tenent Doctores, quos à me fuerunt allegati in *dict. Decision. 46. de Pœnitentia. numer. 20.*

F I N I S.

N I.



INDEX

I N D E X

Verborum, & Rerum Notabilium.

A

- A**ccusatio quid sit. *pag. 161.* Qui possint accusare, & accusari. *ibid.*
Adulterium quid, & quotuplex sit. *pag. 195.* Quo jure puniatur. *pag. 176.*
 Quibus poenis. *ibid.*
Alienationis nomine, quæ comprehendantur. *pag. 101.* Alienari quando possint res Ecclesiæ. *ibid.* Quæ requirantur in earum alienatione. *pag. 102.*
Altare quid sit. *pag. 81.*
Apostasia quid sit, & unde dicatur. *pag. 168.*
Apostatæ qui sint. *pag. 168.* Quibus poenis puniantur. *ibid.*
Appellatio quid sit, & cur inventa. *pag. 155.* Quot ejus species, & quot modis fiat. *ibid.* Intra quod tempus sit appellandum. *pag. 156.* A quibus Judicibus, & ad quos Judices. *ibid.* A quibus sententiis liceat appellare. *p. 157.*
Appellatio quando rejiciatur. *pag. 157.*
Appellationis qui sint effectus. *pag. 157.*
Arbitri qui sint, & qui esse possint, & super quibus rebus. *pag. 119.*
Archidiaconus quis sit. *pag. 23.* Quæ ejus Jurisdictio, & quale ejus officium. *ibid.*
Archipresbyter quis sit. *pag. 23.* Quot species Archipresbyterorum. *pag. 24.* Quale eorum officium. *ibid.*
Auctoritas totius Juris Canonici, & Ecclesiasticarum Constitutionum, quæ, & quanta sit. *pag. 9.*
Auctoritas Declarationum Sac. Congregat. Eminentiss. S. R. E. Cardinalium. *pag. 10.*
Auctoritas ex traditione Pallii, quæ? *pag. 20.*

B

- B**aptismus quid, & quotuplex sit. *pag. 54.* Qui baptizari, & qui baptizare possint. *pag. 55.* Quæ sint necessaria in Baptismo. *ibid.* Quo in loco sit conferendus Baptismus. *pag. 56.* Qui sint ejus effectus. *ibid.*
Beneficium Ecclesiasticum quid sit. *pag. 38.* Quibus conferendum, & à quibus. *pag. 39.* Necnon Quibus modis? *ibid.* Ac intra quot tempus. *pag. 42.*
Beneficiorum in collatione, quæ à Summo Pontifice impetrantur, quid observandum. *pag. 43.*
Bestialitatis crimen quodnam sit. *p. 172.*
Bigamia quid, & quotuplex sit. *p. 36.*
Bigamia similisordinaria quæ sit. *p. 213.*
Bigami cur ordinari non possint. *p. 214.* & *pag. 38.* necnon *pag. 212.*

C

- C**anonica Portio quid, & quotuplex sit? *pag. 95.* Cui debeatur, & ex quibus rebus. *pag. 96.* A quibus debeatur. *pag. 97.*
Capellæ Monachorum quæ dicantur. *p. 91.* Cui ipsæ subint. *ibid.*
Carnalium culparum species novem. Et quæ? *p. 177.* Quibus poenis puniantur. *ibid.* & *seqq.*
Casinsium Privilegiorum Tomi duo. *pag. 7.*
Causæ degradationis Presbyterorum quæ, & quot sint. *p. 30.*
Censura Ecclesiastica quid, & quotuplex sit. *pag. 190.* Qui possint fulminare Censuras. *pag. 191.* Contra quos. *pag. 192.* Quæ sint necessariae pro.

- pro validitate Censuræ. *pag.* 192. Quæ causæ excusent ab incurfu Censurarum. *pag.* 193. Quis ab illis possit absolvere. *ibid.*
- Census, exactio, & Procuratio, quæ datur Prælati, quid sit. *pag.* 89. & 90. Quis possit Census imponere, & quibus ex causis. *ibid.*
- Chriftiſmatis Sacramentum quid sit. *pag.* 56. Quibus, & à quibus conferatur. *pag.* 57. Qua forma. *ibid.* Qui sint ejus effectus. *d. pag. ibid.*
- Citatio in Jus quid sit. *pag.* 121. Qui possint citare, & qui citari. *ibid.* & *pag.* 122. Quibus ex causis citatio sit nulla. *d. pag.* 122. & *segg.*
- Clandestina desponsatio quæ sit. *pag.* 72. Qui ejus effectus. *ibid.* Quæ observanda, ne desponsatio sit clandestina. *pag.* 73.
- Clausura Monialium quæ, & quotuplex sit. *pag.* 200. Quo tempore, & quo Jure sit introducta. *ibid.* Quot modis violetur. *pag.* 201. Quæ poenæ sint inflicte contra violantes illam. 202. Quis possit absolvere ab ipsis. *pag.* 204. An sint casus, in quibus liceat Monialibus exire de Clausura. *pag.* 202. Qui possint earum Clausuram ingredi. *pag.* 203.
- Clausuram Regularium si Mulieres ingrediantur, quas poenas incurrant. *pag.* 204.
- Clerici sunt in tres classes distincti. Et quæ sint. *pag.* 10. & 11.
- Clericorum peculium quid, & quotuplex sit. *pag.* 102. An possint de illo disponere. *pag.* 104.
- Coadjutor quis dicatur. *pag.* 25. Quibus detur, & ex quibus causis. *pag.* 26. A quo detur, & quæ sit Coadjutoris potestas. *ibid.*
- Cognatio quid, & quotuplex sit. *pag.* 70. & 71. Usque ad quem gradum dirimat Matrimonium. *ibid.*
- Collatio beneficiorum quid sit. *pag.* 39. Quot modis fiat. *pag.* 40. Qui possint eam facere, & de quibus Ecclesiis. *pag.* 41. & *pag.* 42. Intra quæ tempora sit facienda. *pag.* 43. Quæ sint in collatione beneficiorum observanda. *ibid.*
- dem*, & *pag.* 44.
- Compromissum quid sit. *pag.* 120. Qui possint compromittere. *ibid.* Quando, & quomodo finiatur Compromissum. *pag.* 121.
- Conciliorum Generalium, & Provincialis quod Tomi. *pag.* 7.
- Concubinatus crimen quid sit. *pag.* 175. Quibus poenis coerceatur. *pag.* 176.
- Confessiones si Laicus audiat, An fiat Irregulares. *pag.* 212.
- Confessarii Regulares an possint absolvere suos poenitentes à reservatis Papæ. *pag.* 215.
- Confirmatio Electionis quid sit, & quomodo fiat. *pag.* 17. Quæ necessaria pro ejus validitate. *ibid.* Intra quod tempus sit facienda. *pag.* 18. Qui sint ejus effectus. *ibid.*
- Congregationum S. R. E. Cardinalium Decreta, & Declarationes quam auctoritatem habeant. *pag.* 10.
- Consecratio Episcopi à quibus, & quibus solemnitatibus fiat. *pag.* 19. & *segg.* Intra quæ tempora sit facienda. *ibid.* Qui sint ejus effectus. *pag.* 20.
- Constitutio quid, & quotuplex sit. *pag.* 6. Quam vim obligandi habeat. *ibid.*
- Constitutiones, & Leges Civiles an obligent in conscientia, & sub poena peccati mortalis. *d. pag.* 6.
- Constitutiones Ecclesiasticæ quæ sint, & unde collectæ. *d. pag.* 6. & 7. Quam auctoritatem habeant. *pag.* 9.
- Consuetudo quid, & quotuplex sit. *pag.* 4. Quæ, & quot requirantur, ut sit valida; ac vim obligandi habeat. *pag.* 5.
- Controversiæ, de quibus in Libris Juris Canonici agitur, quæ, & quotuplices sint. *pag.* 8.
- Contumacia quid sit. Et quis Contumax dicatur. *pag.* 125. Quibus poenis plectatur. *ibid.* Qui sint contumaciæ effectus. *pag.* 126.
- Corepiscopi qui essent. *pag.* 26. Quale eorum officium. *ibid.*

D

Damna illata quomodo resarciantur. *pag. 189.*

Decimæ quid sint, & quo Jure sint introductæ. *pag. 97.* Quot earum species. *pag. 98.* Quarum rerum Decimæ debeantur. *pag. 99.* Qui teneatur eas solvere. *ibid.* Quibus sint solvendæ. *pag. 100.* Quibus. *ibid.* Qua forma, & sub quibus poenalis. *ibid.*

Degradatio Clericorum quid, & quoruplex sit. *pag. 29.* A quibus fiat. Quomodo, & quibus de causis. *pag. 30.* Ad quem effectum. *ibid.*

Denunciatio quid sit. *pag. 161.* Ad quem effectum sit facienda. *pag. 163.*

Diaconi qui sint. *pag. 32.* Qui possint ad Diaconatus Ordinem promoveri. *ibid.* Quæ sit eorum potestas, & officium. *ibid.*

Dispensatio cum inhabilibus ad suscipiendos Ordines à quo, quando, & in quibus impedimentis concedatur. *pag. 35. & seqq. & pag. 214.*

Divortium quid sit. *pag. 175.* Ex quibus causis fiat, & quando. *ibid. & seqq.* Quot modis Uxor repetatur. *pag. 77.* Qui sint effectus divortii. *pag. 79.*

Dolus quid sit. *pag. 125.*

E

Ecclēsia quid significet. *pag. 81.* Quid sit eam construere, vel reficere. *ibid.* Ex quibus causis sit construenda. *ibid. & seqq.*

Ecclesia quando sit consecranda, à quo, & quomodo. *pag. 81.* Quæ impediunt Ecclesiæ consecrationem. *pag. 81.*

Electio quid sit. *pag. 13.* Quæ in electione desiderentur. *ibid.* Quot modis fiat. *pag. 14. & 15.*

Eligere qui possint. *pag. 15.* Qui possint eligi. *pag. 16.* Intra quot tempus sit facienda electio. *ibid.*

Electi confirmatio à quo facienda, quomodo, & quando. *pag. 17.* Ad quem effectum. *pag. 18.*

Episcopi nomen quid significet, & quas

personas denotet. *pag. 11. & 12.*

Episcoporum Ordines quot sint. *pag. 11.* Quæ, & qualis sit eorum auctoritas. *pag. 12.*

Episcopi in quibus Irregularitatibus possint dispensare. *pag. 214. & 215.*

Eucharistiæ Sacramentum quid sit, & ex quibus constet. *pag. 59.* Quis illud conficiat, & ministretur. *pag. 60.* Quibus sit ministrandum. *ibid.* Qui sint ejus effectus. *ibid.*

Exceptio judicialis quid sit, & quot ejus species. *pag. 129.* Quomodo, & quando proponenda sit in judicio. *pag. 131.*

Excommunicatio quid, & quoruplex sit. *pag. 194. & seqq.* Quæ requiratur pro ejus validitate. *pag. 195.* Qui sint effectus ipsius. *ibid.* Quis possit ab illa absolvere. *pag. 197.* Quæ, & quot causæ excusent ab ejus incurso. *ibid.*

Executio rei judicatæ quomodo & à quo fiat. *pag. 154.* Quæ executionem impediunt. *ibid.*

Extrema unctio quid sit. *pag. 61.* Quot ejus species, & ex quibus constet. *ibid.* A quibus ministretur, quibus personis, & ad quem effectum. *ibid.*

F

Falsitas quid sit. *pag. 180.* Quoruplex. *ibid.* Quot modis committatur, tam in contractibus, quàm in judicio. *ibid.* Quibus poenalis puniatur. *pag. 181.* An detur Falsitas impunita. *pag. 182.*

Feriarum tempore an liceat citare in judicio, aliove actus Judiciales expedire. *pag. 122. & 123.*

Fornicatio quid sit. *pag. 177.* An sit peccatum mortale. *ibid.* Cur non puniatur de Jure Civili. *pag. 178.* In Clericis an de Jure Canonico puniatur. *ibid. & seqq.*

Furtum quid sit, & in quibus rebus consistat. *pag. 172.* Qua poena puniatur. Fures tam de Jure Civili, quàm de Jure Canonico. *ibid.* An extendatur etiam ad consilium, vel auxilium dantes. *ibid.*

G

G RAVIA ob peccata An publicæ Pœnitentiæ sint imponendæ. p. 212.

H

HÆRESIS quid sit; & qui Hæretici dicantur. pag. 168. Horum sex species; & quæ? *ibid.* & *segg.*

Hæresis à peccato, etsi occulto, nullus potest absolvere, nisi Papa. p. 215.

HISTORIA Conciliorum ab Episcopo Nucerino confecta; & Anno 1686. Venetiis per Andream Poleti typis impressa, laudata. pag. 7.

HOMICIDIUM quid, & quodplex sit. pag. 183. Necessarium quale sit. *ibid.* Casuale quando non sit culpabile. *ibid.* Quibus pœnis Homicidæ plectantur. pag. 184. An alicui liceat seipsum occidere. pag. 185.

HOMICIDIUM ob involuntarium, & casuale An quis fiat Irregularis. p. 213.

I

IMMUNITAS Ecclesiarum quid sit, & quot ejus species. pag. 86. Quæ prohibita sint fieri in Ecclesiis. *ibid.* Delinquentes An possint capi in Ecclesiis. pag. 87. & *segg.* Clericorum personæ, & bona qua gaudeant Immunitate. *ibid.*

INCESSUS crimen quid sit. pag. 177. Quæ pœna puniatur: tam de Jure Civili, quàm de Jure Canonico; & tam in Laicis, quàm in Clericis. p. 179.

INJURIA quid sit, & quot-modis committatur. pag. 186. Quæ actio competat pro injuriis; & quibus competat. pag. 187. Quibus pœnis puniantur injuriantes; & ad quæ restitucienda damna teneantur. pag. 188. & *segg.*

INQUISITIO quid sit. pag. 162. Ubi, quomodo, & quando sit facienda. p. 163. Ejus effectus qui sint. p. 164.

INSTITUTIO in beneficiis quid sit. pag. 44. In quo differat à collatione. *ibid.*

INTERDICTUM Ecclesiasticum quid, & quodplex sit. pag. 204. qui possint illud

infigere; & ob quas causas. pag. 205. qui teneantur illud observare. *ibid.* qui sint ejus effectus. pag. 206. quas pœnas incurrant illud violantes. *ibid.* quis possit illud tollere. p. 207.

INTERDICTUS Clericus si ad majores Ordines ascendat, An fiat Irregularis. p. 212.

IRREGULARITAS quid, & quodplex sit. p. 211. quot, & quæ sint Irregularitates ex defectu. *ibid.* quot, & quæ ex delicto. pag. 212. An fiant Irregulares consentientes, aut non impediens homicidium. pag. 213. quot, & quibus modis tollatur Irregularitas. *ibid.* Qui possint super ea dispensare. p. 214.

JUDEX quis dicatur. pag. 107. quot sint Judicium species. *ibid.* qui possint esse Judices, & qui eos dare. p. 108.

JUDICIUM quid sit, & quot Judiciorum species. p. 105. quot eorum sint partes. pag. 106. quæ ad Judicium constituendum sint necessaria. p. 107. quis Ordo in Judiciis servandus. pag. 110. De quibus rebus Judicium consistat. pag. 111. quomodo Judicium solvatur. *ibid.*

JURAMENTUM calumniæ quid sit. p. 142. qui illud teneantur præstare. p. 143. quando sit præstandum; & in quibus causis. *ibidem.* qui sint ejus effectus. *ibid.*

JUS CANONICUM quid sit. pag. 1. quis primus ejus Auctor. pag. 2. quando inciperit; & quis ejus finis. *ibid.* Ex quibus Præceptis emanaverit. pag. 3.

JUS DIVINUM quid, & quodplex sit. pag. 3.

JUS PATRONATUS quid sit. pag. 45. qui possint illud habere; & quomodo constituatur. *ibid.* quomodo acquiratur, & amittatur. pag. 46.

L

LIBELLUS quid sit, & quot ejus species. pag. 127. Cui, & in quibus causis sit offerendus. pag. 128. quæ debeat continere. *ibid.*

LITIS contestatio quid sit; & qualiter fiat. pag. 140. A quo fiat. *ibidem.* Qui

Qui sint ejus effectus. *pag. 141.*
 Litis pendentia quid sit. *pag. 144.* Qui
 ejus effectus. *ibid.*
 Luctus intra Annum An liceat nubere.
pag. 79.

M

Maledici qui sint. *p. 170.* Qua poena
 sint puniendi. *ibid.*
 Materiae, de quibus agit Jus Canonicum
 quæ, & quotuplices sint. *p. 8.*
 Matrimonium quid sit, & ex quibus con-
 stet. *pag. 63.* Qui possint illud contra-
 here, & quæ sint ejus bona. *ibid.*
 Quæ, & quot ejus impedimenta.
pag. 67. Qui illud accusare possint,
 & quid sit talis Accusatio. *p. 73.*
 Mollitiei crimen quodnam sit. *pag. 177.*
 Quam graviter à Deo puniatur. *pag.*
180. ubi exempla Maritorum Tha-
 mar.
 Monachi qui sint. *pag. 48.* In quo dif-
 ferant ab aliis Regularibus. *ibid.* Quo-
 modo quis fiat Monachus. *p. 49.* Eorum
 obligatio. *p. 50.*
 Monialium Clausura quid, & quotuplex
 sit. *pag. 200.* Quo tempore introdu-
 cta. *ibid.* Quot modis violetur. *pag.*
201. Quæ poenæ infliguntur contra vio-
 lantes illam. *ibid.* An aliquo in casu
 Moniales possint ab ea exire. *p. 202.*
 quis possit absolvere violatores prædi-
 ctæ Clausuræ. *p. 209.*
 Mutua Petitio quid sit. *p. 136.* Coram
 quo, & quibus in causis fieri possit. *ibid.*
 qui sint ejus effectus. *p. 137.*

N.

Notorium triplex, Facti, Juris, &
 Præsumptionis. *pag. 150.* Quæ re-
 quirantur ad Notorii probationem.
ibid.
 Nuptiæ quid sint, & unde dictæ. *p. 66.*
 Qui possint eas contrahere, & quibus
 temporibus. *ibid.* Quando sint inyal-
 idæ. *pag. 67.*

O

Ordines majores, seu Sacri qui sint.
p. 32. Ordines minores quot sint, &
 quale eorum officium. *p. 33 & seqq.*
 Quæ sint communia Majoribus, & Mi-
 noribus. *ibid.* & *p. 34.* Qui prohibean-
 tur eos suscipere. *p. 35.*
 Ordinis Sacramentum quid sit; & cujus
 sit virtus, ac potestas. *p. 62.*

P

Pactum quid sit, & quot Pactorum
 species. *pag. 117. & 118.* De quibus
 rebus possit pacisci. *ibid.* Qui sint Pa-
 ctorum effectus. *p. 119.*
 Pallium quid sit. *p. 20.* Cui, A quo, &
 quo tempore detur. *p. 21.* Qui sint ejus
 effectus. *ibid.*
 Personarum quæ sit præcipua divisio.
pag. 10.
 Petitio Mutua quid sit. *p. 136.* Vide supra
 Mutua Petitio.
 Pœnitentiæ Sacramentum quid sit, &
 ex quibus constet. *p. 58.* Ejus virtus,
 & effectus. *ibid.* A quibus ministretur.
ibid.
 Pollutio voluntaria quàm grave pecca-
 tum. *p. 177.* Severè à Deo punitum.
pag. 180.
 Pontifex Summus quis sit. *p. 11.* quæ
 ipsius potestas. *p. 12.*
 Portio Canonica quid, & quotuplex sit.
pag. 95. Ex quibus rebus debeatur,
 Cui, & à quibus *p. 96.*
 Postulatio Prælatorum quid sit. *p. 16.*
 qui possint postulare, & qui postula-
 ri, & apud quos. *p. 17.*
 Præbenda beneficalis quid sit. *pag. 39.*
 Cui, A quo, & quot modis conferatur.
ibid.
 Præcepta Legis Divinæ triplicia. Et quæ?
pag. 4.
 Prælati nomen quid significet. *p. 21.* quæ
 debeant exhibere, & quæ evitare. *p. 22.*
 Prælati Regulares an absolvant suos subdi-
 tos ab omnibus culpis, & cum eis dispen-
 sent super Irregularitatibus. *pag. 214.*
 & *215.*

Pro-

Probatio quid sit. *pag.* 145. Quot modis fiat. *ibid.*

Procuratio debita Episcopo quænam sit. *pag.* 89. A quibus sit præstanda. *p.* 90.

Procurator quis, & quoruplex sit. *p.* 113.

Quis, & à quo fiat. *pag.* 115. Quibus in causis. *pag.* 116. Quot modis revocetur. *ibid.* Quæ Actiones inter hos oriantur. *pag.* 117.

Professionis Regularis Virtus in tollendis Irregularitatibus. *p.* 214.

Purgatio Canonica quid, & quoruplex sit. *pag.* 164. In quibus casibus detur. Cui, & à quo. *pag.* 165. Ejus vis, & effectus. *ibid.*

Q

Qualitatis error quando reddat Matrimonium nullum. *pag.* 67.

R

Raptus Mulierum quid sit. *pag.* 177. quæ pœnæ contra ipsarum Raptores infliguntur. *pag.* 178.

Reconciliatio Ecclesiæ quid sit. *pag.* 83. Quot, & in quibus casibus fiat. *ibid.*

Regulares qui sint, & qui tales fieri possint. *pag.* 48. Quæ sint eorum obligationes. *p.* 50.

Regularium Clausuram Mulieres ingredientes quam pœnam incurrant. *pag.* 201.

Renunciatio beneficii quid sit. *pag.* 28. A quo, & quibus ex causis fieri possit. *ibid.* Qui sint ejus effectus. *p.* 29.

Replicatio judicialis quid sit. *p.* 135. Ejus virtus, & effectus. *ibid.*

Rerum Ecclesiasticarum divisio quæ sit. *pag.* 51.

Residentia beneficiatorum quid sit. *p.* 47. Qui teneantur residere. *ibid.* Quibus pœnis irresidentes puniantur. *ibid.*

Res judicata quæ, & quando talis dicatur. *p.* 154. Quomodo executioni mandetur. *ibid.*

Res, quæ dicantur, Sanctæ, Sacræ, & Religiosæ. *pag.* 80. Quibus subsciantur. *ibid.*

Restitutio Spoliatorum quid sit. *pag.* 137.

Qualiter à Judice sit facienda. *ibid.*

Restitutio in integrum quid sit. *pag.* 158. Quibus, adversus quos, & à quo concedatur. *ibid.* Intra quod tempus petenda. *pag.* 159. Qui sint ejus effectus. *ibid.*

S

Sacerdotes qui sint. *p.* 31. Qui possint esse tales. *ibid.* Quæ eorum potestas. *ibid.*

Sacramentum quid sit. *p.* 52. Quot sint Sacramenta, & à quo instituta. *p.* 53. Ex quibus consistant. *ibid.* Qui possint ea ministrare. *ibid.*

Sacrilegi qui sint. *pag.* 170. Quot modis Sacrilegium committatur. *ibid.* Quibus pœnis puniantur. *ibid.* & *segg.*

Schismatici qui sint. *p.* 168. quæ pœnæ in eos infliguntur. *ibid.*

Sententia quid, & quoruplex sit. *pag.* 151. Quomodo, & à quibus ferenda. *ibid.* Qui sint ejus effectus. *pag.* 153.

Sepultura Ecclesiastica quæ sit. *p.* 93. Ubi, & à quibus constitui possit. *pag.* 94. Qui sint illa privandi. *ibid.*

Simonia quid sit, & quot ejus species. *p.* 166. Quibus, & quot modis committatur. *ibid.* Quæ pœnæ sint contra eam statutæ. *p.* 167.

Sodomia quid sit. *p.* 177. Qua pœna plestantur committentes hoc crimen. *p.* 179.

Sortilegi qui sint. *pag.* 170. Quam grave sit crimen. *ibid.* quibus pœnis puniantur. *p.* 171.

Spoliatorum restitutio quid sit. *pag.* 137. A quibus, & quomodo concedenda. *ibid.* & *segg.*

Sponsalia quid sit, & quoruplicia sint. *pag.* 63. Quot modis contrahantur, & inter quos. *pag.* 64. Qui sint eorum effectus. *ibid.* Quot modis dissolvantur. *pag.* 65.

Stuprum quid sit. *p.* 177. Qua pœna puniatur. *p.* 179.

Subdiaconi qui sint, & qui ad Ordinem Subdiaconatus promoveri possint. *pag.* 32.

pag. 32. Quale sit eorum Officium. *ibid.*

Suspensio à Divinis quid, & quotuplex sit. *pag. 207.* Quis possit eam infligere, & qui sint ejus effectus. *pag. 208.* Quas pœnas incurrat, qui eam non servat. *pag. 209.* Quæ, & quot Suspensiones sint à Jure inflictæ ob malam Ordinum susceptionem. *ibid.* Quæ causæ excusent ab ejus incurfu. *pag. 210.* Qui possit ab illa absolvere. *ibid.* & *seqq.*

T

Testes qui possint esse. *pag. 146.* Quibus sit credendum. *p. 148.* Quomodo, & quando sint examinandi. *ibid.*

Transactio quid sit. *p. 118.* De quibus rebus transigi possit. *ibid.* Qui sint Transactionis effectus. *p. 119.*

Translatio Prælatorum quid sit, & cur inventa. *pag. 27.* Quæ in ea facienda sint necessaria, & in quibus Ecclesiis permittatur. *ibid.*

Tridentinum Concilium vocatur Octavum Volumen Juris Canonici. *pag. 7.* Eo regitur Catholica Ecclesia in re-

gimine Animarum. *pag. 8.* Ejus Vis, & Auctoritas. *pag. 9.*

V

Via Lactea quid sit in Firmamento. Et cur sic vocata. *In Præfat.* Quot, & quibus de causis eidem assimilentur hæ Canonicæ Institutiones. *ibid.*

Vicarius quis sit. *pag. 24.* Quot Vicariorum species. *pag. 25.* Qui possint esse Vicarii in Ecclesiis. *ibid.* Quæ eorum potestas. *ibid.*

Unio Ecclesiarum quid sit, & quot ejus species. *pag. 84.* Ex quibus causis fiat, & à quo. *ibid.* Quæ sint necessaria in ea facienda; & qui sint ejus effectus. *pag. 85.* Quando unio solvatur. *ibid.*

Vocatio in Jus quid sit. *pag. 121.* Qui possint in Jus vocare, & qui vocari. *ibid.* Quibus ex causis vocatio nulla sit. *ibid.*

Usura quid sit, & undè dicta. *pag. 173.* quot sint ejus species, & in quibus rebus committatur. *ibid.* Quæ pœnæ sint statutz contra hoc crimen; & qui illis afficiantur. *ibid.* & *seqq.*

F I N I S.

VAL

1531782







